


XII

ARTS 72

1799



**PHILOSOPHIA  
POLLINGANA  
AD NORMAM  
BURGUNDICÆ**

**IN QUINQUE TOMOS  
DISTRIBUTA,  
A U T H O R E**

**R. D. EUSEBIO AMORT**

Canonico Regulari Lateranensi ad SS.  
Salvatore in Polling SS. Theologiæ  
Professore, & Bibliothecario.

**TOMUS QUINTUS  
NOTITIAM CRITICAM  
De Logica Neotericorum, & Principia  
Artis Criticæ  
CONTINENS.**



**V E N E T I I S M D C C X X X I V .**

**Apuđ Jo: Baptistam Recurti.**

**SUPERIORUM PERMISSU, AC PRIVILEGIO.**





## I N D E X

## TOMI QUINTI.

## NOTITIA CRITICA

*De Logica Neotericorum.*

- SECT. 1. De Logica Platonis à Neoter-  
ricis adoptata. p. 1.  
2. De Logica Raymundi Lulli &  
Kircheri. 19  
3. De Logica Arnaldi. 28  
4. De Logica P. Honorati Fabri. 102  
5. De Logica Lockii. 113  
6. De Logica Claubergii, Clerici,  
Buddei, Croufazii, Titii,  
Volfii, Rhorii. 132

PRINCIPIA ARTIS CRITICÆ  
EXPLICATA & DEMON-  
STRATA.

- PARS. 1. Regulæ de gradibus Probabi-  
litatis. 168  
2. Regulæ de autoritate. 187  
3. Regulæ interpretandi textus. 203  
4. Regulæ Authorum Criticæ in  
dijudicandis antiquis Manu-  
scriptis, opusculis supposititiis  
ac maxime in rebus histori-  
cis. 259  
5. Exem-

5.	Exempla Artis Criticæ ex SS. Patribus ..	286.
6.	Demonstratio Artis Criticæ.	403
7.	Exercitatio de stylo Authorum, & de Authoribus ex stylo di- gnoscentis ..	461.
ARS. 1.	De gradibus probabilitatis ..	168.
§. 1.	Definiuntur gradus probabilitatis ..	ibid.
2.	Regulæ generales pro determinan- do gradu probabilitatis in quavis propositione ..	171.
3.	De Probabilitate propositionis , pro qua vel contra quam plura stant argumenta proba- bilia ..	175.
4.	De Observandis in praxi circa pro- babilitatem propositionum ..	179.
5.	De Censuris Criticis ..	185.
PARS II.	De Authoritate ..	187.
§. 1.	De Authoritate in genere ..	ibid.
2.	De idoneo controversiarum judi- ce ..	190.
3.	De idoneo teste ..	195.
4.	De argumento negativo petito ex silentio Authorum ..	200.
PARS III.	Hermeneutica, seu de inter- pretatione ..	203.
§. 1.	De vario verborum sensu ..	ibid.
2.	De Principiis interpretationis ..	204.
3.	De	

3. De sensu verborum , prout desumitur ex usu loquentium . . . . . 206.
4. De sensu verborum , prout desumitur ex intentione loquentium . . . . . 208.
5. De sensu verborum , prout desumitur ex subjecta materia . . . . . 214.
6. De sensu Axiomatum , definitionum , divisionum , inductionum , discursuum &c. . . . . 218.
7. De sensu proprio , primario , ac secundario propositionum . . . . . 226.
8. De sensu universali , particulari , limitato , absoluto , ac conditionato propositionum . . . . . 233.
9. De sensu propositionum , quæ important aliquam denominationem . . . . . 237.
10. De sensu propositionum , quæ important aliquam causalitatem . . . . . 243.
11. De sensu propositionum , quæ important aliquam paritatem , similitudinem , aut relationem . . . . . 246.
12. De sensu univoco , analogo , æquivoco , adæquato , inadæquato ; & sensu concretorum . . . . . 249.
13. Observanda in praxi quoad intellectum . . . . .

PARS IV. *Regulæ Criticæ modernis Scrip-  
toribus familiares.* 259§. 1. De Arte Critica Joannis Clerici ,  
maximè de emendatione , sup-  
positione , & interpolatione  
Scriptorum veterum. *ibid.*2. Regulæ Criticæ quoad versionem  
& interpretationem Sacræ  
Scripturæ. 2653. Regulæ Criticæ quoad studium  
Conciliorum , Patrum , &  
Scriptorum Ecclesiasticorum  
2704. Regulæ Criticæ in rebus histori-  
cis. 2725. Regulæ P. Honorè pro emenda-  
tione Artis Criticæ. 2786. Regulæ de antiquitate librorum  
& Manu Scriptorum. 284PARS V. *Exempla Artis Criticæ ex SS.  
Patribus.* 286§. 1. Regulæ Criticæ Generales. XXXVI.  
*ibid.*2. Regulæ de Autoritate. XXI. 3103. Regulæ de Interpretatione. LII.  
3324. Regulæ de opusculis supposititiis  
XX. 367PARS VI. *Demonstratio Artis Criticæ.* 403Caput. 1. Quid sit probabile? *ibid.*2. Gradus probabilitatis per nume-  
ros exhiberi possunt. 4103. Regulæ determinandi gradum pro-  
babi-

babilitatis ex inductione .

416

4. Regulæ determinandi gradum probabilitatis ex legibus contingentium. 49

5. Regulæ determinandi gradum probabilitatis , quando concurrunt plura argumenta probabilia cum aliis probabilibus oppositæ sententiæ. 430

6. Quomodo argumenta per præsumptiones contrarias enerventur.

444

7. De Utilitate Artis Criticæ 460

PARS VII. De stylo Authorum , de Authoribus ex stylo dignoscendis.

461

Caput. I. Viri doctissimi judicarunt , sæpe Authores ex stylo dignosci posse. idid.

2. Cicero & Quintilianus assignarunt varias notas características Authorum quoad stylum.

465

3. Explicantur styli elementa , ex quibus de stylo Authorum , eorumque diversitate judicium formari possit. 483

4. Nova Regula , quomodo Authores soluta oratione scribentes ex numero ac metro distinguantur. 505

5. De variis vitiis ac proprietatibus in stylo Authorum occurrentibus.

ti-

tibus, ex quibus notari pos-  
sint. 522.

6. Traduntur ac demonstrantur re-  
gulæ pro dignoscendis ex sty-  
lo Authoribus. 54<sup>xi</sup>



# NOTITIA CRITICA

DE

LOGICA PLATONIS,  
RAYMUNDI LULLI,  
ET NEOTERICORUM.

*Hic traditur Notitia de Logica*

1. Platonis.
2. Raymundi Lulli.
3. Arnaldi.
4. P. Honorati Fabry.
5. Lockii.
6. Claubergii, Clerici, Budei, Crousa-  
zii, Titii, VVolfii.

## SECTIO I.

*De Logica Platonis.*



Logica Platonis in quatuor  
punctis consistit, & distin-  
guitur à Logica Aristote-  
lica. Nam 1. Plato non  
utitur Syllogismo, sed Dia-  
logo, seu discursu.

2. Plato in omni contro-  
versia sic instruit statum quæstionis, ut tan-  
tùm quærat definitionem cujusdem rei.

*Amor Philosoph. T.V. A 3. Pla-*

3. Plato definitionem rei quærit per divisionem.

4. Plato non utitur modo contentioso, statuendo ab initio suam sententiam, eamque probando, sed per totum discursum primum inquit veritatem; eamque inquit potissimum interrogando, non asserendo, quasi arte quadam oblectricia educturus veritatem latentem ex aliorum mentibus.

Itaque Logica Platonica modestior, suavior, & ad conversationem humanam promixtiore, loco, ac persona accommodatior est. Nemini spinosis artis syllogisticæ regulis molesta, nemini adstrictis verborum formulis importuna est. Nulla alia agnoscit artis suæ principia, quàm quæ natura ingenuis contulit, perspicaciam ingenii, & comitatem morum, gratam omnibus. Quia verò imitationem melius, quàm regulis discitur, afferam aliquot ex Platone, & S. Augustino Dialogorum exempla, in iisque loca quædam notabilia designabo, ut menti attentionem moveant, dataque occasione facilius occurrant.

*Observatio I. Ad disputationem neminem trahit, nisi loco congruo, & opportuno tempore.* Sic in Dialogo cum Hippiâ monet, se noluisse cum illo de proposita quæstione disserere in publico, sed privatim; „dum „intus, inquit, essemus in publico, tu „que differeres, quædam me verba subterfugerunt; piguit tamen perquirere, tum quòd turba intus erat plurima, tum etiam, ne orationi tuæ „impedimento forem. „Idem „obseruo in dialogo, quem Demodocus habuit cum Socrate. „Opus inquit, habebam, o Socrates, privatim tecum communicare, siquidem otium sit; vel etiam negotium modò non omnino magnum: velim „enim, mea causa otium agas. *Cui Socrates. Equi-*



*De Logica Neotericorum Sectio I.* 3

„ Equidem otiosus alioquin sum, sed tui  
„ causa maximè.

*Observatio. 2. Materiam disputationis sumit congruentem personis colloquentibus, & præcedenti discursui.* Sic Jo. Poetam jactantem suam in arte peritiam de Poesi, Alcibiadem accedentem ad precandum Deum de modo precandi Deum, Euthyphronem accusatum coram tribunali parentes suos de sanctitate convenit.

*Observatio. 3. De nulla materia disputationem incipit, nisi in eadem collocutores bene versatos, atque disputationem de hac re iis gratam fore intellexerit.* Sic in Dialogo cum Theodoro & Thæteto ait: „ Nonne, o Theodore, præ  
„ desiderio eruditionis incido in rusticita-  
„ tem, cupiens vos in disputationem addu-  
„ cere, amicosque & collocutores invicem fie-  
„ ri? *Theodorus.* Minime hoc, o Socrates, ru-  
„ sticum sit, & ut cœpisti, ne dimittas. „ In  
Dialogo, *De Ente.* Zenonis discipulum in  
disputationem adducturus, ait: „ Perconta-  
„ ri hunc hospitem cupio, si modò gratum  
„ illi futurum sit, quid de his rebus familia-  
„ res ejus sentiant. *Theodorus.* At non grava-  
„ tē, ut arbitror, hæc nobis exponet. Aut  
„ quomodo dicis o Hospes? *Hosper.* Sic, o  
„ Theodore; non gravabor enim, neque di-  
„ cū difficile est.

*Observatio. 4. Cavet, ne quævis disputentur coram quolibet, ne pariant scandalum.* Sic in Dialogo *de Legibus*, in quo liberius disputat de suorum Majorum ac patriæ legibus, Dial. 1. ait: „ Itaque ad præsens juvenes nulli  
„ adsunt; ipsi verò propter senectutem si-  
„ nè peccato soli de his inter nos differere  
permittimur.

*Observatio. 5. Non solet se immiscere disputa-  
tioni de rebus exigui momenti.* Sic in Dial. 6.  
*de Republica* ait: „ Nonne ridiculum est, in  
A 2 rebus

„ rebus minimis omne studium ponere, &  
 „ obnoxie contendere, quò quàm diligentis-  
 „ simè & sincerissimè pertractentur; in maxi-  
 „ mis autem levem operam satis esse putare?

*Observatio 6. Humaniter invitat ad discursum, non cogit.* In Dialogo, *de Amore*. “Cur,  
 „ inquit, non refers? apta quidem via est, quæ  
 „ ducit in urbem, & ad audiendum pariter,  
 „ & ad dicendum. Precibus nostris obsequere,  
 „ & qui sermones illi fuerint exponere.” Sed  
 „ quando collocutor ultro se ad differendum ob-  
 „ tulit, ut gratum id sibi futurum ostendat, et-  
 „ iam cogere videtur ad disputandum. In dialo-  
 „ go, *de Pulchro*. “Demum ita cogita, non esse  
 „ nos prius abituros hinc, quàm tu dixeris,  
 „ quæ habere ajebas in pectore meliora; su-  
 „ mus enim soli, & in solitudine, ego au-  
 „ tem junior.

*Observatio 7. Non dicit suam sententiam in principio discursus, sed finito tantum discursu.*  
 Discursum enim sic instituit, ut collocuto-  
 res profiteantur se solum quærere velle verita-  
 tem, non litigare de sententia. Hinc discursus  
 quærendo magis ac interrogando, quàm asse-  
 rendo, & probando progreditur. Quòd si  
 aliquando in progressu ipsius discursus neces-  
 se fuerit, suam aperire mentem, id non agit  
 animo contestandi litem, sed ut hanc ipsam  
 suam opinionem examini subiciat. Id patet  
 ex omnibus Dialogis, & exemplis infra re-  
 censendis.

*Observatio 8. In omni proposita questione cla-  
 ram rei definitionem ac divisionem exigit.* In  
 Dialogo *de Pulchro* ait: “In omnibus uni-  
 cum principium iis, qui bene consulere vo-  
 „ lunt, est intelligere, quid illud sit, de quo  
 „ consuluntur; vel omnino aberrare necesse  
 „ est. Plerosque verò latet, quòd nesciant rei  
 „ substantiam. tanquam igitur scientes in dis-  
 „ quisitionis principio non declarant; pro-  
 ceden-

cedentes verò quod par est consequitur,  
ut nec sibi nec aliis consentanea loquantur.  
tibi igitur & mihi ne accidat, quod in aliis  
damnans, quid sit amor, definitione ex con-  
sensu posita cognoscamus. . . . in unam  
Ideam conspiciens passim dispersa condu-  
cat, quo singula definiens manifestum red-  
dat semper id, quod docere instituit, que-  
madmodum nos in præsentì, quid amor sit  
definivimus: certè hinc disputatio nostra  
claritatem in se habuit, constantemque  
concordiam. Dein secundum species articu-  
latim pro rerum natura dividat. hujusmodi  
ego divisiones, collectionesque amo, quò  
& intelligendi & loquendi sim compos,  
eosque, qui id facere possunt, voco dia-  
lecticos.

*Observ. 9. In progressu disputationis non facile  
cupiam contradicere.* In Dial. 7. de Repub. ait:  
Non me latet, quòd cum primum adole-  
scentuli disputationis artificium gustant,  
eo prorinus quasi ludo quodam ad refellen-  
dum utuntur; eosque, qui confutant alios,  
studiosè sectantes, & ipsi quoque alios redar-  
guunt, ac distrahendi lacerandisque proxi-  
mis carulorum more assidue delectantur mi-  
rum in modum; cum verò plures convice-  
rint, & à pluribus ipsi convicti fuerint, eò  
confestim deveniunt, ut ex pristinis opinio-  
nibus ratam nullam habeant. atque ex his &  
ipsi & omnis Philosophia apud alios calu-  
niam reportarunt. At vir natu grandior  
ab hac insania diligentius declinabit, ac ho-  
minem indagandæ veritatis gratia differen-  
tem imitabitur potius, quàm eum, qui jo-  
candi causa versutis, captivinculisque in-  
cumbit; quin & ipse modestius se geret, &  
disputandi studium ex infami reddet illu-  
strius.

*Observatio. 10. In discursu nullis unquam*

*convitiis, sed singulari mansuetudine erga omnes  
 utitur.* In Dial. 6. de Repub. „ Causam, ob  
 „ quam multitudo Philosophiam iniquo ani-  
 „ mo fert, illi dant, qui cum Philosophiam  
 „ professi sint, & inepti ad Philosophiam, ho-  
 „ mines convitiis passim lacerant, & quasi  
 „ inimicitiis delectentur, semper hominibus  
 „ obloquuntur, agentes rem Philosophiæ mi-  
 „ nimè congruam. neque enim viro illi, qui  
 „ omnem mentis aciem ad ea, quæ verè sunt,  
 „ direxit, otium superest, quo negotia homi-  
 „ num inferiora respiciat, cumque illis pu-  
 „ gnans invidiam & malevolentiam sibi con-  
 „ flet. sed ea, quæ semper eundem servant or-  
 „ dinem, contemplatur, quæ neque patiuntur,  
 „ neque inferunt injuriam, omnia verò ornatè  
 „ & secundum rationem disposita sunt. atque  
 „ hæc imitatur, hisque se simillimum reddit.  
 „ An putas, fieri, ut illud non imitetur quis,  
 „ cui cum amore admirandus in hæret? quin  
 „ etiam, si discernere cupies, quis animus Philo-  
 „ sophus sit, aut non sit, statim à teneris annis id  
 „ observabis, nunquid justus & mitis, an ini-  
 „ quus atque agrestis. In Dial. 9. „ Mitibus il-  
 „ lum verbis persuadeamus, quia non sponte de-  
 „ linquit. „ Et Dial. 5. „ Si succenseat is, quem  
 „ opinari dicimus, non cognoscere, negetque  
 „ nos vera loqui, quomodo eum mitigabimus,  
 „ sensimque & blandè persuadebimus, sanæ  
 „ mentis eum non esse? Et Dial. 10. „ Quia au-  
 „ tem hæc omnia nulla ratione, ut mentis  
 „ compos quilibet diceret, moti despiciunt,  
 „ quo pacto nunc eos mansuetis verbis corri-  
 „ gere, & primum, quòd dii sint, docere possu-  
 „ mus? Audeamus tamen: nec enim decet si-  
 „ mul insanire, illis quidem voluptatis quo-  
 „ dam, æstro percitis, nobis verò in illos ira ex-  
 „ candescentibus, quapropter omni concitatio.  
 „ ne animi extincta, præmium ad eos, qui ita  
 „ mente corrupti sunt, aggrediamur, & quasi  
 ad

ad unum eorum ita orationem mansuetè vertamus.

*Observ. 11. Quando disputat contra apertè improbos, vehementiùs agit. In Dial. 10. de Legibus.* "Vehementiùs quodammodo propter impiorum hominum controversias diximus; sed hac de causa, o Clinia, contentiosa usi sumus oratione, ne pravi se vicisse putantes licentiam sibi datam credant faciendi, quęcunque velint, & qualiacunque adversus Deos existiment facienda; hac, inquam, de causa, nova quadam & vehementiori dicendi ratione usi sumus."

*Observ. 12. Quando agit contra Sophistas, seu contentiosos, tantùm eos impugnat, non verò docet. Id patet ex Dialogo cum Hippia majore, qui cùm statim in initio discursus proderet nimiam sui æstimationem, & opinionis tenacitatem, non fuit à Socrate instructus de sua sententia, sed tantùm convictus de falsitate opinionis, quam Hippias tuebatur. Idem observat in Dialogo cum Lyside, viro contentioso, vehemente, & facundo. Et cum Euthyphone.*

*Observ. 13. Aliorum dicta, aut opiniones non nisi data licentia, aut per modum dubii discutit enucleatim. In Dial. de Legibus.* "Si quis inter nos veri & optimi diligens investigator non nihil in patriis cujusque legibus reprehendat, non gravi quidem, sed æquocivissim animo ferre debemus. Clinias. Quare ne parcas, sed liberè leges nostras reprehende; neque enim indecorum est, siquid non probè se habet, nosse; nam, si hinc quis non cum invidia, sed animo benevolo accipiat, remedium invenitur. Athen. Ego verò non reprehendam, antequam pro viribus diligenter consideravero, immò dubitando potius verba faciam."

*Observatio 14. Quando in disputatione in materiam incidit, quę collocutoribus foret*

*difficilis, eam solus pertractat.* In Dial. 10. de Legibus. „ Nunc verò, cùm ratio profundior ad-  
 „ unda sit, fermeq; vestris viribus non accessi-  
 „ bilis, ne vertiginem, tenebrasque vobis faciat  
 „ ad eas vos quæstiones deducēs, quibus cōsulti  
 „ non estis; atq; hoc pacto dedecore tristitiaq;  
 „ afficiat, periculū ita in me primò faciendum  
 „ existimo, ut & me ipsum interrogē, mihi ipsi  
 „ si respondeam, & hoc pacto vobis in tuto au-  
 „ diētibustotā hanc disputationē pertranscā.

*Observatio 15. Cavillatorias rationes, quæ ad substantiam rei parum contribuunt, negligit.*  
 In Dial. 10. de Legibus: „ Cavillatoriam ra-  
 „ tionem, fallacemque fugiamus; ne si fortè  
 „ juvenilis illa ipsa nos senes fefellerit, ridi-  
 „ culos reddat; senes enim & viri non minu-  
 „ tias, sed veritatem quærere consueverunt.

*Observatio 16. Suas rationes non solet vendere pro certis.* In Dialogo de Natura. „ Cùm mul-  
 „ ta de mundi generatione à multis dicta  
 „ sunt, ne mireris obsecro, si rationes de ea  
 „ probatissimas afferre non possim. satis enim  
 „ factum putare debebis, si non minus proba-  
 „ biles rationes, quàm quivis alius, attulerim.  
 „ Æquum est meminisse, & me qui disseram,  
 „ & vos qui indicabitis, homines esse, ut si  
 „ probabilia dicantur, nihil ultrà requiratis.  
 „ Et infrà. „ Quòd si quis pulchriorem figu-  
 „ ram à se electam ad mundi constitutionem  
 „ afferre voluerit, ejus non tanquam adversa-  
 „ rii, sed tanquam amici sit sententia potior.

*Observ. 17. Intoto discursu nullam admittit obscuram dictionem, cujus non roget explicatio- nem.* In Dialogo de Pulchro „ Quòd dilucidè  
 „ dixerit, si vis, tui gratia concedendum est;  
 „ nam me quidem ob ignaviam meam, &  
 „ imperitiam latuit.

*Obs 18. Autoritatem aliorum semper veneratur.* In Dial. de Pulchro. „ Nunquam sapien-  
 „ tum contemnenda sunt dicta, imò dili-  
 gen-

genter, quid sibi velint, considerata.  
 „ *Et infra.* Prisci sapientes viri & mulieres,  
 „ qui de his dixerunt & scripserunt, redar-  
 „ guent me, si tui gratia concessero. *Phil.*  
 „ Quinam isti? *Socrates.* In præsentia qui-  
 „ dem non satis memini, sed tamen alicubi  
 „ audiui; quia plenum sentio mihi pectus,  
 „ aliorum, & non deteriorum, quæ dici pos-  
 „ sunt. quod verò ex meipso nihil tale in-  
 „ venerim, satis scio, meæ inscitiae mihi  
 „ conscius: restat igitur me instar vasis ex  
 „ aliorum fontibus hausisse.

*Observ. 19. Nullam auctoritatem quoad omnia rejicit: In Dialogo. de Amore.* „ A-  
 „ micissimus es, & verè aureus, ò Phædre,  
 „ si me dicere putas, Lysiam omnino aber-  
 „ ravisse, ac posse præter hæc omnia alia  
 „ dici: hoc enim arbitror, ne deterrimo qui-  
 „ dem scriptori evenire. Et in Dial. 10. de  
 „ Legibus. „ Certè non absurdum est, vi-  
 „ ros sapientes probè dixisse, quare sequamur  
 „ ipsos, inquiramusq; quid intellexerint.

*Observ. 20. Finita disputatione nulli obtrudit suam sententiam, nisi sponte eam amplecteretur. Pertinaces verò humaniter dimittit. In Dialogo de Amore.* „ Veritati quidem nunquam, ò di-  
 „ lecte, Agatho repugnare potes, Socrati verò  
 „ facillimè: verum Agathonem jam dimit-  
 „ tam. Epictetus apud Arrianum l. 2. c. 12. de Socrate ait: „ Eum, cum quo colloquebatur, co-  
 „ gebat testem esse contra seipsum, nec ullo  
 „ alio teste indigebat. Itaque licebat, ei dico-  
 „ re: valeant reliqui omnes, satis semper mihi  
 „ est, habere testem eum, qui mihi contradicit.

Hæc & multa alia observari merentur in Platone laude digna; cætamen talia ad tanta non sunt, ut Logica Platonica Aristotelicæ, aut Plato Aristoteli in Scholis præferri debeat, nam imprimis. Logica illa, si rectè tractari ve-  
 lit, eget prorsus summo ingenio, quo colloque-

eius imperitia varia ac multiplex suavi rationum vinculo ad veritatis semitam identidem revocetur. Secundò, ea Logica non est apta ad convincendos pertinaces, cum nullis certis legibus ad unum disputationis scopum adversarium coercere possit. Tertiò non adstringit, ut singula objecti attributa distinctius ac enucleatius consideretur, quamvis id intendat, & præcipiat. Econtrà in syllogismo Aristotelico adstringimur, ut attentionem nostram simul ac semel tantùm ad tres terminos convertamus, donec successivè omnium attributorum objecti ad invicem distincta comparatione evoluta fuerit, quo nihil melius ad inveniendum verum excogitari poterit. Quod verò ipsos authores Platonem, & Aristotelem attinet, idem fero, quod olim Em. Cardin. Bellarminus in hac re tulit iudicium; dum enim à Romano Pontifice, prout in ejus vita legitur, cõsuleretur, an expediret, ut in Scholis Aristoteli substitueretur Plato; respondit, in utroque reperiri errores, sed eos in Aristotele tales esse, ut non faciliè fidem inveniant; in Platone verò venenum esse dulcius, conditum mira eloquentia; adeoque Platonem juventuti periculosiorem fore, quàm Aristotelem. In eandem ferme sententiam de Platone loquitur Emin. Cardin. Fleury in sua studiorum Methodo Gallicè edita. Sed ego hic pro exemplo Dialogos Platonis castigatiores, & ad Logicam accommodatiores, seligam.

### Exemplum . I.

#### *De utilitate, & scopo Philosophiæ.*

**I**N hoc Dialogo Plato ostendit, officium Philosophi non esse scire quasvis res novas aut inutiles: neq; etiam, ut sciat innumera-

atq;



utilia, quorum nimietate obruatur cum molestia, aut impediatur ab utilioribus; sed hoc esse officium Philosophi scire optima; nosse videlicet divina, & gubernare nosse humana. Divina Philosophus contemplatur per sapientiam, humana dirigit per Ethicam, Oeconomicam, Politicam. Dialogus sic habet in persona Socratis.

Dyonisii Grammatici ludum ingressus juvenes quosdam conspexi, qui videbantur facie valdè liberali supra ceteros, & claris orti parentibus: aderant autem & duo adolescentuli invicem contendentes, circulos describentes, & quasdam phæræ inclinationes depingentes cubito innixi & intenti admodum. Ego verò quæ esset eorum contentio haud satis adverteram: itaque alterius illorum amicū, cum, juxta quem sedebam, cubito tangens interrogavi, quid ita contenderent adolescentētes, & num magnum quiddam esset, & pulchrum? tum ille, quid inquit magnum & pulchrum? nugantur enim de sublimibus quibusdam & philosophantes garriunt. Hujus ego responsum admiratus, o adolescens inquam, an turpe tibi philosophari videtur? curve tam acerbè respondes? alter verò, juxta enim assidebat æmulus quidam istius, cum & me interrogantem, & respondentem illum audisset, non expedit tibi Socrates, inquit, interrogare hunc, an turpe existimet esse Philosophiam, necne. an non vides ipsum in tumiditate quadam, & saturitate atque somnolentia universam ætatem egisse, ut credas aliud quidquam eum tibi responsurum, quàm quoddam turpe: sic Philosophia? hinc ego; pulchrum igitur tibi philosophari videtur? & maximè quidem, inquit ille, quid ergo, inquam, num videtur tibi fieri posse, ut norit quis, turpene sit aliquid an pulchrum, nisi prius, quid ipsum sit, norit? Non nosti igitur quid est philosophari?

Novi equidem. Quid est? Quid aliud, quàm juxta Solonem? dicebat enim: *discenti assidue multa senectus venit*. Et mihi videtur, semper sic oportere aliquid discere cum hominem, qui Philosophus futurus sit, ut in vita qua plurima discat. Dein interrogavi, num ei Philosophia idem quòd multa discere videretur. Et ille; omnino, inquit, existimas, inquam, pulchrum aliquid solum esse Philosophiam, vel etiam bonum? & bonum, inquit. Utrum Philosophiæ id proprium facis, an etiam aliis eodem pacto tribuis, v. g. studium Gymnasticæ non modò pulchrum esse, sed etiam bonum? tunc ille. & pulchrum & bonum simul esse feteor. Ergo in Gymnasiis etiam multum laborem existimas esse Gymnasticæ studium? Et maxime quidem quemadmodum in Philosophia multa discere Philosophiam puto. Ego verò, credis inquam, Gymnasticæ studiosos aliquid aliud appetere, quàm ut eorum corpora bene se habeant? id ipsa inquit. Num multi labores bonam corporis habitudinem efficiunt? Moderatis, d. Socrates, laboribus non magnis, corpus sese bene habere arbitror. Cibi autem, inquam, multam moderati idem efficiunt? Et cibi ait moderati. Præterea compulsi eum, ut concederet reliqua omnia, quæ circa corpus versantur, temperata quidem prodesse plurimum, pauca verò vel nimia, nihil. Et ille moderata juvare, confessus est. At quæ ad animam spectant, inquam, cum moderata adhibentur, conducuntne magis, an immoderata? moderata. Disciplina autem nonne ex immoderata iis sunt, quæ animæ adhibentur & conferunt? consensit. Ex disciplinis itaque quæ temperatae sunt, non quæ multæ, utilitatem afferunt. consensit. Qualia, inquam, esse conjiciemus, quæ oportet Philosophum discere, cum neque omnia, neque multa sequi debeat? Pulcherrimas ait, atque

atque maximè congruas animo disciplinas eas  
esse, ex quibus maximam in Philosophia glo-  
riam consequatur, maximam verò gloriam  
adipisci, si omnium artium peritus sit; & sit  
minus omnium, plurimarum certè, earumque  
præsertim, quæ æstimatione dignæ sunt, ea  
præ ceteris discens, quæ liberos homines de-  
cent, quæve intelligentiæ ratione, non ministe-  
rio manuum continentur. Atque ego, adhuc  
enim, quorsum tenderet, ambigebam, qualem  
inquam dicis esse virum Philosophum? An  
talem, quales sunt in certamine Pentathli,  
qui cursoribus & peltastis quidem inferiores  
sunt, reliquorum verò Athletarum primi  
atque victores? tale fortè aliquid dicis Phi-  
losophos, ut ab iis quidem, qui in quavis ar-  
te supremi sunt, in eadem arte intelligentia  
superentur, reliquos verò antecedant, ut Phi-  
losophus in cunctis artibus secundæ cujusdam  
homo sortis existat? rectè, inquit, ò Socra-  
tes, accipis de Philosopho dicta. Est enim  
talis, ut nulli negotio servire penitus velit,  
neque in aliqua re ad summum elaborare, ne  
propter uuius exactam diligentiam in aliis om-  
nibus superetur, sicut superantur opifices,  
sed omnia mediocriter, temperatèque attingat.  
Post hanc responsionem cupiens plenius  
nosse, quid diceret; quid inquam Philosophos  
vltros utiles an inutiles putas? ad hæc ille om-  
nium maximè utiles esse Philosophos asseve-  
ravit. Age igitur dignoscamus, si tu vera di-  
cis, quomodo utiles nobis sint isti secundæ  
sortis homines? manifestum enim est, quòd  
unoquoque artifice inferior est Philosophus,  
annuit. Age, inquam, si vel tu vel ex amicis  
aliquis ægrotaret, utrùm ad curam valetudi-  
nis domum induces Philosophum an Medi-  
cum? nemo ambigat, Medicum. Quid autem  
in navi fluctibus agitata, utrùm te & tua  
gubernatori, an Philosopho committeres?  
gubet.

gubernatori inquit. Et in reliquis omnibus quantisper artifex adest, Philosopho non erit locus. Apparet, inquit. Philosophus igitur nunc inutilis est, cum artifices non desint. Concessimus autem Philosophiam bonam esse, & Philosophos bonos esse; bonos autem utiles, malos econtra inutiles. Itaque Philosophari non est circa artes studiosè versari, nec multis negotiis incumbere, aut multa perdiscere, sed aliud quiddam. His disputatis tandem ostendit, per hoc Philosophos bonos esse, & utiles, quòd & bonos faciant, & maloscoerceant; hoc autem faciunt per Ethicam, Politicam, & œconomicam.

### Exemplum II.

#### *De quarendâ sapientia.*

**I**N hoc dialogo Demodocus consulit Socratem, qualiter filium suum Theagem sapientem efficere queat. Socrates ubi advertit. Theagem reipsa sub prætextu sapientiæ nihil aliud querere, quàm dignitates in Republica, institutionem Theagis derectat sub prætextu, reclamare suum dæmonium.

*Demodocus*, Opus habebam, ò Socrates, quædam privatim tecum communicare; siquidem otium sit, vel etiam negotium modò non omnino magnum, velim enim mea causa otium agas. *Socrates*. Equidem otiosus. & alioqui sum, sed tuâ causa maximè. si quid ergo dicere vis, licet. *Demodocus* Theages filius cupit, ut ipse ait, sapiens effici; & mihi jam pridem molestus est, ut pecuniam Sophisto alicui, ipsum sapientem reddat, persolvam. Tu igitur peropportunè nobis obviam factus es, quem quidem in hac re mihi consultorem maximè cupiebam.

*Socrates*, vulgò, ò Demedoce dicitur, con-

consilium res sacra est; & si unquam ullum aliud, hoc est inprimis de quo quæris. Primum igitur consentiamus, quidnam hoc esse putemus, de quo consultamus, ne ego quidem aliud illud existimeim, tu item aliud, ac deinde longè dissentiamus, ridiculi existentes ambo. *Demod.* Rectè mihi dicere videris, ò Socrates. Itaque faciendum censeo. *Socrates.* Rectè, inquam, non omnino tamen rectè. dubito enim, ne forte hic adolescentulus alia quædam quàm quæ nos rebamur, cupiat. Quod si alia, nos quoque absurdus faciamus de alio consultantes. Rectissimum igitur mihi videtur, ut ipsum, quid quærat rogemus. *Demod.* optimum. *Socrates.* dic mihi Theages, cupisne sapiens esse, ac dignum existimas, ut pater hic tuus virum inveniat, qui te sua consuetudine sapientem reddat? *Theages.* Cupio. *Socrates.* Sapientes autem utrum vocas homines scientiam habentes, quæcunque illa sint. *The.* Scientes equidem. *Socr.* Quid igitur, nonne nosti cytharam pulsare, palæstram & alia certamina? putas te præterea alia scientia indigere? quanam est illa quam expetis? Si cuperes eam, quæ homines navigia gubernant, nonne responderes gubernatoriam? *The.* Certè. *Socr.* Si autem cuperes illius te eruditum fieri, quæ currus reguntur, nonne autigoriæ respondeas? *The.* Utique. *Socr.* Huic autem, quam appetis, quod est nomen? *The.* quod aliud, quàm sapientiæ? *Socr.* Nonne etiam aurigaria sapientia est? an ignorantia tibi videtur? *The.* Nullo modo. *Socr.* At gubernatoria, nonne & ipsa sapientia est? *The.* mihi quidem videtur. *Socr.* Ea verò, quam nunc optas quanam sapientia, quidve eam adepti scimus? *The.* Mihi quidem videtur ea, quæ scimus hominibus imperare. *Socr.* Num quæ ægrotantibus? *The.* Minimè, ipsa enim medicina est. *Socr.* At quæ canentibus scimus.

scimus in choro præesse? *Tbe.* Nequaquam. Musica enim est. *Socr.* Sed utrùm qua certantibus præesse? *Tbe.* Nequaquam, Gymnastica enim est. *Socr.* Verùm qua quid facientibus? *Tbe.* Mihi planè videtur ea, qua his, qui in civitate. *Socr.* intelligo, quam artem dicis; viderisenim non eam, qua metentibus præesse novimus, aut vindemiantibus, aut plantantibus; ipsa enim agricultura est. neque rursus, qua vel secantibus, vel perforantibus, nam hæc ad fabros pertinet. Verùm fortasse, iis universis & agricolis & fabris, & artificibus omnibus ac privatis cunctis imperitamus, eam tu sapientiam dicis. *Tbe.* Istam ipsam o Socrates. *Socr.* Periandrum non audivisti apud Corinthios imperasse? *Tbe.* Equidem. *Socr.* Hippiam autem in hac urbe dominantem? *Tbe.* Quidni? *Socr.* Quo nomine Hippiam & Periandrum nomines? *Tbe.* Qui vocem, quàm tyrannos? *Socr.* Ergo tyrannidem optas? *Tbe.* Non cupis vi præesse, neque ut tyranni, sed volentibus, quemadmodum alii in civitate bene morati ac boni viri. *Socr.* Quid verò si nobilis eques esse studeas, & in ea arte sapiens, ad quosnam alios accederes quàm ad equites? *Tbe.* Ad nullos alios. *Socr.* Eodem modo, si optimè jaculandi artem discere cupias, ad eos, qui optimè jaculantur, proficisceris. *Tbe.* Mihi quidem videtur. *Socr.* Age itaque postquam in civilibus erudiri vis, ut in iis sapiens fias, ad alios accedendum putas, quàm ad hos civiles homines, Socrates qui præsunt civitatibus? *Tbe.* Audivi o sermones, quos dicunt duos esse, civilium virorum libros nihilo meliores; quàm cerdonum esse. Insipiens ergo sum, si mihi persuadeam, aliquem istorum mihi suam sapientiam traditurum.

*Demodocus.* Ad te o Socrates omnis posthac oratio convertetur. Ego enim, ut brevissimè

me loquar, me simul ac mea omnia trado, si hunc Theagem susceperis. *Socrates*. Equidem ò Demodoce, studium tuum minime admirer, cum existimes, hunc à me juvari posse. Sed me ad id elegisse non convenit. Nullam enim ex istis beatiss & pulchris disciplinis scio; verum illud semper profiteor, me, ut ita dicam, nihil scire. *The.* Vides ò Pater, *Socrates* non vult mecum versari. *Socr.* Non ita, ò optime. sed hoc te fefellit, quale sit. Ego autem tibi dicam. Adest mihi divina quadam sorte dæmonium quoddam à prima pueritia me secutum; hoc enim vox est quædam, quæ cum existit, semper ejus rei quam facturus sum, dissuasionem innuit, provocat verò nunquam, &c.

## Exemplum. III.

## De beata vita, unico Philosophia sine.

**H**unc dialogum S. Augustinus cum amicis suis ipso die natalis sui, nempe 13. Novembris, habuit primo anno suæ conversionis. Ostendit autem, vitam beatam, quam unicam Philosophia quærit, nonnisi in Deo haberi posse. Dialogum dedicat Theodoro, ad quem sic præfatur: Si ad Philosophiæ portum, de quo jam in beatæ vitæ regionem solumque proceditur, vir humanissime Theodore, ratione institutus cursus & voluntas ipsa produceret; nescio utrum temere dixerim, multò minoris numeri homines ad eum perventuros fuisse, quamvis nunc quoque, ut videmus, rari admodum paucique perveniant; cum enim in hunc mundum sive Deus, sive natura, sive voluntas nostra, veluti in quoddam procellosum solum nos quasi temere passimque projecerit, quotus quisque cognosceret, quo sibi nitendum esset, nisi aliquando & invitos con-

contraque obnites aliquā tempeſtas in opatiffimā terrā compingeret , Hi ſunt homines , quos lacrymabiles tragœdiæ fortunarum ſuarum , vel inanium negotiorum anxie difficultates , quaſi nihil aliud habentes quod agant ; in libros doctōrum , ſapientiſſimorumque hominum truferunt , in ipſo quodammodo portu evigilant , undè illos nulla maris illius promiſſa nimium falſò ridentis extrudant. Et mihi immoranti ſuperfluīſtempeſtas , quæ putabatur adverſa , ſuccurrit , vides in qua Philoſophia quaſi in portu navigem , ad ipſam beatam vitam jam parvo conatu accedam ; quod ut plenius intelligas , quid afferam adverte . Idibus Novembris mihi natalis dies erat ; poſt tam tenue prandium , ut ab eo nihil ingeniorum impediretur , omnes qui ſimul illo die convivebamur in balneas ad conſedendum vocavi . Quæſivimus inter nos de beata vita . Atque ego exordiens : Beatos eſſe nos volumus , inquam . Vix hoc effuderam , occurrerunt una voce conſentientes . Videturne vobis , inquam , beatus eſſe , qui quod vult non habet ? negaverunt . Quid , omnis qui quod vult habet , beatus eſt ? tum mater . Si bona , inquit , velit & habeat , beatus eſt ; ſi autem mala velit , quamvis habeat , miſer eſt , Cui ego arridens , ipſam , inquam , proſus mater arcem Philoſophiæ tenuiſti ; nam tibi procul dubio verba defuerunt , ut non ſicut Tullius te modò panderes . Ecce , inquit omnes ajunt eſſe beatos , qui vivant ut ipſi velint . Falſum id quidem , velle enim quòd non deceat , idipſum miſerrimum nec tam miſerum eſt , non adipiſci quod velis , quàm adipiſci velle , quod non oporteat . Dein in hoc dialogo oſtendit , terrenorum bonorum nullam planè eſſe ex omni parte beatam poſſeſſionem , quia tranſeunt , & miſcentur miſeriis . Solius Dei cognitionem & fruitionem beatos reddere .

SE-



## S E C T I O II.

D E

*Logica Raymundi Lulli,  
& Kircheri.*

**A**Rtem hanc describit Kircherus de *Arte combinatoria*. P. Knittel in sua *Via regia ad omnes scientias*, & P. Juvenalis in sua *Arte magna sciendi*. Consistit in eo, ut quis de qualibet re in promptu habeat multa attributa, & sic quàm longissimè de quavis re differere possit. Attributa quæ in quavis re considerari possunt, hoc ordine collocant:

# Tabula Lulliana.

<i>Questiones.</i>	<i>Subiecta.</i>
<ol style="list-style-type: none"> <li>1. An?</li> <li>2. Quid?</li> <li>3. Cur?</li> <li>4. Quantum?</li> <li>5. Quomodo?</li> <li>6. Quale?</li> <li>7. Ubi?</li> <li>8. Quando?</li> <li>9. Quibuscum?</li> </ol>	<ol style="list-style-type: none"> <li>1. Deus.</li> <li>2. Angelus.</li> <li>3. Cælum.</li> <li>4. Elementa.</li> <li>5. Homo.</li> <li>6. Sensitivum.</li> <li>7. Vegetativum.</li> <li>8. Minerale.</li> <li>9. Instrumenta.</li> </ol>
<i>Accidantia naturalia.</i>	<i>Accidantia moralia virtutum.</i>
<ol style="list-style-type: none"> <li>1. Quantitas.</li> <li>2. Qualitas.</li> <li>3. Relatio.</li> <li>4. Actio.</li> <li>5. Passio.</li> <li>6. Ubi.</li> <li>7. Quando.</li> <li>8. Situs.</li> <li>9. Habitus.</li> </ol>	<ol style="list-style-type: none"> <li>1. Iustitia.</li> <li>2. Prudentia.</li> <li>3. Fortitudo.</li> <li>4. Temperantia.</li> <li>5. Fides.</li> <li>6. Spes.</li> <li>7. Charitas.</li> <li>8. Patientia.</li> <li>9. Pietas.</li> </ol>

## *Tabula Lulliana.*

### *Prædicata absoluta.*

1. Bonitas.
2. Magnitudo.
3. Duratio.
4. Potentia.
5. Sapientia.
6. Voluntas.
7. Virtus.
8. Veritas.
9. Gloria.

### *Prædicata relat.*

1. Differentia.
2. Concordia.
3. Oppositio.
4. Principium.
5. Medium.
6. Finis.
7. Majoritas.
8. Æqualitas.
9. Minoritas.

### *Accidentia moralia vitiiorum.*

1. Avaritia.
2. Gula.
3. Luxuria.
4. Superbia.
5. Acedia.
6. Invidia.
7. Ira.
8. Mendacium.
9. Inconstantia.

### *Distinctiones.*

1. Rationis.
2. Formalis.
3. Modalis.
4. Realis.
5. Numerica.
6. Specifica.
7. Generica.
8. Subjectiva.
9. Objectiva.

Ex hac tabula facillè apparet, eam nihil aliud esse quàm decem, prædicamenta Aristotelis; paululum aliter disposita, & quoad hoc non assignatur nova ars, ut quis in promptu habeat multa attributa; pauca enim hæc sunt. Artificium ergo novum consistit in combinatione omnium horum attributorum inter se; ex tali enim combinatione prodeunt innumera prorsus attributa rei v. g. *bonitas* est tantum, unum attributum, sed cum eo possum combinare omnia reliqua attributa; possum enim considerare ipsam *magnitudinem* bonitatis, *potentiam* bonitatis, *durationem* bonitatis &c.

Artificium hoc combinatorium Kircherus sequenti tabula exposuit. In quo significatur per

B Bonitas.	Di. Differentia.
BB. Bonitas bonitatis.	C. Concordia.
M. Magnitudo.	O. Oppositio.
P. Potentia.	Pr. Principium.
S. Sapientia.	Me Medium.
D. Duratio.	F. Finis.
Vo. Voluntas.	Ma. Majoritas.
Vi. Virtus.	Æ. Æqualitas.
Ve. Veritas.	Mi. Minoritas.
G. Gloria.	

Ubi ponuntur duo signa, v. g. M. B. magnitudo bonitatis. B. D. Bonitas durationis. Alterum semper importatur in genitivo. Kircherus loco litterarum initialium posuit alia signa v. g. loco concordie figuram humani cordis, sed hæc designatio videtur commodior.

## T A B U L A

Combinatoria.

1	2	3	4	5	6
B B	B M	B D	B P	B S	B Vo
M B	M M	M D	M P	M S	M Vo
D B	D M	D D	D P	D S	D Vo
P B	P M	P D	P P	P S	P Vo
S B	S M	S D	S P	S S	S Vo
Vo B	Vo M	Vo D	Vo P	Vo S	Vo Vo
Vi B	Vi M	Vi D	Vi P	Vi S	Vi Vo
Ve B	Ve M	Ve D	Ve P	Ve S	Ve Vo
G B	G M	G D	G P	G S	G Vo
Di B	Di M	Di D	Di P	Di S	Di Vo
C B	C M	C D	C P	C S	C Vo
O B	O M	O D	O P	O S	O Vo
Pr B	Pr M	Pr D	Pr P	Pr S	Pr Vo
Mc B	Mc M	Mc D	Mc P	Mc S	Mc Vo
F B	F M	F D	F P	F S	F Vo
Ma B	Ma M	Ma D	Ma P	Ma S	Ma Vo
Æ B	Æ M	Æ D	Æ P	Æ S	Æ Vo
Mi B	Mi M	Mi D	Mi P	Mi S	Mi Vo

TA-

## T A B U L A

## Combinatoria.

7	8	9	10	11	12
B Vi	B Ve	B G	B Di	B C	B O
M Vi	M Ve	M G	M Di	M C	M O
D Vi	D Ve	D G	D Di	D C	D O
P Vi	P Ve	P G	P Di	P C	P O
S Vi	S Ve	S G	S Di	S C	S O
Vo Vi	Vo Ve	Vo G	Vo Di	Vo C	Vo O
Vi Vi	Vi Ve	Vi G	Vi Di	Vi C	Vi O
Ve Vi	Ve Ve	Ve G	Ve Di	Ve C	Ve O
G Vi	G Ve	G G	G Di	G C	G O
Di Vi	Di Ve	Di G	Di Di	Di C	Di O
C Vi	C Ve	C G	C Di	C C	C O
O Vi	O Ve	O G	O Di	O C	O O
Pr Vi	Pr Ve	Pr G	Pr Di	Pr C	Pr O
Me Vi	Me Ve	Me G	Me Di	Me C	Me O
F Vi	F Ve	F G	F Di	F C	F O
Ma Vi	Ma Ve	Ma G	Ma Di	Ma C	Ma O
Æ Vi	Æ Ve	Æ G	Æ Di	Æ C	Æ O
Mi Vi	Mi Ve	Mi G	Mi Di	Mi C	Mi O

## T A B U L A

## Combinatoria .

13	14	15	16	17	18
B Pr	B Me	B F	B Ma	B Æ	B Mi
M Pr	M Me	M F	M Ma	M Æ	M Mi
D Pr	D Me	D F	D Ma	D Æ	D Mi
P Pr	P Me	P F	P Ma	P Æ	P Mi
S Pr	S Me	S F	S Ma	S Æ	S Mi
VoPr	VoMe	Vo F	vo Ma	VoÆ	Vo Mi
Vi Pr	Vi Me	Vi F	Vi Ma	Vi Æ	Vi Mi
Ve Pr	Ve Me	Ve F	Ve Ma	Ve Æ	Ve Mi
G Pr	G Me	G F	G Ma	G Æ	G Mi
Di Pr	Di Me	Di F	Di Ma	Di Æ	Di Mi
C Pr	C Me	C F	C Ma	C Æ	C Mi
O Pr	O Me	O F	O Ma	O Æ	O Mi
Pr Pr	Pr Me	Pr F	Pr Ma	Pr Æ	Pr Mi
MePr	Me Me	Me F	Me Ma	Me Æ	Me Mi
F Pr	F Me	F F	F Ma	F Æ	F Mi
MaPr	Ma Me	Ma F	Ma Ma	Ma Æ	Ma Mi
Æ Pr	Æ Me	Æ F	Æ Ma	Æ Æ	Æ Mi
MiPr	Mi Me	Mi F	Mi Ma	Mi Æ	Mi Mi

Usum ac praxin hujus tabulæ P. Knittel his verbis describit.

Si tibi est aliqua propositio probanda, dispice subitò, quod sit in illa subjeetum, quod prædicatum; & reduc utrumque ad terminos congruos sive absolutos sive respectivos, & quære utrumque terminum in tabula, & ecce è regione statim invenies materiam probandi, & discurrendi abundantem. Exemplis declaremus. *Exemplum primum*. Est probanda hæc propositio: In Deo est infinitæ bonitatis diffusio. *Dei esse* est subjeetum. *Diffusio bonitatis* est prædicatum. *Dei esse* reducitur ad B, & diffusio bonitatis etiam reducitur ad B. ergo quære BB in tabula; & en! è regione invenies BM. BD. &c. medios terminos sufficientes. v. g. accipe BM. & dic: Illud bonum, quod finè termino magnitudinis se diffundit, est diffusio bonitatis infinitæ: Sed &c. ergo.

*Exemplum secundum*. Probanda est propositio: Parentes sunt honorandi. Prædicatum reducitur ad G, subjeetum ad Pr. quære ergo G Pr. & è regione invenies argumenta sive media plura, quam unquam designare possis. verb. gratia sumo G. Ma & dic. Majores sunt honorandi; Sed parentes sunt Majores; ergo sunt honorandi.

Si argumentorum seriem adhuc majorem habere vis, applica novem quæstiones verb. grat. ad BB *an* BB sit BM? *an* BD? & cætera per lineam transversalem. vel *an* sit MB? *an* DB? & cætera deorsum, vel etiam per lineas diametrales. sunt enim omnia convertibilia. Deinde applica, *quid?* deinde *cur?* & cætera similiter dicto modo. Potes insuper has quæstiones propositæ propositioni & mediis inventis applicando quære-

re,



rere, an sint illa in novem subjectis? Quid sint in illis? cur? &c.

Reliqua hujus artis præcepta quarantur in ipsis citatis Authoribus? Ego nolim in hac arte esse prolixior, quàm nulli consulo. Sicut enim, dum scribo, non prius cogitatione oberro per omnes alphabeti litteras, ut tandem inveniam illam, quæ est apta ad experimendam vocem, designatam ab animo; sic dum quæro congruenter loqui ad scopum quæstionis, non est necesse, ut cogitatione oberrem per tot prædicamenta, sed dum lumine mentis circumspicio in mundo meo intellectuâli, in domo interna; dum refero omnia conclavia veluti totidem Antiquaria mentis, unico obtutu objectum, quod congruit, ultrò se offeret. Intellectus noster est peritus hypotheta, non examinat de novo cistulas & litteras, quoties componit verbum, sed ex habitu in optatas incidit. Sic & periti sunt Theologi, Philosophi, Causidici; quamvis nesciant quærere in cistula specierum B. vel C.

## S E C T I O III.

D E

*Logica Antonii Arnaldi.*

**I**Nter Neotericorum Logicas omnium celeberrima est Logica Antonii Arnaldi Doctoris quondam Sorbonici, ea prodiit sub titulo: *L'art de penser*. seu. *Art cogitandi*. in hac, ubi multa de terminis, propositionibus, & syllogismis egerat, tandem affert generalem omnium syllogismorum tam complexorum, quàm incomplexorum regulam, qua sola cognita regulæ cæteræ Peripateticæ de syllogismis, figuris, ac modis non sunt amplius necessariæ. Hanc regulam inseruit quidem du Hamelius suæ Philosophiæ Burgundiæ, sed breviter. Censeo ipsis Peripateticis non ingratum fore, si artificium ipsius Authoris verbis proponam. Part. 3. C. 10. sic habet:

Principium generale, cujus ope sinè ulla ad figuras aut modos reductione statui potest de omni syllogismo, legitimusne an vitiosus sit?

Cùm propositio probanda offertur, id solum negotii videtur dari, ut quis aliam propositionem notiozem inveniat, quæ primam illam stabiliat & confirmet, & quæ proin poterit appellari: *Propositio continens*. Sed quia secunda primam continere non potest expressè totidem verbis, sic enim alia non esset, omnino necesse, ut tertia propositio adsciscatur, quæ ostendat, propositionem dictam, *continentem*, revera continere illam, quæ probanda est. Atque hæc  
ulti-

ultima propositio potest dici , *Propositio applicativa* .

In syllogismis affirmativis sæpe perinde est , quàm demum præmissarum dicamus , *continentem* , cum utraque aliquammodo conclusionem contineat , atque utraque mutuo ostendat , illam in altera contineri , v. g. si dubito , an homo impius sit miser ; sic argumentabor :

Quicumque servit cupiditatibus , est miser :

Sed impius servit cupiditatibus ;

Ergo impius est miser .

Quamcumque præmissarum designaveris , poterit dici conclusionem continere ; Idque ab altera ostendi nam conclusio continetur in majori , quia *serviens cupiditatibus* , *impium* sub se continet , id est , impius in illius extensione concluditur , estque ex inferioribus unum , prout à minori ostenditur . Conclusio etiam continetur in minori , quia *serviens cupiditatibus* in sua idea comprehendit ideam miseri , ut patet ex majori .

Nihilominus cum Major ferè semper sit universalior , ut plurimum haberi poterit pro *continente* , uti & minor pro *applicativa* .

Ad syllogismos negativos quod spectat , cum in illis unica tantum propositio negativa inveniatur , negatioque solum in negatione includatur , videtur , quod propositio negativa semper debeat haberi pro *continente* , atque affirmativa pro *applicativa* , si-ve negativa sit Major , ut in *Celarent Cesare* , *festino* ; si-ve sit minor , ut in *Camestres* & *Baroco* , nam si hoc syllogismo suscipiam probandum , *nullum avarum esse beatum* .

Omnis beatus cupiditatibus vacat.  
 Nullus avarus cupiditatibus vacat;  
 Ergo nullus avarus est beatus.

Connaturalius est dicere, minorem, quæ negativa est, conclusionem continere, idque majorem ostendere. nam hæc minor: *Nullus avarus cupiditatibus vacat*, omnino negans, *vacuum cupiditatibus de avaro*, vicissim negat *beatum*, cum major sit, quæ ostendit, *beatum* totaliter includi in extensione carentis cupiditatibus.

Principium ergo generale hoc est: *Debet præmissarum altera continere conclusionem, idque ab altera ostendi*: hoc fiet exemplis manifestius.

*Exemplum. 1.* Dubito, an hic syllogismus concludat.

Officium Christiani est, eos non laudare, qui peccant.

Sed qui duello decernunt, peccant;

Ergo officium Christiani est, eos non laudare, qui duello decernunt.

Hic Major nihil differt à conclusione, nisi quoddam major habeat, *eos qui peccant*, conclusio vero; *eos, qui duello decernunt*. Jam vero illa propositio, in qua habetur: *ii. qui peccant*, illam aliam continebit, in qua est: *qui duello decernunt*, cum *peccare* universaliter sumptum in se contineat, duello decernere.

*Exemplum 2.* Dubito, an hic syllogismus concludat.

Evangelium spondet salutem Christianis.

Quidam impii sunt Christiani.

Ergo Evangelium spondet salutem quibusdam impiis.

Hic animadvertendum est, majorem non posse continere conclusionem, nisi hæc vox, *Christianis* sumatur universaliter pro omnibus Chri-

Christianis, & non tantum pro aliquibus, sed tunc major falsa est. Malè autem concludit, si sumatur tantum pro aliquibus. nam sic prima propositio non continet conclusionem.

*Exemplum.* 3. Perspicuum est ex hoc eodem principio, sequentem syllogismum non concludere.

Lex divina jubet, ut sæculari Magistratui obediamus.

Episcopi non sunt Magistratus sæculares

Ergo lex divina non jubet, ut Episcopis obediamus.

Nam præmissarum neutra conclusionem continet. quia non sequitur legem divinam cum hoc jubet, illud aliud non jubere. Hinc etiam potest detegi fallacia hujus sophismatis.

Qui dicit te esse animal, verum dicit:

Sed qui dicit te esse anserem, dicit te esse animal;

Ergo, qui te dicit esse anserem, verum dicit.

Respondere namque sufficit, neutram præmissarum continere conclusionem. nam si major eam contineret, oporteret, animal continere anserem. Sed animal in majori sumitur particulariter, ac proin anserem continere non potest. Hinc etiam peti potest solutio Sophismatis quod D. Augustinus refert.

Nos es, quod ego sum.

Ego sum homo;

Ergo tu non es homo.

nam cum conclusio sit negativa, vox *homo* sumetur universaliter; universale verò non continetur in particulari.

Hoc in Logica ista principium Authori proprium est; & quia commendatione dignum,

in capite posui . Reliqua hujus Authoris in compendio sisto ; ut saltem Peripatetici etiam Neotericorum succinctam notitiam habeant . Itaque tota Arnaldi Logica seu Ars cogitandi hæc est .

### Proœmium.

1. *Logica* est ars bene utendi ratione rerum cognitione acquirenda tam ad sui ipsius, in quam aliorum institutionem .

2. Elicitur hæc ars per quatuor præcipuas mentis operationes, apprehensionem, iudicium, discursum, dispositionem .

3. *Apprehensionem* dicimus simplicem rerum, quæ menti sistuntur, contemplationem . *Forma*, sub qua res consideramus, *idea* dicitur .

4. *Judicium* illam mentis operationem dicimus, per quam varias ideas copulamur, vel disjungimus . Sic conjungendo ideam *muri*, & ideam *albedinis*, *murum album* esse affirmamus .

5. *Discursum* vocamus, dum ex una proportionem infertur alia .

6. *Dispositio* vocatur illa mentis operatio, dum plures ideas, propositiones, & discursus de eodem objecto eo ordine disponimus, qui illi explicando maximè idoneus est .

Hæ operationes tantum natura duce eliciuntur . Logicæ officium tantum est, aliquas animadversiones facere circa ea, quæ in nobis natura operatur . Sic enim certi reddimur, nos ratione nostrâ rectè uti, facilius detegimus errores in quos labimur, detectosque aliis manifestamus, ac denique in accuratiorém mentis nostræ notitiam deducimur . Cæterum, quia ideæ nostræ cum vocibus connexæ sunt, etiam illas considerare debet Logica .

## P A R S I.

De prima mentis operatione,  
seu Ideis.

## Cap. I.

De idearum natura &amp; origine.

**P**ER ideam non-solum intelliguntur illæ rerum imagines, quæ in phantasia & imaginatione depinguntur, dum res corporeas v. g. triangulum concipimus, sed etiam illæ imagines quibus res spirituales sine ulla similitudine rerum sensibilibus intelliguntur. Falsum est, quod pars maxima hominum judicat, se nihil posse concipere nisi per modum rei corporeæ. Nemo potest ea, quæ in mente sunt considerare, quin statim agnoscat, se multa concipere; omni corporea imagine prorsus destituta. quid enim clarius ipsa cogitatione, qua cogitamus, concipimus? impossibile tamen est, cogitationem imaginari, ullamque illius figuram in cerebro effingere. Quænam etiam harum particularum affirmationis & negationis, *est*, & *non est*, in cerebro depingi possunt imagines? uterque tam qui affirmat, quàm qui negat terram esse rotundam, easdem in imaginatione servat imagines *terra*, & *rotunditatis*. ille, qui affirmationem adjicit, addit mentis actionem, quam sine omni corporea imaginatione concipit. Alter negationem addit, quæ est alia mentis actio, & quæ multò minus depingi potest.

Hinc falsitatis convineuntur duo perniciosissima dogmata, quæ quidam hoc sæculo Philosophi evulgavere. Primum est, nos nul-

iam ideam, si autem nullam habemus, nomen hoc *Deus* proferendo nihil aliud concipimus, quàm hæc quatuor litteras d. e. u. s. quod utique falsum est. Falsorum dogmatum, alterum cujusdam Angli est, asserentis, ratiocinationem nihil esse aliud, quàm congeriem nominum catenatim per verbum, *est*, connexorum. Ex quo sequeretur, nihil nos posse ratiocinando de rerum natura concludere.

Hinc etiam falsum est, quòd omnes ideæ solum à sensibus originem trahant, ut quidam Philosophus dicit, qui passim magni habetur; quasi verò *nihil sit in intellectu, quod prius non fuerit in sensu*. Audater dicam, hanc opinionem absurdissimam esse, & non minus Religioni, quàm veræ Philosophiæ adversari. Ut autem hinc nihil dicamus, quod indubitatum non sit, quid quæso ipsa cogitatione distinctius concipimus? quæ propositio hac clarior: *cogito; ergo sum?* jam verò hoc clarum esse non potest, quin habeamus claram ideam *cogitationis*, & *entis*. Rogo, per quam demum sensuum januam in animum penetrarunt? lucidæne an coloratæ, ut per visum? gravesne an acutæ, ut per auditum potuerint intrasse? gratine odoris an fætent, ut per odoratum? cujus saporis, ut per gustum? mollesne an duræ, ut per tactum aditum tibi ad mentem fecerint? si autem dicantur ex aliis sensibilibus imaginibus, efformatæ, upà demonstrandæ erunt sensibiles illæ imagines, è quibus hæc *cogitationis* & *entis* ideæ dicuntur emicuisse? & ostendendum, quo demum modo emicuerint, an per compositionem, amputationem, diminutionem, aut similitudinem. Quòd si his omnibus nihil reponi poterit, quod non sit abstractione alienum, fatendum erit, ideam *entis* & *cogitationis* nullo modo originem ducere à sen-



à sensibus, sed mentem nostram in se habere illarum efficiendarum vim, quamvis mens sæpe excitetur ad eas efficiendas ab aliquo, quod sensus fuerit.

Dum verò dicunt Adversarii, ideam, quam de Deo habemus, à sensibus ortam esse, quia illum venerandi senis instar concipimus, digna solis anthropomorphitis sententia est, & quæ veras ideas, quas de rebus spiritualibus habemus, cum falsis imaginibus confundit, quas de iis malè omnium imaginandorum consuetudine formamus, cum non minus absurdum sit, velle imaginari illa quæ corporea non sunt, quam audire colores, sonos videre.

Siquis objiciat, eodem tempore, quo rerum spiritualium ideas habemus, nos corpoream imaginem contemplari, saltem soni, qui rem significat; ea imago tantum soni non rei spiritualis v. g. cogitationis imago est. quod in surdis palam fit, quibus nulla sonorum ideæ observantur, cum tamen cogitationum suarum ideæ habeant, dum de illis cogitant.

### Cap. I.

#### De objectis idearum.

Quidquid concipitur, concipitur vel ut res seu substantia v. g. corpus. Vel ut modus v. g. rotunditas. Vel ut res modificata v. g. corpus rotundum.

Contingit autem sæpe, ut res ead. in duas ideas dispertiatur, quarum una rem, altera quasi modum rei repræsentet v. g. dum concipimus Deum tanquam ens infinitum, vel hominem tanquam rem habentem humanitatem. Ut ergo sciamus, quid revera modus sit, dicendum, de natura veri modi esse,

ut substantia, cujus est modus, clarè ac distinctè possit concipi sine illo; modus autem vicissim non possit clarè concipi, nisi una concipiatur relatio, quam ad suam substantiam habet, sine qua naturaliter nequit existere.

*Crisp.* NB. Hic non loquitur Author accuratè; possum enim clarè ac distinctè concipere substantiam v. g. Deum, ut vult ipsemet Author, sed tantum sub uno vel altero prædicato essentiali, quin necessariò concipiam omnes illius perfectiones essentielles. Ex hoc tamen non sequitur, reliquas omnes perfectiones esse veros modos, seu accidentia in Deo. Melius ergo fecissent Neoterici, si mansissent in via antiqua, & trita, maxime quoad definitiones nominum; atque dixissent, illud esse verum accidens, ac modum, quod est separabile à re.

### Cap. III.

#### *De decem Categoriis Aristotelis.*

Postquam Author recensuit decem prædicamenta Aristotelis, dicit ea non solum inutilia, sed etiam sæpius nociva, idque ob duas causas. 1. Quòd videantur nonnullis in veritate fundata, ac ipsa natura rerum; cum ea divisio tantum arbitraria sit, ac eodem jure ex Neotericorum Philosophia alia septem Prædicamenta subitui possint, his versiculis comprehensa.

Mens, mensura, quies, motus, positura, figura,

Sunt cum materia cunctarum exordia rerum.

2. quia per ista prædicamenta Aristotelica homines detinentur in solo verbarum cortice

tice, seque omnia scire putant, si valeant enumerare hæc nomina.

Cæterum tam de Categoriis Aristotelis, quàm Raymundi Lulli, hoc fert iudicium. *Aristotelis Logicam non tam prodesse ad ea, quæ ignoramus investiganda, quàm ad ea, quæ scimus aliis exponenda. Artem verò Lulli ad copiosè & sine iudicio de iis, quæ nescimus, garriendum.*

*Crisis.* NB. Prædicamenta Aristotelis fundari in veritate, in iisque comprehendere præcipua objecta realia, quæ reperiuntur in mundo, per decursum Philosophiæ patebit. Quàm verò utile sit; ea objecta, quæ consideranda sunt, generatim ac distinctè & ordinatè memoriæ proponi, ex divisionis legibus liquet. Haud dubiè autem res considerandæ, dum ordinatè in memoria disponuntur, prius per definitiones nominum, ac verborum corticem, quàm per accuratam considerationem notæ esse debent. Nugæ ergo sunt hæc Neotericorum adversus Logicam Aristotelicam querelæ, dum utique officium Logicæ non est, docere rerum scientiam, sed per ordinatam dispositionem considerandarum rerum ante oculos mentis mentem præparare ad scientiam.

## Cap. IV.

### *De ideis rerum, & ideis signorum.*

Postquam Author divisit signa in naturalia, artificialia, certa, probabilia, conjuncta cum re significata, & separata. Tradit hæc axiomata.

1. Nunquam potest strictè concludi à præsentia signi ad præsentiam rei signatæ. Dantur enim signa rerum absentium.

2. Res existens in uno statu potest esse signum

signum sui ipsius ut existentis in alio statu, v. g. Concionator prædicans in suo conclavi sui ipsius prædicantis in cathedra.

3. Potest fieri, ut eadem res occultet & detegat aliam rem eodem tempore. v. gr. cinis fervidus tegit, & detegit ignem. figuram humana tegit & prodit Angelum. Symbola Eucharistica tegunt & significant Christum.

## Cap. V.

### *De idearum compositione, simplicitate, abstractione.*

Abstractio fit tribus modis. 1. Dum unam partem consideramus non considerando alteram rei, quæ est cum priori realiter eadem. v. gr. partem numeri contemariæ. 2. Dum unum modum rei consideramus, non considerando alterum identificatum. v. g. considerando longitudinem corporis, non latitudinem. 3. Dum consideramus unum attributum non considerando alterum identificatum. v. g. considerando humanitatem in Petro non attendendo ad hoc individuum.

*Crisis* NB. Melius etiam Author *abstractio* nem terminum usitatissimum in Scholis sumpsisset in sensu usitato, cum nullum in illa acceptione detur inconveniens. Sumitur autem abstractio in Scholis tripliciter. 1. Dum accidens abstrahitur à substantia, v. g. considerando rubedinem ex pomo abstractam, non considerando pomum. 2. Dum consideratur unum prædicatum essentiale rei non considerando alterum identificatum, sub quo modo comprehenduntur omnes tres modi Arnauldiani. 3. Dum consideratur quælibet res sine sua individuatione. v. gr. cogitando de pomo, ut sic.

Cap.

Cap. VI.

*De universalitate, & singularitate idearum.*

Hic agit more consueto de termino (universalis, particulari, univoco æquivoco. In ideis universalibus duo vult distingui, *comprehensionem*, & *extensionem*.

Comprehensionem vocat illa attributa, quæ ita in idea universalis continentur, ut nulla demi possit, quin idea destruat, sic comprehensio ideæ trianguli includit extensionem, figuram, tres lineas, tres angulos, horum angulorum æqualitatem cum duobus rectis. Extensionem vocat, species, quibus idea generica convenit, sic idea animalis extenditur ad hominem, leonem.

*Crisis.* NB. Comprehensio malè definitur ab Arnaldo. Multa enim adhuc supersunt attributa trianguli, quæ si non cognoscantur omnia, ab iis penes quos à tot sæculis erat tallium nominum & loquendi potestas, non dicebatur comprehendere triangulum. Absurdi ergo sunt Neoterici, qui, dum toties inculcant, definitiones nominum esse arbitrarias, haud dubiè, humano generi, mutant tamen significationem omnium Veterum suorum, non generis humani arbitrio. Nova nomina liceat illis baptizare, non rebaptizare vetera.

Cap. VII.

*De ideis quinque universalibus.*

Agit de genere, specie, differentia, proprio, accidente, ut solet. Differentiam aliter definit, nempe, quòd sit primum attributum essentiale speciei, quod non comprehenditur.

ditur in idea generis. v. g. substantia genus dividitur in duas species, *Corpus & spiritum*. In corpore primum attributum est extensio, in spiritu cogitatio itaque extensio & cogitatio sunt differentiae substantiae.

*Crisp.* NB. Fallum est, primum attributum corporis esse extensionem, ut demonstrabitur in *Physica*.

### Cap. VIII.

#### *De terminis complexis, eorumque universalitate.*

Quando termino additur terminus, nascitur terminus complexus. v. g. homo prudens, Alexander filius Philippi. Duo autem sunt genera talium additamentorum, quorum alterum *explicativum* dici potest, alterum *determinativum*. *Explicativum* tantum est, quando disertis verbis explicat, quod prius tantum latebat in idea universali, absque eo tamen, quod ideam universalem restringat. v. grat. *homo qui est animal ratione praeditum*; vel *homo mortalis*. quae conveniunt omnibus hominibus. *Determinativum* est, quod terminum universalem restringit. verb. grat. *homines sapientes, corpora pellucida, animal rationale*. Hinc fit, ut per additionem determinativam terminus universalis aliquando fiat singularis, verb. gratia *Papa nunc sedens*. qui erat Alexander septimus dum ista scribebat Arnaldus.

Dein aliqui termini sunt complexi quoad sensum. v. g. si quis in Gallia nomet *Regem*, aut in familia *Herum*. Alii termini sunt complexi quoad verba & sensum simul. v. g. *Princeps Philosophorum*. intelligitur *Aristoteles*.

Omnia adjectiva aut connotativa sunt quoad

*De Logica Neotericorum Sect. III. at*  
quoad sensum termini complexi . v. g. album  
subintelligit *ens* vel *corpus* album .

Denique bene notandum est , dari terminos complexos singulares , per æquivocationem tamen , quam *æquivocationem erroris* voco , universales . *Vera Religio* , *Parisiensium Geometrarum maximus* , *hominum doctissimus* , *dexterimus* , *ditissimus* &c. reipsa sunt termini singulares , quia tantum una est vera Religio , & unus Geometrarum maximus ; sed quia diversi homines per errorem alium hominem maximum , aliam Religionem veram existimant , fit , ut terminus singularis per errorem & opinionem hominum applicetur pluribus objectis . Huc pertinent hæ loquendi formulæ , *authoris sensus* , qui licet unus sit , ex opinione tamen hominum est varius .

*Griss* NB. Non benedicitur , tales terminos singulares per æquivocationem fieri universales : significatum enim per nomen expressum non convenit pluribus , & nequidem per errorem ab eodem intellectu tribuitur pluribus , quod tamen requiritur ad rationem universalis , cum ex suo conceptu , adeoque respectu ejusdem intellectus debeat esse communicabile pluribus . Itaque quamvis nonnunquam rejiciantur propositiones in *sensu authoris obvio* , aut in *sensu ab Authore intento* , non debet Arnaldus existimare , censuram esse æquivocam , veluti tubam , quæ incertum edat sonum ; quando per notas características designo Petrum , non loquor æquivocè , si nomino Petrum , & quando per contextus , fragmenta , aut alias cuiusvis obvias circumstantias designo sensum , non erit æquivoca loquendi formula , dum loquor de sensu *Authoris obvio* .

## Cap. IX.

*De idearum claritate, & obscuritate aut  
confusione.*

Quamvis in ideis claritas aliud sit, quàm distinctio, & obscuritas aliud, quàm confusio; sumantur tamen ista interea pro eodem. Quid sint, exemplis patefiet.

1. Claram ideam habemus 1. De re cogitante & ejus operationibus volitione, cogitatione, desiderio. &c. 2. De substantia extensa, & ejus proprietatibus, figura, motu &c. 3. De duratione, ordine, numero. 4. De Deo, secundum aliquas tantum perfectiones sumpto.

Econtra obscuram ideam habemus 1. De qualitatibus sensibilibus, colore, sono, odore, frigore, calore, gravitate. 2. De qualitatibus occultis, ut verb. gr. attractivis.

Causa obscuritatis harum idearum inde provenit.

Quando infantes eramus, mens sensit in se varias nasci affectiones præter suam voluntatem, idque dependenter à corporibus v. gr. calorem ob igne. Inde mens credidit, in objecto dari aliquid simile sensationibus, vel saltem ideis inde ortis, & propterea ipsos sensus caloris, coloris &c. transtulit in res, ex quibus nascuntur tales sensus. Exinde ideo talium qualitatium, quatenus transferuntur in res ipsas, manent obscuræ ac confusæ. Id tamen mirum ac lepidum accidit, quòd dum homines calorem tribuerunt igni, non etiam ipsum dolorem ac ustionem igni tribuerint.

Sed quamvis homines rectè judicaverint, dolorem non essetribuendum igni, in alio  
tamen



tamen errore versantur, dum dolorem tribuunt manui aut pedi, cum tamen dolor non nisi menti insit. Verum quidem est, dolorem excitari per ea, quæ in manu fiunt; nempe ob motus naturali dispositioni contrarios, sed dolor in mente est. Hoc non tantum magnitudo est ab antiquis Philosophis, ut Cyreniacis, sed etiam ab Augustino multis in locis. *Dolores*, inquit l. 14. de Civ. c. 15. *qui dicuntur carnis, anima sunt in carne, & ex carne nam dolor carnis tantum est offensus anima, & quadam ab ejus passione dissensus. sicut animæ dolor, quæ tristitia nuncupatur, dissensus est ab his rebus, quæ nobis nolentibus accidunt.* Et l. 7. de Gen. ad lit. c. 19. *cum afflictiones corporis moleste sentis, (anima) actionem suam, qua illi regendo adest, turbato ejus temperamento, impediri offenditur, & hæc offensus dolor dicitur.*

Dolorem verò; qui corporis nuncupatur, ad animam pertinere, non ad corpus, manifestum omnino fit ex eo, quod illa quæ nobis cogitantibus dolorem inferunt, ne lædunt quidem, cum mens vehementi applicatione aliàs distrahitur, ut videre est in Sacerdote Afro, de quo Augustinus l. 14. de Civ. c. 2. & quando ei placebat, ad imitatas quasi lamentantis hominis voces ita se auferebat à sensibus, & jacebat simillimus mortuo, ut non solum vellicantes & pungentes minimè sentiret, sed etiam aliquando igne ureretur admodum sine ullo doloris sensu, nisi postmodum ex vulnere.

Denique & id observandum, ne per ipsam quidem manum dolorem causari in anima, sed per nervos, & per motum spirituum intra nervos tanquam tubulos propagatum usque in cerebrum. nam si quid impediat, quo minus nervorum filamenta suum motum cerebro communicent, prout contingit  
in

in apoplexia, aut paralyfi, sine omni doloris sensu ferrum patietur & ignes. Cum e contra manus illi dolere poterit, qui caret manibus, quemadmodum sæpiſſimè iis accidit, quibus manus amputatæ sunt. quia si nervorum filamenta à manu ad cerebrum extensa prope cubitum, ubi in brachio truncato terminantur, moveantur, cerebrum eodem modo afficietur, quo afficeretur, ac si superesset manus. sic & imagines, quas in speculo intuemur, eo loco apparent, quo futuræ essent, si per directos radios aspicerentur.

Hæc sufficient, ut intelligamus fieri posse, ut anima è corpore separata igne inferni vel urgatorio torqueatur, imò eundem dolorem sentiat, quo quis afficeretur, si admoto igne ureretur, quia etiam tum, cum anima corpori unita erat, illa cruciabatur, non corpus, dolorque nihil aliud erat quàm quædam animæ tristitia, qua affligebatur ob ea, quæ in corpore agebantur.

Inter ideas confusas etiam est idea *gravitatis*. dum enim ab infantia vidimus lapidem cadere deorsum, formavimus nobis duas ideas, unam lapidis, quæ vera est; alteram causæ, ob quam descendit lapis; eamque vocavimus *gravitatem*, quasi lapis moveretur ab intrinseco, & non à causa extrinseca propellente. Simili modo egimus, dum vidimus paleas attrahi à succino, ferrum à magnete. formavimus enim nobis ideam virtutis seu qualitatis *attractivæ*.

*Crisis.* NB. Hic Arnaldum potius lepidum existimo, quàm sensuum communem hominum, dum ex eo, quòd tribuamus igni calorem & lucem, non etiam eidem tribuamus dolorem, miratur. Nescit Arnaldus, instinctum naturalem hominum, aut lumen naturale esse quandam revelationem Dei circa eas veritates, quas scire generi humano in-

pri.

primis convenit. Jam verò, utrùm detur aliquid simile nostris ideis in mundo corporeo, decet sciri ab humano genere ad commendandum pulchritudinem divinorum operum, idque cum id nulla alia ratione sciri poterat ab anima, quæ utique nesciret, quid sit extra se, Deus omnibus hominibus impressit naturalem propensionem ac inclinationem invictissimam, ut magno impetu, ac præcipientia absque ulla hæsitazione judicarent, dari aliquid simile nostris ideis in mundo corporeo. Deus sic facere potuit, sic conveniens erat ut faceret, & uniforme judicium hominum non potest habere aliam causam, nisi talem instinctum naturæ, quia si tale judicium dependeret à libertate humana, non esset universale ac uniforme in omnibus hominibus, cum contingentia, qualia sunt judicia hominum libera, in innumeris circumstantiis non procedant uniformiter. ergo evidens est, ex universali instinctu ac sensu hominum, etiam Cartesianorum, antequam hoc præjudicium deposuerunt, dari qualitates similes nostris ideis in mundo corporeo. De dolore homines non habent talem instinctum, ut eum indicent esse extra corpus humanum; itaque ibi non erit. Quod Arnaldus dicit, dolorem esse in anima, verum dicit, quod dicit, eum tantum esse in anima, dubium est; quod dicit, dolorem esse tristitiam in anima, totus aberrat. Aliud enim esse dolorem, aliud esse tristitiam, cuivis experimentaliter notum est. Deniq; dum nos confingere putat ideam virium motricium, iterum errat. datur enim vis motrix, ea potest concipi, ea potest poni in corpore quocunque; itaq; non est idea talium virium aut falsa, aut ficta, aut obscura; sed quia mens ignorat, quibusnam conditionibus, instrumentis, aut organis ea vis alligata

gata sit in tali activo corpore, ideo obscuritas talis ideæ non versatur circa ipsam vim activam, sed circa dispositionem materiæ. Sic scio, dari in corpore humano vim motricem brachii, quæ est in anima; non erro concipiendo talem vim, sed quibus instrumentis & dispositionibus anima ad movendum brachium egeat, hoc est, quod accuratè non scio.

## Cap. X.

### *Exemplum obscurarum idearum ex Ethica.*

Tales sunt dum habemus falsam ideam veræ beatitudinis, veræ miseræ, veræ excellentiæ, veræ nobilitatis, veræ magnanimitatis, veræ fortitudinis &c. Sed hæc pertinent ad Ethicam. (*Crisis.*) D. Augustinus movet, ut paucis exemplis ad multa utilia utamur, non ut omnino utilia in mera exempla convertamus. non enim, ut Aristoteles observat, simul tradere scientias, & modum sciendi convenit.

## Cap. XI.

### *De confusione idearum orta ex vocibus.*

Notandum est, homines earundem rerum habere diversas ideas, iisdem tamen vocibus uti ad illas exprimendas. Idea virtutis alia est apud Philosophum ethnicum, alia apud Theologum; uterque tamen eodem virtutis nomine utitur ad suam ideam exprimendam sic & omne illud, quod in nobis est principium accretionis, sensationis, & cogitationis, *animam* nuncupavimus. Sed postea, dum in plantis principium accretionis

is etiam vocaretur *anima*, huic eidem voci eandem ideam subjecimus. *Vita* nomen simul & illi facultati inditum est, undè functiones animales procedunt, & facultati cogitatrici, cum tamen hæc duo diversa sint. Hæ voces *sensus*, *sensatio* simili æquivocatione laborant. Dum enim tria fiunt, cum sentimus, nempe motus in organo, v. g. aure. 2. Perceptio v. g. soni. 3. Judicium, quo judicamus rem perceptam esse extra nos, nos omnia confundendo in unum uno *sensus* vel *sensationis* nomine comprehendimus. Hinc dicimus, oculum videre, aurem audire, cum tamen oculus, nec auris quidquam percipiat, aut judicet, nec ullum errorem sensus comittant.

Sed notandum est, hanc confusionem idearum & errorem nominis æquivoci solùm tunc fieri, quando diversæ res eodem nomine significatæ aliquam cognationem ac connexionem inter se habent. quando enim idem nomen diversas res significat, quæ non solent simul ab hominibus concipi & conjungi in conceptu, nullum est periculum, ut quis æquivocatione deceptus eas inter se confundat. Sic *Aries* significat stellam & animal, sed nullus hæc duo unquam confundet.

## Cap. XII.

### *De remedio vitandæ confusionis.*

Unicum remedium sunt accuratæ definitiones nominis, per quas tamen non intelligitur nuda explicatio nominis, ut designetur res, eo modo, quo per alia nomina designantur, sed qua accuratè designatur conceptus, sub quo res concipiuntur, eo quòd eadem res diversimode concipi possit. Ex hoc inferitur. 1. Definitiones nominis esse arbitra-

trarias, 2. Non esse movendam litem de definitione nominis. 3. Omnem definitionem nominis habere rationem principii per se noti.

In has leges vulgaris Philosophia impingit, quia primò definitionem rei cum definitione nominis confundit; nam cum innumeras definitiones non nominum, sed rerum procuderet, reipsa tamen falsissimas, has tamen obtrudit pro principiis, quibus nefas sit refragari. Secundò, quia nominum definitionibus nunquam utitur ad obscuritatem amoliendam, nec illas certis quibusdam ideis clarè designatis affigit. Hinc evenit, ut maxima disputationum pars de nominibus tantum instituat. v. g. credunt, quòd ignis sit calidus, quod cuivis persuadent, quamdiu abstinēt à definitionibus nominis: si autem definiant, & dicant, calidum esse, quod habet similem qualitatem illi, quam sentimus in animo; non poterit recipi pro principio, ignem esse calidum.

*Crisis.* NB. Non ita se habet, definitiones utitatorum nominum esse arbitrarías; sed ubi erit varia nominis acceptio, per definitionem nominis licebit nobis designare, in qua acceptione nos terminum sumamus. Quod attinet *ignem calidum*, non necesse erat, hunc terminum definire, cum excommuni Scholarum usu constet, hunc terminum accipi pro igne formaliter, & non tantum causaliter calido. Itaque quamvis Peripatetici tales terminos non definiant, falsum tamen est; quòd eas veritates pro primis principiis obtrudant; sed assumunt eas per modum *postulati*, seu per modum veritatis alibi probatæ, vel aliunde certæ.

Cap. XIII.

*Observanda circa definitiones nominum.*

1. Nomina rerum simplicium, quarum omnes homines naturaliter easdem ideas habent, superflue definienda non sunt. tales voces sunt. Ens, cogitatio, extensio, duratio vel tempus.

2. Notæ ac jam receptæ definitiones non sunt mutandæ, nisi in iis occurrat aliquid culpandum.

3. Cum necessitatis definiendi nominis inceserit, ad usum communem quàm proximè fieri potest est accedendum, nec notiones aliæ, quàm usitatæ, vocibus assignandæ.

Cap. XIV.

*De Interpretatione nominum.*

Primò observandum, quòd per nomina excitentur quædam ideas secundariæ nonnunquam præter ideam principalem, quæ est propria significatio nominis. v. gr. si quis cuiusdam diceret; *mentitus es*, si primaria notio spectetur, nihil aliud sibi voluit illæ voces, quàm; probè nosti, non esse verum quod dicis. Sed huic primariæ significationi usus aliam, contemptus scilicet & opprobrii ideam conjunxit. Aliquando hæc ideas secundariæ adduntur ex vocis intensione, corporis distortionem, aut aliis signis externis. Sic Herus manifestat iram, vehementiori voce servo acclamans.

Secundò observandum, nonnunquam secundarias has ideas ipsis verbis adunitas esse, quia ordinariò illis prolatis in mente exci-

tantur. Hinc fit, ut verborum, quæ idem videntur significare; quædam contumeliosa sint, alia blanda; quædam verecunda, alia effera; quædam casta, alia turpia, quia præter primariam ideam alias adjectitias habent, & quibus oritur hæc varietas. hæc notatio quorundam injustitiam propalare potest, qui de illatis opprobriis conquerentes frequenter nomina substantiva in adjectiva commutant. Si *ignorantia* & *falsitatis* accusentur, se ignaros falsariosq; cognominatos proclamant: quod tamen est à ratione alienum, cum illa nomina ejusdem significationis non sint. Nomina enim adjectiva *ignarus*, *falsarius* præter notata vitia contemptus ideam includunt, cum tamen ignorantia & falsitas rem prout est sine ulla accessione significant quin immò alia nomina inveniri fortè possunt, quæ idem significant, sed adjecta idea blanda & demulcente, quæque desiderium testentur, illius famæ parcendi, in quem dicuntur. Talibus autem vocibus utuntur viri prudentes ac moderati, nisi peculiaris aliqua ratio exigat, ut res majori vehementia & acrimonia agatur.

Hinc etiam cognosci potest discrimen inter genus orationis simplex & figuratum. v. g. si quis hosti suo diceret: *non est usquadeo miserum, mori*. languidum videretur, si verò usurpet illud Virgilii, *Usque ad rone mori miserum est?* præter rem significat insuper fortitudinem animi & contemptum generosum mortis. Hinc figuratæ locutiones, quando commovendi sunt affectus, plurimum contribuunt; verba enim docent, sed figuræ repræsentant internos affectus animi, ex quorum vivo intuitu formantur in similes motus mentes adientium juxta illud:

*Si vis me flere, dolendum est  
primum ipsi tibi.*

Exinde etiam patet, falsum esse, quòd Stoi-



ci dicebant, nullas dari impudicas voces; nec enim rationem habuerunt secundariorum idearum, quas mens primariis adjungit. Sic *adulterium, incestus, peccatum abominandum*, nomina obscœna non sunt, licet res maximè obscœnas significant, quia illas tantum exhibent obiectas ideæ secundaria horroris, tanquam velo, ita ut hæ voces non tam actiones ipsas, quàm actionum flagitia significare videantur. Econtrà sunt aliæ voces, quæ easdem actiones nullo imisso horrore significant, imò illas potius ut gratas placentesque, quàm ut flagitiosas notant, ideæ effrontis animi, turpitudinem propalantis ac impudenter ostendentis superaddita. Et hæ illæ voces sunt, quæ turpes & impudicæ vocantur. Idem dicendum de quibusdam circumlocutionibus, quibus actiones quædam publicè exprimuntur, quæ quamvis legitimæ, nonnihil tamen corruptæ naturæ admixtum habent. Tales quippe verborum circuitus non tantum res ipsas simpliciter exprimunt, sed una probam dicentis dispositionem, adeò ut palam fiat è prudenti cautela quam adhibet, eum nonnisi gravatè & coactè de illis loqui, illasque vel le & sibi & aliis obvelatas. Cum econtrà qui de iisdem aliter & liberius loquuntur, ostendunt se in iis contemplandis cum delectatione versari, quæ delectatio cum turpis sit, mirum non est, voces illius turpitudinis ideam habentes turpes censeri & inverecondas. Hanc ob causam evenit aliquando, ut vox aliqua, quæ aliàs casta fuit, turpis postea evadat; nec in tali casu pro excusatione sufficit dicere, talem terminum in SS. Patribus, aut etiam Scriptura usurpari; quia his terminis ideæ obscœnitatis cujusdam ex posterorum usu accessit, maximè in lingua vernacula.

## Cap. XV.

*De sensu secundo particula demonstrativa hic.*

Particula demonstrativa hic, vel hoc primario significat rem aliquam præsentem confusè ac genericè sumptam, dum verò addimus in conceptu attributa rei designatæ v.g. gemmæ, hoc jam pertinet ad ideas secundarias, quas principali significato superaddit. Hinc dum in consecratione dicitur: *Hoc est corpus meum*; Primarium significatum particule demonstrativæ idem manet, videlicet aliqua res præsens; & solum mutatur significatum secundarium, seu ideæ adscititiæ, nempe, ideæ panis cui substituitur ideæ corporis Christi.

## P A R S II.

*De secunda mentis operatione.*

## Cap. I.

*De Vocibus.*

Agitur de nomine, pronomine, relativis, eorumque sensu.

## Cap. II.

*De Verbo.*

Ostendit, qualiter verba præter affirmationem etiam significant personam, numerum, tempus.

Cap.

Cap. III.

*De propositione.*

Agit de subiecto, prædicato, seu attributo, de propositione affirmativa, negativa, universalis, particulari.

Cap. IV.

*De oppositione propositionum.*

Agit de contradictoriis, contrariis, subalternis, subcontrariis.

Cap. V.

*De propositionibus complexis.*

Una propositio est, cujus est unum subiectum & prædicatum. quando ex parte subiecti, vel prædicati, vel ex parte utriusque dantur propositiones incidentes, adhuc tamen est una propositio. v. gr. *Qui facit voluntatem Patris mei qui in celis est, is regnum celorum possidebit.* 2. *Alexander, qui fuit Regum fortissimus, Darium superavit.* 3. *Beatus ille, procul negotiis*

*Ut prisca gens mortalium  
Paterna rura bobus exercet suis  
Solutus omni fœnore.*

4. *Ille ègo qui quondam gracili modulatus  
avena*

*Carmen, & egressus sylvis vicina co-  
egi,*

*Ut quamvis avido parerent arva co-  
lono*

*Gratum opus agricolis. At nunc hor-  
rentia Martis*

Arma virumque cano, Trojæ qui primas  
ab oris

Italiam fato profugus lavinaque venit  
littora.

Hæc omnia sunt una propositio.

### Cap. VI

#### *De natura propositionum incidentium.*

Propositiones Incidentes funguntur officio adjectivi seu addidamenti ad substantivum. Tale autem vel est determinativum vel explicativum, prout in prima parte dictum est. Quando est explicativum, ita ut additamentum universalitatem in idea termini non immutet; pronomen omitti potest, & ipsum subiectum pronomini substitui. v. gr. *Homines qui sunt creati ad gloriam Dei sunt redempti.* Possum dicere: homines sunt creati ad gloriam Dei. Quando verò pronomen est determinativum; ita ut restringatur universalitas subiecti. v. gr. *Homines qui sunt pii salvantur.* Non possum dicere: homines sunt pii, Sed prædicatum *salvari* convenit *homini & pietati* simul junctis

Secundò potest contingere, ut uni termino conveniant plures propositiones incidentes, in quarum una pronomen sit explicativum, in altera determinativum v. g. *Doctrina, quæ collocat summum bonum corporis, quæ fuit tradita ab Epicuro, est indigna in voluptate Philosopho.* In prima propositione incidente, quæ collocat &c, Pronomen est determinativum, in altera; quæ fuit tradita, pronomen est explicativum. Hinc dici potest, doctrina, quæ collocat summum bonum in voluptate corporis, tradita fuit ab Epicuro.

Tertiò notandum, utrum pronomen sit  
de

*De Logica Neotericorum Sect. III. 33*  
determinativum , an explicativum , de-  
sumendum esse ex sensu & intentione lo-  
quentis ,

## Cap. VII.

*De falsitate in terminis complexis &  
propositionibus incidenti-  
bus .*

Notandum 1. Veritatem propositionis principalis non tolli per falsitatem propositionis incidentis , nisi prædicatum propositionis principalis habeat aliquam connexionem cum propositione incidente . verbi gr. vera est : *Alexander M. qui fuit filius Absalonis , superavit Persas* ; licet incidens falsa sit . Econtrà falsa est : *Alexander , qui fuit filius Absalonis , fuit Saulis adversarius* .

Notandum 2. Terminos complexos in titulis solum honorariis non falsificare propositionem . Sic quia olim Episcopi sancti & sanctissimi vocabantur , in colloquio Carthaginensi Episcopi Catholici minimè dubitarunt Donatistas Episcopos sic compellere . *Sanctissimus Petilianus dixit* . Hoc verum erat . si quis tamen dixisset : *castissimus Petilianus dixit* . Fortè id verum non erat .

Hæc duo notanda , procedunt de terminis complexis , ubi additiones sunt explicativæ , non verò , ubi sunt determinativæ .

## Cap. VIII.

*Agit de propositione modali.*

## Cap. IX.

*Agit de propositione copulativa, disjunctiva, conditionali, causali, relativa, discretiva. Relativam* vocat, quæ continet comparationem vel relationem. v. g. ubi est thesaurus, ibi cor. qualis vita, talis mors. *Discretivam* vocat, ubi sunt varia judicia, & varietas denotatur per *sed, tamen*. v. g. fortuna opes, non animum auferre potest.

Cælum, non animum mutant, qui peregrinantur. Ad veritatem propositionis discretivæ requiritur veritas utriusque partis. Contradictoria illius est copulativa.

*Crisis*. NB. Hæc regula Arnaldi & absurda & falsa est. Absurda est, quia ipsa etiam propositio discretiva est propositio copulativa, adeoque absurdum est, illi contradictoriam assignare copulativam. Falsa autem est, quia propositioni copulativæ, qualis est discretiva, pro contradictoria assignari debet disjunctiva. v. g. dum dico: *Cælum, non animum mutant*. sensus est: *Cælum mutant & animum non mutant*. Cui contradictoria est: *vel Cælum non mutant, vel animum non mutant*.

## Cap. X.

*Hic agit de propositionibus exceptivis, exclusivis, comparativis, inceptivis, definitivis.*

*Exclusiva* est, quæ ita prædicatum convenire designat subiecto, ut illi soli conveniat.

niat. v. g. *Nobilitas sola est atque unica virtus*. Illi contradicitur. 1. Negando prædicatum convenire subjecto. v. g. dicendo, virtutem non reddere nobilem. 2. Afferendo, prædicatum aliis rebus convenire. verb. gr. dicendo, nascendi fortem nobilem reddere. 3. Utrumque afferendo. v. g. dicendo, & virtutem & nascendi fortem nobilitare. Prætereà notandum, dati propositiones exclusivas quoad sensum. v. g.

Una salus victis nullam sperare salutem.

Qui gloriatur, in domino gloriatur.

Quæ seminaverit homo, hæc & metet.

*Exceptivæ* quæ quoad solam phrasin ab exclusivis differunt, tales sunt.

Avarus, nisi cum moritur nihil rectè facit.

Nemo miser, nisi comparatus.

Nemo leditur, nisi à seipso.

*Comparativæ* etiam continent tacitè duas propositiones, tales sunt illud Epicuri:

Dolor est malorum maximum.

Et illud Scripturæ:

Meliora sunt vulnera amici, quàm fraudulenta oscula inimici.

Melior est sapientia, quàm vires.

Hic notandum: comparativum non semper supponere positivum, v. grat. dicitur in Scriptura: *Melius* est habitare cum dracone, quàm cum muliere litigiosa. & in Evangelio dicitur: *Melius* culvis esse, ut illi suspendatur

G 5 mola

mola asinaria in collo, & demergatur in profundum maris, quàm ut minimum fidelium scandalizet. quin tamen bonum sit habitare cum dracone, hocque non solum verum est, quando comparantur duo mala ad invicem, sed & in aliis casibus, quod celebri exempla liquet. Disputaverat quondam S. Augustinus cum Gresconio Donatista. Dixerat Augustinus: *Traditiones nos (Catholici) vobis Donatistis probabilius objicimus*. Respondit: Gresconius *Si enim vos probabilius; nos ergo probabiliter; nam gradus iste, quod ante positum est, augeat, non quod ante dictum est, improbat*. Sed primò S. Augustinus conquisitis ex S. Litteris exemplis hanc inanem subtilitatem retundit, citato inter reliqua ex Epistola ad Hebræos loco, in quo D. Paulus, postquam dixerat, terram quæ spinas proferat, maledicto proximam esse, subjicit: *Confidimus autem de vobis fratres charissimi meliora*. Nota quia, inquit Augustinus, bona illa erant, quæ supra dixerat, spinas proferre, & confusionem mereri, dein affert aliud exemplum ex Virgilio, ubi loquens de illa infania, qua nonnulli.

*Discissos nudis laniabant dentibus artus.*  
Addit:

*Dii meliora piis, erroremque hostibus illum.*

*Incaptiva & desitiva* etiam continent tacite duas propositiones tales sunt:

Judæi post captivitatem Babyloniam desierunt uti antiquis litteris.

Lingua Latina desit esse vulgaris ab annis quingentis in Italia.

Judæi quinto post Christum sæculo cœpere uti punctis loco vocalium.



Hic notandum, licet circa propositiones exclusivas, exceptivas, incæptivas, desitivæ variis modis possint proponi propositiones contradictoriæ, nontamen circa eas recte contradici, si præcisè negentur, aut iis præponantur particulæ negativæ *Non*, determinando, utrùm negatio afficiat hanc vel illam partem propositionis taliter compositæ. verb. grat. si quis dicat: *Solus Epicurus summum bonum collocavit in voluptate*. Non rectè contradico dicendo; *Non solus Epicurus summum bonum collocavit in voluptate*. Sic enim non rectè declaro sensum meum, utrùm existimem, Epicurum non posuisse summum bonum in voluptate, vel utrùm credam, Epicurum in hac opinione non esse solitarium. Eodem modo, si quis perspecta à me iudicis æquitate quæreret. *Venalisne apud illum etiamnum est iustitia?* non debeo simpliciter negare propositionem, quia sic præberem ansam credendi, saltem aliquando ab eo fuisse venditam iustitiam.

*Crisis.* NB. His omnibus Regulis Arnaldus potuisset parcere, si vel attendisset hanc solam; Quod omnis propositio debeat dividi in tot distinctas propositiones; quot continet objecta affirmationis aut negationis; & quod propositioni copulativæ contradicatur per disjunctivam.

## Cap. XI.

*De investiganda subjecto & predicato  
propositionum.*

Invehitur hîc Arnaldus in vulgarem Logicam Scholasticam, quod tantum utatur propositionibus, in quibus subjectum & predicatum ordinatè ac explicitè ponitur, nec assuefaciat tyrones ad propositiones usitatas in communi modo loquendi, verba gr. has. *Turpe est obsequi libidini.* Vel illa Pauli: *Est autem quæstus magnus pietas cum sufficientia.* vel illa Virgilii.

*Felix qui potuit rerum cognoscere causas,  
Atque metus omnes, & inexorabile fatum.  
Subjecit pedibus, strepitumque Achærontis  
avaræ.*

in quibus omnibus propositionibus id, quod primo loco ponitur, *Turpe*, *Quæstus*, *felix*, est predicatum. Tandem concludit; subjectum & predicatum ex sensu desumendum esse.

*Crisis.* NB. Logica vulgaris statim ab initio de *Terminis* tradit similia exempla, & simili modo nos remittit ad sensum propositionis; non itaque indiget monitione Arnaldo.

Cap. XII.

De investigando sensu Universali  
vel particulari propo-  
sitionum.

*Prima Observatio.* In duas species universa-  
litas distinguenda est. una est Metaphysi-  
ca, altera Moralis. *Metaphysica* est quæ nul-  
lam habet exceptionem, v.g. *Omnis homo est*  
*animal.* *Moralis* est, quæ habet exceptio-  
nem, & quæ procedit, dum res ut plurimum  
ita se habet. Tales propositiones Moraliter  
universales sunt.

Illud Apostoli: Cretenses semper menda-  
ces, malæ bestię, ventres pigri.

Et: Omnes quæ sua sunt quærent.

Illud Horatii.

Omnibus hoc vitium est cantoribus, inter  
amicos

Ut nunquam inducant animum cantare to-  
gati.

Injussi nunquam desistant.

Et. Mulieres sunt garrulæ.

Adolescentes inconstantes, & variæ.

Senes laudatores temporis acti.

Moderatio circa tales propositiones duo  
præcipit: Unum est, ut ex universali pro-  
positione non statim inferamus conclusionem  
particularem, v. gr. quemvis in particulari  
Cretensem esse mendacem; nisi casum illum  
particularem prius ritè examinaverimus. Al-  
terum est, ne tales propositiones universa-  
les statim impugnemus, aut habeamus pro fal-  
sis, etiamsi possimus afferre aliquas instantias,  
in quibus à vero abluant. Nobis verò satis  
erit, si ab aliis ultra justos limites extendantur  
osten-

ostendere, eas non debere tam strictè ad litteram sumi.

*Observatio . 2.* Sunt quædam propositiones, quæ inter Methaphysicas numerari debent, licet quædam exceptiones habere possint, nimirum cum hæ exceptiones exoticæ sunt, qualesque ex usu communi sub his terminis universalibus non comprehenduntur. verb. grat. si dico: *Omnes homines habent duo brachia. Omnes homines utuntur voce ad pandenda animi sensa.* Insulsè quis exciperet, dari monstra, qui habeant quatuor brachia; & dari mutos. quia propositiones illæ universales ex sensu communi omnibus obvio solum loquuntur de hominibus secundum communem ordinem naturæ constitutis, sub quo ordine nec monstra comprehenduntur; nec muti.

*Observatio 3.* Dantur propositiones universales, quæ verificantur de generibus singulorum, non de singulis generum. verb. gr. omnia animalia fuerunt in arca Noe. Et quod Christus Phariseis ait: Decimatis omne olus. Et quod D. Paulus. Sicut & ego omnibus per omnia placeo.

*Observ. 4.* Aliquæ propositiones sunt universales, inquantum pars prædicati retrahitur ad subjectum. v. g. *Omnes homines sunt justi per gratiam JESU Christi* sensus est: Omnes homines justi sunt justificati per gratiam JESU Christi. Vel: *Sicut omnes per Adamum moriuntur, ita omnes per Jesum Christum vivificabuntur.* id est: omnes qui vivificantur, per Christum vivificantur. Huc pertinent propositiones quædam moraliter universales. v. g. Germani sunt in militia fortes, Batavi experti nautæ, Flandri boni pictores, Italia optimi comædi, id est, il, qui ex Germanis sunt milites, qui ex Flandris pictores &c. esse cæteris nationibus præstantiores.

*Obser-*

*Observatio 5.* Dantur plures aliæ particularitatis notæ, quàm sunt hæ: *Quidnam, aliquis. v. g. Sunt, qui existimant, vel: non omnis, qui mihi dicit Domine Domine intrabit in regnum cælorum. vel. non omne peccatum crimen est.*

*Observatio 6.* Falsum est, quod traditur in summulis, propositiones indefinitas tantum in materia necessaria esse universales, in materia verò contingenti esse particulares. nam omnis propositio indefinita etiam in materia contingente debet esse universalis saltem moraliter. Homines enim omnes tales propositiones rejiciunt, ut falsas nisi universalitate morali universaliter veræ sint. Quis enim concederet has propositiones. v. grat. *Ursos esse albos, homines esse nigros, Parisienses nobiles, Polonos Socinianos, Anglos tremulos Enthusiastas, quamvis aliqui ursi, nempe in Nova Zembla, & aliqui homines, nempe in Æthiopia, & aliqui Parisienses nobiles sint? econtrà veræ erunt, si dicam; Galli sunt inconstantes, Itali iracundi, Germani proceri, Orientales voluptuosi.* Poterit ergo hic alia distinctio adhiberi, ut propositiones indefinitæ in materia doctrinali dicantur universales, v. g. *Angeli sunt incorporei; in rebus verò facti; & narrationibus Historicis esse particulares. v. g. ubi in evangelio dicitur, Milites plēdentes spineam coronam imposuerunt capiti ejus.*

*Observatio. 7.* Hæc nomina *populus, communitas &c.* non reddunt propositiones, quibus inferuntur, universales, nec particulares, sed singulares. v. g. Si dico: *Romani vicerunt cartaginem. Veneti bellum gerunt adversus Turcam.* Hoc neque intelligitur de omnibus Romanis & Venetis, neque de majori parte, neque tantum de aliquibus; sed consideratur totus populus instar unius hominis.

minis , qui per particulares agit tanquam sua membra .

### Cap. XIII.

#### *De divisione .*

Præter regulas divisionis ordinarias observat , divisionem nec nimiam esse debere , nec nimis parcam . Petrus Ramus voluit , omnem divisionem tantum debere esse bimembrem . Sed cum in scientiis queratur claritas & facilitas , tria plurave membra rejici non debent . Nimis subdivisiones obruunt mentem , & pariunt eoipso confusionem ; *Confusum enim est , quidquid in pulverem sectum est .*

### Cap. XIV.

#### *De duplici subjecto propositionis , tanquam eodem .*

Sicquamvis aer nos ambiens singulis momentis alius sit , concipimus tamen eundem , dum dicimus : aerem frigidum factum esse calidum , cum fortè frigido tantum calidus successerit . Ita de flumine loquentes dicimus hæc aqua heri turbida erat , cum tamen non sit eadem aqua . *In idem enim flumen , inquit Seneca , bis non descendimus ; manet idem fluminis nomen , aqua transmissa est ,* Te corpore animantium loquimur , ac si semper idem esset , licet non simus persuasi post decem annos ullam prioris materiæ particulam superesse . Augustus dicebat , se Urbem Romanam invenisse lateritiā , reliquisse marmoreā . De civitate , domo , æde sacra dicimus , quodd tali tempore destructa , alio tempore restituta fuerit . Clara  
ergo

ergo est, in similibus à nobis formari ideam confusam subiecti tanquā ejusdem, dum mens diversitatem, aut successionem subiectorum non adeo attentè percipit. Hinc & evidens est; illa verba: *Hoc est corpus meum*, nec rationi, nec communi loquendi usui repugnare, si sic explicentur; *Quod hoc momento panis est, alio momento est corpus meum.*

Cap. XV.

*De definitione.*

Tradit communes regulas. Sed in exemplis conatur ostendere, contra illas peccare definitiones Aristotelicas. v. g. dum *motus* definitur esse *actus entis in potentia prout est in potentia*. (Crisis.) Non enim putat per hoc ideam definiti reddi clariorem. Sed Arnaldus debuisset distinguere claritatem conceptuum à claritate verborum, & ipsam claritatem debuisset distinguere in eam, quæ est ex suppositione; & eam quæ est absoluta. Sunt nonnunquàm verba obscura, quia sensus ob phrasin inusitatam non est statim obvi-  
us; potest autem sensus esse clarus, sicut contingit Gallo aut Italo, qui non intelligit rectè axiomata & phrasas Germanicas. Potest etiam demonstratio in Astronomia esse clarissima ei, qui prius claram habet notitiam Geometriæ; dum aliàs obscura manet. Sic etiam ingeniis non imbutis Philosophia abstracta, definitiones Aristotelicæ obscuræ manent, dum alii, qui omnia in mundo reali fieri censent, ut existunt in mundo intellectuali, easdem intelligunt & amant.

## Cap. XVI.

*De propositionibus, in quibus rerum nomina tribuuntur signis.*

Dicimus aliquando de imagine Cæsaris. *Hic est Cæsar.* vel de mappa Geographica Italiz: *Hoc est Italia.* Quod verò non liceat cuivis quidlibet pro sua phantasia assumere in rationem signi, & signo imponere nomen rei significatz, cuivis patet. Quis enim toleraret dicentem: *Lapis est equus. Asinus est Rex Persia* quamvis his res in sua mente hæc signa destinasset. Itaque tradendæ sunt regulæ, secundum quas liceat vel non liceat, signo imponere nomen rei significatz. Sint ergo istæ.

*Prima.* Respectus remotiores, qui sensibus non apparent neque ipsi menti primo intuitu occurrunt, quique per meditationem demum elucet, nullo modo sufficiunt, ut signis illico nomen rerum signatarum tribui rectè possit. Ita enim nullæ ferè res forent, inter quas tales respectus reperiri non possent. Neminiq; obscurum est, quodd respectus atque similitudines non statim in oculos incurrentes non sufficiant ad id, ut mens ad sensum figuræ perducatur.

*Secunda.* Non sufficit, ut signo nomen rei significatz in primo statim themate, quod de ea proponitur, tribui possit, si quis scit, eos, ad quos sermo dirigitur, illud jam pro signo alterius rei plane diversæ reputare. Scimus v. gr. Laurum signum esse victoriæ, & Oleam pacis, His autem licet probe cognitis nemo inducitur, ut approbet sermonem illius, qui Laurum Regi Chinesum, Oleam Turcarum Imperatori ceu signum



signum in animo suo destinaverit, inque horto deambulans alteri dixerit: En! Hæc Laurus est Rex Chinenſium, & hæc olea eſt Imperator Turcarum.

*Tertia.* Quævis præparatio, quæ mentem tantummodo in exſpectatione magnæ alicujus rei conſtituit, ita tamen eam non præparat, ut certam rem tanquam ſignum conſideret, nullo modo ſufficit, ut hinc ſigno nomen rei prima inſtitutione per id ſignificatæ jure tribui poſſit. Ratio ejus patet, quoniam non adeſt directæ & propinqua conſequentia inter ideam magnitudinis & ideam ſigni; & ſic una non ducit mentem ad alteram.

*Quarta.* Tunc ſolùm licet nomen rei ſignificatæ imponere ſigno, quando illi, ad quos ſermo dirigitur, aliquid pro ſigno jam reputant, & tantùm ſcire deſiderant, cujuſnam rei ſignum ſit. Ita Joſephus Pharaoni reſpondere poterat, ſeptem vaccas pingues & ſeptem ſpicas plenas, quas per ſomnium viderat, eſſe ſeptem annos abundantes. quia probè noverat, Pharaonem de hoc tantùm eſſe ſollicitum, ſibiſque ipſi hanc movere quæſtionem. Quidnam eſt illud, quod hæ vaccæ pingues, & ſpicæ plenæ ſignificant? Ita Daniel optimè reſpondit Nabuchodonofori; eum eſſe caput illud aureum, quod ipſi propoſuerat ſomnium. Ita & Deus Ezechieli oſtendens campum plenum offibus ait: *Hæc offa eſſe domum Iſrael.*

Hinc regulæ non obſtat, quod dicunt, in Scriptura *circumciſionem vocari fœdus*, quin priùs illi, ad quos dirigebatur Scriptura, circumciſionem pro ſigno habuerint. Fieri ergo poſſe, ut ipſa propoſitio ſimul, dum proferitur, ſignificet aliquid eſſe ſignum, & cujuſ rei ſit ſignum. nam hæc propoſitio: Circumciſio eſt fœdus, non continetur in Scriptura

ptura. Sed prius dicit Deus : *Ecce, fœdus, quod inter vos, & me firmiter esto.* Dein primum Deus subicit conditionem fœderis. *Omne masculinum inter vos circumcidetur.* Itaque ex his regulis bene actum est, quod in his verbis : *Hoc est corpus meum* : omnes populi non deciderint pro sensu figurato, sed pro reali. Quia Apostoli cum panem non considerarent ut signum, adedque de ejus significatione non essent solliciti, Christus, sit tunc nomen rei signo tribuisset contra morem ab omnibus hominibus receptum, eos decipisset.

## Cap. XVII. XVIII. XIX. XX.

### *De conversione propositionum.*

Affirmatio est tantum unio duarum idearum inter se: negatio verò est separatio duarum idearum inter se. Hinc clarum est, parum referre, quam ideam primo loco ponam, quam secundo. Sed in conversione tali idearum seu subiecti ac prædicati solum notandum est, ut servetur semper eadem ideæ extensio, seu universalitas, & eadem comprehensio seu natura.

*Crisis* Hic Arnaldus affert regulas conversionis communes, sed modo obscurissimo v. g. ponit Axioma : 1. *Attributum in propositione affirmativa ponitur in subiecto secundum omnem extensionem, quam subiectum habet in eadem propositione.* Sensus est : quod prædicatum in hac v. g. propositione : *homo est animal*, sumatur tantum particulariter, & quidem non majori nec minori universalitate, quam patet homo. Axioma 2. *Attributum propositionis affirmativæ affirmatur secundum integram comprehensionem.* Sensus est, quod si verb. grat. dicam : *Rectangulum est parallelogram-*  
mum,

*enuntium*, affirmem de Rectangulo totum id, quod comprehenditur in idea parallelogrammi: nam si pars una deesset, non affirmaretur totum parallelogrammum.

## P A R S III.

*De discursu, seu Syllogismo.*

**I**N Proœmio observat, errores hominum non tam frequenter provenire à malis il-  
lationibus, & discursu, quàm à falsis prin-  
cipiis; & ideo majorem curam adhibendam  
esse in corrigendis præjudiciis, quàm caven-  
dis consecutionibus erroneis.

Cap. I. De partibus syllogismi.

Cap. II. De syllogismo complexo. Ta-  
lem vocat, in quo termini sunt complexi.  
v. g.

Omnis bonus Princeps à subditis diligitur.

Omnis Rex pius est bonus Princeps;

Ergo omnis Rex pius à subditis diligitur.

Cap. III. Regulæ generales syllogismi.

Cap. IV. De quatuor figuris.

Cap. V. Regulæ & Modi figuræ. 1.

Cap. VI. Regulæ & Modi figuræ. 2.

Cap. VII. Regulæ & Modi figuræ. 3.

Cap. VIII. Regulæ & Modi figuræ. 4.

In his omnibus Arnaldus affert commu-  
nia, nisi quod subin loquatur obscurius, quàm  
Scholastici, & pro exemplis syllogismorum  
afferat syllogismos, de objecto aliàs utili,  
qualis est prior C. 2. (*Crisis*) Hoc tamen obser-  
vo, tales syllogismos plerumque esse longio-  
res, & ob materiæ diversitatem non solum esse  
memoriæ difficiliore, sed etiam minus com-  
modos, ad contuendam omnium syllogismorum  
analogiam inter se. si enim in omnibus figu-  
ris

ris & modis retineo eandem materiam, & simplicissimam, qualis est in Summulis ordinariis, facilius intueor diversitatem modorum & figurarum, utpote objecto ac subiecto manente eodem.

Cap. IX, De Syllogismis complexis.

Cum plerique syllogismi communiter adhiberi soliti complexi sint, nec de eorum bonitate judicari possit, quin reducantur ad syllogismos communes; videtur esse operæ præritum docere, quomodo syllogismi complexi ad simplices reducantur; cum tamen hæc reductio videatur esse opus nimis subtilitatis, quæ à Gallis sub vili nomine *Pedanterie* comprehendi solet, melius videtur, si pariles in aliis materiis contextantur syllogismi, ut ex eorum veritate aut falsitate appareat, an forma sit legitima.

Exemplum. 1.

Divina lex jubet, ut Reges honoremus,

Ludovicus XIV. est Rex;

Ergo lex divina jubet, ut honorem Ludovicum XIV. Clarum est vim argumenti in his aliis propositionibus esse.

Reges sunt honorandi;

Ludovicus XIV. est Rex;

Ergo Ludovicus XIV. est honorandus.

Itaque hæc propositio: *Lex divina jubet*, quæ principalis videtur in syllogismo, est tantum incidens.

NB. Melius diceret Arnaldus, talem syllogismum in duos syllogismos dividendum, quorum posterior sit probatio Majoris, sic:

Illud est agendum, quod lex divina jubet:

Sed

*De Logica Neotericorum Sectio III. 71*  
Sed lex divina jubet honorandos esse  
Reges;  
Ergo Reges sunt honorandi.

Exemplum 2.

Debemus credere Scripturæ :  
Traditio non est Scriptura ;  
Ergo non debemus credere traditioni.  
Vitium hujus syllogismi apparet, si re-  
ducatur ad primam figuram. tunc enim  
apparebit Minorem esse negativam, sic:  
Credendum Scripturæ est ;  
Traditio non est Scriptura ;  
Ergo credendum traditioni non est.

Exemplum 3.

Omnis bonus pastor paratus est animam  
ponere pro ovibus;  
Sunt autem pauci pastores, qui sunt parati  
animam ponere pro ovibus;  
Ergo sunt pauci pastores boni.  
Hic syllogismus videtur affirmativus in se-  
cunda figura, & sic malus per regulas. Sed  
si inspicatur sensus, tam miror, quam  
conclusio est negativa. sensus enim est :  
Multi pastores non sunt parati &c. Ergo  
multi pastores non sunt pastores.

Exemplum 4.

Omnes illi, quibus eripi non possunt ea,  
quæ amant, extra inimicorum insidias po-  
siti sunt.  
Sed illis, qui solum Deum amant, eripi  
non potest quod amant;  
Ergo illi omnes, qui solum Deum amant,  
positi sunt extra inimicorum insidias.  
Hic syllogismus in prima figura videtur  
habe-

habere Minorem negativam, & ideo esse vitiosus. Sed revera Minor est affirmativa; est enim hic sensus: *Omnes illi, qui Deum amant, ex eorum numero sunt, quibus ea, quæ amant, eripi non possunt.*

### Exemplum 5.

Soli Dei amici sunt beati:

Sed sunt aliqui divites, qui non sunt amici Dei;

Ergo sunt aliqui divites, qui non sunt beati. potest sic reddi:

Quisquis non est amicus Dei, beatus non est:

Sed sunt aliqui divites ex eorum numero, qui non sunt amici Dei;

Ergo sunt aliqui divites, qui non sunt beati.

Sic ergo Minor, quæ videbatur negativa, evasit affirmativa,

### Exemplum 6.

Quidquid non habet partes, interire non potest per dissolutionem partium:

Sed anima nostra non habet partes;

Ergo anima nostra interire non potest per dissolutionem partium.

In hoc syllogismo videtur Minor esse negativa, adeoque totus syllogismus constare meris propositionibus negativis, cum ex meris negativis nil sequatur. Sed revera Minor est affirmativa, quia sensus est: *Anima nostra est res, quæ non habet partes, sicut in Majori subiectum erat: Id seu res, quæ non habet partes.*

Cap. X.

*Principium Generale Syllogismorum.*

Est illud, quod conclusio debeat contineri in una, præmissarum.

Cap. XI.

*Idem prosequitur.*

Cap. XII.

*De Syllogismis Conjunctivis.*

Conjunctivos syllogismos vocat, quorum Major sic componitur ut integram conclusionem contineat. Sunt triplicis generis, conditionales, disjunctivi, copulativi.

In conditionali prima Majoris pars vocatur *antecedens* secunda *consequens*. v. g.

Si Deus est, amandus est.

Sed Deus est;

Ergo Deus amandus est.

Si est, est *antecedens*: amandus est, est *consequens*.

NB. Melius prima pars ab aliis vocatur *conditio*, secunda *conditionatum*.

*Regula 1.* Affirmato *antecedenti* in Minori rectè in consequente affirmatur *consequens*.

NB. Alii sic loquuntur: Purificata *conditione* in Minore rectè in conclusione infertur *conditionatum*, v. g.

Si materia prima non movetur à seipsa primus illi motus debuit imprimi à Deo?

Sed materia prima non movetur à seipsa;

Ergo primus motus illi debuit imprimi à Deo.

*Regula 2.* Sublato consequenti tollitur *antecedens*. v. g.

*Amor: Philosoph. T.V.*

D Si

Si quispiam electorum perit, Deus fallitur:

Sed Deus non fallitur;

Ergo quispiam electorum non perit.

Sic D. Augustinus discurret his verbis: *Horum si quispiam perit, fallitur Deus: sed nemo eorum perit; quia non fallitur Deus.*

*Regula 3.* Affirmato consequente non licet inferre antecedens, v. g. mala est illatio:

Si Sinenses sunt Mahumetani, sunt infideles:

Sed sunt infideles;

Ergo sunt Mahumetani.

*Regula 4.* Negato antecedente non licet negare consequens. Sic est mala illatio:

Si Sinenses sunt Mahumetani, sunt infideles:

Sed non sunt Mahumetani;

Ergo non sunt infideles.

Hic tamen notandum, esse syllogismos, qui hoc ultimo vitio laborare videntur, cum tamen legitimi sint, eo quod Major tacite habeat sensum exclusivum. v. g. Juno apud Virgilium utitur ad Jovem hoc ratiocinio:

Si sine pace tua, atque invito Numine Troes

Italiam petiere, luant peccata, neque illos

Juveris auxilio. Sin tot responsa secuti,  
Quæ Superi Manesque dabant, cur tua  
quisquam

Flectere jussu potest, aut cur nova conde-  
re fata.

Ponamus hanc orationem reduci ad hunc  
syllogismum.

Si Trojani invito Numine Italiam petiere,  
puniendi sunt.

Sed non petiere invito Numine:

Ergo puniendi non sunt:

hic syllogismus videri posset malus, & simillimus huic.

Si



Si Judas sine vocatione Apostolus factus est, debuit à Deo rejici.

Sed non est factus Apostolus sine vocatione;

Ergo non debuit à Deo rejici.

Itaque dicendum, Majorem in priori Syllogismo esse exclusivam, ita ut sensus sit: *Tunc tantum puniendi sunt Trojani, si invito Numine Italiam petiere.*

De Syllogismis disjunctivis, est

*Regula 1.* Uno disjunctionis membro in Minori rejecto, alterum in conclusione stabilitur v. g.

Qui peccant punientur vel in hac vita, vel in quadam altera:

In hac non omnes puniuntur;

Ergo puniuntur in altera.

*Regula 2.* Quando in Majori sunt tria disjunctionis membra, tunc duobus in Minori rejectis, tertium stabilitur in conclusione. Sic D. Augustinus l. de mendacio discurret.

*Aut non est credendum bonis, aut credendum est iis, quos credimus debere aliquando mentiri, aut non est credendum, bonos aliquando mentiri.*

*Horum primum perniciosum est, secundum stultum. Restat ergo ut nunquam mentiantur boni.*

*Regula 3.* Uno disjunctionis membro in Majori affirmato in conclusione stabilitur alterum v. g.

D. Bernardus prædicans Cruciatum vel sanctus erat, vel impostor:

Sed Sanctus erat;

Ergo impostor non erat.

De Syllogismis copulativis est

*Regula 1.* Quando propositionis copulativæ negativæ una pars in Minori stabilitur, altera in conclusione rejicitur. v. g.

Nemo potest duobus Dominis; servire, Deo  
& Mammonæ:

Avarus Mammonæ servit;  
Ergo non servit Deo.

*Regula 2.* Econtra in tali syllogismo negata una parte in Minori non necessariò in conclusione stabilitur altera. v. g. non bene inferitur:

Nemo potest duobus Dominis servire; Mammonæ, & Deo:

Sed prodigi non serviunt Mammonæ;  
Ergo serviunt Deo.

### Cap. XIII.

#### *De Syllogismis Hypotheticis.*

Syllogismus hypotheticus vocat quando sola conclusio hypothetica est. v. g.

Omne corpus lumen quaquaversum reflectens scabrum est.

Ergo, si luna lumen quaquaversum reflectit, corpus scabrum est.

Conatur Arnaldus tales syllogismos hypotheticos ad categoricos in *Barbara*, celarent. & c. reducere; sed modum, quo reducuntur, non ostendit.

Cap. XIV. De Enthymemate.

Cap. XV. De Sorite.

Cap. XVI. De Dilemmate.

Cap. XVII. De Locis Topicis. Hic Arnaldus more omnium Neotericorum contemnit Locos Topicos velut inutiles; eo quòd ab experientia constet, neminem, cum discutienda est aliqua quæstio, de his locis cogitare, aut ex iis probatiunculas quærere. Hinc & Quintilianum, quamvis aliàs magni hanc artem fecerit, factum esse, cum materia dicenda proposita fuerit, non esse scrutanda singula, & velut opiatim pulsanda

ea argumenta, ut sciamus, an ad id probandum, quod intendimus, forte respondeant. Ad hos Locos Topicos attendere rem simillimam esse, ac si quis ambulare volens attendere velit ad leges Geometricas, secundum quas pes dirigitur à natura; aut si quis docere volens motum progressivum infanti, admoneat verb. gr. spiritus animales in hos nervos amandandos, tales in musculis motus ciendos, pedem unum alteri præponendum, ac demum illi alteri insistendum, donec prior promoveatur. ut enim habet S. Augustinus l. 2. de doct. Christ. C. 37. *Plerumque accidit, ut facilius homines eas res assequantur, propter quas discendas ista discuntur, quàm talium præceptorum nodosissimas & spinosissimas disciplinas. tanquam si quispiam dare volens præcepta ambulandi moneat, non esse levandum pedem posteriorem, nisi cum posueris priorem; deinde minutatim quemadmodum articulorum & poplitum cardines oporteat movere describat. Vera enim dicit, nec aliter ambulari potest, sed facilius homines hac faciendo ambulant, quàm animadvertunt, cum faciunt aut intelligunt, cùm audiunt.* (Crisis)

Sic illi. Verùm nimium, ut solent, præcipitantes in hac re judicant Neoterici non intelligentes naturam humani ingenii & naturam memoriæ. Id quidem concesserim, nec Rhetorem, nec Philosophum, nec Theologum, nec cujusvis alterius scientiæ cultorem cogitare de his Locis Topicis, dum argumenta inquirunt, & dum operatur ex his ipsis Locis Topicis. sed hoc non probat, doctrinam de Locis topicis profundè insculptam memoriæ inutilem esse. nam & Organædus, & Cytharædus, & pictor, & sutor, & sartor, & quivis alius artifex non amplius cogitat de regulis artis, dum operatur, quamvis ne-

mo dixerit, regulas artis fuisse inutiles. Immo eas ipsas regulas, quas tradit Arnaldus in sua Logica, aut eas, quas tradunt alii, omnesque animadversiones quæ traduntur in Logica, aliisve scientiis & artibus quis dixerit semper obversari explicitè menti, dum Magistri artis rectissimè secundum artem discunt? Non itaque omne illud inutile est, de quo actum non cogitamus, in directione artium. Dicant ergo Neoterici, quid & quomodo prosint regulæ artis v. g. Grammaticæ, aut Musicæ, aut scriptoriæ, aut statuariæ &c. dum de illis non cogitat artifex? dicam, quod Neoterici nesciunt: Hoc prosunt regulæ, ut nobis forment naturam alteram. ut enim vulgò in proverbio est: consuetudinem esse naturam alteram, sic & habitus ac consuetudines artium sunt quædam natura altera humani ingenii, qua rectè constituta ultrò actus regularissimi & ordinatissimi etiam nobis non cogitantibus de causa erumpunt. si enim tanta est vis naturæ primitus à Deo constitutæ, ut per dispositiones miras ac inenarrabiles humani ingenii occurrat memoriæ quod volumus, nobis non solum nil de eo naturæ artificio cogitantibus, sed nec illud quovis conatu intelligentibus, quis neget per artes sic eandem naturam disponi posse, ut sicut natura juxta exemplar divinæ sapientiæ componitur, sic eadem juxta ideam artis per regulas ac præcepta similem formam, vultumque induat. Sunt & naturæ sui moduli sicut in figulina, aut coquinaria, aut fusoria; si modulus rectè à natura vel arte effingitur, exeunt vasa honoris aut contumeliæ, amphoræ aut urceoli, rectum, distortum, pulchrum, turpissimum, ut tuletur modulus; sit & ex humano ingenio disposito exeunt cogitationes malæ aut bonæ, prout permiserit ac formam impresserit modulus artis Logicæ, acquisitus per præcepta versa diu, diu reversa habitus. Solet fieri, ut in senibus plerumque

que vigeat eana prudentia; quòd si ergo à talibus in arduo negotio petas consilium; dicent: *sic illis videri*, si istes, cur hoc magis præ altero eligant, offendes fortè, qui rationē afferat, plures invenies, qui nullā addiderint. An ergo in illo gravissimo senum judicio nulla latet prudens ratio? latet enim verò, quis enim sine ratione sapientem dixerit; sed cùm per longam annorum experientiam; sic tandem oculus humanæ mentis optimè constitutus sit, ut vasto intuitu inter innumera errorum pericula non nisi rectum videat, contingit ut non opus habeat senilis prudentia laborioso per annos præteritos reditu, quo per reflexionem ad experientias innumeras reddat suæ rationem scientiæ. Cedat ergo & Neotericorum immatura levitas antiquæ orbis sapientiæ, quæ semper per Locos Topicos & didicit, & disci posse exemplo ac experientia docuit. Facessat illa humani ingenii cum pede indocili atque indocto paritas. Ingenium speciebus, & ordinato specierum exercitu movetur ac regitur; potentia locomotiva spiritibus animalibus brutis, cæcis, & indomitis servili naturæ imperio dirigitur. Habet quidem libertas animæ in pauculos etiam animales spiritus veluti reliquorum ex cerebro directrices imperium, sed & hoc non est absolutum ac Monarchicum, sed directivum tantum. quo singulos in membris singulis regat juxta leges suæ, ut ita dicam, provinciæ. In solo mentis imperio & cogitationum regno valent & audiuntur leges ad placitum: hic ars præcipit, & obeditur; hic ordinant vias publicas Loci Topici, hic officinis singulis, quid vendant, suis inscribitur titulus; interest plurimum, habere vias paratas ac faciles, quibus quæras, nosse, ubi quærendum; ac primò intuitu videre forum ordinatissimam exemplorum omnium possibilium in omni argumentorum

genere. Animus tuus te non reflexè ad singula cogitante ista omnia videt, aut saltem hæc omnia simul motu suo in cerebro afferuntur & offeruntur animo, ut possit videre, si velit, quod velit, motus consimilium & argumentorum & relationum conjungunt se ultrò tux, quàm discutiis materiæ, & qua parte similes modostendendi ac similes relationes recipit, eam ad similes motus, formulasque argumentorum stimulant; inde fit, ut illi, qui in Locis Topicis per profundam meditationem, ac exemplorum copiam exercitissimus est, facilius occurrant, quæ quæsierit, argumenta. Sic clamat totius orbis experientia, & vanam Neotericorum subtilitatem nî profundè ultra corticem investigantem confundit.

Cap. XVIII. *De Locis topicis in specie.* quos secutus Claubergium, *limati judicii*, inquit, *rationisque accuratæ Philosophum*, in Grammaticos Logicos, & Metaphysicos distinguit.

*Crisis.* NB. Quàm inconstans ac varium est Arnaldi judicium! Claubergius in sua *Logica Contracta*, ut vocat, nil tradit, quàm meras definitiones nominum, ut Aristoteles de Prædicamentis, nec inter Neotericos ullam peiorem quàm Claubergii Logicam reperi. Interim Arnaldo Aristoteles displicet, Claubergius placet, priore in plerisque deterior, in paucis nec illo melior.

Cap. XIX. *De Sophismate.* Affert communia. Nisi quodd semper afferat exempla ex Philosophia Neotericorum, in iisque supponat certa, quæ haud dubiè falsa sunt. (*Crisis*) Peccat ergo Arnaldus contra Methodum perpetuò, dum in doctrina Regularum Logicæ sumit exempla ad minimum dubia. Methodus suadet, ut sicut regulæ debent esse certæ, etiam exem-

*De Logica Neotericorum Sect. III.* 81  
exempla extra controversiam sint. Alioquin  
cogemur in Logica fieri boni Physici, & sic  
prius discere scientias, antequam didiceri-  
mus Logicam, modum sciendi.

Cap. XX.

*Sophismata, quæ in conversatione communi  
solent contingere.*

Hæc sunt duplici generis; unum oritur ex  
inordinatione voluntatis, alterum ex rebus  
ipsis. Sunt autem ista.

*Primum est*: sophisma *Philautia*, *utilita-  
tis*, & *affectus*. Solet hoc contingere, quan-  
do aliqua dogmata ab integra natione, aut  
hominum professione pro veris habentur,  
dum ab alia natione vel professione univer-  
sim rejiciuntur. Dum enim fieri nequit,  
ut aliud sit verum in Hispania, aliud in Gal-  
lia, quid causæ est, ut tam diversa sentiant?  
v.g. cogitat quispiam, hujus sum ego natio-  
nis; ergo mihi sic sentiendum, quod com-  
muniter creditur in hæc Provincia: Hujus  
sum ego Ordinis aut instituti; ergo mihi ista  
opinio amplectenda. Solet nempe utilitas,  
aut affectio nos commonefacere, ut curatori  
studio eas rationes pensitemus, quæ stant pro  
parte, ex qua veritatem se tenere optamus.  
Verum hoc pondus inclinationis non est æ-  
quilibrium veritatis.

*Secundum est*, sophisma ex æstimatione  
aut amore hominum. Sæpe solet continge-  
re, ut mutato affectu erga hominem et-  
iam mutetur judicium. Sic habentur com-  
muniter pro temerariis, superbis perfidis &c.  
qui novo crimine in aliorum odium incide-  
runt, cum tamen prius, dum adhuc erant  
in amoribus, vitæ integri, scelerisque puri  
haberentur. Quidquid desiderant, id  
æquum

æquum est, & factu facile: quidquid aver-  
santur, id ingenium, & impossibile. Hi ta-  
les, quamvis formaliter non sic ratiocinen-  
tur: *Amo hunc; ergo est hominum optimus: il-  
lum odi; ergo est pessimus*: reipla tamen  
hoc ordine cogitationum & affectuum pro-  
cedunt.

*Tertium* est, ex præjudicio propriæ autho-  
ritatis. sunt enim, qui ex præconcepta de  
suis ingeniis opinione universaliter credunt,  
*rationem à se stare, ac sibi veritatem perspe-  
ctam esse*. Hinc credunt, sufficere ad assen-  
sum ab aliis extorquendum, si sententiam  
suam clarè proposuerint; & parum solliciti  
sunt de sententia propriis rationibus proban-  
da; aliorum verò rationes negligunt. Om-  
nia cupiunt autoritate stabilire, quia nun-  
quam rationem ab autoritate distinguere  
didicerunt.

*Quartum* oritur ex hoc principio: *Si id  
esset verum, ego non essem vir doctus; ergo  
id non est verum*. Huc pertinent eorum perti-  
nacix, qui seu in Medicina seu in Physica  
omnes novas doctrinas verb. gr. de circula-  
tione sanguinis rejiciunt, quia aliàs metue-  
rent, suam antiquiorem institutionem con-  
temnendam.

*Quintum* est ex censuris contrariæ sententiæ.  
familiarius nihil est, quàm audire homines,  
ubi dissenserint, sibi invicem exprobrantes,  
opinatores, cavillatores, cupiditatum man-  
cipla, &c. vocantes, vix binos repereris cau-  
fidicos, qui sibimetipsis procrastinatas lites,  
veritatemque subdolè occultatam non obji-  
ciunt. Indè verò fit, ut per tot cavillatio-  
nes via veritatis amittatur, vel spinis sepiat-  
ur. Rectè S. Augustinus monet. *Omitta-  
mus ista communia, quæ dici ex utraque  
parte possunt*.

*Sextum* est ex invidia, erga eos, qui novè  
de-



dogmatis vel inventores sunt, vel illustratores. Ita quemadmodum hanc quidam ridiculam ratiocinationem faciunt: *Hac sententia à me fuit excogitata, est propria mei ordinis, est utilis rebus meis; ergo est vera.* Ita non minus absurdam struunt, cogitando: *Hoc ego non dixi; ergo est falsum. Hunc ego librum non scripsi; ergo est malus.* Hinc oritur *contradictionis spiritus*. Hoc impulsu, dum aliena leguntur vel audiuntur, iis rationibus, quæ ad illa stabilienda faciunt, obiter tantum prælibatis toti se conferunt ad ea remedia quæ in oppositum dici possunt. Semper in procinctu adversus veritatem stant, de qua obscuranda & propulsanda solum cogitant, quod ipsis fermè semper succedit ex voto, cum humana mens inexhausta abyssus sit falsarum rationum, Huc pertinent Scioli, quos Galli *Pédants* vocant. Hi gloriæ ducunt, de rebus minimis altercari, omnibusque sordide ac malignè contradicere. Hoc vitium potissimum exercetur erga eos, quos sibi ægrè opinionione aliorum præferri existimant. Quapropter prudentes quantum possunt, eas, quibus alios antecellunt, dotes occultant, & conspectu se eripiunt, plausum fugiunt, malunt latere inter turbas, quo solam nudamque veritatem in scriptis propinent.

*Septimum* est vitium, disputandi cacoethes. Non per hoc sentiendum, generatim disputationes improbari debere, econtrà dici poterit; modo debite usurpetur, nihil illis esse ad ingenia acuenda, ad argumenta excogitanda utilius, sive invenienda veritas sit, sive aliis demonstranda. animi motus in rei cuiuspiam nudo examine solitariè versantis ut plurimum torpet, languetque, adeo ut opus aliquo calore sit, quo excitetur, quo latentæ ideæ expergeant, atque evocentur. Ex

rum notitiam pervenitur, quæ Thesin faciēbant, & obscuram, & persuasum difficilem, ad quos proin obices superandos ingenii vires intendimus.

Sed itidem verum est, quo hæc exercitatio censetur utilior, quando ritè & sine omni animi perturbatione aut aversione adhibetur, eò esse ejus abusum perniciosiorem, cum scilicet gloriæ ducimus quoque pretio, quocunque periculo & propria defendere, & aliena impugnare. Nihil potest nos magis à veritate abalienare, quàm hæc disputandi prurigo. Hinc sensum assuescimus, ubique rationes invenire, vel potius ubique rationibus nos præferre, illis enim nusquam cedimus, nunquam manus damus. Hinc gradatim eò deducimur, ut nihil certi habeamus, ut unà veritatem & errorem confundamus; utrumque in eodem probabilitatis gradum collocantes. Hinc tam rarum est, ut disputando lites dirimantur; hinc nunquam ferè altercantes Philosophi in eandem conspirant sententiam, semper aliquid sapere est, quod regerant, quod in sui defensionem proferant. Non enim animus est errorem, sed silentium devitare, quia minorem ducunt ignominiam semper decipi, quàm fateri se aliquid quando deceptos.

Itaque nisi nosmetipsos exercitatione assueverimus ut regamus, inhibeamusque motus animi, per arduum sanè erit, inter disputationum ardores aufugientem ex oculis veritatem non perdere, cum nihil apud nos fiat, quod ad concitandos motus animi faciat magis. Quodnam illud vitium est, inquit Scriptor celebris, ad quod disputationum æstu non abripimur? cum illarum ferè semper directrix sedeat iracundia. Primò bellum rationibus indicimus, deinde viris ipsis. disputare tantum discimus, ut possemus.

mus contradicere, & dum contradictiones recipiuntur, fit, ut disputationis fructus sit veritatis amissio. Hic in ortum fertur, ille in occasum; quod primarium erat, & rei caput, perditur, dum inter rerum secundariorum & incidentium turbas erratur; & tandem post exactam rixis & clamoribus horam, quid querebatur, nescitur. Hic apud inferos est, ille apud superos, hic dextrorsum, ille sinistrorsum abit. Hic verbum captat aut similitudinem; ille nec audit nec intelligit amplius quod opponitur, sed totus suo cursui prosequendo ita intentus est, ut te neglecto se solum & videat & audiat. Sunt, qui cum se adversariis impares norunt, omnia formidant, omnia rejiciunt, ipsam in limine disputationem interturbant, vel in medialito obfirmatè obmutescunt, superciliorum contemptum affectantes, aut rixarum scilicet fugam insulse modestam. Hic modò hostem feriat, insuper habet, si totus illius ictibus pateat; ille singula verba digitis dinumerat, singulis pondus dinumerando addit. Alius strepitu & laterum firmitatè tantum valet. Sunt qui contra semetipsos digladiantur, auditoresque proloquiis, inutilibusque digressionibus defatigant, & obtundunt. Denique alii sunt, qui contumeliis armati pugnant, & ut possint à prementium rationibus evadere, de nihilo rixas excitant & turbas. Sic ille. Juvat pungi, ut moniti alienis vitiis alacrius attendamus ad propria.

*Octavum vitium est, ex nimia obsequiositate & complacentia. Sunt enim, qui dum horrent contradictionis spiritum, nemini contradicunt, omnia laudant, omnia approbant, hæc consuetudo primum iudicium corrumpit, dein mentem ipsam. Certè ex hoc*

hoc vitio laudationes adeò evasere communes, & tam promiscuè congeruntur in omnes, ut jam dici nequeat, quid de laudatis sentiendum sit. Ubinam ille concionator, qui in ore suorum, aut novellistarum non audiat hominum eloquentissimus? cui parentatur, quin pietate insignis objerit? tribularii scriptores vel volumina conflare possunt, si in unum compingant amicorum elogia. Cavendum ergo, ne aut credamus officiosis laudibus, aut ipsi fallamus credulos.

*Nonum* est ex amore sui. Quando hic semel nos ad opinionem defendendam compulit, non amplius curamus, veræne an falsæ rationes proferantur, quibus illam suffulciamus, sufficit si tales sint, quæ possint utcunque persuadere, in auxilium evocamus argumentorum omne genus, siue legitima illa sint, siue spuria, ut aliquid saltem dicatur, quòd cuivis possit imponere. Imò aliquando eousque proceditur, ut illa proferantur, quæ noscuntur apertè falsa, modò prosint.

Ex rebus ipsis occasiones errorum sunt.

*Primo*. Bonorum & malorum permixtio. Hinc vitia & navi nonnunquam in iis approbantur, qui æstimantur ob alias virtutes aut dotes animi, quæcum vitiiis navisque permixtæ sunt. Econtrà quod laudabile est in aliis, vituperatur, nullam aliam ob causam, quàm quod reperiatur in homine, qui ob alia vitia est aversioni, nec advertitur, nec pessimos mortalium esse sine mixtura boni, nec optimos sine maculis, quas Deus in suis non ad imitationem, sed ad humanæ imbecillitatis humilem agnitionem reliquit. Homines rarè res minutatim dissecant, atque examinant. Illa objecti impressio, quæ cæteris vivacior est, formæ judi-

judicium ; nec alia vivaciter sentimus ; quàm quæ acriter pungunt , & sculpunt scientiam . Sic cum multos errores scriptio quævis contineat , hos non advertimus , si attentio in contemplandis multis veritatibus , quæ placent , absorpta est . Econtrà , si quæ veritates multis erroribus immisceantur , illas negligimus , ad errores , qui sui copia fortius imprimunt , unicè attendentes . Univerſim quod fortius est , debiliora post se rapit , & quæ acrius oculos mentis irritant , non sinunt , ut ad subtilia & obscura attendamus . Indè & provenit , quòd homines id sæpe tantum laudent aut vituperent , quod in rebus , aut in aliis hominibus extimū est & accessorium , quia non satis luminis iis affulget ad penetranda ea , quæ intima ac præcipua sunt . Sic rudes pæloram præferent , quæ coloribus vividis & rutilantibus fulget , quàm aliam suboscurem , quæ peritis placet . Sic & populus facundum concionatorem dicit , cujus numerosæ periodi volvuntur sine vocum peregrinarum luto ; cum tamen sermonis puritas , & figurarum numerus in Oratore aliud non sit , quàm in Pictoria colorum nitor , id est , artis Oratoriæ pars infima ac maximè illiberalis . Generaliter dici potest ; quòd de rebus ut plurimum judicetur ex rerum cortice , quia vix ullus est , qui ad interiora penetrat . Omnis judicii norma est ille qui foris proſtat titulus , & væ , quibus hic non favet . sis doctus , sis prudens , perspicax quantum libuerit , si inter loquendum lingua titubes , si officiosæ salutationis verbis appositè non respondeas , actum est , tibi quod restat vitæ spatium ingloriè agendum inter despectos plebis , conspiciendaque sciorum , qui tibi præferentur , turba ingens . Magnum non est debitis carere laudibus , maximum  
tamen

tamen est hisce inhærere præjudiciis, nec ultra rerum corticem cernere; & hoc est illud, quod apprimè debemus evitare. Quapropter ratio justitiaeque exigit, ut in omnibus, in quibus bonum malo permixtum est, secretionem instituamus, in qua facienda specialiter fita est judicii accuratio, qua SS. Patres olim usi sunt, dum ex Ethnicorum libris optima quæque extraxere ad mores formandos; qua usus est S. Augustinus, dum non dubitavit ab hæretico Donatista septem regulas ad Sacras Scripturas interpretandas accipere. Ad hanc itaque secretionem faciendam nos ratio obligat, sed quia non semper sat otii habeamus ad minutatim discutiendum, quid boni malive insit unicuique rei, tunc illam rei denominationem dabimus, quæ iis ex majori meliorique parte competit. Sic illum dicemus bonum Philosophum, qui ut plurimum bene ratiocinatur; sic librum bonum, in quo erit multò plus boni, quàm mali.

*Crisis.* NB. Hæc ultima Arnaldi & falsa & ridicula est. Falsa est, quia sæpe *totum malum ex quolibet defectu, bonum autem ex integra causa*. Necquis pharmacum bonum dixerit, cui mortale venenum quamvis exiguum inspersum est; nec liber bonus erit, cui contagiosus error veluti exiguum fermentum, quod totam auditoris aut lectoris corumpit massam, conspersus est. Ridicula etiam est, quia si minutatim non expenduntur singula, quis scire poterit, plusne boni malive contineatur in opere?

*Secunda* est ex fastuosa eloquentia, quam Cicero dicit: *abundare sonantibus verbis, uberibusque sententiis*. Mirum sanè est, quantum se insinuet error, quàm placidè assensum suffuretur, dum nos adoritur è periodo aures suaviter demulcente, aut è  
figus

figura nova, & insolenti, quæ auditores ad sui contemplationem totos convertit. Itaque quando audimus Oratorem à longa gradatione aut antithesi multiplici exordientem, in procinctu standum est, quia rarò accidit, ut sese expediat, quin veritatem, quò illi figuræ quadret melius, aut cædat, aut distorqueat; eodem veritatem modo tractat, versatque, quo cœmentarius lapidem maro immitendum, aut statuarius æs, ex quo statua exsculpenda est; nempe dissecat, extendit, mutilat, refingit, prout necesse habet, ut locum occupet in vano illo verborum, quod molitur, opere. Optandum, ut omnes sibi sumerent gravissimam hanc regulam: *Nihil pulchrum, quod non verum*, quæ sanè vim maximam futilium ornamentorum, argumentorumque fallaciarum præscinderet. Verum quidem est, accuratam hujus regulæ observationem stylum reddere & aridum magis & minus splendidum, sed eundem efficit vehementiorem, sinceriorem, clariorem, & viro cordato digniorem, ac proin quam vim animis infert, & fortior est & diuturnior, cum quod nudè imprimitur à periodorum concinna formatione adeò leviter inhæreat, ut non citiùs audiatur, quàm evanescat.

*Tertia.* Ex præcipitantia in ferendis temerariis judiciis circa actiones humanas. Nunquam fertur judicium temerarium, nisi præcedat mala ratiocinatio. cum enim perspectas non habeant causas omnes, à quibus effectus potest proficisci, illum uni tantùm causæ tribuunt? in quam casu defectus suspicio, vel supponunt, eam causam, quæ aliquando talem effectum protulit, semper & ubique esse similis effectus causam, quamvis aliæ circumstantiæ aliud  
sua

suadeat. Sic si v. gr. vir doctus eadem sentie cum hæretico in materia nullatenus contingente fidem, inferunt frequenter malevoli, eum propendere ad hæreticos; id verò temerè & malitiosè non rarò accidit, cum non propensio in hæresin, sed ratio veritasque forsitan eam sententiam viro docto ab hæresi quam remotissimo commendarit. Sic & opinionis vehemens profligatio aliquando ex zelo veritatis, aliquando ex odio adversarii nascitur; amicitia cum flagitioso homine conservata nonnunquam amorem vitii; nonnunquam supponit respectum commodi; neglecta humanitatis officia sæpè ex arrogantia ac supercilio proficiscuntur contemptoris animi, sæpe etiam ex injuria, oblivione, aut ex negotiis. Silentium interdum molestiæ ac prudentiæ, interdum emotæ mentis signum est cunctatio, subin. prudentiam, alias hebetudinem mentis denotat. Mutatio sententiæ in nonnullis inconstantia, in aliis candoris ac sinceritatis judicium est; qui ratiocinantur, ut volunt, temerè de una causa judicant, nimis justo, ut solent mulieres, judicio.

*Quarta* ex insufficienti inductione. cum scilicet effata generalia ex particularibus quibusdam experimentis deducimus. Exemplorum quaternarius sufficit ad condendum axioma universale. v. g. ter aut quater quis alium in convivio solutioris genii reperit, id sufficit imperitis, ut generaliter credant perpetua à tali homine celebrari bachanalia. Curationes nonnullæ non succedunt Medicis aliàs etiam peritissimis; præcoces dicent, medicinam universam nil habere, quàm tentaminis. Peccant è sanctioris orbis statu pauculi; id profanis argumentum est, totum scatere vermibus & ossibus mortuorum.

*Quin-*



*Quinta* est ex eventibus . Dum aliorum consilia judicantur ac condemnantur ex successibus . Egerit quis prudenter ac providè pro circumstantiis , quas prævire poterat humana mensura prudentiæ , si vel casus , vel iniquorum perversitas , vel potentior omnibus fortuna ac altior providentia bene cogitata dissolvit , omnium infortuniorum reum condemnatur consilium . Ingeniosi sumus ad errores inveniendos , protrahendosque serò nimium , quos arbitramur infortuniorum causas fuisse , & quemadmodum Astrologi , ubi quid accidisse norunt , nunquam non cum astrorum aspectum inveniunt , qui id produxerit ; sic ubi quis in miseras ærumnasque prolapsus est , nunquam non errores , imprudentiamque advertimus , quibus illas adscribamus . Illi res suæ malè succedere ; ergo rationes suas malè subduxit . Sic homines , quia nec sapientes à felicibus , nec imprudentes à miseris distinguunt , fortunatos laudant , & infelices condemnant .

*Sexta* est ex autoritate dicentis , & modo proponendi . Hæc duo principia tantummodo valent quoad maiorem partem hominum ; non ratio , sed præsumpta in Authore ratio omnes omnium propemodum assensu trahit . Hoc causæ est , quòd Deus , dum voluit sua mysteria etiam rudibus ac simplicibus parare ad cognitionem accommoda , dignatus sit humanæ mentis imbecillitatem accommodare , sicque noluerit mysteriorum notitiam dependere à peculiari credendorum examine , sed certam constituerit veritatis regulam ; facile à populo per signa externa & communia præjudicia cognoscibiles , autoritatem videlicet universalis Ecclesiæ . Sed dum in rebus ad Religionem non pertinentibus sub-

subtrahitur secreta directio divinæ providentiæ, quæ ad stabiliendam veritatem arte recondita aut doctos præficit, aut præficientes instruit, quantum errorum colligimus, dum humanæ authoritati submittimus ingenia! sæpe ex testium & Authorum numero æstimamus sententias, cum tamen in rebus difficilibus non numerus, sed accuratum examen verum inveniat. Sæpe nobis loquentium aut scribentium dotes imponunt, cum tamen illæ nullum cum ea re, quæ quæritur, gerant commercium. Sic multi nullo præmisso examine viris provectioris ætatis assentiuntur, quorum tamen peritia iis fortè in rebus versatur, quæ nec ab annis, nec ab experientia, nec ab intellectus perspicacia addiscuntur. Pietas, sapientia, moderatio omnium procul dubio virtutum præstantissimæ sunt, multumque possessoribus authoritatis debent conciliare iis in rebus, quæ à pietate dependent, aut à sinceritate, vel etiam ab illa, quæ cœlitus datur, mentis illuminatione, quam credibile est Deum cumulatiùs in eos conferre, à quibus religiosius, puriusque colitur. Sed infinita sunt, quæ nonnisi ab humano lumine, ab humana experientia, ab humana inspectione habentur, de quibus ii potissimum nostram fidem merentur, quibus contigit ingenium perspicacius, vel qui in iis investigandis studium diligentius posuere. Cum tamen contrarium passim obveniat, multique satius ducant, etiam in talibus rebus proborum religiosorumque hominum opinionationibus adhærescere, verum non omnes in omnibus merentur fidem: & pessimè concluditur: Hic vir gravis est, ergo omnia intelligit, omnia novit.

*Crisis.*

*Crisis.* NB. Hic rectè addidisset Arnaldus, specialia illa lumina concedi probis non tantum in iis, quæ directè ad fidem pertinent, & religionem; sed etiam in iis, quæ cum rebus & religionis connexa sunt; interest enim Divinæ Providentiæ directricis Ecclesiæ, quæ ducta mirabili illa dispensat lumina, ut, dum his luminibus format mentes fidelium, formet in eos opinionum habitus ac sensus, quos aut prævidet dominaturos in Ecclesia, aut secretis cuniculis ad authoritatis fastigia promovet. ut dominantur in Ecclesia. Ego verò agnosco vigilem Dei Providentiam, agnosco infatigabiliter operantem in piorum animis, agnosco non cæcam, sed agnoscentem, ad quem communem sensum fidelium tendant suorum ingenia; agnosco eandem, nunquam deponentem cogitationem Ecclesiæ; agnosco, non esse difficile inter particularia lumina, quæ cedunt in bonum particularium, immiscere ea, quæ Dens prævidet confirmatura aut formatura sensum Ecclesiæ. Hanc, inquam, agnosco Providentiam, & ideo adoro universalem sensum Ecclesiæ tanquam verbum Dei inspiratum per longas, variasque, ac secretas vias Ecclesiæ: eum verò sensum Doctorum propè omnium qui nondum est universalis Ecclesiæ, suspicor, inspiratum; & ob hoc ipsum revereor ac veneror.

*Septima* est ex authoritate nobilium & divitum: assuevere nobiles ab incunabulis sese intueri tanquam speciem ab aliis hominibus distinctam; nunquam se partem massæ humani generis arbitrantur; semper sibi Barones Comites, Duces, nunquam meri homines videntur, ac dein sibi animas rationemque procidunt, divitiis pares neque minus se putant ingenio, quàm dignitate præstare. Hinc facile modo quodam agendi gene-

generoso, libero, naturali, qui raro inter plebejos invenitur, exorquent assensum. Indè & in Ecclesiastico. *Dives locutus est, & omnes tacuerunt, & verbum ejus ad nubes usque deducunt: pauper locutus est, & dicunt, quis est hic?* Verùm non est sic, ut quis se sapientem putet ob ædes splendidas, aut vestem purpuream, aut capillitium, opus artificis? sunt qui se pluris faciant in rheda vel equo, sed non æquis passibus, propterea peditem sequuntur Aristotelem. Provecior ætas, scientia, studium, experientia, ingenium, perspicuitas, moderatio, accuratio aliquid faciunt ad cumulandas veritatis divitias reliqua non nisi ad errorem augent potentiam.

*Octava* est, ex modo proponendi. naturaliter impellimur ad fidem iis præstandam, qui venustè, promptè, graviter, æquanimiter, comiter perorant, quàm tamen denegamus iis, qui in dicendo sunt tetrici, qui factis dictisque iracundiam, acrimoniam, fastumque immiscent. Igitur modestia ad veritatem insinuandam plurimum valet, sed ea in primis necessaria est, cùm opiniones communes ac jam receptæ concutiendæ sunt.

## P A R S IV.

*De Methodo.*

**C**Ap. I. Vult in scientiis initium sumi à certis & notioribus. Quod utique & Aristoteles præcipit in Libris Post. Vult etiam materias eligi utiles, & circa quas possit homo sperare notitiam certiore; hinc rejicit abstrusas quæstiones Metaphysicas, quamvis nonnullis largiatur veniam, ut rerum incomprehensibilium contemplatione admoneamur nostræ inscitæ, & tenuitatis ingenii.

Cap. II. Agit. De Methodo Analytica & Synthetica.

Cap. III. IV. & V. De Methodo Geometrica. In qua ponit sequentes Regulas. 1. Ut nihil in terminis relinquatur ambiguum. Ad hoc serviunt definitiones nominum. 2. Ut ratiocinationes deducantur nonnisi ex principiis certis & evidentibus, 3. Ut omnis conclusio demonstrativè probetur, Vult Arnaldus, hanc Methodum non observari ab ipsis Mathematicis; sed ostendit, se in hac arte necdum esse discipulum.

Cap. VI. Regulæ circa axiomata. Omnia eò redeunt, ut sint clara & certa.

Cap. VII. Axiomata quædam usitatoria. Inter quæ ponit etiam hæc. 6. Nullum corpus potest seipsum movere. 11. Res gestæ, de quibus sensus faciliè possunt judicare, si confirmentur testimoniis multorum hominum, diversarum ætatum, diversarum nationum, diversa consilia prosequentium, si de illis loquantur, tanquam à se visis, neque

que suspicio sit eos conspiravisse ad mendacium stabiliendum ; non minus constanter credi debent , quàm si visæ fuissent à nostris propriis oculis .

Cap. VIII. *De regulis demonstrationum* . Nil aliud affert quàm eas debere fieri ex claris ac certis , ut nihil affirmetur de re , nisi quòd clarè continetur in ejus ideis .

Cap. IX. *De vitiis Geometrarum* . Inter hæc refert . 1. Quòd magis laborent de certitudine , quàm evidentia concilianda , 2. Quòd probent , quæ probatione non egent . 3. Quòd multa tantum demonstrant ducendo ad impossibile . 4. Quòd multa demonstrant longis ambagibus , quæ via breviori demonstrari possent . 5. Quòd non observent naturalem rerum ordinem , agendo v. g. prius de angulis , quàm de lineis . 6. Quòd non adhibeant modum divisionis , sed tantum collocent unum post alterum .

NB, Hic Arnaldo quis dixerit : *Ne ultra crepidam* .

Cap. X. Idem prosequitur .

Cap. XI. Methodus ad octo regulas constringitur .

1. Circa definitiones . Nihil in terminis obscurum vel æquivocum relinquatur , quòd non definiatur .

2. In definitionibus termini usurpentur vel perfectè noti ; vel prius explicati .

3. Nullum axioma ponatur quòd non sit evidentissimum .

4. Id pro evidenti acceptetur , quòd mediocri attentione cognoscitur esse verum .

5. Omnes propositiones subobscuræ probentur ope definitionum præmissarum , axiomatum concessorum , vel propositionum demonstratarum .

6. Nunquam liceat abuti terminorum ambigui-

biguitate, non suffectis saltem mentaliter definitionibus illos restringentibus, & explicantibus.

7. Res tractentur, quantum fieri potest, secundum ordinem naturalem à generalioribus & simplicioribus incipiendo, atque explicando quidquid ad naturam generis pertinet, priusquam ad particulares species descendamus.

8. Dividantur, quantum fieri potest, unumquodque genus in omnes species, unumquodque totum in omnes partes, unaquæque difficultas in omnes casus.

Cap. XII. De iis, quæ per fidem cognoscimus siue humanam siue divinam. Observatoria. 1. Quòd semper fides præsupponat rationem. nam ut asserit S. Augustinus Epist. 122. nunquam induci possemus ad ea, quæ sunt supra rationem, credenda, nisi ipsa ratio nobis persuaderet, quædam esse, quæ rationabiliter credimus, licet iis comprehendendis pares non simus. Ex quo sequitur, quamvis captivare debeamus intellectum in obsequium fidei, ut loquitur Apostolus Paulus, id tamen nos non facere cœcè, & sine rationis adstipulatione, sed per cognitionem causæ, & quia ratione consentaneum est, hoc modo nos authoritati divinæ credere, cum illa fidem faciat sufficientibus argumentis, qualia sunt miracula, aliaque prodigia, quibus fateri cogimur, Deum, quæ credenda proponuntur, hominibus revelasse. 2. Plus valere debere fidem divinam, quam rationem humanam, quæ absolutè est fallibilis. 3. Fidem divinam nunquam opponi rationi in iis, quæ à ratione aut sensibus evidenter cognoscuntur. Sed in hoc hallucinantur plurimi, dum illis satis respectum non est, ubinam terminanda sit hæc rationis & sensuum evidentia. verb. grat. evidenter in Eu.

charistia commonstrant albedinem & orbicularem hostiæ formam, sed an substantia panis an aliud in causa sit, cur albedinem illamve formam cernamus, sensus non docent. Ac proinde fides sensuum evidentie contraria non est. cum docet, quæ oculis subjiciuntur, à pane non provenire.

Cap. XIII. Regulæ ad dirigendam fidem humanam.

Primò. Ponit loco axiomatis. Sola rei possibilitas non est ratio sufficiens ad credendum objectum dubium.

Secundò. Attendendum ad omnes objecti circumstantias, tam internas quàm externas. Internæ sunt, quæ ad rem ipsam pertinent; externæ. Sunt quæ pertinent ad eos, quorum testimoniis ad credendum ducimur.

Tertiò. Si omnes circumstantiæ tales sunt, quæ rarissimè sunt cum falsitate conjunctæ, habetur certitudo moralis. Si verò hæ circumstantiæ tales sint, quæ sæpissimè adjunctam falsitatem habeant, ratio exigit, ut vel assensum inhibeamus, vel ut falsum judicemus, quod narratur, licet de illius impossibilitate aliundè non constet.

Exceptionem tamen patitur hæc regula; cum res sufficientibus testimoniis jam confirmata est. Quamvis enim aliudè difficultates ingruant; in hoc tamen casu sufficit, si solutiones ad tales repugnantias tollendas possibiles sint. esset enim à ratione alienum, probationes positivas de omnibus circumstantiis possibilibus postulare, cum res sufficienter jam probata est. Hinc nihil insulsius quorundam hereticorum conatibus ad probandum, D. Petrum Romæ nunquam fuisse. Negare quippe non possunt hanc veritatem, Scriptorum Ecclesiasticorum omnium etiam antiquissimorum testimoniis firmatam; cum tamen nec unus possit proferri, qui id negaverit. Attamen  
pu-



putant, se hanc veritatem posse solis conjecturis labefactare, cum dixerint D. Paulum non meminisse S. Petri in Epistola Romæ scripta, & quando audiunt, illum tunc potuisse abfuisse Roma, eò quòd sæpius digressus in aliis etiam locis Evangelium disseminaverit, oggerunt, hoc sine probatione dici, quod assatim ridiculum est; quia cum res gesta, quæ narratur, certissimis confirmatissimisque accenseatur, quæ in Historiis Ecclesiasticis narrantur illorum erat ostendere, ejus cum sacris litteris contrarietatem, cum Catholicis sufficiat, umbratiles illam contrarietates eluere, quemadmodum & eluuntur eæ difficultates, quæ afferuntur contra historias Sacræ Scripturæ, in quibus sufficit, ostendere possibilitatem.

Cap. XIV. Usus hujus Regulæ in miraculis credendis.

Extremi periculi est, in hac materia, aut omnibus, aut nulli credere.

Sunt, quibus grande piaculum videretur, si vel de uno solum miraculo, quod pro vero venditur, subdubitarent; sibi enim persuasum habent; de omnibus esse dubitandum, si de uno dubium semel admiserint. Et cum norint omnia Deo esse possibile, nihil audiunt, quod non arbitrentur mereri fidem, si ab ejus Omnipotentia profectum dicitur.

Alii absurdè existimant, se magni ingenii vim ostendere, cum omnia omnino miracula in dubium vocarint, non alia impulsu ratione, quàm quòd aliqua facta inaudiverint quæ falsa postea comperta sunt, neque videant, cur hæc potius quàm illa credant.

Fatendum quidem est, illos priores minus malos esse, sed verum itidem est, utrosque ex æquo malè ratiocinari.

Utrique namque hinc & illinc ad locos communes diffugiunt, sed oppositos. Illi ad potentiam, bonitatemque divinam, ad miracula certa & indubia, ex quibus etiam dubiis atque incertis fidem adstruunt. Hi verò ad locos communes alterius generis divagantur. *Veritatis, inquit, & mendacii idem vultus, idem incessus, iidem passus sunt. Singularis cujuscumque error primò fit error publicus, ac tum domum inversa vice error publicus fit error singulorum. Hunc in modum miraculi substructio ab his labefactata, ab aliis suffulta & per manus aucta tandem consurgit.* Sic isti nec fortè inutiliter ad nos sistendos, ne omni famæ rumusculo circumferamur ac vento. Sed insolentis dementiæ esset hinc concludere, suspectæ fidei illa omnia esse, quæ de miraculis narrantur, cum ne talia perpetuò operari Deum dedeceat, nec Divina Providentia suæ Omnipotentia limites posuerit, sed potius à promissionibus, & experientia priorum temporum certum sit, manare perennes hujus quoque in Ecclesiam rivos gratiæ. Sit igitur stolidam quædam simplicitas, ea omnia credens, quæ sunt maxime incredibilia; sed est superbia non minus fatua, pro falsis proscribens omnia, quæ arctis intellectus sui cancellis nequit concludere. Tot miraculorum millia, de quorum veritate scribunt testes gravissimi, negare omnia, utique desperatæ & miserrimæ est dementiæ. Narrat D. Augustinus suo sæculo plurima contigisse miracula certa & indubia, quæ tamen ad paucorum notitiam perveniebant. L. 22. de Civ. Dei. Observat, intra biennium, ex quo in honorem S. Stephani constructum Hippo-ni sacellum erat, septuaginta contigisse miracula, præter plura alia, quorum mentio in scripta relata non erat, cum tamen & illa

Illam se certò scivisse testetur. Addit Arnaldus, suo tempore cæcam quandam, cui vix oculorum orbis supererant, in momento ad contactum sacrarum reliquiarum visum recepisse.

*Cristi.* Et quid opus est, immorari pauculis: cum talium millibus plena sit Ecclesia Dei? hæc solùm ignorant, qui exclusi sunt à Regno Dei, mihi certè per duo, quæ accepi à Deo per intercessionem B. Virginis, & cultum Eucharisticum, beneficia, tam physicè certum est, dari in Ecclesia miracula, quàm certus sum me vivere.

Cap. XV. De fide præstanda circa alios eventus. Iterum inculcat, ut observentur circumstantiæ, an & quoties cum veritate aut falsitate conjunctæ sint. Sic si in contractu duorum Notariorum accessit subscriptio & signatura, ex millenis talibus instrumentis vix unum reperiens illegitimum; adeoque probabilitas se habebit pro valore contractus ut nongenti nonaginta novem ad unum falsum. Simili modo judicetur in aliis.

Cap. XVI. Quomodo de futuris contingentibus judicandum sit.

Semper perspicendum, qua probabilitate venturum sit, quod speramus, aut metuemus. Si bonum aut malum venturum grande fuerit, prudentiæ est, etiam tenuissimam probabilitatem non negligere, ad malum præcavendum; bonum obtinendum. Sic in fortibus, si lucrum sit centum aureorum millia, etiam spes tenuis non negligitur, dum homines ad Lottorias convolant. aliquando verò tantula spes apparet lucrandi, ut omnino præstet fortunam non expectari, licet montes aurei etiam assis unius periculo comparari possint. dementis enim

esset, vel viginti denarios deponere spe aquirendi decies centena aureorum millia, aut Regni comparandi, eo casu, quo puerulus formulas litterarum typographicas tali protinus ordine furtivè disponderet, qualis nobis viginti priores *Æneidos* versus describeret. Itaque æstimandi casus possibiles. De quibus, cum non agat Arnaldus, agi in *Arte Critica*.

## SECTION IV.

D E

*Logica P. Honorati Fabry.*

**L**ogicam suam non edidit quidem P. Honoratus Fabry, sed tamen ex ejus Prælectionibus collecta & edita est hoc Titulo: *Philosophiæ tomus primus, qui complectitur Logicam. Authore Petro Mosnerio, Doctore Medico. Cuncta excerpta ex Prælectionibus R. P. Hen. Fabry Soc. Jesu. Lugduni. MDCXLVI.*

Partitio operis est hæc.

L. 1. De Methodo scientiæ in communi.

L. 2. De Methodo Logices.

L. 3. De Methodo Physicæ.

L. 4. De Methodo Metaphysicæ,

L. 5. De Methodo Ethices.

L. 6. De Methodo Matheseos & aliarum disciplinarum.

L. 7. Synopsis Controversiarum Logicarum.

Libro

Libro I. Cap. I. Agit de divisione & ordine omnium scientiarum, ubi simul tradit generalem earundem conspectum.

Cap. II. De objecto scientiarum. Qualiter nempe quodvis objectum scientificum tractandum sit.

Cap. III. De Methodo sciendi. Hic traduntur regulæ pro discente, legente, meditante, disputante, scribente, docente.

Art. 1. & 2. *De discente.*

1. Tranquillam mentem, omnique violenti appetitus perturbatione liberam in discende desiderio, quippe abstrahunt mentem furentes animi motus, obscurant rationis lumen, obtundunt ingenii acumen, & minus habilem ad studia hominem relinquunt.

2. Discendi, sciendique maximo flagret desiderio.

3. Discat statim initio doctum mel facilius alicujus demonstrationis delibare, cujus certè dulcedine captus ad aliam investigandam illic se accinget.

4. Nullo alio studio teneatur, quàm scientiæ.

5. Nunquam cognitiæ veritati contradicat.

6. Nullam rem tanquam veram recipiat, nisi quam veram esse constat; & animum tantum submittat vel demonstrationi, si conclusio est, vel evidentiae objecti, si est principium. Quod dictum esse velim in re litteraria, sed non in civili & politica, in qua multa multis credimus omnes. Nec etiam in divina & supernaturali, nam obscuris fidei sententiis meus hominis firmiter assentitur.

7. Auctoritatem aliorum magnificiat, sed doctorum rationem pluris faciat; ne credat potius, quam scire videatur.

E 4

8. Ubi

8. Ubi se accingit ad aliquid demonstrandum, præoccupatum animum, & quasi imbutum non habeat; nullum principium supponat, de cuius veritate certò non constet, ne si fortè falsum sit, errori ansam præbeat. Sed nudam veluti mentem gerat vacuam & liberam: rei principia examinet, proprietates inquirat, perinde ac si nihil unquam de iis omnibus audivisset. Si probabilia tantum occurrant, assensum omnem suspendat, nunquam nisi veritati compertæ assentiatur. Mirum quantum erroris & ignorantiae ex hujus præcepti neglectu prodierit.

9. Non erit præceptum, ne multa præterfugiant. nam cunctando potius, quàm currendo tota res scientiæ peragitur. Non impatiens, ne primi laboris fructum amittat; nam quantumvis acri ingenio polleat, sine multo labore & sudore diuturno finem suum non consequetur. Non sit ludicrus, ne totus in jocis & salibus esse videatur. Ludicrus genius terminis tantum, ut ajunt, disparatis adhærescit. Pius denique sit, & modestus, quia in malevolam animam non introibit sapientia.

10. Ingenium requiro saltem mediocre, quod ultimam metam multo labore saltem in aliquibus disciplinis attingere possit.

11. Indoles multum juvat. Sunt quippe ingenia aliqua tam obliqua, ut quamvis a-Jiàs capacia, nihil tamen unquam rectè excipiant. Est aliquis modulus animi, quo rebus faciliè adhærescit, & hic in scientiis comparandis primum locum tenet.

12. Directionis quandam vim in tyrone desidero, quâ verum à falso, certum ab incerto, nescio quo gustu, discernat.

13. Ad

13. Ad majora semper aspiret, nullamque in ea scientia, quam aggressus est, metam aspiciat, nisi ultimam, omnes enim objecti proprietates connexæ sunt.

14. Nihil unquam negligat, quasi scitu, minimè dignum sit, sed diligenter curet, ut prima illius scientiæ, quam aggreditur, elementa ac rudimenta perfectè calleat. Quippe res maximæ omnes à parvis principiis oriuntur.

15. Annotet effectus illos sensibiles, qui passim occurrunt in sensuum affectionibus, corporum motibus, mutatione rerum &c. ut suo loco eorum effectum causas assignet.

16. Cum aliis etiam æquè doctis de iis rebus, quas didicisti, vel discere aggressus es, sæpe conferre juvabit. Quippe quæ diximus aliquando & disputavimus, altius animo hærent; & alteri vel interroganti vel disputanti ea sæpe respondemus necessitate quadam adacti, quæ aliàs in mentem non venissent.

17. Viros doctos consulere multum proderit. Mirum enim, quantum viri docti possint in exprimendis animi sui sensis, & altius in auditorum animis imprimendis.

Art. 3. 4. 8. De Methodo legendi, meditandi, scribendi & audiendi.

Circa lectionem ex Casilio quatuor tradit præcepta. 1. Ut semper in manibus habeatur Aristoteles cum uno vel altero interprete. 2. Cum quis sub certo Professore litteris dat operam, ut eos perlegat Authores, quos ille judicaverit. 3. Ne ita lectioni se tradat, ut suum meditationi tempus subtrahat: ne si multum legat, & parum meditetur, compareturi ei, qui multa edit, & malè concoquit. 4. Ut attentè legat, quod legit, ne absolvendi desiderio nullum è lectione

fructum referat. His adde. 5. Ante lectionem eura, ut saltem confusè cognoscas, quæ lecturum es. hæc enim est certa & flata naturæ lex, ut res primo obtutu confusè tantum agnoscamus. 6. Antequam librum aggrediaris, prænotare debes ea, de quibus agit, quo ordine, qua methodo, ut communia omittas, & singularia seligas; quippe si omnium librorum res singulares in unum congestæ essent, vix justum esset volumen. 7. Librorum Epitomen facere non curabis, rediges tamen in certa capita, quæ quotidie excerpis. 8. Ne lege libros sinè certo consilio, quasi in incertum; sic multum temporis sinè fructu perditur. 9. Non legas multa uno tenore, nec diu, ne rerum copia mentem obruat. 10. Maximi momenti esset, habere virum doctum, qui indicaret, quid in singulis Authoribus, quo ordine pertraheretur; qui paucis verbis ingentia volumina contraheret, & explicaret; aperiret quæ utilia in hoc libro, quæ repetita, quæ adinventa, quæ transcripta, quæ vera, quæ falsa. Hoc maximum est lectionis compendium.

Circa Meditationem multas tradit regulas, inter quas. 1. Primariam rationem illius sententiæ, quam meditaris, diligenter examina. 2. Rem considera per omnes locos Topicos. 3. Scribas ea, quæ cogitasti; inter scribendum enim primum apparent navi, qui inter cogitandum latuerant.

Circa scriptionem sunt hæc. 1. Ferè tantum scimus, quantum scripsimus. 2. in describendis alienis non multum desudabis, nisi in compilandam tuam commentationibus materiam, sufficiat annotasse minimo quasi apice, ut vel eo signo in memoriam revocentur. 3. Sæpius relege tua commentaria.

Circa



Circa auditionem. 1. Persuasum tibi sit, nihil eorum, quæ ore distantis scripto excepisti, mente capturum, nisi eadem ab ore dicentis audias explicata. 2. Prægusta, quæ primò dicuntur, ut dicenda cum majori aviditate expectes. 3. Exige à te statim rationem omnium eorum, quæ audivisti.

Art. 5. & 6. de Methodo disputandi.

1. Aggredere sententiæ, quam impugnas, caput. nec enim aliter sententia potest destrui, nisi destructo fundamento, quo niti videtur.

2. Ambages vitandæ, æquivoca, & reliquæ verborum fraudes. Scopum, in quem collimas, perspiciat adversarius.

3. Proba semper directè quod negatum est, nec unquam alia sit tuæ conclusio à propositione negata.

NB. Hic errat P. Fabry, aut Mornerius. Deo enim dantur modi prosequendi argumentum. Primus, ut probemus, quod negatum est; sicque propositio negata veniat in conclusione. Alter, ut ostendamus, responsionem adversarii non obstare argumento. Tunc enim assumimus propositionem ab adversario concessam in antecedente; & in consequente inferimus. *Ergo nulla Responsio. Vel Ergo manet argumentum.*

4. Quando potest haberi syllogismus categoricus, præferendus est hypothetico, quia hypothetica propositio ac sequela difficilior probatur, quàm categoricæ.

5. Quando uteris Enthymemate, cave, ut consequentia bona sit. ne cadaq; in usitatissimum vitium, quo consequens potius probatur quàm consequentia.

NB. Rectè istud monet P. Fabry. Hinc si v. g. aliquis in meridie diceret: *Petrus est homo; ergo nunc est dies.* negarem ego consequentiam.

sequentiam. Si ille dein conaretur probare & diceret: *Sol lucet, ergo dies est*; omitterem totum, & negarem suppositum, quòd hoc fuerit negatum. non enim negavi consequens, sed consequentiam, id est, connexionem inter antecedens & consequens. Petrus enim notu diuque est homo; ex hoc ergo non sequitur esse diem. Qui ergo vult probare consequentiam; debet totum antecedens, & totum consequens ponere in conclusione; illud per modum conditionis, hoc per modum conditionati, hoc modo: *Ergo si Petrus est homo, dies est.*

6. Postulare aliquando & interrogare oportet, ut ex acceptis responsis possis argumentari.

NB. Hic modus talis est, si v. g. dicamus: Si daretur materia Aristotelica, tunc ideo, quia debet dari subiectum commune in corruptione & generatione? sed hæc ratio nihil probat &c. tali modo interrogandi sæpe elicimus ab adversario vel moti-  
vum suæ sententiæ, vel sensum suæ responsionis.

7. Respondens repetat omnia verba argumenti; vera concedat, falsa neget, ambigua distinguat.

NB. Terminus, qui semel distinguitur, debet etiam distingui in altera propositione, in qua adhuc redit.

8. Observabis, utrùm directè probet, quod ultimo loco negatum fuit; si secus faciat, liberè monebis. propterea negatam propositionem semper in manu habebis.

Art. 7. De Methodo Academicæ exercitationis privatz.

Vult non plures ad Academias privatas convenire quàm duodecim. 2. In singulis Academicis proponi debet quæstio proximè discutenda. 3. Qui præest Academicæ, debet in omnibus

*De Logica Neotericorum Sect. IV.* 109  
bus scientiis esse exercitissimus, ut possis  
omnibus legem ponere.

Art. 9. De Methodo docendi.

1. Nullam difficultatem dissimulabis; nec  
tantum in speciem solves. si enim solven-  
do non sis, ultro fateri oportet.

2. Plura explicabis, quam dictabis; mirum  
enim, quantum viva vox momenti ha-  
beat, ut altius animo imprimat. Ad quid  
enim tanta Scriptorum moles? utinam res  
eo statu essent; ut nihil prorsus dicta-  
ri, & sine scriptione cuncta explicari pos-  
sent.

3. Plura simul non docebis ad vitandam  
confusionem.

4. Vitabis superfluum prolixitatem & ob-  
scuram brevitatem.

5. Vix jurabis in verba Magistri. Sunt  
amici omnes veritatis amatores, quam ubi-  
que summo cultu vereberis. itaque nec Tho-  
mistæ eris, nec Scotistæ; non Realis, nec  
Nominalis, sed omnis & unus. Unum tamen  
Aristotelem, si attentius leges, impensius di-  
liges, & nunquam ab eo discedes, nisi mani-  
festa ratio, vel evidens experimentum co-  
gat.

6. Authores refutare poteris, non carpe-  
re, nec malo verbo proscindere; nec deni-  
que ullam malevolentiam, contemptus, in-  
vidia speciem præferes, nisi forte contra im-  
pium aliquem, qui de Deo bonisque mori-  
bus male sentiret.

7. Ne sis prolixus in refutandis aliorum sen-  
tentiis, in congerendis objectionibus, in ra-  
tionibus conglobandis. curare enim quid  
quisque dicat, amentis est. itaque id tan-  
tum conniti debes, ut firmis principiis  
tuam stabilias sententiam, ex quo fiet, ut  
minutæ objectiones ex seipsis solvantur.  
Javerit tamen oppositam partem potenter  
resol-

refellere in iis quæſtionibus , quæ ſunt aliqujus momenti verb. gr. in adſtruenda animæ immortalitate , exiſtentia Dei, & accidentium .

8. Non explicabis niſi ea , quæ priùs ſatis meditatione concoxiſti .

9. Cùm ad aliquid ſciendum te accingis, ſcito priùs quid ſcire velis .

10. Antequam ſcribas , illa priùs per aliquod dies animo voluta . Quippe cùm priùs eſſent cruda , nativo calore ſolventur .

Cap. IV. Agit de Methodo ſciendi. nempe 1. De Methodo definitionis . 2. Divisionis . 3. Diſtinctionis ac diſcretionis. 4. Comparationis , combinationis & analogiæ . 5. Suppoſitionis. 6. Compositionis .

Cap. V. De Methodo principiorum ſciendi .

Cap. VI. De impedimentis ſciendi . Inter hæc ponit præcipationem mentis , multipliciſſimam formalitatum , abuſum diſputandi de quavis re probabiliter &c.

Liber 2. de Methodo Logiciæ . Hic tradit conſpectum & analyſin Logiciæ Ariſtoteliæ .

Liber 3. de Methodo Phyſicæ . tradit conſpectum Phyſicæ Ariſtoteliæ , additis variis obſervationibus; eodem modo procedit L. 4. de Methodo Metaphyſicæ ; & L. 5. de Methodo Ethicæ . & L. 6. de Methodo Mathematicæ .

In L. 7. ſeu ſynopſi affert omnes modos poſſibiles conſequentiarum , & Enthymematum , & Syllogiſmorum . Leges conſequentiarum , quas habet , inferui Summulis, ubi videri poterunt . Ipſos Modos ſyllogiſticos per ſigna propoſitionum exhibet .

A. Affirmativa univerſalis .

E. Negativa univerſalis .

I. Aff-

I. Affirmativa particularis.

O. Negativa particularis.

A. Unum extremum.

B. Medius terminus.

C. Alterum extremum.

V. Propositio vera.

F. Propositio falsa.

G. Falsa in parte.

V. Antecedens.

Y. Consequens.

X. Terminus repugnans.

T. Terminus convertibilis.

Itaque modos primæ figuræ sic exhibet. A. AA. 2. AAL. 3. AII. 4. EIO. e contra in prima figura non valent hi modi AAE. AAO. AEA. AEE. AEI. AEO. AIA. AIE. AIO. AOA. AOE. AOI. AOO. EAA. EAI. EEA. EEE. EEI. EAO. &c.

Leges Enthymematum & consequentiarum exhibet sic: Bonæ consequentiæ in prima figura sunt duæ tantum. AI. EO. e contra malæ consequentiæ in prima figura sunt AA. AE. AQ. EA. EE. EI. &c.

Integros Syllogismos figuræ I. sic exhibet.

Omne A est B.

C. est A.

Ergo C. est B. vel sic AB.

CA.

CB.

Quomodo. ex vero. aut falso. possit sequi verum aut falsum ostendit per omnes combinationes possibiles. Sic in hoc Syllogismo. *Omne album est animal: Omnis homo est albus; ergo omnis homo est animal.* Ubi primam & secundam propositionem vocat ex parte veram, & ex parte falsam; quia nempe aliquod non omne album est animal, sequitur verum. Itaque in hac tabula. sequente exhibentur. Num. 1. Novem combinationes præmissarum universalium. Num. 2. Sex combina-

binationes duarum præmissarum, quarum prima est universalis, altera particularis. N. 3. Sex combinationes duarum præmissarum, quarum prima est particularis, secunda universalis. N. 4. Sedecim combinationes medii termini cum extremis.

N. 1. | N. 2. | N. 3. | Subjecti N. 4. Prædic.

1. V. V.	1. V. V.	1. V. V.	1. V	B.	V.
2. V. F.	2. V. F.	2. V. F.	2. V	C	X
3. V. G.	3. F. F.	3. V. G.	3. V	D	Y
4. F. F.	4. F. V.	4. F. V.	4. V	E	T
5. F. G.	5. G. F.	5. F. G.	5. Y	F	Y
6. F. V.	6. G. V.	6. F. F.	6. Y	G	V
7. G. G.			7. Y	H	X
8. G. F.			8. Y	I	T
9. G. V.			9. X	K	X
			10. X	L	V
			11. X	M	Y
			12. X	N	T
			13. T	O	T
			14. T	P	V
			15. T	Q	X
			16. T	R	Y

Prima combinatio V. V. primæ tabulæ non valet, quia si ambæ præmissæ sunt veræ, etiam vera est conclusio.

Secunda combinatio valet in Barbara. v. g. *Omnis homo est animal: Equus est homo; ergo equus est animal.* Hic terminus medius est repugnans subjecto, & antecedens prædicato conclusionis, adedque combinatio X. V. reperitur tabulâ 4. n. 10.

Verùm hæc propterea indicasse sufficiat, ne quis in simili opera curis planè superfluis desudet, dum sciverit, circa tales combinationes nil dici posse, quod non jam precesserit in.

*De Logica Neotericorum Sect. III.* 113  
in sæculis . Itaque labori parcere potuisset  
Hanschius , dum actis Eruditorum 1728.  
Mensis Octobris inseruit Meditationem de  
usu omnium Modorum in quatuor figuris  
utilium .

## S E C T I O V.

D E

*Logica Lockii.*

**J**Oannes Lokius Anglus edidit anno 1701.  
Londini librum , sub titulo : *De intellectu  
humano* recusum Lipsiæ 1709. In hoc varia  
observat & disputat , quæ humanum intelle-  
ctum ad scientias parant .

L. 1. Cap. I. Scopum operis indicati is est , ut  
consideret operationes mentis .

Cap. II. Conatur ostendere , nulla principia  
animis nostris ingenita esse . Rationes ipsius  
sunt hæc 1. Si aliquæ veritates ac notiones es-  
sent homini à natura impressæ ac congenitæ ;  
tunc inprimis hæc : *Quidquid est , necessarium est .*  
*Et : idem non potest simul esse & non esse .* Sed hæc

non sunt cognitæ , quia pueris & plurimis aliis  
hominibus sunt ignotæ . Nihil autem in in-  
tellectu , quod non intelligitur , esse potest .

2. Nemo dixerit , omnia axiomata à princi-  
pio homini ingenita esse , & tamen etiam  
his faciliè homines assentiuntur sicut aliis  
principiis , quæ dicuntur lumine naturæ nota .  
Sic puerulustria & quatuor esse æqualia se-  
ptem tunc primum novit , cum ista numera-  
vit , non antea ex dictamine naturæ , quamvis  
facta numeratione nemo faciliè aberraverit .  
Itaque & reliquæ veritates sic primum homi-  
ni innotescunt ex comparatione idearum inter  
se . Ideo ergo prius de novo advenire in men-  
tem humanam , ac postmodum comparari  
in-

inter se. 3. Quia ea, quæ naturæ impressa sunt, clarissimè ac distinctissimè deberent esse cognita; qualia non sunt illa principia speculativa.

*Crisis.* NB. Lokius non intelligit eorum sententiam, quos impugnatur; illi enim, qui docent, quædam principia lumine naturæ nota ac congenita esse, non docent, ipsam actualem cognitionem, aut ipsas species actuales talium cognitionum à Deo homini infusas esse, sed docent *habitu* quendam aliquorum primorum principiorum homini congenitum esse; sicut apibus congenitus est *habitus melificandi*, araneis *habitus texendi*, & quibusvis aliis animantibus suæ artes ad finem suum; sic & homini est congenitus quidam *habitus* ad operationes fini suo congruas. Porro habitus ille in apibus, araneis, & aliis animantibus, nec est actualis cognitio suorum objectorum, nec consistit in actuali idea sui objecti, nec consistit in pura capacitate ad acquirendam cognitionem artis; sed consistit in tali præparatione potentiarum, ut accedente actuali notione potentiarum per objectum statim resultet actualis cognitio objecti secundum omnes relationes ad artem. Non aliter id contingit, quàm si ex organo organædus elicit Musicam; sicut enim ex ligno non præparato & aere non potest elici Musica, sic nec ex ingenio apum potest elici ars textoria, nec ex ingenio aranearum potest elici ars malefactoria; postquam autem ingenia horum animalium Deus, instar organorum diversorum sic disposuit, fit, ut accedente influxu spirituum per sensus organa amentur, & resultet actualis idea ac cognitio objecti. Ita etiam Deus hominis ingenium sic disposuit circa aliqua veritates, quæ ad directionem humanarum actionum in ordine ad finem suum imprimis necessariae sunt,



sunt, & quæ aliàs aut nullo omnino, aut non nisi longo ratiocinio inveniri possent. Tales veritates sunt, dari Deum, dari legislatorem, dari Providentiam; dari corpus & mundum, dari pœnam & prœmium humanarum actionum, dari alteram vitam, dari spiritus Deo inferiores, qui prodesse aut nocere possint. Hæ & similes aliæ veritates non possunt esse ex terminis cognitæ tam evidenter, sicut hæc, quòd ter & quatuor faciant septem; interim tamen humana ingenia sic disposita sunt, ut quamprimum excitantur in nobis horum objectorum ideæ, simul sentiat animus ex parte objecti evidentiam, & ex parte suæ voluntatis ac mentis inclinationem rapientem, quæ sine hæsitacione ruere faciant intellectum ad iudiciũ, quo iudicet, eas veritates certas esse. Non igitur circa omnia axiomata aut circa omnia principia lumine naturæ nota requiritur talis principiorum specialis habitus. *his duo esse quatuor; idem non posse simul esse & non esse &c.* sunt veritates, quæ ex comparacione idearum inter se cuivis manifestæ sunt, nec circa has requiritur specialis præparatio potentia intellectivæ, sed sufficit habitus intellectivus & generale lumen intellectus à natura provisum in suis causis, ut objecta videri & inter se comparari possint. Sed si habeam ideam meæ mentis, & ideam Angeli, & ideam mundi, & ideam Dei legislatoris, non statim ex ipsis horum objectorum ideis, earumque obvia comparacione inter se liquet, quòd existant. Indigemus ergo doctore interno, & revelatione Dei, qui intus in animo dicat. *Ista existunt*, per quid autem ista dicit Deus? *per evidentiam objecti, & propensionem mentis.* Sicut enim circa multa objecta v. g. an *Roma existat*, de facto non hæsitamus ob solam

evi.

evidentiam in memoria relictam, etiamsi non sciamus, nec recordemur, unde & ex quibus hominibus aut documentis hanc veritatem acceperimus, ita ubi animus reperit talem evidentiam veritatis, quamvis aliàs contingentis, nec versantis intra terminos necessarios, sine hæsitatione assensum addicit. Quod si Deus apibus, araneis, & cunctis animantibus tales habitus imprimat, cur non & homini circa principia humanarum actionum, & fundamenta Religionis? ita certè possibile est; ita certè congruum est; ita sentiunt populi, docti & indocti, ac quod præcipuum est, ita sentiunt amici Dei, qui suis subin intus loquuntur, quia datur Providentia; nec denique in opposita sententia ulla datur ratio, cur circa tales veritates primas contingentes omnes homines uniformiter idem ferant iudicium v. g. *quod detur mundus & corpora*. quod timeant omnes in secreto cordis Deum vindicem &c. Itaque non est, quod miremur hanc novam sapientiam Lockii ex Anglia prope Hyberniam, non nisi luxuriantem in floribus, nunquam lento profectu maturefcentem in fructus.

Cap. III. Hic conatur ostendere: *Nulla principia practica nobis naturaliter insita esse*. Principia practica vocat v. g. *Quod tibi non vis fieri, alteri ne feceris; virtutem esse colendam; pactis esse standum &c.* Rationes ipsius sunt. 1. Quia nulla sentitur in intellectu vehemens inclinatio ad talia iudicia, sicut tamen in voluntate sentitur vehemens appetitio boni. 2. Quia hæc ipsa principia primùm probari debent intellectui minùs perspicaci. 3. Quia multi ista principia sine mentis inquietudine negligunt. 4. Quia plerique homines tantùm ex motivo utilitatis, non ex motivo virtutis agunt, quod non fieret, si studium virtutis esset innatum.

tum. 5. Quia multæ gentes sine omni scrupulo, contra principia, quæ dicuntur lumine naturæ nota agunt, verb. gr. comedendo homines, occidendo filios pro arbitrio parentum. 6. Quia omnia illa principia practica quæ deberent esse congenita, assignari non possunt, nec enumerari. 7. Quia ea principia per contrariam educationem in pravis hominibus extinguere possunt; ergo etiam per eandem educationem possunt ingenerari hominibus, ut non sit necesse recurrere ad naturam. 8. Quia possunt ostendit aliæ causæ omnium talium distaminum, quamvis non sint à natura indita. Hæc omnia prolixa garrulitate diducit Lockius.

*Crisis.* Verum quàm felicior fuisset Lockius, si tantum ingenii conatum adhibuisset pro intelligenda veritate, quàm fulcienda recepta semel falsitate; videamus tranquille omnia. Ajo, veritates quasdam, quarum notitia ex æstimatione Dei homini imprimis necessaria est, ut rectè dirigatur ad finem suum, si ex terminis ac sine longis aut sine incertis ratiociniis à quovis homine sciri non possunt, debuisse à Deo demonstrari homini per quandam internam ostensionem ac visionem, sicut & apibus interius demonstratur artificium mellificandi, araneis artificium texendi. Dari tales veritates, evidens est consideranti. Quis enim ex ipsis terminis sciat, *dari mundum, dari Solem*? sit enim, quòd in Meridie & Solem videam, & mundum tanquam, unde mihi ex terminis constare poterit, non falli sensus: aut certè illudi? si igitur ante omne ratiocinium datur quædam evidentia mentis, in qua non affirmamus tantopere, quàm intuemur hanc veritatem, & ea evidentia non habetur

tur ex ipsis terminis, clarum est, hunc evidentiam esse à natura, seu potius Authore naturæ Deo, idque per habitum menti congenitum. Jam verò, dum in luce meridiana judico dari Solem, & mundum, non sentio tam violentam passionem ac inclinationem ad id judicandum sicut aliquam sentio ad objecta voluntatis; ergo ad dictamina intellectus congenita non requiruntur illi violenti impetus. Intellectus videt, indiget ergo lumine & evidentia, non impetu. Voluntas movetur, nec eget lumine, sed impetu & inclinatione; ridicula ergo est prima Lockii ratio qua asserit, ideo talia principia practica nobis innata non esse, quia non inclinant violenter aut fortiter. Quasi verò & oculus non videat naturaliter objecta contingentia, cum fide promptissima de eorum existentia, quod non sentiat similem, aut auris, aeris undulantis impetum. Rursum constat, hanc ipsam veritatem, quod existat mundus, à Scepticis, ab affectis Melissi & Protagoræ apud Platonem omnia confundentibus in unum ens, & ab Atheis, Spinosæ discipulis in controversiam vocatam, imò & negatam esse; igitur & probari hæc veritas debuit à Platone, à Cartesio, & Philosophis. Igitur sunt aliqui qui sine formidine credunt oppositum, quin propterea sequatur hanc veritatem contingentem, quod detur mundus, non purè ex dictamine naturæ & interna revelatione Dei, ut sic dicam, notam esse. Nempe aliud est, quod tales veritates possint longis viarum per ratiocinia ambagibus inquiri, aliud est, quod Deus pareat longo, atque incerto itineri. prævidet enim Moderator rerum optimus, nec omnes per demonstrationis viam ad tantamque necessaria veritatum culmina eluturos, nec eos etiam, qui eò pervenerint,

rint, firmo pede inventis seriò bonis posse insistere; scientia, quæ in indoctis est, timida est, & quæ post longam inquisitionem & occasionum frustra præterfluentium tergum venit, sera est. Decuit loqui Deum, & intus docere via brevissima, quæ scire certissimè, ac citissimè deceret hominem. Non ergo secunda Lockii ratio quidquam detrahit luminibus naturæ.

In argumento 3.4.5.7. id agere videtur, ut doceat, dictamina illa naturæ suppressi posse, quod non contingeret, si essent impressa à Deo. Hic iterum Lockius non intelligit eam, quam impugnat, sententiam, nec naturam dictaminum naturæ. Dicebam prius, ea naturæ principia nec consistere in actuali cognitione, nec in actualibus objectis ideis, sed in præparatione potentiae intellectivæ quasi organica, qualis est in apibus, & araneis & aliis quibusvis ad sua particularia objecta animalibus. Itaque ad actuale eorum dictaminum cognitionem, qua mediante dirigunt, duo requiruntur; unum est, ut excitentur ideæ, alterum est actualis ad ideas semel emotas attentio. Excitatio idearum dependet ab occasionibus homini per se obviis, sicut excitatio idearum in apibus & araneis ab objectis, & occasionibus animali obviis oritur, sed in homine ob libertatem sibi inditam hoc ipsum, quod in animalibus secundum naturæ ordinem contingens est, liberum est, nempe actualis ad eas occasiones, in quibus oriuntur ideæ fini humano congruæ, & ad objecta conversio. Quid igitur mirum est, si in hominibus videri extincta possint naturæ dictamina, dum malitia gentis, aut propria perversio avocat ab objectis, congruas ideas germinantibus, aut attentionem ab ideis etiam excitatis subin in tanta occasionum copia ad alias idearum inanium

animum turmas distrahit? quid mirum, si sic continuata aſuum perverſorum ſerie ipſa naturalis à Deo congenita ad verum diſpoſitio in organis potentiarum deſiccet, obſtruatur, & inſtar viarum antiquorum nec tritarum, nec reparatarum collabentibus undique parietibus vicinorum montium, uſum omnem poſtea etiam redire volenti denegat? non oriuntur amplius in ſolo tam ſterili & inculto idearum fertiles ſegetes; & ſi oriuntur paucula ſpicae, renuit ad eas colligendas abire attentio, ſucta cohærere ad alia objecta. An non fieri poſſe credimus, ipſum, quod in apibus, & araneis Deus inſtus erexit organum, ſimili ratione deſtrui poſſe, ſi gauderent humana libertate animantia? an non poſſent mentem convertere ad alia objecta, & occaſiones idearum minimè ſuo fini congruas? an non attentio- nem avocare poſſent ab ipſiſmet ideis melificatoriis aut textoriis? at non tandem & luto & pulvere & tineis ſic corrumpi poſſet organum, ut nihil ab ipſis perciperetur priſtino artis, aut planè exiguum? poſſibilem ergo corruptionem, oſtendi; factam eſſe, quæ poſſibilis eſt, experientia demonſtrat. Nec ſequitur, quòd ſi humana malitia deſtruere poſſit organum ac opus Dei, etiam illud erigere potuerit humana ſapientia, poſſe incendi civitas, non ſimilis ædificari ab incendiario; poſſe horologium corrumpi, ſed non niſi ab artifice conſtrui; vita adimi poſſe, dari non poſſe; calor vitalis obrui poſſe, & extingui, inferi non poſſe, niſi à natura, & manu Dei. Idem ergo & impios, & gentes barbaras, quæ & ſuas & ſuorum poſteriorum mentes averterunt à fonte luminis, ut nec diſcant alieno magiſterio depravata ingenia, quæ integra vident nativo in lumine.

Oſtendit

Octavo Lockii ratio erat, quia aliæ ostendi possunt omnium eorum dictaminum, quæ naturæ tribuuntur, causæ. *Contingere, inquit, potest, ut dogmata, quæ non ab alia origine quàm inani nutricis Religione aut anili superstitione fluxerant, progressu temporis habitis vicinorum assensionibus in principiorum dignitatem amplissimam in re Religionis & morum recipiantur. Illi etenim, quibus pueros rectè instituere cura est, puerorum animos incautos & nullis adhuc præjudiciis opinionum imbutos iis, quas credi & retineri volunt, doctrinis imbuunt. His ita instillatis, quamprimum vis rationis lucere incipit, & postea cùm adolescit ratio, per illorum omnium, quibuscum assuescunt, aut sermones apertos aut assensiones tacitas confirmatis, evenit, ut indubitatarum & ingenitarum veritatum nomen adipiscantur. Hæc verò anilia Lockius pueris, quos in suo tractaculo de l'education des enfans instituendos suscipit, non viris occinat. Itane enim virum persuadeat, hæc veritates, quod detur mundus, quod internarum etiam actionum vindex, ac vita post hanc altera speranda aut metuenda sit, nos didicisse à nutricibus; undè verò contigit primas nutrices suam hausisse scientiam? cur tanta universim omnium ad eadem principia honestatis conformitas? aut si hæc videantur levia, respondeat Lockius, undè infans instituendus sciat, dari mundum, & nutrices, à quibus doctrinam recipit? an hoc fortè dicet, infantibus esse evidens? subsistat paululum, non dimittam, nisi saniora respondeat, Quid est hoc, quod respondet; *Infanti videri evidens, dari mundum & homines?* quid est hæc evidentia? undè est infanti hæc evidentia? & undè infans scit, se debere sequi evidentiam? & undè infans novit distinguere*

evidentiam spuriam à fida & sine fūco candida? quid est, inquam, hæc evidentia? estne agnitio veritatis evidentis ex terminis, sicut dum dico, bis duo esse quatuor? estne ergo ex terminis notum, quidquid observatur menti, statim dari extra mentem? estne. De ipsa idea mundi & hominum ipsa eorundem extra mentem existentia? consistitne hæc veritas in ipsa habitudine terminorum ad invicem, sicut dum dico, *bis duo sunt quatuor; idem non potest simul esse & non esse, omne triangulum habet tres angulos aequales duobus rectis?* Non profecto, si rectè sapimus; sed sunt veritates contingentes, quòd detur mundus, & quòd dentur homines. Harum veritatum evidentia est agnitio veritatis contingentis, qua credimus firmissimè, sine ratiocinio, sine hæsitazione, illud esse verum, quod posset se aliter habere. Si ergo infans ob hanc evidentiam credit *dari mundum, & dari homines*, inquiramus, undè sit infanti hæc evidentia? haud dubiè à Deo est. Sed scitne infans, hanc evidentiam esse à Deo? an ratiocinatur, ut ratiocinatur Cartesius, Deum non posse fallere, adeoque se ab hac evidentia non posse decipi? si non ratiocinatur; dantur ergo dictamina à Deo indita circa nonnullas veritates, quæ non habentur ab institutione, nec à ratiocinio. Si verò ratiocinatur, eo ipso cognoscit, hanc evidentiam sibi ante suum ratiocinium inditam. Dantur ergo iterum dictamina Dei, & dictamina naturæ, priora ad omnem humanam industriam, & priora ad omne hominis ratiocinium, quibus inclinamur ad credendas aliquas veritates contingentes, homini ad finem suum consequendum necessarias. Q.E.D. Restat, ut jam indicemus Lockio illa principia à Deo indita, quæ



si totidem revelationes internas Dei, homini tamen connaturales, quia debitae; dico: esse ad minimum sequentes quatuor. 1. Dari Deum, bonorum remuneratorem, malorum vindicem. 2. Dari vitam alteram. 3. Virtutem colendam esse. 4. Dari Religionem revelatam ac determinatam à Deo in specie infima. Extinguat hoc sibi ultimum lumen hereticus, miseret me insaniam, negantis jugum Dei providentiam, & in tanta claritate divinorum operum somniantis per tot annorum sæcula dormiisse Deum.

Cap. IV. Idem argumentum prosequitur; repetenti eadem, eadem respondemus. nec enim rationes eo, quoddiductiones sint, sunt propterea solidiores.

L. II. Cap. I. Probat omnes Ideas oriri ex sensationibus & reflexione ad sensationes; nec animam cogitare semper etiam noctu, quando homo domo dormit.

Cap. II. & III. De Ideis simplicibus.

Cap. IV. De Idea soliditatis. Hic confundit ideam soliditatis cum idea corporis impenetrabilis. *Demonstrare* inquit, *me puto, nos puram ideam spatii absque soliditate habere. Idea soliditatis est ipsa idea corporis, per quam spatium illud replere concipimus. Si corpora omnia, quæ in mundo sunt, aque guttulum undique premerent, obfissentiam ejus baud exuperarent, atque hinc patet soliditatis ideam non solum à puro spatio, quod neque renitentia, neque motus capax est, verum à vulgari etiam idea durities distinguui.*

Quàm misera demonstratio! si non probat intentum, infirma est. Si probat, contra ipsa Lockii principia invincibiliter fortis est. (*Crisis.*) si enim alia est idea spatii, respondeat, qualis sit hæc ipsa idea spatii? an sortè est idea cujusdam extensionis indefinitæ, quæ, ut vult Lokius, non resistit corporibus, sed

intra se recipit corpora? ita sanè loquitur & sentit Lockius. Sed quæso, si datur idea talis extensionis, an Deus non poterit condere rem huic ideæ simillimam? si enim datur idea, cur non sit possibile ideatum aliquid? non enim datur idea nihili; nullius entis, seu nihili, nulla est proprietas, adeoque nec similitudo, nec imago, nec idea. Quòd si verò Deus condere possit rem ideæ spatii simillimam, quomodo eam rem vocaret Lockius? *spatium* fortè. Quid autem, si nos illam rem vocaremus *extensionem*, an aliud diceremus, dum idem concipimus? nemo id dixerit. Liceat ergo rem illam vocare *extensionem*, & quid porro sequatur, videamus. Si est aliquid extensio, & si ea extensio recipit corpora, an ipsa corpora non habent aliquam extensionem? an non ipsa corpora sunt aliqua extensio? si guttula aquæ aliud est, quàm illa extensio spatii, an guttula aquæ non habet intra limites & intra corticem suæ substantiæ aliquam extensionem? si nullam habet, ergo est aliqua bullula intus vacua omni corpore, quod est insipientis cogitare. Si autem guttula aquæ aut aliud quodvis corpus est sua extensio? Ergo extensio recipitur in extensione; extensio corporis recipitur in extensione spatii, quæ duæ extensiones in hoc solo differunt, quòd extensio spatii non repellat extensionem aliorum corporum; extensio autem corporum repellat extensionem aliorum corporum. Cur autem hæc extensio habet vim repellendi, & non illa? aut cur necesse sit, fingere duas extensiones, si idea extensionis potest recipere aut abicere vim repellendorum corporum? aut cur impossibile sit, ut ipsa extensio spatii aliquando repellat corpora, aliquando Deo jubente non repellat corpora? aut cur impossibile sit, ut eadem extensio aliquando induat hanc figuram, aliquando

quando aliam? vel ut eadem extensio in uno casu constanter ac fortiter retineat suam figuram, in alio casu eandem accommodet corporibus ambientibus? si hæc concipi possunt, si habemus claram ideam, cur Deus non potuerit sic creare mundum? si sic potuit, quæ alia idea facilitior, quæ naturalior est, ut dicamus, Deum alio modo creasse mundum? si ergo hoc modo creavit mundum, quæ rebus imponenda erunt convenienter nomina? an non licet, extensionem indefinitam vocare materiam primam? an non licet figuram, & dimensiones extensionis vocare accidentia? an non licet extensionem ut sic vestitam dimensionibus vocare corpus? ridiculum ergo est, ideam soliditatis confundere cum ideâ corporis, & ponere aliam ideam extensionis, in qua recipiatur, cum eadem extensio possit induere omnes habitus corporum, & secundum quidem leges naturæ ordinarias sua superficie solidissimè repellere alia corpora; per dispensationem autem Legislatoris relicta sua soliditate compenetrari, & intra sese insuper recipere alia corpora.

Cap. V. VI. VII. VIII. agit in specie de variis ideis simplicibus, de idea lucis, colorum, soni, doloris, voluptatis &c. quas omnes credit tantum dari in anima, nec iis reperiri aliquid simile à parte rei.

Cap. IX. X. XI. agit de perceptione seu apprehensione, memoria, & iudicio comparativo unius cum alio.

Cap. XII. De ideis complexis.

Cap. XIII. De idea spatii. Dicit spatium esse extensionem indefinitam, quæ ultra mundum in spatia imaginaria in immensum porrigitur. de hoc diximus suprâ.

Cap. XIV. XV. XVI. XVII. XVIII. XIX. XX. De variis ideis modorum, durationis, expansionis, numeri, infinitatis, motus,

soni, saporis, voluptatis, doloris, iræ, odii, & affectuum animi. Quàm verò ordinatius & commodius ista tractantur in Physica, ubi vel agitur de decem prædicamentis, vel ubi agitur de proprietatibus corporum naturalium.

Cap. XXI. De Potentia. Admittit Lockius nos habere ideam distinctam potentia. *Nostre*, inquit, *potentia idea*, inter alias ideas simplices merito recenseri debet, cum una sit & præcipuis illarum, & quibus complexæ nostre substantiarum idea constanter. Hucusque bene. Sed paulò dein addit, tantum dari duas potentias, *potentiam cogitandi*, & *potentiam movendi*, hasque duas activas potentias solum reperiri in anima, in corporibus enim solum reperiri potentiam passivam, ut possint moveri, non potentiam activam movendi. Cùm potentia, inquit, omnis referatur ad actionem: & tantum genera sint actionum, quorum ideam aliquam habemus; cogitatio nempe & motus; reputemus, unde oriantur ideæ clarissimæ potentiarum, quæ actiones istas producant, cogitationis nullum omnino ideam nobis corpus suppetat, nec principii motus ideam aliquam à corpore habuimus. Corpus quiescens nullam nobis ideam præbet activæ cuiusvis potentia movendi; & quando movetur, motus iste passio veritatis dicitur, quàm actio. Sic ille, crassissimo errore corporibus vim activam denegans. Si rationem requiras, dicit, in corpore quiescente nullam ideam potentia activæ reperi. Quamvis nec istud certum sit, cum corpora gravia videantur à seipsis ad terram ab intrinseco moveri; ne tamen dubia sumamus principia in re certissima, videamus, quàm crasso ingenio Lockius cum Neotericis circa rerum naturam discurrat. Corpus, inquit, semel quiescens non movet seipsum, ergo non habet potentiam activam movendi.

(Cri-

(Crist.) Nemo non videt, hinc à Lockio considerari molem corporum naturalium, totamque Massam omnium partium, quæ ob pondus totius sese ipsam de loco in alium locum transferre non potest. Hæc, inquam, consideratio nimium crassa est, quàm ut sit digna Philosopho. Nec enim in præsentì quæritur præcipuè, an corpora ab intrinseco habeant potentiam, ut totam molem sui corporis in alium locum transferant, sed hoc imprimis quæritur, an in corporibus reperiatur potentia ac vis mutandi texturam situm, ac motum suarum partium. Si tota textura internarum partium mutetur, vocant nostri Philosophi hunc motum *motum generationis* aut corruptionis. Si addantur ordinato incremento novæ partes vocatur *motus augmentationis*; & si intestinæ partes non tamen præcipuè abeant aut accedant, aut mutantur, vocatur *motus alterationis*. De his motibus partium, non de motu totius præcipua quæstio est, an principium ac potentia movendi sit in ipsis corporibus, dico, certum & evidens esse, hoc principium esse in corporibus. sit v. g. granum tritici, aut granulum pomi projectum in terram; putrescat & corrumpatur dissolutione internarum partium. Accedat pluvia, & calor; germinabit granulum in spicam, aut arborem. Jam si quis consideret tot milliones novarum partium, quæ accedunt granulo, donec maturescat in spicam aut arborem, videbit tot milliones novarum obtinere situm ordinatissimum, & suam duritiem aut mollitiem; & obtineri semper effectum specie simillimum; & hanc similitudinem obtineri in toto mundo uniformiter, quis adeò desipiat, ut credat hos omnes motus propè infinitos minimarum naturæ partium aut casu fieri, ex concursu elementorum, aut contingenter ex granulo-

rum modulis prædire tantos ac uniformes effectus, aut solum Deum sine Mechanismo operari ista omnia? restat ergo, impressura esse seminibus ordinem quendam, secundum quem progressionem quadam continua nobis incognita necesse sit progredi motum minimarum partium, quæ dum emouentur à causis generalibus nempe ab æthere ac subtili materia, tamen non diriguntur nisi ab ordine activo corporum. Hæc est idea activæ in corporibus potentia, dum unum sequitur ad alterum secundum leges motum non generales sed specificas corporum. Si Lockius prius examinasset, quid sit potentia cogitanti aut movendi in anima, non eam negasset in corpore. Potentia movendi in anima est ordo animæ ad motum; & potentia movendi in corpore est etiam ordo corporis ad motum. Ordo semper manet sibi similis, sive reperiatur in anima, sive reperiatur in corpore; si illius clara idea habetur, in quantum reperitur in anima, habetur etiam clara idea, prout reperitur in corpore; nec ulla est Deo difficultas, sic coniungendi objecta idearum inter se in rebus ipsis, sicut coniunguntur ideæ inter se in mente. possum in meo mente coniungere ideam muri, & idem albedinis; poterit & Deus extra mentem coniungere aurum & albedinem; pari modo, si ideam ordinis ad aliud seu ideam potentia possum abstrahere ab anima, cum qua coniungitur; eamque coniungere cum idea corporis, poterit & Deus coniungere ipsam potentiam seu ordinem ad corpus; non quidem potentiam cogitandi seu ordinem ad cogitationes, quia si id Deus faceret, substantia talis extensa habens ordinem ad cogitationes non amplius vocaretur à nobis corpus sed anima; sed potest cum corpore coniungere potentiam seu ordinem ad motum, quia  
facta

facta tali compositione adhuc manet idea ac denominatio corporis.

Cap. XXII. de Modis mixtis. Modos entium mixtos vocat, quorum ideæ sunt complexæ constantes pluribus ideis; sic *ebrietas*, *mendacium* &c. multas involvit ideas simplices, v. grat. *vini*, *animi actionum*. &c.

Cap. XXIII. De Idea substantiæ.

Rectè Varro de Lingua Lat. L. 6. *in bona segete neque nullum est spicum nequam, neque in mala non aliquod bonum*. Sed de Lockianis ideis vix una à contagione errorum evasit idea substantiæ non felicius prioribus cessit. sic habet; „Cum mens magna idearum simplicium multitudine instructa animadvertat, certum istarum idearum simplicium numerum constanter conjungi, in unum subiectum comprehensæ uno nomine *substantia* appellantur, adeò ut si quis examinare velit, quam notionem habeat substantiæ in genere, videbit se non aliam huius habere ideam, quam suppositionem nescio cujus sustentaculi qualitatum. Hinc dum cogitamus de particulari quavis substantia corporea verb. gratia equo, lapide &c. utriusque ideæ nihil aliud est, quam collectio variarum istarum idearum simplicium sensibilibus qualitatibus, quas solemus reperire in equo aut lapide. Quoniam verò nequimus eas concipere, ut existentes per se, supponimus eas in aliquo communi subiecto inherere, & ab eo sustineri. subiectum illud per vocem *substantia* denotamus, etsi certissimum sit nos sustentaculi illius nullam habere claram ideam. Pleræque autem ideæ simplices, quæ complexam nostram substantiarum ideam conficiunt, ritè examinatæ potentia tantummodò sunt, utcumque pro qualitatibus positivis à

99 nobis sumantur, verb. grat. maxima pars,  
 99 idearum, è quibus auri idea conficitur,  
 99 sunt flavedo, magnum pondus, ductilitas,  
 99 fusilitas, solubilitas in aqua regia &c.  
 99 Hæ omnes autem ideæ tantum dicunt ap-  
 99 titudinem ad operandum diversimodè in  
 99 alias substantias, & ad illarum vicissim  
 99 operationes recipiendas. Ita Lockius, eo-  
 99 dem modo de Spiritibus & Deo discurrens,  
 99 quod & ipsos per complexionem quarundam  
 99 idearum, verb. grat. entis, cogitationis, po-  
 99 tentiæ &c. comprehendimus. (*Crisis*.) Du-  
 99 plex in hac idea substantiæ Lockianæ est er-  
 99 ror; primò, quod collectionem talium qua-  
 99 litatum dicat esse ipsam ideam substantiæ, sal-  
 99 tem partialiter. Secundò, quod sustentacu-  
 99 lum talium qualitatum dicat, nulla clara ideæ  
 99 concipi posse. Nemo est, qui concipiendo  
 99 equum dicat, colorem equi esse ipsam sub-  
 99 stantiam equi, Aliud ergo est, quod ideæ  
 99 substantiæ sit conjuncta cum idea talium qua-  
 99 litatum, aliud est, quod idea substantiæ sit  
 99 ipsum complexum talium qualitatum. Pos-  
 99 sum habere ideam Petri gladiati, & pallia-  
 99 ti, sed alia est idea Petri, alia idea com-  
 99 plexa gladii & pallii. Itaque solum quæstio  
 99 est, quidnam concipiamus, dum intelli-  
 99 mus ipsam substantiam. Admisit prius Lo-  
 99 ckius nos habere claram ideam spatii seu  
 99 extensionis. Admisit etiam, nos habere cla-  
 99 ram ideam potentiæ; jungat ista duo si-  
 99 mul, & habebit ideam substantiæ. sumat  
 99 v. g. extensionem minimarum partium in  
 99 granulo frumenti, aut pomi. His partibus  
 99 superaddat potentiam germinandi, & produ-  
 99 cendi aliquid simile arbori, aut spico; &  
 99 habebit ideam de substantia granuli. Porro  
 99 si potentiam illam germinandi velie in plu-  
 99 res ideas dividere, nempe in potentiam pro-  
 99 ducendi arborem, in potentiam producendi  
 99 folia,



folia, in potentiam producendi flores, in potentiam producendi fructus, in potentiam producendi effectus medicos, aut alios mirabiles, nihil aliud re ipsa intelligit, quam vim insitam dirigendi ordine certo quoad motum partes minimas, & quidem vis illa conjuncta est cum ipsa textura, ordine, ac proportionem partium. Hæc est idea substantiæ possibilis, & quia est conformis sensui omnium hominum, præsumendum est, eam visam & agnitam esse in lumine menti insito, sine ullo ratiocinio. Revera plura à mente videntur, quam discuntur ratione. visio illa plerumque verior est, quam subtilitates non solidæ Philosophorum superficialium; & postquam talia juvenilia ingenia profundius inspexerunt, ad sensum tandem communem redire coguntur. Hoc contingit in Politicis, æconomicis, & humanis negotiis, vident florida ingenia aliqua, quæ videntur nova & meliora; re tandem inspecta per experientiam, aut longiorem indaginem, agnoscunt sensum communem sapientum vidisse meliora.

Injuriam Lectori facerem, si longiorem in recensendis viri, ut apparet, ex principis distorti opinionibus navarem operam.

# SECTION VI.

## DE

*Logica Protestantium verb. grat.  
Claubergii, Clerici, Budei,  
Croufazii, Titii,  
Wolffii. &c.*

**P**Rimi Protestantium plerumque secuti sunt Dialecticam Petri Rami, & Melancthonis. Utraque ferè nihil aliud continet, quàm brevissimam Syllogismi & locorum topicorum notitiam, qualis in nostro Gypriano traditur jam in Rhetorica. Prodiit tandem circa medium præteriti sæculi in Hollandia Claubergius, qui *Logicam contractam*, seu Compendium Logicæ edidit. Hoc sæculo ineunte in Hollandia Clericus, in Saxonia Budeus, in Helvetia Croufazius, in Brandenburgensi & Hessensi Wolfius suas quoque Logicas communicarunt. Videamus quas merces ferant.

*Claubergius* in sua Logica Contracta agit .  
1. De Prædicamentis. 2. De Locis topicis.  
3. De divisione & definitione. 4. De propositione. 5. De Syllogismo. 6. De memoria. 7. De didactica, ordine, & fallaciis.  
In 1. 2. 3. 4. 5. 7. parte nil habet, quod non passim reperiatis in nostris Logicis Peripateticis longè perfectius. In 6. parte de memoria hæc habet. 1. Satius est, ut quis ea duntaxat memoriæ mandet, quæ ipse intellexit prius, ipse vera agnovit, quàm alius.  
2. Memoriæ officia sunt tria 1. Objecta fortiter imprimere. 2. impressa firmiter retinere.  
3. Re-

3. Retenta promptè reddere. 3. Imprimi facilius poterunt, si res addiscendæ claræ, perspicuæ, & ordinatæ sunt. 2. Si mens ad eas attenta nullis aliis cogitationibus turbetur. 3. Magis imprimuntur, quæ viva haurimus voce, quàm quæ tantummodo leguntur, vel meditando inveniuntur. Addere potuisset Claubergius, 4. Ea omnium fortissimè imprimi, quæ viva voce hauriuntur ex ore virorum, qui in summa authoritate constituntur, qui æstimantur, qui amantur, qui gravissimè, ac magna confidentia rem proponunt, qui & eloquenter rem proponunt, qui doctrinam acuto ac memorabili dicto, aut viva sententia comprehendunt, qui alligant veritatem exemplo aut paritati in phantasia vivacissimo, qui audiuntur cum magna exspectatione, qui audiuntur cum magna frequentia & admiratione populi, qui audiuntur cum magno apparatu, qui audiuntur circa objecta excitantia majorem strepitum. hæc, inquam, addere potuisset Claubergius, & ipsa digna memoria. ex hoc enim refellitur eorum imprudentia, qui aut studia privata publicis æquiparant, aut Missionariorum conciones non æstimant, cò quòd nil aliud doceatur in universitatibus aut studiis publicis, quàm privatis; nec aliud dicatur à Missionariis, quàm quod dicitur perpetuè à parochiis, quamvis enim non dicatur aliud, dicitur tamen majore apparatu, & majore auditu exspectatione, & actione vehemantiore, & idèd imprimitur fortius. Sed pergas Claubergius. 5. *Retinebis*, inquit fidelius 1. si crebrò rem eandem repetas. 2. si ignotum, ad simile quoddam notum. 3. si multa ad pauca. 4. si anomala ad regulas quantum fieri potest reducere coneris, verb. gratia in studio linguarum, quod maxime memoriam requirit, verba omnia ad

ad certas quasdam radices, seu prima the-  
mata; quæ respectu derivatorum & compo-  
sitorum pauca sunt, referuntur, tum ignota  
vocabula cum aliis notioribus comparantur,  
v. g. Græca & Latina cum vernaculis com-  
parantur, *ὑπερ... μᾶς...* Sic latini Recen-  
tiores Grammatici multa ostendunt esse re-  
gularia, quæ aliis olim visa sunt anomala;  
quæ autem regulis conformia sunt; facilius  
memoria retinentur, quàm quæ propter sin-  
gularem quandam proprietatem à regulis ex-  
cipiuntur. Prodest quoque ad rem fideliùs  
memoria continendam, si ligatæ orationis  
metro adstringatur. In lectione librorum im-  
pressionis ac retentionis subsidia sunt, si ob-  
servatu dignissima aliis typis exprimantur  
vel ductis lineolis, vel asteriscis in margi-  
ne positis notentur. Item si prolixior tracta-  
tio in Epitomen & summam contrahatur,  
aut in tabulas per divisiones & subdivisio-  
nes præcipuas redigatur. 6. *Redditio* prom-  
ptior fit sæpe iteratis memoriter reci-  
tandi, perorandi, differendi exercitiis, qua-  
mobrem hæc in Scholis frequentari debent.  
Huc addi posset, quod à viro docto ac pio  
accepi. Dicebat mihi, se, dum adhuc erat  
junior, potuisse reddere sexaginta aut septua-  
ginta nomina propria hominum, eo prorsus  
ordine, quo sibi una vel altera vice præle-  
gebantur, aut recitabantur. Artificium con-  
sistit in eo, ut priùs quis sibi formet distin-  
ctam ideam alicujus ædificii v. g. templi,  
aut palatii, aut plurium, & in iis toti sibi  
repræsentet vel columnas, vel altaria, vel  
capellas, vel cubicula, quot recitari nomi-  
na vult. Postquam ergo sibi distinctissimam  
formavit ideam talium v. g. sexaginta alta-  
rarium, vel cubiculorum, tunc jubet, ut al-  
ter sibi pronuntiet primum nomen; sit v. g.  
illud.

illud nomen. . *Petrus* . itaque *Petrum* collocat in primo cubiculo, & in hoc cubiculo fingit sibi varias actiones *Petri*, varias imagines referentes historiam *Petri*, varia monumenta aut inscriptiones habentes relationem ad aliquem *Petrum* sibi notum; vel cogitat de vario hujus cubiculi pro aliquo *Petro* sibi noto. Sic ergo fit, ut in memoria commisceantur & conjungantur idea cubiculi apparatus & idea *Petri*; adeoque non possit excitari idea primi cubiculi, quin simul excitetur idea *Petri*. Postquam sic primum nomen cum idea primi cubiculi commiscuit, & aliquantulum quievit, jubet sibi recitari secundum nomen; hoc iterum eadem methodo commiscet cum idea secundi cubiculi; sic pergit ad tertium, quartum, & sexagesimum nomen; & completa operatione redit ad sua cubicula jam prius in memoria ordinatim disposita; aperit primum, & in eo ob idearum commixtionem reperit *Petrum*, in secundo *Simonem*, in tertio *Carolus*, donec omnia prorsus cubicula lustrando singula nomina invenerit, & reddiderit. Hæc *Claubergio* addere volui, ut dum hæretici suam pauperiem communicant, non ingrati par pari referamus, curiosa nempe hominibus curiosis, semper aliquid novi, *Atheniensium* more, nil unquam solidi & antiqui requirentibus.

*Joannes Clericus*, hæreticus Ecclesiæ Remonstrantium seu Arminianorum in *Hollandia*, *Philosophiam* suam prima vice edidit 1694, quæ *Lipsiæ* 1710. recursa est. Præminator novæ editionis in præfatione dicit; vestigia *Philosophiæ* à Clerico traditæ secutum esse *Buddeum* in suis *Institutionibus Philosophiæ Ecclésiæ*, sic tamen, ut *Clerici* opera *Philosophiæ Commentarii* uberioris,

rioris in Philosophiam Buddeanam, *que nunc* inquit, *in Academiis & Scholis passim apud nos Germanos* (hæreticos) traditur, vicem obtinere à multis censeantur.

In Logica Clericus agit. 1. De Ideis. 2. De propositione. 3. De Methodo. 4. De Argumentatione. His subnectit dissertationem *de argumento Theologico ab invidia ducto*. In 1. 2. 3. 4. parte id tantum agit, ut vel describat, vel explicet Arnaldum, cujus Artem cogitandi supra exhibui. Itaque de solo *Argumento ab invidia ducto*, quod novum Clericus de suo protulit, agamus. Ostendam autem, nihil minus quam *argumentum ab invidia ductum* esse, aut vocari posse, quod Clericus tam infami nomine prostituit. Argumentum enim illud vel potest prodire ex zelo, vel ex invidia; iniquum ergo est, huic argumento tam infamem inurere notam, & quasi fronti inscribere characterem infamiae, ut quisquis eo argumento usus fuerit, habeatur pro fabro conflandæ invidiæ. Non propterea gladius, si frequenter furori ministrat arma, debet propterea vocari instrumentum insaniae; est etiam gladius Gedeonis, gladius zeli, cui inscribas nomen iustitiæ; quod, ut sentiant, qui adversus Romanam Ecclesiam distenduntur invidia, Clericum proprio ense confodimus. Ipsissima enim exempla, quibus utitur tanquam profectis ab invidia, ostendam meritò librata esse à iusti zeli prudentia.

*Primum exemplum.* Primò, inquit Clericus, conflatur invidia *falsa interpretatione* sententiæ, quæ infamanda suscipitur. Sic Hieronymus imperitorum odium in Vigilantium incendit, clamitando, „eum os fœtidum  
„ aperire, & putorem spurcissimum contra  
„ Sanctorum Martyrum proferre Reliquias,  
„ & eos, qui eas suscipiunt, appellare cinera-

rios, & idololatrias, qui mortuorum hominum ossa venerarentur; cum contra Martyrum sanguinem dimicare, contra Apostolos pertonare, imò instar rabidi canis latrare contra Christi discipulos.

*Secundò.* Non modò res invidiosæ dicuntur, sed nomina invisa iis imponuntur, quibus plebècula, & qui eam imperitia referunt, sæpe magis offenduntur, quàm rebus ipsis. Sic Hieronymo Vigilantiusest non modò os foetidum, sed Samaritanus & Judæus, qui corpora mortuorum pro immundis habeat.

*Tertiò.* Infamanda sententia confertur cum dogmatibus invisorum hominum, ut audita collatione omnes cohorrescant, & insurgant in miseros, quasi in reos errorum publico judicio dudum damnatorum. Sic Hieronymus Vigilantii doctrinam confert cum doctrinis hominum dudum infamatorum., Qportentum, inquit, in terras ultimas deportandum! rides de reliquiis Martyrum, & cum Authore hujus hæreseos Eunomio Ecclesiis Christi calumniam struis; nec tali societate terreris, ut eadem contra nos quæ ille contra Ecclesiam loquitur.--quæ olim appellabatur Cajana hæresis; & multò tempore dormiens vel sepulta nunc à dormitantia suscitata est--spiritus iste immundus, qui hæc te cogit scribere, sæpe hoc vilissimo tortusest pulvere, imò hodieque torquetur, & qui in te plagas dissimulat, in cæteris confitetur. Nisi fortè in morem gentilium impiorumque Porphyrii, Eunoniique has præstigias dæmonum esse constringas, & non verè clamare dæmones, sed sua simulare tormenta.

*Quartò,* ut infametur doctrina, ut qua quispiam ab aliis dissentit, summopere exaggeratur momentum controversiæ etiam levis, quasi admissis adversariorum dogmatibus. Religio

gjo ipsa Christiana in periculo versaretur, aut convellerentur fidei Christianæ fundamenta. Conantur invidiam moventes, ut Cicero pro Fontejo ait; *Magnitudine rei* sic occupare animos eorum qui audiunt, ut difficilis aditus veritati relinquatur. Ac sanè motis semel affectibus omnia magna videntur, & quæ ab hominibus nullo affectu præpeditis spernerentur; aut certè levia haberentur delicta, ea quasi gravissima odiis acerrimis premuntur. Sic Hieronymus non parum momentum controversiarum, quas movebat Vigilantius adauxit. Concedamus enim, errasse Vigilantium, an propterea cælum terræ miscendum fuit? an propterea exclamandum erat. „ O præcidendam lin-  
„ guam à Medicis, imò insanum curandum  
„ caput, ut qui loqui nesciat, discat ali-  
„ quando tacere. Ego vidi hoc aliquando  
„ portentum & testimoniis scripturarum  
„ quasi vinculis Hippocratis volui ligare  
„ furiosum -- fatebor tibi dolorem meum;  
„ sacrilegium tantum patienter audire non  
„ possum.

*Quintò.* Si contingat, ut ii, qui infamandi suscipiuntur, nolint uti vocibus quibusdam plurimum auctoritate vel usu consecratis, quod eas non intelligant, aut incommodas judicent, ingens conflatur invidia, quasi dogma ipsum rejicerent, quod vocibus illis exprimi solet.

*Sextò.* Cum nihil aptius sit ad leniendam invidiam, quæ in sententiam quampiam accenditur, quàm rationes ut firmæ, aut verisimiles, quibus solet defendi, rationes omnes illæ studiosissimè occultantur, quo fit, ut imperiti existiment, eam sententiam in mediis esse prolatam novarum rerum demeritat studio, aut pravo etiam consilio. In hoc 5. & 6. Loco non invenit Clericus exem-



exemplum in Hieronymo contra Vigilantium.

*Septimò.* Si quæ sententia defendenda suscipitur contra aliam, in quam movetur invidia, incommoda quibus premitur sententia defendenda, diligenter dissimulantur, dum mirum in modum exaggerantur, quæ adversariis possunt objici. Vigilantius ita allocutus fuerat eos videbat quos videbat reliquias Martyrum cultu prosequi. Quid necesse est te tanto honore non solum honorare sed etiam adorare illud nescio quid, quod in modico vasculo transferendo colis. Quid tamen reponit Hieronymus? negat, quod ipse etiam non nesciebat. *Quis inquit, O insanum caput aliquando Martyres adoravit? quis homines pueravit Deum?* Objecerat Vigilantius, propè ritum Gentilium videri sub prætextu Religionis introductum, Sole adhiuc fulgente moles cereorum accendi. Respondit Hieronymus. *Illud fiebat idolis, & ideo detestandum est; hoc fit Martyribus & ideo recipiendum est.*

*Octavò.* Cum multa possint invidiam amoliri à sententia, & hominum animos ei conciliare, aut placare, illa alto silentio involvuntur, dum contraria omnia multis deducuntur. Hic iterum Clericus non habet novum exemplum ex Hieronymo.

*Nonò.* Ut accendatur invidia, non modò invidiosissimè exponuntur ipsa dogmata, sed & confectaria invidiosa ex iis deducuntur, seu falsa ea sint seu vera? seu nequaquam pro legitimis confectariis ab iis, qui oppugnantur, agnoscenda. Sic Hieronymus confectaria adversus Vigilantium proponens ait.

„ Ergo Petri & Pauli immundæ sunt reli-  
 „ quæ? ergo Moyfi corpusculum immun-  
 „ dum erit, quod juxta Hebraicam verita-  
 „ tem ab ipso sepultum est domino? & quo-  
 „ tiescunque Apostolorum, & Prophetarum,

&

„ & omnium Martyrum Basilicas ingreditur,  
 „ mur, toties idolorum templa venera-  
 „ mur? accensione antetumulos eorum cerei  
 „ rei idolatriæ insignia sunt? plus aliquid  
 „ dicam, quòd redundet in authoris caput,  
 „ ergo & Domini corpus in sepulchro pos-  
 „ tum immundum fuit?

*Decimò.* Augetur invidia suspicionibus.  
 Si Hieronymus suspicabatur, aut se suspicari  
 fingeat, Vigilantium non credere immor-  
 talitatem animæ., Miror, inquit quòd non  
 „ dicas, nequaquam perpetienda Martyria,  
 „ Deum enim qui sanguinem hircorum tau-  
 „ rorumque non quærat, multò magis ho-  
 „ minum non requirere. Quòd cum dixeris,  
 „ immò etsi non dixeris, ita habebéris,  
 „ quasi dixeris; qui enim reliquias Marty-  
 „ rum asseris calcandas esse, prohibes san-  
 „ guinem fundi, qui nullo honore dignus  
 „ est.

*Undecimò.* Invidia movetur vel augetur  
 objectione novitatis. Hic nullum exemplum  
 ex Hieronymo.

*Duodecimò.* Non levis invidia conflatur  
 sententiæ objectione paucitatis eorum qui eam  
 tuerentur, multitudinis verò oppugnantium.  
 Sic Hieronymus contra Vigilantium., Om-  
 „ nes Episcopi non solum sacrilegi, sed &  
 „ fatui judicandi, qui rem vilissimam &  
 „ cineres dissolutos in serico & vase aureo  
 „ portaverunt. Stolei omnium Ecclesiarum  
 „ populi, qui occurrerunt reliquiis.

*Decimotertiò.* Invidia concitatur non solum  
 ipsi sententiæ, aut iis, quæ aliquam affini-  
 tatem cum ea habent, sed alienis multis  
 rebus, quæ tractantur, permixtis, quia sunt  
 apta ad excitandum odium. Sic Hierony-  
 mus Vigilantio factum ad causam imperti-  
 nens exprobat., „ In hac provincia inquit,  
 „ cum subitus terræ motus noctis medio.  
 „ omnes

omnes de somno excitasset, tu prudentissimus & sapientissimus mortalium nudus orabas, & referebas nobis Adam & Evam de Paradiso.

*Decimoquarto.* Cum multa fiant in vita quæ per se nec bona sunt, nec mala, & tamen possunt in deteriorem partem accipi, ac interpretationibus malignis premi, invidia artifices in adversariis talia avidissimè arripiunt, atque in ea omnibus eloquentiæ suæ velis invehuntur. Jejunia & virginitas per se indifferentia sunt; Hieronymus in Vigilantium sic tamen invehitur. „ Exortus est, inquit, Vigilantius seu potius Dormitanti-  
„ tantius, qui immundo spiritu pugnet contra Christi spiritum; dicit esse continentiam hæresin, pudicitiam libidinis seminarium, in isto Joviniani mens prava surrexit; ille Romanæ Ecclesiæ autoritate damnatus inter Phasides aves, & carnes suillas non tamen emisit spiritum, quàm eructavit; iste caupo Calagurritanus miscet aquam vino, & de artificio pristino suæ vena perfidiæ Catholicæ fidei sociare conatur, impugnare virginitatem, odisse pudicitiam, in convivio sæcularium contra Sanctorum jejunia proclamare dum inter phialas philosophatur &c.

*Decimoquinto.* Invidia ingens sæpe conflata est innocentibus, dum accusati sunt apud eos, qui de re, cujus insimulabantur, minimè judicare poterant. Sic Hieronymus populum suæ sententiæ judicem & vindicem facit, ubi ex Vigilantii dogmate sequi contendit, ut sint stulti omnium Ecclesiarum populi, qui occurrerant sanctis reliquiis Samuelis Prophetæ, & tanta lætitia, quasi præsentem, viventemque Prophetam cernerent, susceperant, ut de Palæstina usque Chalcedonem jungerentur populorum examina.

*Deci-*

*Decimosextò.* Invidia innocentibus move-  
 tur, dum infamantur quasi perturbatores pu-  
 blicæ tranquillitatis; quòd ignota veritas vix  
 sine animorum motu intromitti in Rempu-  
 blicam possit. Vel qui dissentiunt à summa  
 potestate in Religionis negotio, illi infaman-  
 tur, quasi eam stultitiæ aut impietatis da-  
 mnarent. Ita Hieronymus contra *Vigilan-*  
*tium*, „ Ergo sacrilegus fuit Constantinus  
 „ Imperator, qui sanctas reliquias Andree,  
 „ Lucæ, & Timothei transtulit Constanti-  
 „ nopolim, apud quas dæmones rugiunt,  
 „ sacrilegus & nunc dicendus est Augustus  
 „ Arcadius, qui ossa beati Samuelis longo  
 „ post tempore de Judæa transtulit in Thra-  
 „ ciam. Malè facit ergo Romanus Episco-  
 „ pus, qui super mortuorum hominum Pe-  
 „ tri & Pauli secundum nos ossa veneran-  
 „ da, secundum te vilem pulvisculum of-  
 „ fert Domino sacrificia, tumulos eorum  
 „ Christi arbitratur altaria. Et non solùm  
 „ unius Urbis, sed totius orbis errant Epi-  
 „ scopi, qui cauponem Vigilantium con-  
 „ temnentes ingrediuntur Basilicas mor-  
 „ tuorum.

*Crisp.* En hæc sunt exempla Clerici, quæ  
 per seipsa manifestum faciant, D. Hierony-  
 mum usum esse argumento ducto ab invidia.  
 Itaque & Joannes præcursor, & Christus &  
 Apostoli usi fuerint *argumento ab invidia*,  
 dum Phariseos traducunt invidiosis nomini-  
 bus, dum eos comparant cum objectis hor-  
 roris universalis omnium, dum exaggerant  
 eorum errores sine ullo excusationis velo,  
 dum actiones secundum se indifferentes gra-  
 vant interpretatione animi, dum denique  
 actiones ad summam rei non pertinentes ex-  
 catiunt. *Progenies*, inquit, *viperarum quis*  
*demonstravit vobis fugere à ventura ira? om-*  
*nis arbor, quæ non facit fructum bonum, exci-*  
*detur*

detur, & in ignem mittetur. Paleas comburent igni inextinguibili. Cavete à fermento Pharisæorum, quod est hypocrisis. Similes sunt sepulcris dealbatis, quæ foris apparent speciosa hominibus, intus autem sunt plena ossibus mortuorum & omni spurcitia. Amant primos rectus, & saluari ab hominibus, & vocari ab hominibus Rabbi. Non eritis sicut hypocritæ, qui amant in Synagogis & in angulis platearum stantes orare, ut videantur ab hominibus. Cum facis eleemosynam, noli tuba canere ante te, sicut hypocritæ faciunt in Synagogis & vicis ut honorificentur ab hominibus. Exterminant facies suas, ut appareant hominibus jejunantes. Dilatant phylacteria, & magnificant fimbrias. Væ, qui comeditis domos viduarum, oratione longa orantes, væ qui in via Cain abierunt, & errore Baalam mercede effusi sunt & in contradictione Core perierunt. Hi sunt in epulis suis intuculæ, nubes sine aqua quæ à ventis circumferuntur, arbores autumnales, eradicatæ, fluctus fieri maris, despumantes suas confusiones. Carnem maculant, dominationem contemnuunt, maiestatem aut blasphemant. Hoc scilicet, si Clericum consulimus, omnia sunt argumenta ducta ab invidia. Si verò hæc omnia zelo & moderatione plena sunt, non erit ex ipso modo tendendi evidens, ut Doctor Ecclesiæ trahatur in exemplum invidiæ. Causa prius inspicienda, quàm animus; & nulla unquam iustior irarum causa, quàm illa Hieronymi fuit: agebatur de religioso Reliquiarum cultu, consecrato universali sensu ac usu primitivæ Ecclesiæ. Nullus antiquorum Patrum proferri potest, qui hunc cultum improbet; omnes, qui de illo scribunt, in Oriente & Occidente, eundem voce, calamoque promovent & extollunt. Basilii, Chrysostomus, Augustinus, Ambrosius in numeris locis hunc cultum toto orbe receptum

ptum testantur. Solus Caupo Vigilantius obstitit, nec ab ullo hominum fidem reperit. Hunc dum D. Hieronymus opprimit sensu totius Ecclesiæ, Clerico videtur usurpari argumentum ab invidia. At verò non Hieronymus Vigilantio, sed Clericus Hieronymo frustra conatur constare invidiam. Manifesti enim furoris est, sentire, quòd illa florentissima & Doctorum feracissima post Constantinum Ecclesiæ ex ipsis adhuc calentibus Martyrum cineribus, quæis subversa est Idololatræ impietas, sumpsit universalis idololatriæ exordium. si enim potuit dormire erga Ecclesiam Divina Providentia eo tempore, quo in Ecclesiæ dabantur Sanctorum pietate & miraculis illustrium exercitus, si concessa sunt aliqua nonnullis illustrationum & motionum sanctarum auxilia, impossibile erat nulli Sanctorum inspiratum fuisse fortiozem adversus novam illam Idololatriam animum. Non levis momenti erat controversia, ut fabulatur Clericus, *adorare non tantum honorare Reliquias*, assumere ritus Gentilium, imitari usum Ecclesiæ, calcandas docere reliquias, superstitionis damnare orbem Christianum, non sunt hæc indifferentia, sed aut impium in hoc genere esse oportet aut Religiosum; aut negandus est Deus miseris & Providentia; aut recipienda est vetus illa Ecclesiæ, & conspuenda recens Hæreticorum insania.

*Buldeus*, in Academia Jenensi Professor Theologiæ, suorum oraculum, edidit *Elementa Philosophiæ Instrumentalis*, ut vocat. seu *institutiones Philosophiæ Ecclésiæ*. In Proæmio Philosophiæ tradit historiam Philosophiæ succinctam tum veteris, tum novæ. Logicam seu Philosophiam Instrumentalem dividit in quatuor partes:

1. De

1. De ratione inveniendi verum.
2. De ratione veritatem ex aliorum scriptis eruendi.
3. De ratione veritatem cum aliis communicandi.

4. De noticia terminorum Philosophicorum.

Primam partem dividit in 4. Capita.

1. De intellectu humano ejusque operationibus & facultatibus.

2. De Intellectus humani viribus & imbecillitatibus.

3. De intellectus humani sanitate, & virtutibus.

4. De mediis emendandi intellectum, sanitatique restituendi.

In parte 2. attingit naturam sermonis, & paucas quasdam regulas interpretationis seu hermeneuticas.

In Parte 3. agit de Methodo ducendi.

In Parte 4. agit de ente, & attributis entis.

*Crisis.* Nonne rem magnam expectas à titulis tam novis? erras, quæcunque in his quatuor partibus Logicæ duodecim plagulis formis majoribus constructa fermè omnia ex Arnaldi *Arte cogitandi* superius recensita desumpta sunt. Hinc & postea, ut ex gratitudine decuit, Arnaldum latino idiomati ex Gallico donavit addita præfatione. Si ergo Academiæ Protestantium utuntur communiter operibus Clerici & Buddei, rationis suæ directionem debent Arnaldo, & Galliz.

*Crousazius* anno 1712. aliud quoddam novum Systema Logicæ edidit sub titulo: *Système de Reflexions, ou Nouvel essai de Logique.* dividit Logicam in 4. Partes. 1. De ideis, 2. De propositione, 3. De argumentatione. 4. De Methodo. Et ipse quoad substantiâ omnia desumit ex Arnaldi *Arte cogitandi*. In

prima est solum parte fusior est, ubi simul agit de principiis humanæ cognitionis ac origine idearum, nempe de sensu, intellectu, imaginatione, & omnibus passionibus animi. Ea ipsa verò desumpsit ex Cartesio de *passionibus*, & ex P. Mallebranche, nihil igitur præclari hæretici, qualis est Croufaz, Professor in Academia Lausannensi, de suo conferunt.

In eundem censum veniunt Logica Titii, & Grosseri; illa prodit Lipsiæ 1702. sub titulo. *Ars cogitandi sive scientia cogitationum cogitantium cogitationibus necessariis instructa & a peregrinis liberata*. Altera ibidem prodit sub titulo. *Pharus intellectus sive Logica Electiva Metodo Neoveterum præceptis & sanæ rationis usui sano congrua*. Piget referre ineptias; ex titulo colligamus cætera. Omittam etiam agere, de *Philosophia principiis pedantismo opposita*, quæ prodit Lipsiæ 1711. in ea enim non tam traduntur regulæ pro inveniendis, quàm pro dirigendis principum ac nobilium moribus.

Itaque ad novissimas Logicas Lutheranorum progrediar, nempe ad Logicam Rohrii, & Wolfii. Illa Germanicè prodit 1726. Lipsiæ hoc titulo: ..... Divisio operis est in Capita 18. 1. De Logica in genere. 2. De impedimentis veritatis. 3. De Meditatione. 4. De Ideis. 5. De Propositione. 6. De Syllogismo. 7. De Problemate. 8. Experientia. 9. De Tentamine. 10. De Probabilitate. 11. De Fide. 12. De Methodo docendi. 13. De Scribendis libris. 14. De Lectione librorum. 15. de Interpretatione. 16. De Criterio librorum. 17. De Defensione & refutatione. 18. De usu ac praxi veritatum: Recenserem hic plura, nisi viderem Rohrium discipulum pleraque hausisse ex VVolfio suo Magistro; de



de hoc ergo solo nunc fusiùs agendum est.

*Christianus Wolffius*, prius Professor in Academia Hallensi Brandenburgensi, nunc verò in Marbugensi in Hassia tria jam diversa opuscula Logica edidit; primum Germanicum, sub titulo: ... alterum erat Latinum; sub titulo: *Philosophia rationalis*. tertium hoc anno 1728. prodiit; sub titulo *Philosophia rationalis, sive Logica methodo scientifica pertractata*. (Crisis.) In hoc ultimo omnia complectitur quæ in prioribus utilia dixerat. Ea verò, quamvis paucissima ac etiam tenuia sint, hac vice opere vastissimo; secundum, latum, nescio an etiam profundum diduxit. Si Arnaldus, Author Artis cogitandi surgeret, gloriaretur, se non frustra Mathematicis scripisse dicam, quod onerent memoriam propositionibus aliàs per se manifestissimis, & has ipsas probent ac demonstrent argumentis fusiis. Wolffius, ceterò totum opus replevit meris axiomatibus, & postulatis, & observationibus, de quibus nemo facile dubitaverit; sed ille veritates illas circum undique munit & involvit demonstrationibus, veritus fortè, ne læderentur à muscis, si sine demonstrationum flagro incustuditos reliquisset tam nobiles sui ingenii partus. Nobis autem suffecerit, patienter reddidisse ipsas Wolffii propositiones; scio, demonstrationes lector benevolus non requireret.

Opus in duas partes divisum est. Prima est, Logica Theoretica. Secunda, Practica. Quibus discursum præliminarem præmittit, de Philosophia in genere. Logica Theoretica agit. 1. De ideis. 2. De propositione. 3. De ratiocinatione. Logica practica agit. 1. De criterio veritatis certo & probabili. 2. De Experientia. 3. De scribendis & dijudicandis libris,

4. De Interpretatione . 5. De Methodo defendendi & refutandi . 6. De Methodo docendi . 7. De usu Logicæ in praxi vitæ .

# DISCURSUS

## PRÆLIMINARIS.

*De Philosophia in Genere.*

### C A P U T. I.

*De triplici cognitione humana, Historica, Philosophica, & Mathematica.*

1. **S**ensuum beneficio cognoscimus, quæ in mundo materiali sunt & fiunt; & mens sibi conscia est mutationum, quæ in ipsa accidunt. Sanè sensu duce nobis innuit, dari animalia, mineralia, hominem inter bestias educatum rationis usu minimè pollere.

*Cristi.* NB. Falsum est, nos omnia scire, quæ fiunt in anima. justificatur infans per baptismum, etiamsi hoc nesciat, aut certè contrahit peccatum originale, quamvis hoc nesciat. Operatur anima multa in corpore, quamvis hoc nesciat; aut ponamus verum esse totum Systema VVolfianum & Leibnizianum; animam esse quendam mundum, in quo evolvantur rerum & cognitionum series, quin anima aliquid agat in corpus aut aliquid patiatur à corpore; certum tamen est, animas omnium hominum, usque dum veniret Leibnizius & VVolfius, ignorasse has suas perfectiones & evolutiones, non igitur anima omnia scit; quæ in se contingunt. Dein alterum falsum est, quòd

quoddam experientia constet, hominem inter bestias educatum ulu rationis non pollere. Ad experientiam & ad universalem propositionem requiritur, ut constanti observatione, per multos casus, in plurimis locis, in diversissimis circumstantiis res observata sit. Has enim leges ipse præscribit VVolfius. Quot autem casus, VVolfius proferre poterit pro illa propositione? fortè unum? aut etiam alterum? plures certè non: & illos ipsos duos non hausit propria experientia; non ipsemet suis usurpavit oculis, nec examinavit circumstantias. Tertium peccatum VVolfii est, quoddam principio totius Philosophiæ, quod deberet esse omnium certissimum, & concessum ab omnibus, prout præscribit ipse de Methodo, hic immisceat ea, quæ sunt dubia, aut certè controversa. Nihil itaque accurati nobis promittit VVolfius in aditu sui operis. Pergamus ad certiora.

3. Cognitio eorum, quæ sunt atque fiunt, sive in mundo materiali, sive in substantiis immaterialibus, accidunt, *Historica* à nobis appellatur.

4. Ea, quæ sunt vel fiunt, sua non destituuntur ratione, undè intelligitur, cur sint vel fiant.

*Crisis.* NB. Potuisset VVolfius dicere, *non destituuntur sua causa*, sed, quia ex Systemate Leibniziano supponitur omnia vivere, sentire, & intelligere, noluit præjudicare hic sententiæ, sed potius uti termino æquivoco, dicendo, *non destituuntur ratione*. Uti verò terminis æquivocis in ipsis scientiarum principiis, est contra Methodum.

6. Cognitio rationis eorum, quæ sunt vel fiunt, Philosophica dicitur.

7. Differt cognitio Philosophica ab Historica.

8. Qui novit, quam facti rationem alleget alter; is Historici habet cognitionem cognitionis Philosophicæ alterius.

9. Siquis demonstrare non noverit, rationem facti ab altero allegatam esse ejus rationem, iis cognitione Philosophicæ ejusdem facti destituitur.

10. Si per experientiam stabiliuntur ea, ex quibus aliorum, quæ sunt atque fiunt, vel fieri possunt, ratio reddi potest, cognitio Historica Philosophicæ fundamentum præbet.

11. Apparet aded, cognitionem Historicam non esse negligendam ei, qui ad philosophiam aspirat, sed eidem potius præmitti, imò cum ea constanter conjungi debere.

13. Quidquid finitum est, sua determinata gaudet quantitate.

*Crisis.* NB. Hic pessimè errat V. Volfius, aut certè supponit aliquid præ principio, quod plerumque negatur, aut controversitur. Datur quantitas molis, & quantitas virtutis, ut loquitur D. Augustinus in libro de *quantitate animæ*, ubi quærit, utrùm anima habeat quantitatem? Quod verò anima, & alii spiritus non habeant quantitatem molis seu extensionis, de qua sola V. Volfius loquitur, docent alii Philosophi communiter. Verum quidem est, quòd V. Volfius cuidam suarum opinionum ignaro possit videri, quasi loqueretur etiam de quantitate virtutis, dum loquitur de gradibus caloris, attentionis, virtutum, & vitiorum; sed hæc omnia constituit in re quanta, ut ex ejus hypothese liquet.

14. Cognitio quantitatis rerum est ea, quam *Mathematicam* appellamus.

*Crisis.* NB. Mathesis tantum considerat quantitatem discretam. quæ est in numeris, & continuam, quæ est molis. Si aliud Mathesi  
189 obje-

objectum constituit, eo ipso sumit terminum jam receptum in alia significatione, quam sumunt omnes alii, quod est contra Methodum, quia sic omnia confunduntur & aperitur janua æquivocationibus. Si verò hic *Mathematicam* sumit in ea significatione in qua sumitur ab aliis, eo ipso per quantitatem hic non intelligit quantitatem virtutis; ergo etiam in præcedenti numero non potuit convenienter per quantitatem intelligere quantitatem virtutis; aliàssumeret eundem terminum aliter in præmissis, aliter in consequente, quod non licet. Nihil igitur accurati est in his præliminariis.

15. Qui novit quantitatem rei ab altero assignatam, is Historicam habet cognitionem cognitionis Mathematicæ alterius.

16. Siquis quantitatem rei ab altero assignatam demonstrare valet, is ejusdem cognitionem Mathematicam perinde ac alter habet.

17. Differt autem utique cognitio Mathematica cum ab Historica tum à Philosophica.

18. Nonnunquam Historicæ cognitio fundamentum præbet cognitioni Mathematicæ, nonnunquam Philosophicæ.

19. Veritatum Mathematicorum datur etiam Historica cognitio.

20. Facta naturæ latent subinde, ut non se sponte offerant attendenti.

21. Historica cognitio communis infimis cognitionis humanæ gradu est.

22. Cognitio vulgi & ea, qua in vita utimur, plerumque nonnisi Historica est.

23. Cognitionem Historicam arcanam (de rebus naturæ arcanis) ad formam communis sapius ars reducit.

25. Inde consequitur utile fore ad philosophan-

phandum, si phænomena in officinis artificum & alibi in arte obvia colligerentur, & accuratè describerentur.

26. Si quis per rationem aliquid fieri posse cognovit, factoque experimento idem fieri observat, is cognitionem Philosophicam Historica confirmat.

27. Si quantitas effectus viribus causæ proportionata demonstratur, cognitio Philosophica à Mathematica haurit omnimodam certitudinem.

*Crisis.* Hic iterum æquivocatur subdolè aut imperitè Vuolfius. si enim datur quantitas virtutis, v.g. virtus movendi corpora in Deo, Angelis, & animabus, aut virtus generativa in grano tritici, etiamsi commensuretur effectui, non tamen ea cognitio à Mathematica demonstratur. Innumeri dantur effectus in anima, quando v.g. quæritur, utrum homini impossibile sit servare omnia mandata, & tamen non demonstrantur à Mathematica, sed Theologia.

28. Inde consequitur, quòd cognitio Mathematica cum Philosophica conjungenda sit, ubi summæ, quæ datur, certitudinè studueris.

*Crisis.* NB. Iterum nihil accuratè aut verè decernit Vuolfius ponit propositionem & terminum indefinitum *cognitio Mathematica, conjungenda cum Philosophia*. an omnis cognitio? an semper conjungenda? an cum omni Philosophica? regulæ quidem Logicæ præcipiunt ut propositiones, & termini in re dogmatica ac scientifica sumantur universaliter; si hanc regulam sequitur Vuolfius, errat, quia dantur cognitiones philosophicæ circa objecta spiritualia v.g. circa animam, in quibus Mathematici non reperiunt quantitatem trinè mensurabilem. Itaque non infimus gradus necessariò est cognitio historica, pos-

possumus enim & digniora objecta, & ad felicitatem humanam utiliora, & frequenter etiam certius cognoscere, dum credimus fide historica quæstiones facti, quæ ad certitudinem fidei præsupponuntur v. gr. quodd extiterit aliquis homo, qui vocabatur Jesus, quodd peracta sit promulgatio Evangelii &c. quæ omnia certius scimus, quàm mensuram, motum, magnitudinem, & distantiam syderum, aut alia objecta Matheseos, quarum notitia dependet ab observatione, experientia, ac mensuratione.

## Cap. II.

## De Philosophia in genere.

29. Philosophia est scientia possibilium, quatenus esse possunt.

*Crisis.* NB. Falsissimum hoc est, per Philosophiam enim non solum cognoscimus, quæ sint possibilis, sed etiam quæ actu existunt.

31. In Philosophia reddenda est ratio, cur possibilis actum consequi possint.

32. Quodd si ergo plura fuerint, quorum unum æquè est possibile ac alterum, Philosophia docere debet, cur illud potius fieri debeat, quàm alterum.

*Crisis.* NB. Miserabile est hoc commentum. Ponamus enim possibile esse plures mundos, aut plures hypotheses. Inprimis fieri potest, quodd Deus non habeat maiorem rationem assumendi potius hanc hypothesin quàm aliam, sed dependet determinatio à liberrima voluntate. Contraria Leibnizii & Wolffi suppositio, quodd Deus semper inveniat & teneatur sequi rationem sufficientem, ut vocat, seu rationem prædominantem, est impossibilis, & impia, impossibilis est, quia Deus

non cognoscit collectivè infinitas hypothesen  
possibiles, sed tantum distributivè; neque  
enim datur numerus infinitus, collectivus  
omnium. Igitur Deus non poterit compara-  
re hypothesin cum omnibus possibilibus colle-  
ctivè sumptis; adeoque nec poterit invenire  
rationem unquam sufficientem, eo quòd data  
comparatione quacunque intra collectionem  
possibilium finitam, sit possibilis alia colle-  
ctio possibilium. Impia etiam est, quia si  
Deus tenetur sequi rationem sufficientem,  
cum hæc in entibus possibilibus sit immutabi-  
lis, Deus erit ens necessarium in agendo,  
omnia debebunt fieri, eo modo, quo est me-  
lius ea.abilia fieri; igitur omnia sunt  
fato, seu ex necessitate prædominantis boni-  
tatis in possibilitate entium; igitur nec da-  
tur Providentia, nec libertas humana, igi-  
tur & frustraneæ preces, & vana omnis Re-  
ligio; quia si optimum ut veniam in ordinem  
Salvationis, debeat hoc fieri, si non est opti-  
mum, non poterit hoc fieri. En! quanta cri-  
mina in unica Philosophiæ definitione, quòd  
sit cognitio possibilium, quasi possibilitas opti-  
ma sit ipsa existendi necessitas. Dein posito  
etiam, verum esse principium hoc atheisti-  
cum, Deum teneri sequi rationem sufficien-  
tem in possibilibus, non erit propterea Phi-  
losophiæ opus, in hanc ipsam rationem suffi-  
cientem inquirere, cum humana ratio finita  
infinitum possibilium pertransire, adeoque  
optimum invenire non possit. Vanum ergo  
est fundamentum & ædificium totius Wol-  
fianæ Philosophiæ, nec aliud exigendum à  
Philosopho, quam ut per experientiam di-  
scat eas naturæ leges, quas Deus in hoc cursu  
rerum liberè posuit. Omitto in hoc capite re-  
liqua, quia sunt ejusdem farinae.



## Cap. III.

## De partibus Philosophiæ.

55. Entia, quæ cognoscimus, sunt Deus, animæ humanæ, ac corpora.

NB. Nulla hic de Angelis mentio.

56. Tres hinc nascuntur Philosophiæ partes, quarum una de Deo, altera de anima humana, tertia de corporibus seu rebus materialibus agit. Dein Wolfius singulas partes philosophiæ enumerat. Nempe 1. Theologiam naturalem de Deo 2. Psychologiam, de anima. 3. Physicam, de corporibus. Ad animastica refert Ethicam, Politicam, Technicam seu Technologiam, seu artium notitiam. Dein Ontologiam, quæ agit de ente in genere, Cosmologiam, de mundi systemate, Pneumatologiam, de spiritibus, quos prius in generali divisione oblitus erat, Meteorologiam, de phænomenis in aere, Oryctologiam de fossilibus, Hydrologiam, de aqua, Phytologiam de vegetabilibus, Physiologiam, de corpore animato, Anthropologiam de homine, Pathologiam de corpore ægrotato seu morbis, Teleologiam de finibus rerum.

Crisis. En! quanta habeamus subsidia à Wolfio, quæ nomina Græca ediderit rerum, quæ sub detrito latio pallio nimium vilescerent, quamvis hoc dolendum, quod unius vel alterius talis felicissimæ denominationis non simul ediderit rationem sufficientem. Magnus Philosophus, fortè melius intelligeremus, quid sit Pathologia, & Physiologia.

## Cap. IV.

*De Methodo Philosophica.*

116. In Philosophia non utendum est terminis nisi accurata definitione explicatis.

NB. Patere legem, quam tunc tenuisti.

117. In Philosophia non utendum est principiis, nisi sufficienter probatis.

118. In Philosophia nulla admittenda est propositio, nisi quæ ex principiis sufficienter probatis legitime deducuntur.

119. In Philosophia termini, qui ingrediuntur definitiones sequentes, explicari debent per antecedentes.

Reliqua hujus Capitis præcepta non sunt minus clara.

## Cap. V.

*De Stylo Philosophico.*

142. In Philosophia à recepto verborum significato non est recedendum, hoc est, verbis non res aliæ à nobis denotandæ sunt, quàm quæ iisdem vulgò significantur.

143. Ejusdem vocis idem constanter esse debet in Philosophia saltem in eadem ejus parte significatus.

NB. Hoc ipsum est, quod supra ostendi non observasse Volfium. Reliqua hujus Capitis ad idem redeunt.

Cap. VI.

*De Libertate Philosophandi.*

153. Si quis Philosophiam Methodo Philosophica tradere debet, ei jugum servitutis in philosophando imponi nequit.

156. Siquis Philosophiam Methodo Philosophica tradere debet, is suo non aliorum debet stare iudicio.

163. Si quis Methodo Philosophica philosophatur, is defendere nequit veritati revere contraria.

164. Si quis Methodo Philosophica philosophatur, virtuti contraria docere nequit.

167. Si libertas philosophandi integra conceditur iis, qui Methodo Philosophica philosophantur, nullum hinc metuendum est religioni, virtuti, ac Reipublicæ periculum.

*Crisp.* Hæc sanè sunt puerorum potius, quàm Philosophorum præcepta; omnia enim idem sonant, ac si dicerem: Si quis in Philosophia semper verum dicere debet, ei jugum servitutis in philosophando imponi nequit. Vel; Si philosophandi libertas integra conceditur iis, qui in Philosophia semper verum dicunt, nullum hinc religioni & virtuti imminet periculum. Hæc puerilia esse nemo non videt; ostendo igitur sensum Vvollianorum illorum dictorum eundem esse. Ad Methodum Philosophicam Vvolhus §. 118. requirit, ut in Philosophiam propositio nulla admittatur, nisi quæ ex principiis sufficienter probatis legitime deducitur. Quid est hoc, sufficienter, quid hoc legitime; an idem, quod probabiliter, an verò idem quod demonstrativè? si prius, ergo  
sensus.

sensus erit : *In Philosophia nulla est admittenda propositio, nisi quæ ex principiis probabiliter probatis probabiliter deducitur.* Talis autem propositio haud dubiè, ut ipse admittit Wolfius Part. 2. Sect. 1. C. 3. §. 585. tantùm probabilis, immò prout ego in *Arte Critica* part. 1. probavi, propositio ex alia probabili tantùm probabiliter deducta plerumque ne erit quidem probabilis. Itaque qui sequitur *Methodum Philosophicam*, id est, qui ponit propositionem probabilem, quæ potest esse falsa, imò quæ etiam est improbabilis, *nequit contradicere veritati.* Vide, quanta absurditas! si autem hi termini idem significant, quod *demonstrativè*, tunc sensus erit : *In Philosophia nulla est admittenda propositio, nisi quæ ex principiis demonstrativè probatis demonstrativè deducitur.* adeoque præcepti Wolfiani hic sensus erit : *Qui sequitur Methodum Philosophicam, id est, qui omnem propositionem ex principiis demonstrativè probatis demonstrativè deducit, nequit contradicere veritati.* Quo nihil evidentius, sed nihil etiam nugacius. nemo enim potest dubitare, quòd ille verum dicat, qui demonstrat, sed utrum Philosophus omnem propositionem vel intendat demonstrare, aut si hoc intendit, revera demonstret, hoc est cardo controversiæ, in quo habemus ipsum Wolfium fatentem reum, aut si loquendum modestiùs, immemorem sui. De *Methodo enim Philosophica* C. 4. §. 125. ait : *Si quæ cognitu utilia demonstrari nequeunt, eorum probabilitas convenienter ratione adstruenda, ipsa autem probabilia à certis probè distinguenda.* Et §. 132. *In omni parte Philosophiæ is tenendus est ordo, ut ea præmittantur, per quæ sequentia intelliguntur, & demonstrantur, vel minimum probabiliter asstruun-*

*astruuntur.* Dantur igitur & astruuntur aliqua probabiliter in Philosophia; possunt igitur aliqua falsa esse in Philosophia; etiam sequendo Methodum Philosophicam; possunt ergo aliqua in Philosophia etiam sequendo Methodum Philosophicam contradicere veritati.

Sed fortius instemus, & versemur undique Daretem. Sic argumentor: Vel potest errare qui sequitur Methodum Philosophicam, vel non potest errare? si potest errare, tunc potest errare in quavis parte Philosophiæ, de Deo, de Anima, in Ethica, Politica, Oeconomica. Si verò in his omnibus errare potest, tunc in rebus gravissimis, quæ præjudicant Religioni, & Reipublicæ errare potest; si autem in his errare potest secutus Methodum Philosophicam, non potest amplius corrigi per rationem, eò quod jam secutus sit omnem rectam viam rationis, seu Methodum Philosophicam, sola ergo auctoritate vel à Deo revelante, vel à sapientioribus semel constituta ac directa compesci poterit, & debet. ne pervertatur Religio, & Respublica perturbetur. Si verò dicas eum errare non posse, qui sequitur Methodum Philosophicam; quod debet dicere, quia dicit; eum, qui sequitur Methodum Philosophicam, legitime concludere, nil posse contrarium docere Religioni &c. quæro, an de hoc ipso ullus hominum, aut saltem communis Philosophorum grex certus esse possit de eo, quod secutus sit in omnibus Methodum Philosophicam? aut, num ipse Wolffius certus sit, se in omnibus secutum esse Methodum Philosophicam? si nullus hominum de hoc certus est, manifestè ridicula est Wolffii regula; si enim de hoc nullus est certus, fieri poterit, ut ille, qui crediderit, se omnem servasse methodum,

dum, reipsa erret in rebus gravissimis, quæ præjudicant Religioni & Reipublicæ, & cùm nec errans, nec quisvis alius certus sit, quis eorum sequatur Methodum Philosophicam, non poterit talis per rationem & methodum prohiberi à perversione Religionis & subversione Reipublicæ. Quid ergo superest? Deus superest. Si datur Deus, datur Providentia, si datur Providentia, tunc partim per revelationes externas, aut inspirationes internas docet eorum animos, quos in unam saltem fidelium, ac verorum cultorum Dei societatem ordinat; si autem aliquos saltem ex omni hominum genere per tales dicitur suæ sapientiæ in populi fidelis publicam societatem ordinat, eo ipso datur à Deo constituta, & instructa autoritas, cui parere debeat fallibilis humana ratio. Si secundum dicatur, ut grex Philosophorum non possit esse certus, an sequatur Methodum Philosophorum, adhuc pejor est Volfii regula, quia quo plures sunt Doctores non adeò divino ingenio præditi, ut in tam innumeris errorum periculis semper certi sint, se justissimè applicasse rationis regulas; eò multiplicatur magis subvertendæ Religionis & Reipublicæ periculum, si cuivis liceat, suomet uti judicio. Nec corrigi poterit stultorum numerus sapientum monitionibus; qui enim implicantur erroribus, non solent corrigi, vel quòd desint sapientes divini, qui possint monstrare, in quo à Methodo discesserint; vel quòd sapientes, qui dantur, non habeant tempus, ordinatè persequendi omnia erroris vestigia, vel quòd errantes non possint explicare totum suum præjudiciorum, & effectuum, & illationum inenarrabile textum, ut possit longo tractu demonstra-

tio

tionum dissolvi. Si tertium dicatur, ut & ipse Vvolsius, finis humani ingenii ac vertex videlicet, non sit certus, se suam secutum Methodum, habet jam regula maiorum cumulum. si enim non est certus, an secutus sit Methodum Philosophicam Philosophorum Princeps, neque certus erit, an non posuerit conclusiones contrarias Religionis, bonis moribus, & Reipublicæ. Si de hoc certus non est, ferat jugum gratiæ, suave & leve, quod Sapientia Dei constituendo authoritatem magistræ imposuit. Quod si denique respondeat, homines certos esse posse, se in omnibus secutos esse Methodum Philosophicam, haud dubiè Vvolsius & seipsum, & totum genus humanum ex integro ignorat. Vidimus enim hucusque, quoties jam à recta ratione, & à vero, adeoque etiam à Methodo recesserit. Dicit ipsemet Part. 2. S. 1. C. 1. §. 544. *Propositio, quæ demonstrari potest, vera est: Si ergo non omnia Vvolfiana vera sunt, ut vidimus: demonstrationes, quæ ipsi tales videbantur, revera tales non erant. Quod etiam genus humanum ex integro ignoret, ex eo conficio. Vel admittit Vvolsius, genus humanum hætenus habuisse veram Philosophicam Methodum, vel id non admittit? si id non admittit? colendus est quidem nobis Vvolsius in semideorum numero, qui rem tam admirandam, criterium veri, invenerit; sed non debet irasci humano generi, orbique universo, quod iugo humanæ authoritatis ingenia Doctorum subjecerit, quamdiu tot sæculis expectatum criterium veri in Vvolfianis ideis delituit, & nondum Philosophica Methodus in hac nova lege gratiæ, ac feræ libertatis mundo illuxit. Si verò admittit, genus huma-*

humanum jam semper habuisse Philosophicam Methodum, vel connatam felicioribus quibusdam ingeniis, qualia in Platone & Socrate deprehendimus, vel per Logicam communem in Scholis traditam, evidens est, Philosophicam Methodum id non præstare, ut qui eam sequi jubentur, aut profitentur, nequeant Reipublicæ & Religioni docere contraria. Historiæ produnt optimorum etiam Philosophorum Platonis, Aristotelis, & quorumvis aliorum in rebus gravissimis impia dogmata, in quibus suo tantum judicio res Religionis & morum subjicere, non judicium Religionis submittere voluerunt. Ignorat ergo totum genus humanum, ignorat infinitudinem humanæ imbecillitatis per mille errorum occasiones tractæ in perniciem, ignorat leges contingentium, ex quibus evidens est, humanas operationes nunquam uno constanti rectitudinis tramite procedere uniformiter, ignorat denique incertitudinem scientiarum, ab Academicis, à Sexto Empyrico, à Daniele Huetio saltem in multis demonstratam, qui orbe toto reclamante imaginari ausus est, homines certos esse posse, se in omnibus sequi Methodum Philosophicam, omnis veri magistræ. Falsa ergo est & ridicula hæc doctrina Wolfii; sed parum foret, nisi foveret majus impietatis venenum; tolerantiam videlicet Religionum omnium; ponamus enim jam fore aliquos, quibus secutis Methodum Philosophicam in parte Philosophiæ videatur evidenter impossibile mysterium Trinitatis, aut unio Verbi cum natura humana in unitate personæ, aut cui videatur certum, perfectiones divinas verbis gratia Ideas divinas, ut Poiretus docuit, æqualiter distingui à Deo, easque de novo pro-



produci pro lusu Divinæ Omnipotentia; ponamus talem Philosophum cogitare emanationem talium divinarum idearum, tanquam Genealogiam antiquam triginta aut centum æonum, ut & ipse Christus tantum virtus fuerit emanata à Deo, ponamus videri euidam secundum suam Philosophiam tres personas in Deo tantum habere unam naturam sicut personas humanas per similitudinem, prout docet Clericus; vel sit alius, qui sapientiam Patris faciat creaturam, quæ migret ab uno orbe in alterum, prout Arriani, Origenistæ, & Vvhistonus sentit in Anglia; vel ponamus, qui credat, Deum se communicasse Christo tantum per habitum infusum sapientia, aut per operationem in Christo, ut Verbum nihil aliud sit, quàm ratio ipsa, prout sentiunt tremulantes & Quakeriani in Anglia. Si, inquam hæc omnia videantur alicuius evidentiæ secundum Methodum Philosophicam, secundum Theologiam naturalem, secundum Philosophiam possibilem; si talis dicat, se non posse contradicere veræ Religioni, eò quodd sequatur Methodum Philosophicam, nonne subversa erunt omnia Religionum fundamenta, & migrare cogemur vecti talibus opinionum monstris in Turciam, & extremam impietatis provinciam? videat Vvolsius, surculus Vvhistonianus Germaniæ, non latere nos suæ Philosophiæ consilia. Aut si denique in secreto cordis sui hanc sibi sumit solitariam de errore nemine applaudente gloriam, etiam hanc ipsi non per invidiam, sed daturus resipiscentiæ locum eripio, dum expuncta Vvolfsiana Philosophica Methodo antiquum Syllogismum demonstrativum Aristotelicum substituo. Hanc substituo.

stitutionem ipse concesserit , dum Syllogismum illum pro criterio veritatis admittit . Pars . 2. S. r. C. 1. §. 545. sic ait : „ Ad verum à falso discernendum „ regulæ Logicæ sufficiunt ; propositio „ enim cum vera sit quæ demonstrari potest , verum à falso discernit . Quoniam „ etque demonstratio constat syllogismo- „ rum concatenatione , quorum præmissæ „ sunt definitiones , axiomata , experien- „ tiæ indubitata , & propositiones jam demonstrata , verum à falso ut quis discernere possit , facultatem habere debet indicandi , num definitiones , quibus utimur in demonstrandis propositionibus sint genuina , num experientia , quas sumimus , sint indubitata , num axiomatis nomen mereantur propositiones quæ pro talibus venditantur , num forma syllogismorum sit genuina , denique num syllogismi rite inter se concatenentur : At hoc docet Logica ; ergo , Regulæ Logicæ sufficiunt ad verum à falso discernendum . Suppono in Logica tres mentis operationes legitimè explicari , id quod jam factum est à Scholasticis , nisi quoddam distinctis notionibus fuerint destituti quem defectum nos supplevimus , undè & Leibnitijs in Actis Eruditorum 1684. agnoscit , non contemnenda veritatis enuntiatio- num criteria esse regulas communis Logicæ , quibus & Geometra utuntur , ut scilicet nihil admittatur pro certo , nisi accurata experientia vel firma demonstratione probat . Demonstrationem autem firmam iudicat , quæ præscriptam à Logica formam , in ratiocinando nimirum , servat , ut argumentatio concludat vi formæ . Ego in formam demon-

„ monstrationum veterum Geometrarum in-  
„ quirens utilitatem Logicæ communis de-  
„ prehendi , atque ita probavi iudicium  
„ Leubnitianum , à quo antea eram alie-  
„ nus præjudicio ex Cartesii tractatu de  
„ Methodo & Tschirnhausii Medicina men-  
„ tis contracto . Hucusque Vvolfius , in  
„ hoc solo hallucinatus , quòd credat ,  
se Scholasticorum notiones reddidisse cla-  
riores , quamvis enim in Scholasticorum  
innumeris scriptis , & in ipsis omnibus  
Vvolfianis elucubrationibus , quas edidit ,  
diligenter versatus sim , fateor tamen ,  
me Scholasticorum notiones distinctè &  
facilè , Vvolfi verò in hac Logica notio-  
nes nonnisi cum labore & majori quàm  
aliàs soleo attentione intelligere . Sed ad  
rem : sic præcepta Vvolfiana per substitu-  
tionem aliorum æquivalentium terminorum  
sonant :

153. Si quis Philosophiam per syllogis-  
mos demonstrativos tradere debet , ei ju-  
gum servitutis in philosophando imponi ne-  
quit .

156. Si quis Philosophiam per Syllogis-  
mos demonstrativos tradere debet , is suo  
non aliorum debet stare iudicio .

163. Si quis per Syllogismos demonstra-  
tivos philosophatur , is defendere nequit  
revelatæ veritati contraria . Jam verò Scho-  
lastici debent tradere Philosophiam per Syl-  
logismos demonstrativos ; sunt eorum innu-  
meri exercitus , jurati ad omnes Logicæ  
communis apices , detriti toto vitæ tempore  
in forma & concatenatione syllogistica ,  
sunt liberi à curis domesticis uxoris , li-  
berorum , & familiæ ; sunt addictissimi  
perpetuæ familiaritati cum Deo per quoti-  
dianas meditationes vitæ ac doctrinæ Christi  
& per

& per preces ac laudes divinas, quomodo ergo hi possant defendere revelatz veritati contraria? docent, in Philosophia possibilitium etiam comprehendendi Christum Eucharisticum, dum exuendo unam ac alteram proprietatem corporis, induit statum illum idez humani corporis simillimum. docent, Deum in sua potestate habere mundum istum corporeum, ac corpora, sicut nos habemus in potestate ideas corporum, eas suscitando, destruendo, unam in locum alterius substituendo, eas in anima non magna extendendo, vel contrahendo, vel sine soliditate & locorum distantia commiscendo, ut planè omnis evanescat difficultas mysterij. Docent præterea, in Philosophia possibilitium contineri decenter, ut Deus gratum sibi habeat cultum suis amicis exhibitum, talibusque cultoribus aulicorum suorum magna exhibeat beneficia; agnoscunt in Philosophia possibilitium contineri, ut Christus Iusu amoris ineffabili & terribili se quotidie faciat offerri Patri in Sacrificio Missæ, quo nihil est nobis divinius & jucundius. Hæc, inquam, docent, qui sequuntur, ipsa confessione Vvolffii, Methodum Philosophicam. Si ergo hi possunt docere Religioni contraria, errat Vvolffius in sua Logica, & ostendit, in Protestantium Philosophia rationali peccari in principiis ingenti causæ jam aliàs profligatz incommodo. Si verò hi Scholastici, qui & ipsi jubentur tradere Philosophiam secundum formam syllogisticam, ac methodum, docere non possunt Religioni contraria, fectetur eorum fides, & humili submissione adoret in nostra Ecclesia secretè operantem Dei providentiam.

Quod

Quodd si verò uberiores Logicæ Scholasticæ notitiam poscit, legat dialecticam Ekii & Zabarellæ, qui ubi agunt de Methodo prorsus eadem; quæ Vvolfius se invenisse ac primùm observasse autumat, longe accuratius nobis tradiderunt. Hæc de Logica Vvolfii sufficiant. Nec enim finem principio meliorem reperies.



# PRINCIPIA ARTIS CRITICÆ

EXPLICATA, AC DEMONSTRATA.

Pars. I. De Probabilitate, ac certitudine Propositionum.

Pars. II. De Authoritate.

Pars. III. De Interpretatione.

Pars. IV. Regulæ Criticæ ex Authoribus Modernis.

Pars. V. Regulæ Criticæ ex SS. Patribus.

Pars. VI. Principia artis Criticæ demonstrata.

Pars. VII. De Stylo Authorum, eorumque genuinis opusculis ex stylo dignoscendis.

## REGULÆ ARTIS CRITICÆ.

### PARS I.

*De Probabilitate, ac Certitudine Propositionum.*

#### § I.

*De Gradibus probabilitatis, & certitudinis.*

1. **P**ropositionem probabilem aut certam voco, cujus principia, seu motiva probabilia aut certa sunt, Principia autem

tem propositionis sunt Ratio, vel Authoritas.

2. Propositionem *Metaphysicè certam* voco, cujus principia absolute nunquam possunt fallere, verb. grat. bis duo sunt quatuor. Idem non potest simul esse & non esse. Principium enim harum propositionum, est evidentia terminorum; quæ nunquam potest fallere.

3. Propositionem *Physicè certam* voco, cujus principia nunquam fallunt secundum cursum ordinarium naturæ. verb. grat. ignis urit.

4. Propositionem *Moraliter certam* voco, cujus principia rarissimè fallunt. v. g. qualis vita, finis ita.

5. Propositionem *probabilem* voco, cujus principia sæpius ac plerumque non fallunt. v. g. fortes gignuntur à fortibus.

6. Propositionem *dubiam* voco, cujus principia æquè toties fallunt, quàm non fallunt. verb. grat. si quis in jactu alexæ spondeat pro numero pari, aut pro impari determinatè.

7. Propositionem *improbabilem* voco, cujus principia sæpius fallunt, quàm non fallunt. verb. gratia si quis in jactu alexæ determinatè spondeat pro numero senario.

8. Itaque Propositionis probabilitas cognosci poterit, si tria observentur. 1. Notum sit, quoties principia propositionis nos intra determinatam casuum consimilium collectionem fallant vel non fallant. v. g. dicit aliquis; Plinius testatur dari Phœnicem, ergo datur. Quærendum est, quoties Plinius in similibus fallatur & fallat. Ponamus in mille Plinii relationibus reperiri decem falsas. Tunc 2. Veritas hujus propositionis

Amor Philosophi, T. V.

H nis

nis sic erit scribenda  $\frac{990}{1000}$  idest, Plinius in

mille consimilibus casibus nongentes nonages verum dicit: sic ut veritas principiorum scribatur loco Numeratoris; numerus autem omnium casuum similium loco denominatoris. 3. Fiat fractionis ad minores terminos reductio, & ad rationem decimalem approximatio hoc modo

$\frac{99}{100}$  seu

9. Erit hoc proin Schema Rationis decimalis probabilisticæ.

$\frac{7}{10} \frac{8}{10} \frac{9}{10} \frac{10}{10}$

10. Propositionem Metaphysicè aut Physicè certam voco, quando veritas principiorum ad numerum casuum consimilium se

habet, ut  $\frac{10}{10}$  id est, quando intra decem

casus decies, adeoque semper verum dicit.

11. Propositionem moraliter certam voco, quando veritas principiorum ad numerum

casuum consimilium se habet, ut  $\frac{9}{10}$  id est,

quando intra decem casus possibiles novies verum dicit. Sic decies manè rubente polo ad minimum novies continget pluvia.

12. Propositionem probabilem voco, quando veritas principiorum ad numerum casuum

consimilium se habet, ut  $\frac{8}{10} \frac{7}{10} \frac{6}{10}$  id est, quando



quando intra decem casus possibiles ad minimum octies, aut septies, aut sexies verum dicet. v. g. si decies observemus, Barometrum ascendisse supra altitudinem mediam, ad minimum septies deprehendemus fuisse serenam tempestatem.

13. Propositionem dubiam voco, quando veritas principiorum ad numerum casuum possibilium se habet, ut  $\frac{5}{10}$ . sic in jactu alee

intra decem jactus verosimile est quinquies proditum numerum parem, quinquies imparem.

14. Propositionem improbabilem voco, quando veritas principiorum ad numerum casuum consimilium se habet, ut  $\frac{4}{10}$ ,  $\frac{3}{10}$ ,  $\frac{2}{10}$ .

10

—.—. id est, quando intra decem casus tantum

quater, aut ter, aut bis, aut semel contingit verum. Sic Barometro descendente infra medium vix intra decem casus bis aut semel continget serena tempestas.

## § II.

### Quomodo possint mensurari Gradus Probabilitatis.

EX dictis patet, probabilitatem ex eo desumi, quid plerumque soleat contingere. Quid verò soleat contingere, cognosci potest duplici medio. 1. Per inductionem casuum consimilium, qui actu contigerunt, qui modus cognoscendi vocatur à posteriori 2. Per Leges Contingentium à Priori, id est ex eo, quid prout sit contingere.

H 2 Leges

Leges Contingentium sunt sequentes .

1. *Contingentia non procedunt uniformiter .* sic certum est , in jactu aleæ non semper proditurum numerum parem ; nec in electionibus plurimorum hominum omnimodum consensum ad idem .

2. *Quod potest fieri & non fieri , in innumeris circumstantiis aut occasionibus actu positum aliquando fit & aliquando non fit .* Quia Contingentia non procedunt uniformiter . verb. grat. in innumeris jactibus aleæ evidenter aliquando exit numerum par , & aliquando numerus impar . & homines in innumeris circumstantiis positi , ac sibi relictæ evidenter aliquando eligent bonum , aliquando malum .

3. *Quod in innumeris circumstantiis aut occasionibus nunquam fit , non est aliquid contingens , sed impossibile relatè ad illas circumstantias .* verb. gr. quia nullus unquam hominum ( excepta B Virgine ) fuit sinè omni peccato , dicimus hoc esse impossibile , relatè ad statum naturæ corruptæ .

4. *Effectus contingentes regulariter sequuntur dispositionem causarum .* v. grat. in jactu aleæ , & in electionibus hominum plerumque sequuntur illæ sortes , vel illæ electiones , ad quas major datur clearum , aut voluntatum humanarum dispositio , in bello plerumque ille vincit , qui est fortior , & exercitator , adeoque magis dispositus ad victoriam .

5. *Quando effectus æquè potest fieri ac non fieri , toties regulariter fit , quoties non fit .* verb. gratia in jactu aleæ æquè potest exire numerus per ac impar : tunc intra seriem verb. gratia. mille jactuum propemodum toties exhibit numerus par , ac impar .

6. *Quando*

6. Quando in causis reperitur ad plures effectus contingentes equalis dispositio, neuter effectuum fit frequentius altero; sed quilibet regulariter toties recurrit, quoties recurrit alter. v. g. in iactu unius aleæ datur equalis dispositio ad 1. 2. 3. 4. 5. 6. igitur intra seriem v. g. mille iactuum præsumitur toties exire numerus 1. 2. 3. aut 4. quoties erit 5. aut 6.

7. Quando in causis reperitur ad plures effectus contingentes equalis dispositio, præsumptio pro uno effectu determinato se habet, sicut unitas ad numerum reliquorum effectuum possibilitum. verb. grat. in iactu unius aleæ sunt sex effectus æqualiter possibili, nempe iactus 1. 2. 3. 4. 5. 6. itaque si velim determinatè spondere pro numero verb. grat. 5. vel 4. probabilitas huius determinati numeri se

habebit, ut  $\frac{1}{6}$ .

8. Quando in causis reperitur ad plures effectus contingentes equalis dispositio; ille effectus cæteris sæpius occurrit, cuius principia ac dispositiones sæpius recurrunt. & quidem ille effectus tanto sæpius incurrit, quanto sæpius recurrunt ejus dispositiones. verb. grat. in homine datur equalis pronitas ac dispositio ad plura vitiorum genera v. gr. superbix, gulæ, luxuriæ; sed intra seriem mille dierum sæpius in illud vitii genus impinget, ad quod sæpius recurrunt dispositiones; & quidem si v. g. dispositiones ad gulam recurrant centies, ad luxuriam sexcenties, ad superbiam septingenties, horum vitiorum probabilitas se

habebit ut  $\frac{200}{1000}$   $\frac{600}{1000}$   $\frac{700}{1000}$  seu ut  $\frac{2}{10}$   $\frac{6}{10}$   $\frac{7}{10}$ .

9. *Ubi datur propinqua dispositio, regulariter sequitur effectus.* verb. grat. ramum viridem ovi ostendis, puero nuces, trahuntur plerumque.

10. *Quod pronum est fieri regulariter fit.* seu effectus regulariter sequitur inclinationem principii, & dispositionem causæ, verb. grat. pronum est ex vitio gulæ progredi ad luxuriam, continget ergo regulariter, deditum gulæ etiam deditum esse luxuriæ.

11. *Effectus contingens tanto frequentius fit quanto plures & propinquiore concurrunt dispositiones, ac principia adminiculantia.* verb. gratia tantò frequentius continget ebrium suscitare lites, quo plures fuerint occasiones litis, & quo major erit in tali homine proclivitas ad litigandum, & quo majora fuerint motiva litis. Sint enim intra seriem decem ebrietatum septem occasiones litis; si proclivitas hominis ad litigandum tanta, ut intra decem occasiones vix semel se con-

9  
sineat, adeoque ut  $\frac{9}{10}$ . Sint etiam motiva

10  
litis valde magna, sic ut positis similibus motivis intra decem casus propemodum octies sequantur lites, erit probabilitas litis ut

9 8 7  
 $\frac{9}{10}$ . aucta per  $\frac{8}{10}$ . & per  $\frac{7}{10}$ . multiplicata. Scri-

batur sic  $9 \times \frac{8}{10} \times \frac{7}{10}$  seu  $\frac{987}{1000}$ . seu  $\frac{686}{1000}$ .

12. *Quando probabilitas desumenda est ab inductione casuum consimilium, sumenda est tanta casuum consimilium collectio, intra quam comprehenduntur propemodum omnes circumstantiæ possibiles, casum diversificantes.* v. g. si velim scire, qualis soleat plerumque fieri tempestas

Bato.

Barometro ultra mediam altitudinem ascen-  
dente, non sufficit una, vei altera, aut ter-  
tia observatio, sed debent assumi observatio-  
nes plurimæ per plures annos, quovis anni  
tempore, pro quavis circumstantia vento-  
rum, caloris, frigoris, humiditatis, sicci-  
tatis, aut positione Lunæ ad Solem & à terra  
distantia continuatæ, Tunc enim sumi po-  
terit regula verb. grat. Barometro in his cir-  
cumstantiis ascendente intra centum casus  
nonagies contigit serena tempestas, ergo

probabilitas talis tempestatis erit ut  $\frac{90}{100}$  =  $\frac{9}{10}$ .

### §. III.

*De probabilitate propositionis, pro  
qua vel contra quam plura  
militant argumenta pro-  
babilia.*

1. *Propositio, pro qua & contra quam mili-  
tant argumenta æque probabilia, non manet  
probabilis: quia in tali casu homo poterit æ-  
que falli ac non falli. verb. grat. accusatus  
sit Clodius de homicidio. Sint pro ejus in-  
nocentia argumenta probabilia ut  $\frac{7}{10}$ . Sint*

*autem ex aliis indicis contra Clodium ar-  
gumenta probabilia ut  $\frac{7}{10}$ . Fiet ergo proba-*

*bilitas homicidii ut  $\frac{5}{10}$ . id est, nulla, sed re-  
linquetur merum dubium.*

2. *Propositio, pro qua fiat argumentum probabilius argumento opposito manet probabilis, sed minuitur uno probabilitatis gradu.* quia propositiones, quæ contra se habent argumenta probabilia, non solent tam frequenter esse veræ, quam sunt veræ aliæ propositiones probabiles, quæ non habent contra se argumenta probabilia, v. g. in casu posito, sine pro innocentia Clodii argumenta probabi-

8  
lia ut  $\frac{7}{10}$ . contra innocentiam Clodii argu-

menta probabilia ut  $\frac{7}{10}$ . erit ergo proba-

10  
bilitas pro innocentia Clodii tantum ut  $\frac{7}{10}$ .

3. *Propositio, quæ ex alia propositione probabili tantum probabiliter deducitur, & plerumque non manet probabilis.* Adeoque Conclusio, quæ deducitur ex duabus præmissis tantum probabilibus, plerumque non manet probabilis. verb. grat. Aristoteles dixit, quatuor elementa manere formaliter in mixtis; ergo manent formaliter. Vel sic: Quod Aristoteles dicit, verum est: Sed Aristoteles dixit, elementa manere formaliter in mixtis; ergo id verum est. In hoc Syllogismo Major & Minor est tantum probabilis; conclusio verò vi hujus argumenti non est amplius probabilis sed dubia, sit enim Major

7 6  
probabilis ut  $\frac{7}{10}$ . Minor ut  $\frac{6}{10}$ . clarum est  
ad fallibilitatem Majoris accedere fallibilitatem Minoris, Cum igitur fallibilitas  
3 4  
majoris fuerit  $\frac{3}{10}$ . Minoris  $\frac{4}{10}$ . clarum est, fal-

fallibilitatem fore , ut  $\frac{7}{10}$ . adeoque proba-

bilitatem tantum ut  $\frac{3}{10}$ .

4. *Propositio, quæ ex alia propositione moraliter certa probabiliter deducitur, adhuc manet probabilis, nisi hæc probabilitas jam sit in infimo probabilitatis gradu.* Sic hæc propositio moraliter certa; Aristoteles admisit materiam primam, quæ nullam habeat determinatam figuram; ex hoc inferat quis; ergo datur talis materia. Illatio est tantum probabilis; non enim omne illud, quod Aristoteles dicit, eo ipso verum est. sit anteceden-

dens ut  $\frac{9}{10}$ . illatio, ut  $\frac{7}{10}$ . erit consequens

ut  $\frac{6}{10}$ . Vel sic: quod Aristoteles dicit, verum est; Sed Aristoteles dicit, dari talem materiam; ergo datur. sit Major ut  $\frac{6}{10}$ .

Minor ut  $\frac{9}{10}$ . conclusio erit ut  $\frac{5}{10}$ . Adeoque non erit amplius probabilis.

5. *Authoritas addita rationi, aut Ratio addita authoritati non auget gradum probabilitatis, sed eundem gradum probabilitatis, in quo ambæ conveniunt, confirmat.* v. g. sicut pro hac propositione; Datur materia prima Aristotelica, mille authores, quorum omnium au-

thoritas simul sumpta sit ut  $\frac{8}{10}$ . stet etiam pro  
H. 5; illa

illa propositione pondus rationum, quarum omnium probabilitas sit, ut  $\frac{7}{10}$  dico, pro-

babilitatem propositionis tantum futuram

ut  $\frac{8}{10}$  quia Ratio addita authoritati non fa-

cit, ut authoritas minus frequenter fallat; sed tantum facit authoritatem securam, ne fortè in hoc casu per contrarias rationes enervetur; quod nihil aliud est, quàm facere, ut authoritas in suo probabilitatis gradu securè quiescat, absque metu enervationis.

6. *Authoritas addita authoritati semper augeat gradum probabilitatis*; quia ex pluribus testibus semper constatur argumentum, quod minus frequentet fallit. v.gr. dari unum suæ præmum Deum dicunt Christiani, Turcæ, Judæi, gentiles; ergo datur. Concursum tot testium in unum dogma nec potest, nec solet fallere tam facile.

7. *Ratio addita Rationi non augeat gradum probabilitatis, nisi quando ex pluribus rationibus potest constari unum argumentum.* Hoc autem fieri potest, quando plures rationes simul sumptæ manifestant plures proprietates, circumstantias & adjuncta rei. v.gr. dicat aliquis: Milo occidit Clodium. Rationes sunt: 1. Quia Milo prius habuit inimicitias cum Clodio. 2. Quia eidem minatus est mortem. 3. Quia visus est parare arma. 4. Quia visus est fugere post eadem. 5. Quia vestes repertæ sunt tinctæ sanguine. 6. Quia interrogatus de cæde expalluit. Hæ rationes omnes simul sumptæ constant unum argumentum desumptum ex adjunctis, quæ ferè semper nulli conveniunt homini, nisi homicide, ut faciant argumentum

aut moraliter certum. ut  $\frac{9}{10}$  aut probabile



8  
 Ie ut — Sit verò alius, qui dicat : Dantur  
 10  
 elementa Cartesiana. Ratio sit. 1. Quia sit  
 omnia possunt facillimè explicari. 2. Quia  
 experientia favent huic Hypothesi. Sit ra-  
 6  
 tio prima probabilis, ut — altera ut — 2  
 10  
 co, non maiorem futuram probabilitatem,  
 7  
 quàm — quia una ratio in hoc casu non  
 10  
 facit, ut altera minùs frequenter fallat, sed  
 tantum facit, ut minus sit periculum, eam  
 rationem enervari ex aliis argumentorum fon-  
 tibus.

§. 4i

*De observandis in praxi circa probabilitatem propositionum.*

1. **N**ulla propositio, quin prius determinetur  
 gradus suæ probabilitatis, admitti de-  
 bet. v. g. dicit aliquis; Ego sequor Aristote-  
 lem: alter dicit; ego nullum hominum in Phi-  
 losophicis sequor. Si hi duo nolint litigare ina-  
 niter; Prior prius determinet, an sequatur  
 Aristotelem tanquam regulam in Philoso-  
 phicis certam, an verò præcisè tanquam regu-  
 6

lām probabilem, ut —, quæ in speculativis  
 10  
 plerumque non erret. sic enim ex inductione  
 errorum Aristotelis ostendi poterit, utrum pru-  
 dentur assumatur pro tali regula vel non. Alter  
 verò dicere debet: utrum omne aliorum Philo-  
 sophorum iudicium rejiciat tanquam regulam  
 certam, an verò tanquam regulam probabilem  
 sic enim convinci poterit ex inductione, utrum

H. 6

pru.

prudenter omnem auctoritatem humanam, respuat, an non?

2. Quando pro aliqua propositione certus ac determinatus gradus probabilitatis assignari non potest, recipiendus est gradus vel ex hypothesis, vel proxime minor. v. g. dicit aliquis; Aristoteles hoc dicit: conveniendum nobis prius est de auctoritate Aristotelis, sub quo gradu ab omnibus recipi possit. Vel argumentandum est ex hypothesis, supposito videlicet, quod Aristotele, tanti valeat.

3. Hinc omnis probatio à communiter contingentibus debet. quia nihil nisi ad minimum ut probabile probandum est. v. g. si probatur aliqua conclusio ex auctoritate, debet probari, illam auctoritatem plerumque verum dicere. Aut si probatur conclusio ex aliquo textu cujusdam Doctoris controverso, probandum est, textum illum plerumque accipi in sensu pro conclusione intento. Aut si probatur propositio ex ratione, probandum est, posita tali ratione plerumque consequi alterum, quod intenditur. v. g. dicit aliquis hodie venturam pluviam, quia manè polus rubuit. Ostendendum est, manè rubente polo plerumque consequi pluviam.

4. Hinc omne argumentum, etiam à pari, vel à simili, vel à contrario, vel argumentum negativum in aliqua presumptione, quae à communiter contingentibus ducitur, fundari debet. v. g. argumentatur aliquis à pari, dicens: Licuit hoc Themistocli, licebit & Epaminundæ. Prius probandum aut præsumendum est, Themistoclem & Epaminundam plerumque habere æqualia jura. Vel dicit aliquis: melius esse regimen Monarchicum, quia & unus Deus in mundo, unus Sol in cælo. Ostendendum prius est, vel præsupponendum, esse similitudinem inter regimen Monarchiæ, &  
inter

inter actiones Solis. Vel dicit aliquis à sensu contrario; virtus est honoranda; ergo vitium est odio habendum. Ostendendum est prius, virtutem & vitium plerumque sibi opponi in ipsa materia laudum. Vel dicit aliquis ab argumento negativo. Veteres Scriptores nullam fecerunt mentionem de Epistola Christi ab Abgarum Regem; ergo est supposita. Ostendendum prius est, non fuisse probabile Authorum silentium de tali Epistola, si fuisset data aut agnita.

5. *Hinc Argumentum negativum non procedit in materia necessaria, sed tantum in materia contingente.* quia in materia necessaria non proceditur per præsumptiones, sed per demonstrationes, v.g. dicit aliquis: Nulla est necessitas distinctionis inter modos, & rem modificatam, inter relationem & rem relatam; inter gradus Metaphysicos &c. Hi modi argumentandi non sunt boni. quia in materia necessaria illud ipsum est necessariam, quod est possibile; nec pro alterutra contradictionis parte ulla stat præsumptio, ut in partem adversam onus probandi rejicere possit.

6. *Hinc & argumenta à pari vel simili,* quia nullam præsupponunt paritatem. aut similitudinem in predicatis non controversis, connexis cum predicato controverso, rejici debent. v. gr. dicit aliquis. Judas est damnatus; ergo & Petrus. Hic controversum prædicatum est damnatio utriusque. Si non prius fuerit in utroque ostensum aliquod prædicatum, connexum cum subsequente damnatione, nulla est omnino paritas. Deberet ergo prius ostendi, in utroque reperiri impietatem, tunc licuisset argumentari ad similem effectum.

7. *Sola convenientia objecti non parit probabilitatem.* v.g. dicit quis: Conveniens fuisset,

scilicet,

set, Christum venire in mundum, Adamo non peccante. Hoc solum nondum probat, Christum fuisse venturum; quia plurimæ possent convenienter fieri, quæ tamen non sunt. Tunc verò solum convenientia parit probabilitatem, quando est tanta, ut communiter ac plerumque soleat attendi. v. g. dubitat aliquis, an Rex sit servaturus promissum suum? dico, illud esse probabile, quia sic est conveniens, & quia Rex solet attendere ad honestatem publicam.

8. *Neque etiam sola possibilitas objecti parit probabilitatem.* quia multa sunt possibilia, quæ non sunt. v. g. dicit aliquis. Per hypothesin Cartesii, aut per atomos Gassendi possunt omnia explicari in natura; ergo est vera. Hoc non sequitur, quia Deus habet innumeros modos possibiles, quorum quolibet potest producere eodem effectus.

9. *Argumenta, quibus dicitur suaderi veritas, nullam pariunt probabilitatem.* Quia suasio tantum pertinet ad voluntatem circa eligibilia; voluntas autem tantum eligit, quod est illi melius, non quod est intellectui verius. Talia argumenta suasoria sunt, quando. 1. objectum dicitur possibile. 2. Quando multæ afferuntur congruentiæ. 3. Quando una sententia dicitur facilis explicatu, econtrà opposita difficilis. 4. Quando una sententia dicitur subiecta esse minoribus difficultatibus, quàm opposita. 5. Quando in una sententia dicitur servari major principiorum uniformitas, aut major doctrinæ consequentia. 6. Aut quando in una sententia dicitur dari facilior objectionum solutio. Hæc omnia, inquantum non permiscuntur puris motivis voluntatis, utiliter quidem afferuntur, inquantum intellectum vel liberant à præjudiciis contra adversam sen-

Sententiam; vel in quantum liberant à metu difficultatum oppositarum; vel in quantum faciunt intellectum tranquillius assentiri obiecto; non tamen sunt positiva argumenta veritatis.

10. *Authoritati vel Rationi non rectè præfertur alia autoritas vel ratio, nisi quæ raritas fallit.*

11. *Argumentum probabile non rectè dissolvitur exceptione particulari.* v. g. dicat aliquis: hodie erit pluvia, quia mane rubuit cælum. Si alter dicat; hoc non esse consequens, eo quod jam aliquoties mane rubente polo non venerit pluvia; hæc erit imperita responsio; quia prior propositio ex sua materia tantum erat probabilis, adeoque sensus tacitè erat: Hodie probabiliter veniet pluvia, quia plerumque sic accidit. Hoc autem manet verum, quamvis interdum contrarium acciderit. Vel probet Ecclesia præsentiam Christi in Eucharistia ex verbis Christi: Hoc est corpus meum. Si hæreticus respondeat; hoc non esse consequens; eo quod hic modus loquendi una vel altera vice habeat sensum tropicum, erit planè imperita responsio, quia sensus verborum non ille præsumitur, qui rarè, sed qui plerumque verbis convenit. Contra hanc regulam plurimi Authores peccant, qui putant, se rem magnam præstitisse, si ostenderint, argumenta suorum adversariorum vel textus non universaliter procedere.

12. *Ob probabilitatem suæ sententiæ non licet rejicere probabilitatem alterius sententiæ.* Quia potest contingere, quod pro utraque contradictionis parte dentur præsumptiones. verb. grat. potest pro Milonis innocentia dari præsumptio ex honestate præteritæ vitæ; & potest simul contra ejus innocentiam dari præsumptio ex circumstantiis facti seu homin-

Homicidii. Hinc absurda est quorundam improbabilibus responsio; Argumenta adversariorum non esse convincentia; suam verò sententiam jam sufficienter probatam esse. In tali enim casu, quo pro utraque parte dantur argumenta probabilia, neutri parti assentiendum est.

13. *Ubi manifesta est veritas, vana est omnis in contrarium probabilitas.* Ad quid enim juvat, conglomerare adversus veritatem argumenta probabilia, nisi ad perturbandum intellectum, ut amittatur veritas. Sic faciunt hæretici asserendo innumeras presumptiones adversus veram Ecclesiam; ad quid enim illæ juvent, nisi ad hoc, ut intellectus tot presumptionibus perturbatus non videatur in Ecclesia moderatricem omnium Providentiam divinam, aliundè certissimam, quæ inter mille humanorum ingeniorum ludibria novit educere veritatem, & constituere in imperio.

14. *Hinc est Ratio probabilis auctoritati infallibili, & auctoritas probabilis rationi certè cedere debet.*

15. *Auctoritas tantùm fallibilis non tollit obligationem examinandi rationes probabiles in oppositum.* v.g. dicit aliquis: Sententia Cæcæsi non est probabilis, quia est contra sensum Doëtorum, contra sensum communem, contra judicium prudentum. si enim per talem exceptionem rationes oppositæ possent rejici tanquam indignæ, quæ audiantur, aut examinentur, tunc opinio semel probabilis per communem sensum Doëtorum redderetur inexpugnabilis, eo quòd nunquam illi posset objici ratio probabilis, quæ non statim ob communem sensum Doëtorum rejiceretur.

16. *Quando veritas propositionis dependet à multis suppositis tantùm probabilibus, non manet:*

*net probabilis.* quia sicut ex duabus præmissis solum probabilibus plerumque non sequitur conclusio probabilis, ita etiam ex multis suppositis solum probabilibus, v.g. si quis dicat: concludendam proximè futuram pacem inter Principes Christianos; supponat autem 1. Conditiones pacis non esse magnæ difficultatis. 2. Principes inclinari ad pacem. 3. Vi- res principum bellicas jam esse exhaustas &c. si hæc & similia supposita solum sint probabilia, ex multis capitibus poterit falli, qui sic prænuntiat.

17. *Hinc & Sorites plerumque non fundant probabilitatem.* quia plerumque progrediuntur per multas illationes solum probabiles. v. g. si mercator dicat: Quando navis ex India redierit, augebo censum annum. Aug-cto censu conducam duas tresve naves; his iterum redeuntibus ex India etiam comita- tum, & sic per incrementa fortunæ per- petua fiam Pensionarius Statuum Hollan- dia.

18. *Cum omnis probabilitas dependeat vel ex inductione casuum consimilium, vel ex Legi- bus Contingentium, rarissime autem sciri possit, utrum sufficiens facta sit inductio, vel utrum omnia consideranda ad æstimandum effectum contingentem requisita consideraverimus,* patet, modeste plerumque & sentiendum & loquendum esse, donec omnia videamus in Deo.

S. V.

*De Censuris Criticis.*

1. **P**ropositio *heretica* est, quæ in termi- nis contradicit verbo Dei vel scri- pto, vel tradito, vel inspirato Ecclesiæ.

2. Pro-

2. *Propositio erronea* est, quæ in terminis contradicit veritati jam aliundè certæ.

3. *Propositio proxima hæresi* aut errori est, cujus sensum coincidere cum propositione hæretica aut erronea moraliter certum est.

4. *Propositio propinqua hæresi* aut errori est, cujus sensum coincidere cum propositione hæretica vel erronea probabilius est.

5. *Propositio favens hæresi* aut errori est, quæ semel admissa vel præparat mentem ad hæresin, vel enervat fundamenta veritatis, vel conciliat robur falsitati, & argumentis hæreticorum.

6. *Propositio respectivè hæretica* vel erronea est, quæ saltem in aliquo sensu, quamvis non primario, est hæretica & erronea.

7. *Propositio temeraria* est, quæ sine efficacibus argumentis contradicit veritatibus universim receptis.

8. *Propositio scandalosa*, aut piarum aurium offensiva est, quæ multis hominibus probabiliter futura est causa erroris aut peccati; non enim illa propositio statim pro scandalosa haberi debet, quæ, tantum uni vel alteri ex tota multitudine scandalum generat; quia id præsumitur accidere non ex natura propositionis, sed ex indispositione accipientis.

9. *Propositio perniciosa, periculosa, aut seditiosa* est, quæ probabiliter disponet animos ad aliquod malum, vel ad seditiones; v. g. excitando eas cogitationes, aut passionem, ex quibus pronum est devolvi ad malum, vel seditionem.

10. *Propositio impudens aut insolens* est, quæ præsefert vel enormem superbiam & contemptum aliorum; vel peccat contra reverentiam aliis debitam.

11. *Propositio incredibilis* est, quæ asserit rem



rem extraordinariam, cujus vel nullum habetur exemplum, vel nulla clara idea, idque sine sufficienti fundamento. nihil enim incredibile, quod testem habet idoneum.

12. *Propositio absurda* est, quæ contradicit aut æstimationi omnium hominum, aut expectationi seriæ prudentum.

13. *Propositio nugatoria*, est, quæ in docendo, vel probando, vel respondendo non attingit punctum controversiæ, idque manifestè, ut à quovis faciliè adverti possit.

14. *Propositio impertinens* est, quæ nec auget concessa, nec minuit negata probabilitatem quæstionis.

15. *Propositio captiosa* est, quæ, dum menti ingenerat varios sensus, videtur præferre sensum bonum, reipsa autem disponit ad erroneum.

16. *Propositio improbabilis* est, quæ comparative spectata ad argumenta opposita non habet majorem verisimilitudinem opposito.

## P A R S II.

### *De Authoritate.*

#### G. I.

#### *De Authoritate in genere.*

1 **I**N tantum quavis dicentis authoritas fundat probabilitatem, in quantum agit officium idonei testis, aut idonei judicis. qui enim suam interponit authoritatem, vel debet scire rem esse veram, quod fieri potest vel per experientiam sensuum, vel per famam, vel per documenta, vel per traditionem.

nem. Et sic ager officium idonei testis. v.g. si quis dicat: Ego hoc vidi, ego hoc accepi ex documentis; ego hoc audivi à meis majoribus. Si verò rem non sciat veram esse ex propria experientia sensuum, aut ex traditione, aut documentis &c. tunc solum poterit dicere: Ego v.g. non quidem vidi homicidium Milonis, judico tamen exactis & relatis, eum potius innocentem esse, vel: Ego quidem non vidi cœlos, judico tamen ex argumentis hinc inde agitat, illos potius liquidos esse. Sic ergo ager officium judicis; & si habeat qualitatem idonei judicis, ac dispositionem mentis ad probabiliter dijudicandum verum, intantum habet probabilitatem auctoritatis.

2. *Autor, qui non potuit pro sua assertione fundari in experientia sensuum, fama, documentis, traditione; tantum agit officium judicis, non vero officium testis.* testis enim refert; quod ipse vidit, audivit &c. judex vero aliena documenta dijudicat, quid, quantumve ad probandum valeant. Quod si idem & experientiam propriam affert, & suum exinde simul interponit judicium, simul agit officium testis & judicis.

3. *Quando pro utraque contradictionis parte stat equalis auctoritas, nulla exinde pro neutra parte exurgit probabilitas.* v.g. sint pro una sententia 10. authores; pro opposita totidem.

Erit probabilitas, ut — id est, nulla.

10

4. *Quando non constat, cerit de sensu auctoris, & ejus auctoritas tantum est probabilis, tunc nulla exinde fit probabilitas.* v.g. dicat Aristoteles: Mixta resolvi in elementa. non autem certum sit, utrum loquatur de resolutione Mechanica, nempe de separatione; an verò de resolutione Physica, nempe de

de generatione. Dico: ex tali textu nihil probabiliter concludi posse. quia sic deberet formari argumentum. Quod Aristoteles dicit, est verum: Sed Aristoteles dicit, mixta resolutione Mechanica in elementa; ergo hic Major & Minor est tantum probabilis; adeoque conclusio non debet amplius haberi pro probabili.

5. *Quando probationes aut suppositiones omnes auctoris nullae sunt & inefficaes, nulla est talis auctoritatis probabilitas.* quia nullus auctorum adeo insolens est, ut plus sibi credi velit, quam omnibus suis probationibus.

6. *Quando pro una sententia concurrunt multi auctores, ad hoc solum attendi debet, an facile sit in tali materia concurrere multos auctores.* Si id facile fuerit, etiam plurimorum auctorum simul sumptorum auctoritas tantum exiguam habet probabilitatem. Si vero id difficile fuerit, summa eò tot auctoribus conflatur probabilitas, aut certitudo. Adeoque non semper attendi debet ad numerum testium vel auctorum. Aliquando enim difficile est, etiam duos & tres convenire, si nec educatione, nec praëjudiciis, nec communi passionum animi vinculo conjuncti fuerint, in aliis vero materiis facile est, etiam centum, aut mille conspirare in unam sententiam, ubi nempe communis educatio, communia studia, & communia motiva mentem ad similem sententiam disponunt.

7. *Quando pro eadem sententia concurrant innumeri auctores & homines, nullo communi colligati vinculo, ea sententia moraliter certa est, quia, cum contingentia non procedant uniformiter, non potuit fieri, ut contingenter tot homines conspirarent in unam sententiam, nisi fuissent rapti evidentia rei.*

8. *Per-*

8. *Persuasio hominum, sensus communis, & quævis dicentis auctoritas tantum fundat præsumptionem circa objecta sibi familiaria.* sicut enim sutor non feret rectum iudicium de pictura ultra crepidam; sic nec multitudo Doctorum, nec populi rectè sentient, nisi circa illa objecta, quorum habere rectam notitiam ipsorum interest.

9. *Ceteris paribus auctoritas clara auctoritati obscura præferri debet.* quia si textus auctoris est obscurus, non satis constat de sensu auctoris, & sic minuitur probabilitas argumenti.

### §. II.

#### *De idoneo controversiarum iudice.*

1. **N**ullus auctorum pro idoneo controversiarum iudice haberi debet, nisi probetur. quia qualitas idonei iudicis, qua aptè discernitur verum à falso in rebus dubiis, non inest hominibus à natura, sed positivè probari debet. Adeoque non indiscriminè pro argumento adhiberi debet cujuslibet auctoris assertio, sed priùs nota esse debet auctoris scientia.

2. *Idoneus auctor haberi non debet, nisi habeat sequentes conditiones.*

Primò: *Asserat, quæ sibi videntur, non, quæ tantum aliis videntur,* quia si auctor tantum occupatur in recensendis aliorum opinionibus; si tantum laborat, ut adducat sententias probabiles, talis non suam interponit auctoritatem, sed instar oviculæ sequitur alienam.

Secundò: *Asserat suas conclusiones categoricè & confidenter.* Si enim ipsemet auctor de suis assertionibus dubitet, non poterit firma adhiberi fides. Adeoque; si auctor dicat: *sic videtur: probabiliter dico,* nulla est ex tali auctore.

thoritate probabilitas. quia ex autoritate probabili tantum probabiliter posset inferri conclusio.

Tertiò: *Sit liber à præjudiciis* - quia, ubi reperiuntur præjudicia, quæ habent connexionem cum quæstione controversa, primum est errare. Rarò autem ab hominibus desunt præjudicia, nisi adsit. 1. Promptum ingenium. 2. Eruditio. 3. Libertas animi intrepida in inquirendo & asserendo. 4. Exercitatum studium in authoribus utriusque sententiæ. 5. Moderatio passionum. 6. Modestia in audiendo & loquendo erga adversarios. Hæc autem omnia non præsumuntur in authore existere, nisi horum omnium affert ac det specimina.

Quartò: *Non adstringatur motivo aut affectione particulari* ad suam sententiam. quia talia motiva facillimè pervertunt iudicium. Ut autem sciamus, utrum author tali motivo afficiatur, non sufficit, si præcisè attendamus ad protestationes authorum; plurimi enim authores ab iustis operis protestantur, se nulla passione, aut affectione particulari pertractos esse in suam sententiam, in quibus tamen contraria est protestatio facta. Adeoque attendere debemus ad ipsa opuscula authorum, utrum nempe in iis occurrant tales modi tendendi, qui aliàs non solent procedere ex animis ab affectu liberis. Quòd si unus tantum vel alter talis actus occurrat, nondum probat vitiosum pravæ affectionis habitum. Si verò plures occurrant, jam certum est, in authore dari particularis affectionis habitum. aliqui volunt, ut ex scriptis authorum maximè in Historicis nec eorum patria, nec familia, nec status conditio, nec religio appareat. Verum hoc necesse non est; possunt apparere patria, religio; modò in scriptis non dominetur affectus, sed ratio.

Quintò : *Reluceat in authore Ars Critica* .  
 quamvis enim hæc ars scripta non fuerit , om-  
 nium tamen mentibus ex ipso lumine natu-  
 rali insculpta est . cum enim regulæ criticæ  
 per se ritè dispositæ intellectui manifestæ sint ,  
 fieri non potest , ut author bonus , qui sequitur  
 dictamina luminis naturalis , has regulas fre-  
 quenter transiliat . Fieri quidem potest , ut  
 etiam author bonus una vel altera vice ex de-  
 fectu attentionis & sufficientis reflexionis  
 aberret à regulis criticis , sed qui frequenter  
 recedit , habitum animi gerit à veritate re-  
 motissimum .

Sextò : *Reluceat in authore habitus logicus* .  
 qui enim frequenter impingeret in regu-  
 las rectæ ratiocinationis , ostenderet , se  
 habere dispositionem animi ad errores pro-  
 nam .

Septimò : *Reluceat in authore claritas ,  
 ordo , & exactitudo* . quia ista regulariter  
 concomitari solent ingenia ad veritatem di-  
 sposita .

Octavò : *Reluceat in authore attentio ,  
 exercitatio , & eruditio* . quia sine his facile  
 est errare . Attentio solet deesse in illis au-  
 thoribus , qui se tantum exiguo tempore ap-  
 plicarunt ad suum objectum , ad quod alias  
 etiam capacia ingenia indigent longo tem-  
 pore . Vel in iis , qui nimis multos libros scri-  
 bunt exiguo tempore , vel in ætate præmatu-  
 ra . Vel in iis , quos constat occupari circa  
 alia objecta impertinentia .

Nonò : *Reluceat in authore prudentia docen-  
 di* . Prudentiæ autem est , sic tractare con-  
 troversias , ut intellectus facillimè convin-  
 eatur ; removere omnia objecta , quæ in-  
 tellectum impediunt à comprehendenda ve-  
 ritate ; non excitare in animis lectorum  
 vel audientium eas passiones , quibus odiosa  
 redditur veritas ; resecare inutilia , quæ ad  
 sco-

scopum non pertinent; evitare prolixitatem, cum mens tam multa comprehendere nequeat; omittere propositiones incidentes, quæ turbant sensum; vitare exaggerationes, quæ suspectam reddunt totam doctrinam. Totam doctrinam resolvere in definitiones, axiomata, postulata, conclusiones, probationes, explicationes, utiles animadversiones, consuetaria, & dubiorum solutiones. Obvia sit menti ubique totius doctrinæ, & dicendorum connexio. Scopus operis ubique sit præ oculis. Pauca sint principia ac uniformia, quæ in omnes partes doctrinæ influant. Leves objectiones, quarum solutio cuivis obvia, omittantur, & quæcunque alia in Logica de Methodo docendi dicta sunt, observentur.

Decimò: *Sit auctor liber à passionibus potentie intellectivæ.* Sunt autem vitia humani intellectus. 1. Præcipitantia iudicii, dum quis consuevit iniquavis re etiam non bene discussa, aut in rebus dubiis, in rebus inutilibus, aut in rebus non pertinentibus ad quæstionem, suum interponere iudicium, maximè si se immisceat controversiis, quæ sine aliorum offensione difficulter tractari possunt. 2. Curiositas, quæ est cognitio rerum inutilium; rarò enim sunt solidi iudicii, qui libenter tractant curiosa & inutilia. 3. Nugacitas, quæ est inclinatio ab objecta jocosa. Rarò enim reperitur eruditio ad solidam scientiam requisita in hominibus amantibus jocos. 4. Voluntaria ad libros, & socios, & alia objecta, in quibus contagionis periculum, adhæsió. Quod quis enim amat & æstimat, hoc profundè imbibit, sive bonum, sive malum. 5. Sollicitudo temporalium. Difficilè enim est, servare mentem ad scientias serenam, si occupatur perpetuis curis rerum ac negotiorum temporalium.

*Amor Philosoph. T.V.*

I

Un-

Undecimò: *Sis author liber, non adstrictus ad verba Magistri.* Ut enim rectè Ptolomæus in sua Logica advertit, mille authores, qui tenentur jurare in verba magistri, tantum valent pro uno authore, quem sequuntur, & quem repræsentant. Itaque illis Doctoribus, quibus semel decretum est, sequi ducem, liceat pugnare argumentis, non verò authoritate sui similium.

Duodec.: *Careat author acuta dictione & puerili eloquentia.* Rarò enim quis inveniet amantem argutam eloquentiam, & solidè discurrentem. Legatur Tertullianus, & Seneca & videbitur, quàm multæ argutæ sententiæ careant solido judicio, & veritatis accurato criterio. v. g. dum Seneca Tract. Quid in Sapientem injuria cædere non possit. c. 3. ait :  
 „ Non refert, quàm multa in illum telà conji-  
 „ ciantur, cùm sit nulli penetrabilis; quomo-  
 „ do quorundam lapidum ferro inexpugnabi-  
 „ lis duritia est, nec secari adamas, aut cædi,  
 „ vel teri potest, sed incurrentia ultro retun-  
 „ dit. Quemadmodum projecti in altum sco-  
 „ puli mare frangunt, nec ipsi ulla sævitia ve-  
 „ stigia tot verberati sæculis ostentant. Ita sa-  
 „ pientis animus solidus est, & id roboris col-  
 „ legit, ut tam tutus sit ab injuria, quàm il-  
 „ la, quæ extuli. Adsum hoc vobis probatu-  
 „ rus. Videbis munimenta incursum arctis la-  
 „ beseri, & turrium altitudines cuniculis ac  
 „ latentibus fossis repente residere, & æqua-  
 „ turum editissimas arces aggerem crescere;  
 „ at nulla machinamenta posse reperiri quæ  
 „ bene fundatum animum agitent. Non Ba-  
 „ bylonis muros illi contuleris, quos Alexan-  
 „ der intravit, non Carthaginis aut Numan-  
 „ tiæ mœnia una manu capta, non Capitoli-  
 „ um, arcemve; habent ista hostile vestigium.  
 „ Quid tu putas, cùm stolidus ille Rex multi-  
 „ tudine telorum diem obscurasset, ullam sa-  
 „ „ gittam



3) gittam in Solem incidisse? ut cœlestia hu-  
 3) manas manus effugiant; & ab his qui tem-  
 3) pla diruunt, aut simulacra constant, nihil  
 3) divinitati nocetur, ita quidquid fit in sapien-  
 3) tem, protervè petulanter, superbè, frustra  
 3) tentatur. "Ita quidem Seneca. Aliter Sa-  
 piens Eccles. 7. *Calumniâ conturbas sapientem,*  
*& perdet robur cordis illius.*

### §. III.

#### *De idoneo teste.*

1. **I**N quovis teste supponitur veracitas, quan-  
 diu non probatur contrarium. quia nemo  
 præsumitur malus.

2. In testibus non præsumitur sufficiens notitia,  
 nisi positivè probetur. quia licet fallere non sic  
 homini connaturale, falli tamen & errare,  
 & ignorare homini est.

3. Quando testis reddit rationem suæ scientiæ,  
 v. g. se referendo ad famam, traditionem, ad  
 documenta, ad experientiam sensuum, tanta est  
 testimonii probabilitas, quanta est illius famæ,  
 traditionis, documentorum, sensuum.

4. Quando testis non reddit rationem suæ scien-  
 tiæ præsumendum est, eum non habuisse ratio-  
 nem valde extraordinariam, sed primò obviā.  
 quia semper illud præsumitur, quod primum  
 est fieri. v. g. scribit Livius de Romana hi-  
 storia, nec citat fontes, undè hanterit. Fa-  
 cillimè contingere potuit, quòd colligeret  
 varia documenta scripta, & tradita. Scribunt  
 etiam nostris temporibus multi historiam  
 temporum; plerumque hoc fit ex novellis &  
 relationibus publicis. Alia documenta au-  
 thentica supponi non debet, nisi fortè con-  
 staret, authorem esse talem, qui non soleret  
 acquiescere, nisi documentis certis.

5. Itaque tota probabilitas testimonii depen-  
 det

*dei à credulitate testis.* in quantum nempe testem constat esse virum credulum a quiescentem quibusvis relationibus. an verò sit vir, quinon a quiescat nisi certis.

6. *Hinc fieri potest, ut author Recentior majoris sit fidei, quam author coævus.* quia author coævus potuit esse credulus, adhibens fidem quibusvis relationibus, & sic sæpissimè erraret. Evidens enim est, in quibusvis urbibus quotidie spargi falsos rumores de rebus in eadem urbe peractis. Econtrà author recentior potest habere melius judicium in discernendis antiquis documentis, vel circumstantiis expendendis facti veteris.

7. *Testis coævus de visu vel auditu prævalet mille testibus non coævis.*

8. *Multi testes coævi de fama faciunt moralem certitudinem.* quia non facile fieri potest, ut fama imponat tot viris perspicacibus.

9. *Ceteris paribus semper præferenda est pluralitas testium.* Si pro una assertionem stent decem testes, pro altera tantum sex; haud dubiè prior præferenda est.

10. *Omnes convenientiæ aut conjecturæ cedere debent testimonio unius testis fide digni.* v. grat. testetur vir fide dignus, se vidisse in acie occumbentem maritum Barbaræ, nuntient alii contrarium ex fama, aut ex circumstantiis, quæ probabilem faciant vitam. Hæ omnes conjecturæ cedere debent unius testimonio, quia hoc testimonium est moraliter certum; convenientiæ verò & conjecturæ tantum faciunt probabilitatem.

11. *Testis semel mendax in nulla assertionem meretur fidem.* quia mendacium, quantumvis unum tantum, est signum internæ malitiæ, quæ est causa mendaciorum plurium.

12. *Facta antiqua per testes cœvos, vel proximè cœvos probari debent; aliàs inter dubia haberi debent.* sic enim conveniunt ac statuunt Eruditi. ratio est, quia nullus erit finis confusionis, qua innumera fabulosa historiis permixta sunt, nisi separemus per hanc regulam certa ab incertis.

12. *In factis antiquis non requiritur minor fides testium, quàm in factis recentioribus.* Hæc regula est contra illos, qui dùm loquuntur de antiquitatibus, interrogati de antiquis documentis respondent; in tam antiquis rebus non esse requirenda tam accurata documenta, sed contentos nos esse debere conjecturis, aut probabili traditione. v. g. agitur de antiquitate & Majoribus cujusdam illustris familiæ; ajunt illam descendere ab Ænea, Hercule, Romulo, Regibus Ægypti. Cur verò id potiùs credam sine teste cœvo, quàm factum recentius?

13. *In factis antiquis, quæ probantur à sola traditione, inspiciendum est, antalis traditio facile aliquando potuerit oriri, quin fundetur in testibus cœvis, vel non? si non potuit facile oriri, nisi ex cœvis testibus, habet probabilitatem suam.* Si verò facile potuit oriri ex aliis fontibus, illa facta pro dubiis relinqui debent; & utendum cujusdam Itali effato: *Ego hoc nec credo, nec detredo* v. gr. agitur de serie Imperatorum, Pontificum, vel Episcoporum: non possunt amplius produci documenta cœva, sed tantùm Catalogi talium Episcoporum, Principum &c. scripti ante 500. vel 600. annos. quia tamen non est verosimile, rem aded publicam, & notam omnibus, ac est series Principum, fuisse vel oblivione sepultam, vel fraude impostorum adulteratam, poterit credi talis traditio. Vel oritur quæstio de fundatione alicujus urbis, de fundatione alicujus Eccle-

fiæ, de celebri aliqua victoria; non supersunt amplius cœva documenta: supersunt tamen solemnitates publicæ institutæ in memoriam facti veteris, vel supersunt tituli, jura, privilegia, prærogativæ familiarum, quæ dicuntur concessa intuitu talis antiqui facti, pariter fidem meretur traditio; quia non facile talia introducuntur, quin fundentur in documentis antiquioribus. Vel oritur v. g. quæstio, an **Crox Pollingana** inventa sit in venatione à **Thassilone Duce Bavariz** octavo sæculo? Quis non videat, neminem unquam fuisse inventurum fidem apud suos confratres, domesticos, familiares, concives, vicinos, si repente voluisset proferre in publicum talem historiam, de qua nullus antea quidquam audiisset. Occultæ revelationes, occulta miracula, haud dubiè solent confingi ab impostoribus: Sed actus publici adedò solemnes, qui non potuissent ignorari ab aliis, non finguntur ab impostoribus, responderent enim impostori omnes: *Si verum esset, quod tu nobis recenter offers, debuissimus & nos hujus rei habere notitiam; non potuisset nobis esse ignota tam illustri inventia.* Igitur si constat, tale aliquod factum celebre ac publicum non potuisse à majoribus credi sine dementia, nec potuisse populis promulgari, sine insigni integræ alicujus communitalis malitiæ, credendum est, illud esse verum, & acceptum à cœvis testibus. In aliis verdè actis antiquis, v. g. ubi agitur de miraculo occulto, vel authentia antiqui numismatis, &c. in quibus deceptio potuit introduci ab uno impostore, eo quod à multitudine credula non potuerit refutari ejus assertio in tali re occulta; dicam: *Ego nec credo, nec decredo, nisi mihi proferantur documenta proximè cœva, vel aliàs authentica.*

14. In factis antiquis, in quibus traditio est dubia, licet traditionem prosequi. v.g. agitur in Illustri aliqua familia quaestio de Nobilitate, traditio habeat, esse nobilissimam familiam, cur non liceat tali famillæ commendare posteris tradita, & usurpare jura nobilitatis? vel est quaestio de authentia SS. Reliquiarum, v.g. de Sudario, præputio, linteaminibus sepulchri, quæ asservantur in pluribus locis, de corpore S. Benedicti, quod colitur Floriaci in Gallia, & in Italia, de corpore S. Marci quod colitur Venetiis & in Schonaugia, de corpore S. Dionysii, quod asservatur Parisiis & Ratisbonæ, & innumeris aliis. Cur non liceat populis referre traditionem, & illos excitare ad reverentiam, in similibus semper tacite ac implicite conditionatam? si enim licet revereri Diploma Regis dubium, & honorare personam, quæ fingit personam principis; cur non simile liceat in causis Regis Regum & Principum? Venit ante aliquot annos, qui se dicebat esse de familia ac cognatione cujusdam Ministri Electoris Bavariz: honoravimus pro viribus. Rescripsit Minister: id gratum se habuisse, ac si verè fuisset de sua familia. Licet ergo in similibus modestum esse, ut quilibet in suo sensu abundet; sapientis est, proferre modeste tradita; non vendere majorem certitudinem quam acceperit; non scrupulose discernere merces ac monetas promiscuas, ubi pietatis, & amicitiz lucrum æquale est.

16. Historicus, qui non citat fontes, sed innititur frequenter documentis dubiis, non meretur fidem in factis historia controversis.

17. Scriptor, qui studiosè truncat textus aut suppressit documenta adversus se facientia, nulli meretur fidem. est enim falsarius.

## §. 4.

*De Argumento negativo petito ex silentio  
Aurhorum.*

1. **F**actum antiquum, de quo nihil scribunt  
 Authores, qui illud potuissent & debuif-  
 sent annotare, pro fabula habendum est. Sic  
 conveniunt & statuunt Eruditi. Requiritur  
 ergo duo ad hoc, ut argumentum nega-  
 tivum ex silentio Aurhorum petatum bonum  
 sit. 1. Requiritur, ut potuerit Author scri-  
 bere & annotare rem gestam: ut nempe ha-  
 buerit de re gesta notitiam certam, & ut ha-  
 buerit occasionem facile ea de re scribendi;  
 non enim possunt convenienter annotari res  
 gestæ, si aut tantum habeatur notitia dubia  
 vel si ea historia non conveniat scopo operis,  
 quod sibi Scriptor proposuit. Sicut enim no-  
 stris temporibus multa à plurimis sciuntur,  
 quæ possent scribi pro notitia posteritatis et-  
 iam memorabilia, & tamen non scribuntur,  
 quia vel occupationes, vel status, vel sco-  
 pus cujusvis viri docti non permittunt, ne  
 de qualibet re memorabili scribat commen-  
 tarium, sic nec antiquitus id fieri potuit. 2.  
 Requiritur, ut Authores habuerint occasio-  
 nem facilem de tali re gesta scribendi. Talis  
 autem occasio adesse censetur, si aliàs scri-  
 pserant librum in eadem materia; si factum  
 seu res gesta sit adeò memorabilis, ut non  
 censeatur ex injuria vel oblivione omissum;  
 si Author habuisset specialia motiva, inse-  
 rendi mentionem de re taliter gesta.
2. *Consuetudines integri populi, aut sectæ,  
 de quarum origine non testantur Scriptores coevi;  
 pro antiquioribus haberi debent.* v. g. quæstio  
 est de antiquitate Confessionis auricularis  
 in Romana Ecclesia, aut de dogmate  
 Eucha-

Eucharistiæ, volunt Hæretici, hæc omnia penitus de novo orta esse multis post Christum sæculis. Quis verò credat, hæc oriri potuisse in Ecclesia sine ingenti strepitu & commotione totius Ecclesiæ, aliquibus eam novitatem recipientibus, aliis recusantibus. Si ergo in Authoribus est altum silentium de tali strepitu ob novationes Ecclesiæ, signum est, tam enormes novationes nunquam contigisse; & cum successivè introduci non potuerint, quin semel patere debuerit novationis recens enormitas, signum est, talia Sacramenta Ecclesiæ quoad substantiam semper fuisse in Ecclesia.

3. *Argumentum ex silentio Authorum circa res; quas periculosum eloqui, nullum est.* v. g. si Author nullam faciat mentionem de crimine illustri personæ, aut de veritate aliqua odiosa multitudini, qualis esset laus Tyranni, non propterea bona erit argumentatio: *Autbores de hac re nullam faciunt mentionem, ergo non datur.* Adeoque in similibus silentium non potest haberi pro ignorantia, sicut & in odiosis non habetur pro consensu.

4. *Si quis Author ad probandam suam assertionem non utitur argumento omnium optimo, censetur illud non agnovisse.* verb. grat. si ad conclusionem suam probandam in Philosophia serviret aliquis clarus textus Aristotelis, aut celebris experientia, si Peripateticus his non utatur, censetur eorum nullam habere notitiam, aut actualem memoriam.

5. *Argumentum Hæreticorum contra Sacramenta Ecclesiæ, petatum ex silentio Scriptorum primitivæ Ecclesiæ, nullum est.* quia licet illis Scriptoribus permixtum fuerit, generalibus terminis loqui ad populū de Sacramentis Ecclesiæ

I. 5. non

non tamen fuit illis permiffum explicare-  
 enucleatius in fcriptis publicis ritus & my-  
 fteria illorum Sacramentorum, ne irrideren-  
 tur à Gentilibus, & vilefcerent coram im-  
 piis, prout fuſè probat Schellſtrate in libro.  
 De Diſciplina Arcani. Sic Tertullianus l. 1.  
 contra Gentes c. 7. à Chriſtianis ſacris de-  
 pellens ſuſpicionem occultorum criminum.  
 ait: „ A quibus potuiſſet talis fama in to-  
 „ tum orbem dari? ab ipsis enim Chriſtia-  
 „ nis non opinor, cum vel ex forma ac le-  
 „ ge omnium myſteriorum ſilentii fides de-  
 „ beatur: quanto magis talium, quæ prodi-  
 „ ta non evitarent ſupplicium? ſi ergo non  
 „ ipſi proditores ſui; ſequitur ut extra-  
 „ nei. Oro vos, extranei unde noti-  
 „ tia? cum etiam juſta & licita myſte-  
 „ ria omnem extraneum caveant. Et  
 „ Origines l. 1. contra Celſum, ait: Quodd  
 „ in doctrina Chriſtiana, quædam inſunt,  
 „ quæ non annuntiantur quibusvis, id non  
 „ ſolius doctrinæ Chriſtianæ proprium eſt,  
 „ verum etiam Philoſophicæ. nam & illi  
 „ exteriorem, & occultioſiorem doctrinam  
 „ habebant, alii Pythagoram audiebant con-  
 „ tenti ipſius authoritate; alii ſecretè diſce-  
 „ bant rationes non evulgandas in profanos  
 „ nondumque purgatos. Sic occultanda eſ-  
 „ ſe myſteria Eccleſiæ cavent omnes SS.  
 „ Patres, prout in Schellſtrateno videri po-  
 „ teſt.



## P A R S III.

*Hermeneutica, seu de Interpretatione.*

## § I.

*De vario verborum sensu.*

1. **S**ensus verborum proprius est, quem usus loquentium immediatè ac plerumque verbis subjicit. verb. gratia si Christus dicit: *Hoc est Corpus meum.* Hic modus loquendi similis est communi modo loquendi, quo dicimus: *Hoc est lignum. Hoc est lapis &c.* quibus loquendi formulis plerumque ac immediatè intelligitur corporalis rei demonstratæ præsentia.

2. *Sensus verborum improprius* est, quem usus loquentium aut rard, aut tantùm mediatè verbis subjicit, verb. grat. si dico, *Prata vident.* Antequam intelligam, quid sibi velit propositio, cogitandum mihi est de risu hominis, ac dein primùm similitudo transferenda ad agrum: itaque non immediatè, sed mediatè devenio ad intelligendam fecunditatem agri lætam hominibus.

3. *Sensus primarius* verborum est, quem verba secundùm se præferunt. *Sensus secundarius* est, quem verborum circumstantiæ, aut modus tendendi ingenerant. verb. grat. si Herus famulo dicat: *Jam ades à laboribus?* Sensus obvius verborum præfert laudem famuli. Si verò ex circumstantiis sciam, famulum ferò venisse, significant Ironiam. si

denique herus vehementia quadam & minaci vultu eadē verba proferat; significabunt iram Domini:

4. *Sensus verborum obvius* est, quem aut verba, aut manifestæ verborum circumstantiæ præferunt, verb. grat. si Lutherus dicat: *Sola fides ad salutem sufficit*. quis non in sensu obvio propositionem hæreticam clamet?

5. *Sensus ad Authorem intentus* dicitur, qui verbis de se ad duplicem sensum indifferētib. per contextum ab Authore tribuitur. verb. grat. dum Quesnellus dicit; *Quem Deus vult salvare, infallibiliter salvatur* propositio potest intelligi de voluntate Dei efficaci, & inefficaci. quia verò per contextum, & alias propositiones simul damnatas, quibus sufficiēter explicatur totum Systema Gratiæ Quesnellianæ, constat, Quesnellum loqui de quavis voluntate Dei, cumque non admittere voluntatē Dei inefficacem, rectè propositio in sensu ab Authore intento damnata est.

Cæterum quid sit sensus verborum strictus, recommodus, distributivus, copulativus, collectivus, disjunctivus, disjunctus, reduplicativus, denominativus, concretivus, materialis, formalis, privativus, exclusivus, &c. jam in Summulis dictum est.

## §. II.

### *De Principiis interpretationis.*

1. **T**RIA sunt principia interpretandi sensum verborum. 1. *Usus loquendi*. 2. *Intentio loquentis*. 3. *Subiecta materia*, circa quam versatur propositio.

2. Pro illo sensu fiat præsumptio, quem verba communiter habent ex usu loquentium. v. gr. si Christus dicit; *Ego & Pater unum sumus*;  
Pater

Pater in me, & ego in patre. Si velimus invenire sensum horum verborum, ab initio inquirendum est, quem sensum ex communi usu loquendi iste modus verborum habeat; & videbimus, quòd sola unitas voluntatum per affectionem in amicis non soleat similibus verbis exprimi.

3. *Quando verba ex usu loquentium sunt indifferencia ad duplicem sensum, tunc respiciendum est ad intentionem loquentis.* Et sic pro illo sensu stat præsumptio, ad quem intentio ac dispositio loquentis pronior est. v.g. in priore exemplo, si verba Christi mihi viderentur indifferencia ad unitatem moralem per affectum amicitiae, & unitatem physicam, inspicerem intentionem Christi, aliunde notam; & viderem, Christum velle insinuare dignitatem omni humana maiorem, quod non obtineret per unitatem moralem cum Deo.

4. *Quando nec usus loquendi certum sensum determinat, nec intentio loquentis nota est, recurrendum est ad circumstantias verborum, ad contextum, ad connexionem doctrinae, ad totum discursum, id est, ad subjectam materiam.* Et sic pro illo sensu stat præsumptio, quem subjecta materia facilius ingenerat. v.g. si in priora exemplo non esset nota intentio Christi, attenderem ad explicationem Christi, & viderem, quòd Christus sibi tribuat eadem opera, quæ operatur Deus; & quòd testetur, se jam fuisse ante Abraham, & similia, hæc omnia non conveniunt nisi illi, qui habuerit unam naturam cum Deo.

## G. III.

*De sensu verborum, inquan-  
tum desumitur ex usu  
loquentium.*

1. **S**ensus verborum ex usu illorum temporum, quo usurpantur, estimari debet. Contingit enim non raro, quod eadem verba successu temporum diversum sensum accipiant. v. g. τὸ ἐκὸς αὐτῶν consubstantialis aliquando in Oriente non fuit admissum à D. Basilio, quia ibi locorum, & eo tempore non retulerunt hoc nomen ad naturam, sed ad personalitatem. Similiter D. Hieronymus aliquamdiu noluit admittere in Deo tres hypostases, quia eo adhuc tempore nondum habuit adhuc universalem usum pro personalitate. Hinc si sensus verborum dubius est, rectè attenditur ad usum temporum antecedentium & subsequentium ad propositionem controversam. verb. gr. si velimus scire, qualem sensum in Novo Testamento habeat nomen *Ecclesia*, inspiciamus, qualem habuerit sensum in Veteri Testamento, & qualem temporibus primitivæ Ecclesiæ. cum enim significatio verborum non mutetur tam subito, exindè colligemus, nomen Ecclesiæ sumptum non esse tantum pro collectione iustorum. Idem dicendum, de nomine *penitentia*, utrum sumptum fuerit tantum pro proposito novæ vitæ, ut voluit Lutherus, an verò etiam pro dolore ac detestatione vitæ præteritæ.

2. *Semper stat presumptio pro sensu famosiori.* v. g. dicit aliquis: SS. Patrum non neglegendam esse confessionem. Hic terminus solet usurpari de ea confessione, quæ fit Sacerdoti, & de illa, quæ fit Deo, quia tamen prior significatio.

catio famelior, & in populo tritior. est; censendum est; Scriptorem loqui de confessione, quæ de gravibus criminibus fit. Sacerdoti.

3. *Sensus verborum rectè desumitur à sensu verborum consimilium, correlativorum, aut analogorum, v. g. Joan. 6. Christus dicit: Qui credit in me, habet vitam eternam.* Sensum tamen non esse exclusivum aliarum obligationum, & bonorum operum ex aliis Christi verbis similibus intelligitur. Sic Marci 16. dicit: *Qui crediderit, & baptizatus fuerit, salvus erit.*

4. *Sensus verborum intelligitur ex eorum operationibus.* verb. grat. dicit Christus: Super hanc petram ædificabo Ecclesiam meam. particula demonstrativa *hanc* posset referri ad confessionem Petri, vel ad personam Petri; cum verò videamus hanc promissionem Christi id operatum esse, ut postea Petro commendaret oves suas, rogaretque pro eo, ne deficeret fides illius, ut confirmaret cæteros Apostolos, &c. non dubium, quin hæc verba Christus etiam retulerit ad personam Petri.

5. *Qualis olim fuit sensus verborum, etiam nunc idem præsumitur; & vicissim, qualis nunc est verborum sensus, etiam antiquitus idem fuisse præsumitur; maxime in ea materia, in qua interest Divinæ Providentiæ cavere, ut maneat semper idem sensus verborum.* v. g. Sacramentum est nomen usurpatum antiquitus in primitiva Ecclesia, & nunc. Nunc per Sacramentum intelligitur signum sensibile, quod significat simul, & simul confert gratiam; itaque in re tanti momenti censendum est, Divinam Providentiam sic disposuisse mentes fidelium & Doctorem, ut etiam antiquitus in nonnullis materiis v. g. in materia Baptismi idem per nomen.

nomen Sacramenti intellexerint. Ratio huius regulæ est, quia licet successu temporum mutetur quandoque significatio verborum, ea tamen mutatio non præsumitur, nisi in casibus, in quibus specialiter probatur.

## §. IV.

*De sensu verborum, in quantum  
desumitur ex intentione  
loquentis.*

1. **I**ntentio loquentis præsumitur respicere ad illum sensum, ad quem aliunde est magis dispositus. Disponuntur autem humana ingenia ad aliquam sententiam. 1. per educationem ac Magistrorum institutionem. 2. Per libros, quos legunt. 3. Per præjudicia, ac principia generalia semel recepta. 4. Per socios, familiares, amicos, cum quibus conversantur. 5. Per passiones & affectus animi. 6. Per Deum, vel dæmonem, à quibus diriguntur. 7. Per sylvam rerum, & apparatus cogitationum, quas mente volvunt; qui enim in mente gerit innumeras cogitationes de objectis luxuriæ, iræ, invidiæ, vindictæ, ad similes sensus animi pronior est. 8. Per habitum quendam mentis seu naturalem seu acquisitum, quo quis attentionem suam ad ea objecta referre consuevit, ex quibus primum est ad talem conclusionem descendere. verb. grat. dicit Quesnellus propos. 2. JESU Christi gratia, principium efficax boni cujuscunque generis, necessaria est ad omne opus bonum; absque illa non solum nihil fit, sed nec fieri potest. Si hæc verba secundum se inspiciantur, possent admittere sensum bonum. Si verò inspiciatur intentio loquentis sufficienter expressa in contextu aliarum propositionum, continent errorem. Luth.

ri, quòd liberum arbitrium se habeat purè passivè. Inprimis enim Quesnellus per educationem apud Patres Oratorii, & per institutionem Magistrorum fuit imbutus principiis philosophicis Cartesii, Arnaldi sui Ducis, & Maignani, qui docuerunt, Deum solum agere omnia, & ipsum solum movere omnia tam in entibus corporèis, quàm in entibus spiritualibus, sicut, quando movetur baculus à manu. Pronum ergo erat Quesnello, per gratiam Jesu Christi intelligere eam motionem Dei, sine qua nec opus aliquod theologicè bonum, nec opus moraliter bonum, nec ullus alius effectus in toto mundo fieri potest; ob quod dicit: *Absque illa nihil fieri potest*. Hanc suam intentionem sufficienter etiam expressit in aliis propositionibus. v. g. Propos. 10. Gratia est operatio manus Omnipotentis Dei, quam nihil impedire potest, aut retardare. Et propos. 11. Gratia non est aliud, quàm voluntas Omnipotentis Dei, jubentis & facientis quod jubet. Et Propos. 23. Deus ipse nobis ideam tradidit. Omnipotentis operationis suæ gratiæ, eam significans per illam, qua creaturas è nihilo producit, & mortuis reddit vitam.

2. Pro illo sensu stat præsumptio, qui facilis resultat ex principiis, ideis, documentis, aut objectis authoris familiaribus. verb. gr. dicit Quesnellus propos. 71. Homo ob sui conservationem potest se dispensare ab ea lege, quam Deus condidit propter ejus utilitatem. Si quis consideret alia generalia Quesnelli principia, quòd Ecclesia sit sola collectio justorum; si quis consideret objecta Quesnello familiaria, nempe transgressiones legum Ecclesiæ, declamationes in Clerum Ecclesiæ, conversatio cum scæminis liberrima, quis non damnet hanc

propositionem tanquam scandalosam fidelibus?

3. *Pro illo sensu fiat praesumptio, qui conformior est doctrinae auctoris alibi tradita.* quivis enim Scriptorum censetur velle servare consequentiam doctrinae. Adeoque ille sensus, qui tribuit majorem connexionem, ordinem, claritatem, aut soliditatem toti Systemati doctrinae, praefendus est. v. g. Christus dicit: Pater major me est. Hoc posset intelligi vel de Christo secundum naturam divinam, vel de Christo secundum naturam humanam. Si intelligeretur secundum naturam divinam, contradicere videretur Christus sibi ipsi. Si vero intelligatur secundum naturam humanam, plana est doctrina Evangelii de persona Christi, & mira claritate omnes textus sibi invicem consentiunt, ut secundum naturam divinam inter Patrem & Filium intelligatur aequalitas, secundum naturam vero humanam infirmitas minoritas.

4. *Textus auctoris obscurus per alium clariorem explicari debet.* v. g. si cui videretur obscurum, dum Christus dicit: Nisi manducaveritis carnem meam, & biberitis sanguinem meum, non habebitis vitam in vobis. Clarius hoc reddebatur, quando Christus ostendit modum comestitionis, nempe subschemate panis, dicendo: Hoc est corpus meum. Et adhuc clarius, quando Christus per os Pauli dixit: Qui indignè manducat, judicium sibi manducat non dijudicans corpus Domini. Sic etiam propositio universalis per magis particularem explicanda est.

5. *Semper pro illo sensu fiat praesumptio, qui facilius auctori occurrit.* quia regulariter illud fit, quod primum est fieri. v. gr. quando in Psalmo dicitur: Dixit Dominus. Domini



Domino meo. quæri posset, de quali Domino David loquatur? sed quia apud Judæos famosa erat Messie expectatio, nil facilius, quàm quodd. Davidi cogitatio de Christo occurrerit. Et id verum esse, testatur in Evangelio Christus.

6. *Author præsumitur respicere ad illum finem, motivum, connotatum, objectum, quod illi facilius occurrit.* v. gr. dicit Christus Apostolis: Mittam in vos spiritum veritatis. Si dubitarent Apostoli, an ille Spiritus sit Angelus, vel aliquis homo; rectè concluderent, illum Spiritum alium non esse, quàm illum, de quo Scriptura & Christus aliàs frequenter fecerunt mentionem. non enim censendum est, Christum de alioloqui, quàm qui facillimè obijcitur illius menti, dum loquitur: facillimè autem menti obversatur illud objectum, de quo frequenter audimus, legimus, cogitamus, loquimur.

7. *Hinc pro illo sensu, qui non invenitur, nisi multis & difficilibus discursibus, non fiat præsumptio.* v. g. si hæc verba Christi: *Hoc est corpus meum*, non intelligeremus in sensu literali, non sine laboriosa interpretatione intelligeretur tropus. Si dixisset: corpus meum est panis; fortè posset intelligi facilius. At cum dicit: *Hoc est corpus meum*, nescimus quid voluisset dicere, sine Commentario. Cum igitur nemo censeatur versari circa conceptus difficiles sine necessitate, præsumendum est, sensum esse clarum.

8. *Hinc etiam non præsumitur verbis subesse aliqua notio prorsus recondita ac extraordinaria, qua intelligi non possit sine extraordinario magisterio, subsidiis, vel attentione.* Ratio est, quia dum loquimur, ut intelligamur, loquimur. Hoc autem intelligendum est.

est de via ordinaria, in qua nulla suadet ratio, ut obtegatur veritas.

9. In articulis fundamentalibus fidei consentiendum est, illum subesse sensum, qui est clarus & obuius. Ratio est, quia necessaria ad salutem omnium clarissime proponi debent. Hinc Luthetani & alii hæretici prorsus desipiunt, qui, dum universim jaclant, Scripturam esse claram, non solum articulis fundamentalibus tribuunt sensum prorsus quæsitum, sed & ad intelligendam Scripturam dicunt opus esse passim linguarum subsidio. v.g. est aliquis textus ac articulus fundamentalis: *Hoc est corpus meum*. Hunc ita explicant, ut sensus sit: *Sub hoc pane latebit sub comestione corpus meum*. Est alius articulus & textus fundamentalis, *Accipite Spiritum Sanctum*, quorum remiseritis peccata, remittuntur eis, & quorum retinueritis retenta sunt, illi sic explicat, ut sensus sit: quibus annuntjatis evangelium, illis per præteritum baptismum, & fidem suam remittuntur peccata, & quos non baptizatis, illis retenta sunt. Nemo hucusque hunc sensum ante Luthetum in verbis Christi reperit: Aded nempe sensus erat obuius, & aded clara est Scriptura.

10. Pro illo sensu stat præsumptio, in quo verba intelliguntur ab audientibus, siue reprehensione. v.g. ex eo, quod Christus Judæos non reprehenderit, quando ejus verba sic intellexerunt, ut faceret seipsum Deum, rectè inferimus, quod verba Christi revera habuerint hunc sensum. Similiter etiam quando Judæi & multi discipuli intellexerunt verba Christi de comestione corporis sui, tanquam de comestione reali, & Christus eos non reprehendit, nisi circa modum comestionis, rectè inferimus, quod Christus revera locutus fuerit de comestione reali, sed tamen sub modo existendi spirituali in Eucharistia. semper enim

enim author præsumitur intendere illum sensum verborum, quem prævidet ingenerandum fore auditoribus.

11. *Pro illo sensu stat præsumptio, per quem singulis verbis assignari potest congruum motivum, & congruus finis.* v.g. quando Christus Joannis 6. discursum de Eucharistia instituit, loquitur ab initio de figura illius, de Manna, quod Moyles dedit, & quod physice comestum est, dein loquitur de natura utriusque, quod utrumque de cælo descenderit. dein loquitur de effectu, quod hunc panem comedens comedat vitam. dein exaggerat modum comedendi, dicens: *Caro mea verè est cibus.* idem sæpius repetit. & cum posset aliis verbis clavis explicare mentem suam si vellet loqui de manducatione spirituali per fidem, id non facit, nec publice, nec privatim coram discipulis. Planè horum omnium non potest assignari congruum motivum, nec congrua ratio, & finis, nisi dicatur, Christum voluisse omnibus modis indicare comestionem realem sui corporis. ut confunderetur futurorum hæreticorum perfidia.

12. *Pro illo sensu non stat præsumptio, qui virtutem prudentem dedecet.* talis autem sensus foret. 1. Ad quem Author devolveretur nulla prius data per discursum occasione. 2. Si author in tali sensu nullam haberet finem prudenter intendibilem. 3. Si in tali sensu loqueretur prorsus impertinenter, aut inconvenienter ad finem intentum. 4. Si in tali sensu nullo modo satisfaceret expectationi audientium, aut merito, & exigentia objecti. 5. Si author magno verborum apparatu occuparetur circa rem facilem, aut exigui momenti, aut nullius consequentia. 6. Aut si nudum diverberaret aerem. verb. gr. si in allato exemplo Christus dicere-

## §. 4.

*De Argumento negativo petito ex silentio  
Aurhorum.*

1. **F**actum antiquum; de quo nihil scribunt  
Auctores, qui illud potuissent & debuif-  
sent annotare, pro fabula habendum est. Sic  
conveniunt & statuunt Eruditi. Requiritur  
ergo duo ad hoc, ut argumentum nega-  
tivum ex silentio Aurhorum petitum bonum  
sit. 1. Requiritur, ut potuerit Author scri-  
bere & annotare rem gestam: ut nempe ha-  
buerit de re gesta notitiam certam, & ut ha-  
buerit occasionem facilem ea de re scribendi.  
non enim possunt convenienter annotari res  
gestæ, si aut tantum habeatur notitia dubia  
vel si ea historia non conveniat scopo operis,  
quod sibi Scriptor proposuit. Sicut enim no-  
stris temporibus multa à plurimis sciuntur,  
quæ possent scribi pro notitia posteritatis et-  
iam memorabilia, & tamen non scribuntur,  
quia vel occupationes, vel status, vel sco-  
pus cujusvis viri docti non permittunt, ne  
de qualibet re memorabili scribat commen-  
tarium, sic nec antiquitus id fieri potuit. 2.  
Requiritur, ut Authores habuerint occasio-  
nem facilem de tali re gesta scribendi. Talis  
autem occasio adesse censetur, si alias scri-  
plerant librum in eadem materia; si factum  
seu res gesta sit adeò memorabilis, ut non  
censeatur ex injuria vel oblivione omissum;  
si Author habuisset specialia motiva, inse-  
rendi mentionem de re taliter gesta.
2. *Consuetudines integri populi, aut sectæ,  
de quarum origine non testantur Scriptores coevi;  
pro antiquioribus haberi debent.* v. g. quæstio  
est de antiquitate Confessionis auricularis  
in Romana Ecclesia, aut de dogmate  
Eucha-

Eucharistiæ , volunt Hæretici , hæc omnia penitus de novo orta esse multis post Christum sæculis. Quis verò credat ; hæc oriri potuisse in Ecclesia sine ingenti strepitu & commotione totius Ecclesiæ , aliquibus eam novitatem recipientibus , aliis recusantibus . Si ergo in Authoribus est altum silentium de tali strepitu ob novationes Ecclesiæ , signum est , tam enormes novationes nunquam contigisse ; & eum successivè introduci non potuerint , quin semel patere debuerit novationis recens enormitas , signum est , talia Sacramenta Ecclesiæ quoad substantiam semper fuisse in Ecclesia .

3. *Argumentum ex silentio Authorum circa res ; quas periculosum eloqui , nullum est .* v. g. si Author nullam faciat mentionem de crimine illustis personæ , aut de veritate aliqua odiosa multitudini , qualis esset laus Tyranni , non propterea bona erit argumentatio : *AutORES de hac re nullam faciunt mentionem , ergo non datur .* Ad eoque in similibus silentium non potest haberi pro ignorantia , sicut & in odiosis non habetur pro consensu .

4. *Si quis Author ad probandum suam assertionem non utitur argumento omnium optimo , censetur illud non agnovisse .* verb. grat. si ad conclusionem suam probandam in Philosophia serviret aliquis clarus textus Aristotelis , aut celebris experientia , si Peripateticus his non utatur , censetur eorum nullam habere noticiam , aut actualem memoriam .

5. *Argumentum Hereticorum contra Sacramenta Ecclesiæ , petatum ex silentio Scriptorum primitivæ Ecclesiæ , nullum est .* quia licet illis Scriptoribus permissum fuerit , generalibus terminis loqui ad populū de Sacramentis Ecclesiæ

non tamen fuit illis permiffum explicare enucleatius in fcriptis publicis ritus & myfteria illorum Sacramentorum, ne irriderentur à Gentilibus, & vilefcerent coram impiis, prout fuſè probat Schellſtrate in libro De Diſciplina Arcani. Sic Tertullianus l. x. contra Gentes c. 7. à Chriſtianis ſacris depellens ſuſpicionem occultorum criminum ait: „ A quibus potuiſſet talis fama in totum orbem dari? ab ipsis enim Chriſtianis non opinor, cum vel ex forma ac lege omnium myſteriorum ſilentii fides debeat: quanto magis talium, quæ prodita non evitarent ſupplicium? ſi ergo non ipſi proditores ſui; ſequitur ut extranei. Oro vos, extranei undè notitia? cum etiam juſta & licita myſteria omnem extraneum caveant. Et Origines l. i. contra Celſum, ait: Quoddam in doctrina Chriſtiana quædam inſunt, quæ non annuntiantur quibuſvis, id non ſolius doctrinæ Chriſtianæ proprium eſt, verum etiam Philoſophicæ. nam & illi exteriorem, & occultioſiorem doctrinam habebant, alii Pythagoram audiebant contenti ipſius authoritate; alii ſecretè diſcebant rationes non evulgandas in profanos nondumque purgatos. Sic occultanda eſſe myſteria Eccleſiæ cavent omnes SS. Patres, prout in Schellſtrateno videri poſteſt.

## P A R S III.

*Hermeneutica, seu de Interpretatione ..*

## §. I.

*De vario verborum sensu.*

1. **S**ensus verborum proprius est, quem usus loquentium immediatè ac plerumque verbis subjicit. verb. gratia si Christus dicit: *Hoc est Corpus meum*.. Hic modus loquendi similis est communi modo loquendi, quo dicimus: *Hoc est lignum. Hoc est lapis &c.* quibus loquendi formulis plerumque ac immediatè intelligitur corporalis rei demonstratæ præsentia..

2. *Sensus verborum improprius* est, quem usus loquentium aut rard, aut tantum mediatè verbis subjicit, verb. grat. si dico, *Prata vident*.. Antequam intelligam, quid sibi velit propositio, cogitandum mihi est de risu hominis, ac dein primùm similitudo transferenda ad agrum: itaque non immediatè, sed mediatè devenio ad intelligendam fecunditatem agri lætam hominibus..

3. *Sensus primarius* verborum est, quem verba secundum se præferunt. *Sensus secundarius* est, quem verborum circumstantiæ, aut modus tendendi ingenerant. verb. grat. si Herus famulo dicat: *Jam ades à laboribus?* Sensus obvius verborum præfert laudem famuli. Si verò ex circumstantiis sciam, famulum ferò venisse, significant Ironiam. si

denique herus vehementia quadam & minaci vultu eadem verba proferat; significabunt iram Domini.

4. *Sensus verborum obvius est*, quem aut verba, aut manifestæ verborum circumstantiæ præferunt, verb. grat. si Lutherus dicat: *Sola fides ad salutem sufficit*. quis non in sensu obvio propositionem hæreticam clamet?

5. *Sensus ad Authorem intentus* dicitur, qui verbis de se ad duplicem sensum indifferen- tibus per contextum ab Authore tribuitur. verb. grat. dum Quesnellus dicit; *Quem Deus vult salvare, infallibiliter salvatur* propositio potest intelligi de voluntate Dei efficaci, & inefficaci. quia verò per contextum, & alias propositiones simul damnatas, quibus sufficien- ter explicatur totum Systema Gratiæ Quesnel- lianæ, constat, Quesnellum loqui de quavis vo- luntate Dei, eumque non admittere voluntatē Dei inefficacem, rectè propositio in sensu ab Authore intento damnata est.

Cæterum quid sit sensus verborum strictus, æcommodus, distributivus, copulativus, collectivus, disjunctivus, disjunctus, redup- licativus, denominativus, concretivus, materialis, formalis, privativus, exclusivus, &c. jam in Summulis dictum est.

## §. II.

### *De Principiis interpretationis*

1. **T**ria sunt principia interpretandi sen- sum verborum. 1. *Usus loquendi*. 2. *Intentio loquentis*. 3. *Subiecta materia*, circa quam versatur propositio.

2. *Pro illo sensu stat præsumptio, quem verba communiter habent ex usu loquentium*. v. gr. si Christus dicit; *Ego & Pater unum sumus*; Pater



Pater in me, & ego in patre. Si velimus invenire sensum horum verborum, ab initio inquirendum est, quem sensum ex communi usu loquendi iste modus verborum habeat; & videbimus, quod sola unitas voluntatum per affectionem in amicis non soleat similibus verbis exprimi.

3. Quando verba ex usu loquentium sunt indifferentia ad duplicem sensum, tunc respiciendum est ad intentionem loquentis. Et sic pro illo sensu stat præsumptio, ad quem intentio ac dispositio loquentis pronior est. v.g. in priore exemplo, si verba Christi mihi viderentur indifferentia ad unitatem moralem per affectum amicitiae, & unitatem physicam, inspicerem intentionem Christi, aliunde notam; & viderem, Christum velle insinuare dignitatem omni humana maiorem, quod non obtineret per unitatem moralem cum Deo.

4. Quando nec usus loquendi certum sensum determinat, nec intentio loquentis nota est, recurrendum est ad circumstantias verborum, ad contextum, ad connexionem doctrinae, ad totum discursum, id est, ad subjectam materiam. Et sic pro illo sensu stat præsumptio, quem subjecta materia facilius ingenerat. v.g. si in priora exemplo non esset nota intentio Christi, attenderem ad explicationem Christi, & viderem, quod Christus sibi tribuat eadem opera, quæ operatur Deus; & quod testetur, se jam fuisse ante Abraham, & similia, hæc omnia non conveniunt nisi illi, qui habuerit unam naturam cum Deo.

## §. III.

*De sensu verborum, inquan-  
tum desumitur ex usu  
loquentium..*

1. **S**ensus verborum ex usu illorum temporum, quo usurpantur, aestimari debet. Contingit enim non rarò, quòd eadem verba successu temporum diversum sensum accipiant. v. g. τὸ ὁμοῦσιον consubstantialis aliquando in Oriente non fuit admissum à D. Basilio, quia ibi locorum, & eo tempore non retulerunt hoc nomen ad naturam, sed ad personalitatem. Similiter D. Hieronymus aliquamdiu noluit admittere in Deo tres hypostases, quia eo adhuc tempore nondum habuit adhuc universalem usum pro personalitate. Hinc si sensus verborum dubius est, rectè attenditur ad usum temporum antecedentium & subsequentium ad propositionem controversam. verb. gr. si velimus scire, qualem sensum in Novo Testamento habeat nomen *Ecclesia*, inspiciamus, qualem habuerit sensum in Veteri Testamento, & qualem temporibus primitivæ Ecclesiæ. cum enim significatio verborum non mutetur tam subito, exindè colligemus, nomen Ecclesiæ sumptum non esse tantum pro collectione justorum. Idem dicendum, de nomine *penitentia*, utrum sumptum fuerit tantum pro proposito novæ vitæ, ut voluit Lutherus, an verò etiam pro dolore, ac detestatione vitæ præteritæ.

2. *Semper fiat præsumptio pro sensu famosi-  
ori.* v. g. dicit aliquis: SS. Patrum non neglign-  
dam esse confessionem. Hic terminus solet  
usurpari de ea confessione, quæ fit Sacerdoti, &  
de illa, quæ fit Deo, quia tamen prior signifi-  
catio.

causiosamestior, & in populo tritior. est, censendum est; Scriptorem loqui de confessione, quæ de gravibus criminibus fit. Sacerdoti.

3. *Sensus verborum recte desumitur à sensu verborum consimilium, correlativorum, aut analogorum.* v. g. Joan. 6. Christus dicit: *Qui credit in me, habet vitam æternam.* Sensus tamen non esse exclusivum aliarum obligationum, & bonorum operum ex aliis Christi verbis similibus intelligitur. Sic Marci 16. dicit: *Qui crediderit, & baptizatus fuerit, salvus erit.*

4. *Sensus verborum intelligitur ex eorum operationibus.* verb. grat. dicit Christus: *Super hanc petram ædificabo Ecclesiam meam.* particula demonstrativa *hanc* posset referri ad confessionem Petri, vel ad personam Petri; cum verò videamus hanc promissionem Christi id operatum esse, ut postea Petro commendaret oves suas, rogaretque pro eo, ne deficeret fides illius, ut confirmaret cæteros Apostolos, &c. non dubium, quia hæc verba Christus etiam retulerit ad personam Petri.

5. *Qualis olim fuit sensus verborum, etiam nunc idem præsumitur; & vicissim, qualis nunc est verborum sensus, etiam antiquitus idem fuisse præsumitur;* maximè in ea materia, in qua interest Divinæ Providentiæ cavere, ut maneat semper idem sensus verborum. v. g. Sacramentum est nomen usurpatum antiquitus in primitiva Ecclesia, & nunc. Nunc per Sacramentum intelligitur signum sensibile, quod significat simul, & simul confert gratiam; itaque in re tanti momenti censendum est, Divinam Providentiam sic disposuisse mentes fidelium & Doctorum, ut etiam antiquitus in nonnullis materiis v. g. in materia Baptismi idem per nomen.

nomen Sacramenti intellexerint. Ratio hujus regulæ est, quia licet successu temporum mutetur quandoque significatio verborum, ea tamen mutatio non præsumitur, nisi in casibus, in quibus specialiter probatur.

## §. IV.

*De sensu verborum, in quantum  
desumitur ex intentione  
loquentis.*

1. **I**ntentio loquentis præsumitur respicere ad illum sensum, ad quem aliunde est magis dispositus. Disponuntur autem humana ingenia ad aliquam sententiam. 1. per educationem ac Magistrorum institutionem. 2. Per libros, quos legunt. 3. Per præjudicia, ac principia generalia semel recepta. 4. Per socios, familiares, amicos, cum quibus conversantur. 5. Per passiones & affectus animi. 6. Per Deum, vel dæmonem, à quibus diriguntur. 7. Per sylvam rerum, & apparatus cogitationum, quas mente volvunt; qui enim in mente gerit innumeras cogitationes de objectis luxuriæ, iræ, invidiæ, vindictæ, ad similes sensus animi pronior est. 8. Per habitum quendam mentis seu naturalem seu acquisitum, quo quis attentionem suam ad ea objecta referre consuevit, ex quibus primum est ad talem conclusionem descendere. verbi grat. dicit Quesnellus propos. 2. JESU Christi gratia, principium efficax boni cujuscunque generis, necessaria est ad omne opus bonum; absque illa non solum nihil fit, sed nec fieri potest. Si hæc verba secundum se inspiciantur, possent admittere sensum bonum. Si verò inspiciatur intentio loquentis sufficienter expressa in contextu aliarum propositionum, continent errorem. Luth.

ri, quòd liberum arbitrium se habeat purè passivè. Inprimis enim Quesnellus per educationem apud Patres Oratorii, & per institutionem Magistrorum fuit imbutus principiis philosophicis Cartesii, Arnaldi sui Ducis, & Maignani, qui docuerunt, Deum solum agere omnia, & ipsum solum movere omnia tam in entibus corporis, quàm in entibus spiritualibus, sicut, quando movetur baculus à manu. Pronum ergo erat Quesnello, per gratiam Jesu Christi intelligere eam motionem Dei, sine qua nec opus aliquod theologicè bonum, nec opus moraliter bonum, nec ullus alius effectus in toto mundo fieri potest; ob quod dicit: *Absque illa nihil fieri potest.* Hanc suam intentionem sufficienter etiam expressit in aliis propositionibus. v. g. Propos. 10. Gratia est operatio manus Omnipotentis Dei, quam nihil impedire potest, aut retardare. Et propos. 11. Gratia non est aliud, quàm voluntas Omnipotentis Dei, jubentis & facientis quod jubet. Et Propos. 23. Deus ipse nobis ideam tradidit Omnipotentis operationis suæ gratiæ, eam significans per illam, qua creaturas è nihilo producit, & mortuis reddit vitam.

2. Pro illo sensu fiat presumptio, qui facilis resultat ex principiis, ideis, documentis, aut objectis auctoris familiaribus. verb. gr. dicit Quesnellus propos. 71. *Homo ob sui conservationem potest se dispensare ab ea lege, quam Deus condidit propter ejus utilitatem.* Si quis consideret alia generalia Quesnelli principia, quòd Ecclesia sit sola collectio justorum; si quis consideret objecta Quesnello familiaria, nempe transgressionem legum Ecclesiæ, declamationes in Clerum Ecclesiæ, conversatio cum sceminis liberrima, quis non damnet hanc

propositionem tanquam scandalosam fidelibus?

3. *Pro illo sensu fiat præsumptio, qui conformior est doctrinæ auctoris alibi traditæ.* quivis enim Scriptorum censetur velle servare consequentiam doctrinæ. Adeoque ille sensus, qui tribuit majorem connexionem, ordinem, claritatem, aut soliditatem toti Systemati doctrinæ, præferendus est. v. g. Christus dicit: Pater major me est. Hoc posset intelligi vel de Christo secundum naturam divinam, vel de Christo secundum naturam humanam. Si intelligeretur secundum naturam divinam, contradicere videretur Christus sibi ipsi. Si verb. intelligatur secundum naturam humanam, plana est doctrina Evangelii de persona Christi, & mira claritate omnes textus sibi invicem consentiunt, ut secundum naturam divinam inter Patrem & Filium intelligatur æqualitas, secundum naturam verò humanam infirmitas minoritas.

4. *Textus auctoris obscurus per alium clariorem explicari debet.* v. g. si cui videretur obscurum, dum Christus dicit: Nisi manducaveritis carnem meam, & biberitis sanguinem meum, non habebitis vitam in vobis. Clarius hoc reddebatur, quando Christus ostendit modum comestionis, nempe subschemate panis, dicendo: Hoc est corpus meum. Et adhuc clarius, quando Christus per os Pauli dixit: Qui indignè manducat, judicium sibi manducat non dijudicans corpus Domini. Sic etiam propositio universalis per magis particularem explicanda est.

5. *Semper pro illo sensu fiat præsumptio, qui facilius auctori occurrit.* quia regulariter illud fit, quod pronum est fieri. v. gr. quando in Psalmo dicitur: Dixit Dominus  
Domi-

Domino meo. quæri posset, de quali Domino David loquatur? sed quia apud Judæos famosa erat Messie expectatio, nil facilius, quàm quòd Davidi cogitatio de Christo occurrerit. Et id verum esse, testatur in Evangelio Christus.

6. *Author præsumitur respicere ad illum finem, motivum, connotatum, objectum, quod illi facilius occurrit.* v. gr. dicit Christus Apostolis: Mittam in vos spiritum veritatis. Si dubitarent Apostoli, an ille Spiritus sit Angelus, vel aliquis homo; rectè concluderent, illum Spiritum alium non esse, quàm illum, de quo Scriptura & Christus aliàs frequenter fecerunt mentionem. non enim censendum est, Christum de alioloqui, quàm qui facillimè obicitur illius menti, dum loquitur: facillimè autem menti obversatur illud objectum, de quo frequenter audimus, legimus, cogitamus, loquimur.

7. *Hinc pro illo sensu, qui non invenitur, nisi multis & difficilibus discursibus, non fiat præsumptio.* v. g. si hæc verba Christi: Hoc est corpus meum, non intelligeremus in sensu literali, non sine laboriosa interpretatione intelligeretur tropus. Si dixisset: corpus meum est panis; fortè posset intelligi facilius. At cùm dicit: Hoc est corpus meum, nescimus quid voluisset dicere, sine Commentario. Cùm igitur nemo censeatur versari circa conceptus difficiles sine necessitate, præsumendum est, sensum esse clarum.

8. *Hinc etiam non præsumitur verbis subesse aliqua notio prorsus recondita ac extraordinaria, qua intelligi non possit sine extraordinario magisterio, subsidiis, vel attentione.* Ratio est, quia dum loquimur, ut intelligamur, loquimur. Hoc autem intelligendum est.

enim author præsumitur intendere illum sensum verborum, quem prævidet ingenerandum fore auditoribus.

11. *Pro illo sensu stat præsumptio, per quem singulis verbis assignari potest congruum motivum, & congruus finis.* v.g. quando Christus Joannis 6. discursum de Eucharistia instituit, loquitur ab initio de figura illius, de Manna, quod Moyſes dedit, & quod physice comestum est, dein loquitur de natura utriusque, quod utrumque de cœlo descenderit. dein loquitur de effectu, quod hunc panem comedens comedat vitam: dein exaggerat modum comedendi, dicens: *Caro mea verè est cibus.* idem sæpius repetit. & cum posset aliis verbis clavis explicare mentem suam si vellet loqui de manducatione spirituali per fidem, id non facit, nec publice, nec privatim coram discipulis. Planè horum omnium non potest assignari congruum motivum, nec congrua ratio, & finis, nisi dicatur, Christum voluisse omnibus modis indicare comestionem realem sui corporis. ut confunderetur futurorum hæreticorum perfidia.

12. *Pro illo sensu non stat præsumptio, qui virum prudentem dedecet.* talis autem sensus foret. 1. Ad quem Author devolveretur nulla prius data per discursum occasione. 2. Si author in tali sensu nullum haberet finem prudenter intendibilem. 3. Si in tali sensu loqueretur prorsus impertinenter, aut inconvenienter ad finem intentum. 4. Si in tali sensu nullo modo satisfaceret expectationi audientium, aut merito, & exigentiæ objecti. 5. Si author magno verborum apparatu occuparetur circa rem facilem, aut exigui momenti, aut nullius consequentiæ. 6. Aut si nudum diverberaret aerem. verb. gr. si in allato exemplo Christus dicere-



ceretur loqui de sola manducatione spiritali per fidem ; sensus totius illius discursus esset ; Qui in me credit , habet vitam : Sed quæ fuisset tuæ occasio , quis finis loquendi cum tali verborum apparatu , & cum tanto scandalo de fide in Christum ? cur proponeret fidem per modum cibi ? quæ necessitas aut ratio in hoc tantum discursu doctrinam , quam alibi semper Christus tam clarè proponere consuevit , nempe necessitatem fidei , involvendi tantis ambagibus . Non igitur prudenter Christus fecisset , si necessitatem fidei , quæ nil continet occultandi mysteriorum , sub tantis involucris hac vice occultasset ; & sic rectè concluditur , sensum eorum verborum non esse de manducatione spiritali tantum , sed etiam reali . Simili modo redargui possunt quidam Theologi & Concionatores , qui ex Scriptura & SS. Patribus nonnunquam graviter inculcant paucitatem electorum , severitatem divinorum iudiciorum , & obligationes sanctissimas Christianismi ; interim tamen per alia media facillima omnibus porta latissima aperiunt cælum , & sic suis generalibus exaggerationibus nudum aerem diverberant . hi moneri possent , ut Evangelium & SS. Patres valdè severos sic explicent , ne reddantur ridiculi .

### §. 5.

*De sensu verborum , in quantum desumitur à subjecta materia .*

**P**RO illo sensu stat præsumptio , quem obvia objecti proprietates & circumstantiæ facilius ingenerant . v. g. dicit Evangelium : Verbum caro factum est . Si considerentur præcisè verba , possent intelligi de mutatione substantiali vel Divinitatis in carnem ,

nem, vel carnis in Divinitatem. Si autem considerentur obviæ proprietates & circumstantiæ in Christo, clarum erit, naturam divinam, & naturam humanam mansisse integram; adeoque sensum tantum est: quodd Verbum assumpserit naturam humanam.

2. *Propositio significat rem in eo statu, in quo omnibus occurrit & obvia est.* v.g. dicimus ad B. Virginem. *Vita, dulcedo, & spes nostra salve.* Si verba inspiciantur sola, scandalizabitur profanus & hæreticus, dicens: solum Christum ac Deum esse vitam nostram. Si verò inspiciat sensum horum verborum ex subiecta materia, videbit id significari, quod in objecto obvium ac omnibus notum est; nempe quodd B. Virgo causaliter per maternitatem, & meritoriè per intercessionem suam sit vita nostra. Verba enim eadem sequuntur in significando modum concipiendi; conceptus autem nostri sequuntur statum objecti obvium.

3. *Omnis verborum significatio sequitur modum objecti obvium.* v.g. dicimus in Romana Ecclesia. *Adoramus sanctissimam crucem.* Scandalizatur hæreticus, dicens, lignum non esse adorandum. Videamus ergo, qualis sit sensus horum verborum? Sed prius videamus, qualis sit status obvius objecti. In objecto reperimus lignum, & repræsentationem Passionis Dominicæ. Actuale consideratione hujus veritatis possumus testari signo externo vel genuflexione erga crucem, vel capitis detectione, vel osculo. Hæc externa signa possunt propterea dirigi in crucem, ut protestemur, crucem, & non aliam rem esse rememorativum dulcis passionis; potest etiam propterea hoc rememorativum esse objectum amoris, æstimationis, & contemplationis fixissimæ, sicut aliud amici memoriale. Si ergo hæc omnia intelligamus nomine  
ado.

adorationis, & nomine cultus, non erramus, Sed errant Hæretici, qui non intelligunt, eadem nomina, & eadem signa externa esse signa diversissimorum conceptuum pro diversitate subjectæ materiæ; sicut etiam in exercitio militari Gallico idem pulsus tympani est signum diversissimarum actionum, primis quidem ut retrocedant, secundis ut succedant; aliquibus ut sclopetum onerent; aliis, ut illud purgent. Miserrimi ingenii est, capere non posse, generalitatem & adorationem posse esse signa diversarum affectionum animi in spiritu & veritate.

3. In omni questione omnes conclusiones, probationes, objectiones, & solutiones intelligi debent in eo sensu, qui congruit melius ad subjectam materiam, & punctum controversiæ. quia prudens author ubique censetur respicere ad scopum & cardinem rei. v. gr. D. Paulus in quavis propemodum Epistola pro scopo habet celebrem aliquam controversiam, in ordine ad quam plures difficiles textus explicari debent. Sic in Epistola contra iudeos, qui gentibus volebant imponere iugum legis. in ordine ad hanc materiam dicit: *Judico hominem justificari sine operibus legis per fidem.* quæ dum Lutherus intelligit generaliter de omnibus bonis operibus etiam Christianæ legis, impiè cum suis errat.

4. Omnis questio præsumitur in eo sensu tractari, in quo consuevit & debuit tractari. v. gr. definit Concilium Tridentinum Sess. 4. Editionem Bibliæ Vulgatæ pro authentica habendam: scandalizantur Hæretici, dicentes: Vulgatam à textu originali in multis recedere. hi verò, ut aliàs sæpissimè errant, non intelligentes hunc terminum: *Authentica.* nec quæstionis statum. Non enim id significat, quod Vulgata in omnibus sit conformis

textui originali : sed quòd in usu Ecclesiæ publicè adhiberi debeat , permiffa Doctõribus & Concionatoribus licentia , Vulgatam femper explicandi juxta textum originale , vel etiam annotandi diverfitatem textus originalis ; prout videri potest in Menchio . Itaque Hæretici deberent priùs intelligere statum quæstionis , ut intelligerent terminos Ecclesiæ , usurpatos utique in eo sensu , quì respondet ad statum quæstionis communiter receptum .

5. *Nullus author præsumitur voluisse respicere ad illa objecta , quorum aliàs in natura nullum reperitur vestigium .* ratio est , quia prudens scriptor non loquitur de rebus incognitis , nisi quarum aut tradat , aut supponat claram notionem . v. g. quæritur , an Aristoteles voluerit per suam materiam primam aliquid intelligere corporeum , quod nullas omnino habeat dimensiones etiam interminatas ? id verò supponendum non est , quia nec natura , nec Aristoteles talis rei uspiam tradit claram notionem , nec etiam reperitur ejusmodi rei uspiam vestigium , ut Aristoteles indè ideam sumere potuisset , aut occasionem cogitandi .

6. *Pro illo sensu stat præsumptio , in quo re-  
lucet omnium proprietatum ac circumstantiarum in objecto obviarum ex reperibilibus connexio ad invicem .* v. g. in scripturis multa tribuuntur Deo , quæ debent explicari juxta naturam subjæctæ materiæ aliundè notam . v. g. dicitur Deus videre , audire , odorare , ambulare , loqui , sedere ; indurare cor Pharaonis , omnia mala facere in civitate &c. hæc omnia haud dubiè sic explicanda sunt , ut optima perfectionum divinarum , quas aliundè nobis & authori Scripturæ notas fuisse supponimus , ad invicem appareat connexio , ut nempe nil immen-

fitas derogat bonitati Dei se accommodantis humanæ exilitati, nec iustitia quidquam, patiatur à misericordia & sapientia, aut sanctitate Dei.

7. *Termini cuiuslibet artis aut disciplina in sensu intra peritos illius artis recepto intelligi debent.* verb. gr. dum dicimus, quòd Sacramenta causent gratiam ex opere operato, quòd infundantur habitus virtutum, quòd imprimatur character animæ &c. deberent Hæretici consulere nostros Theologos, non sua lexica.

8. *Objecta, quæ recipiunt diversas notiones, non præsumuntur in omnibus hominibus habere easdem notiones sub iisdem nominibus.* v. gr. dicitur Petrus esse vir doctus, prudens &c. quia autem doctrina & prudentia habent magnam latitudinem, quam suo quisque pede dimetitur, non est præsumendum, quòd ii, qui hoc dicunt vel audiunt, omnes habeant eandem notionem. Itaque in similibus respiciendum est ad circumstantias objecti, ut intelligamus, qualem mensuram prudentiæ, vel doctrinæ nobis insinuare voluerit propositio. Idem contingit in omnibus rebus, quæ augeri vel minui possunt, aut quæ habent multiplices partes.

## 9. VI.

*De sensu axiomatum, definitionum, divisionum, Inductionum, Enthymematum, integrorum Discursuum, ac Systematum.*

1 **A**xiomata tantum urgeri possunt in sensu aliundè evidenti. Nullam autem habent vim probandi in sensu aliundè dubio, obscuro, aut controverso. ratio est, quia axiomata vocantur veritates universaliter receptæ;

ceptæ; non est autem verosimile, propositionem aliquam fuisse universaliter receptam in sensu aliunde obscuro, aut controverso. v.g. est Axioma. *Qualis est causa, talis est effectus*; & vicissim: *Qualis est effectus, talis est causa*. Hoc non obstante Thomistæ admittunt, substantiam posse produci ab accidentibus. Itaque Thomistis non est evidens, requiri æquales perfectiones & naturam univocam inter causam & effectum; ergo Thomistæ in hoc sensu non admittent axioma; adeoque nec erit in hoc sensu axioma; quia axioma est propositio universaliter recepta, quatenus est recepta.

2. *Definitiones rerum simplicium tantum habendæ sunt pro definitionibus nominis*. v. gr. definiatur lux, albedo, sonus, existentia, seu ratio entis. Hæc entia non sunt aliquod compositum ex pluribus partibus, seorsim cognitæ, quale compositum est domus, homo, leo &c. in his enim, si quis seorsim cognovisset partes, per compositionem partium explicaretur & intelligeretur totum. Sed lux, albedo &c. non habent tales partes, adeoque vel per experientiam tota simul intelliguntur, vel omnino non intelliguntur, si per experientiam nota non sunt. Si cæco à nativitate mille faciam definitiones albedinis, frustra laboro. Itaque quando definio albedinem, & similia objecta simplicia, nil aliud facio, quàm recenscam illas circumstantias, in quibus experimur illud, quod vocamus albedinem. verb. gr. dicendo: Albedo est color segregativus visus. id est, ille color, qui visum dissipat, vocatur albedo.

3. *Definitio, de qua non constat, quod author eam vendere velit pro essentiali, tantum habenda est pro descriptiva*. quia plerumque authoribus satis est, si rem defini-

nitam distinguant à rebus non definitis per unam aliquam proprietatem rei attentione dignam. verb. gr. definiuntur à Theologis Sacramenta, virtutes, vitia; à Juristis contractus & actiones, à Logico termini, à Philosopho corpora &c. qui contentiosi sunt, impugnant definitiones, quòd accuratæ non sint, hi Scire deberent, tales definitiones plerumque esse descriptivas; & unius rei dari posse plures definitiones circumscriptivas, quarum una non sit notabiliter melior altera. verb. gr. aliquis definit iram; *quòd sit inordinata appetitio injurias proprias ulciscendi*. Alius eam definit: *Quòd sit inordinatus appetitus vindictæ*. Alius iterum: *Quòd sit vehemens motus animi propulsandi mali*. Denique. *Quòd sit inordinata accensio sanguinis circa cor propter ea, quæ contra palatum nostrum eveniunt*. Quis, nisi imperitus multum litiget de præferibilitate unius harum definitionum suprâ aliam, cum quælibet harum possit servire ad authoris propositum præ alia?

4. *Divisiones, & inductiones non sunt urgenda tanquam adequata*. verb. gr. S. Paulus Coloss. 1. facit divisionem Angelorum, dicens: *Sive throni, sive principatus, sive dominationes, sive potestates*. Imperitus foret, qui diceret, tantum dari quatuor choros Angelorum, eò quod hæc divisio sit adæquata, cum in aliis locis Scripturæ recenseantur alii adhuc ordines Angelorum. Idem Ephes. 3. enumerat distributiones donorum Spiritus Sancti, dicens: *Dedit quosdam Apostolos, quosdam autem Prophetas, alios verò Evangelistas, alios autem Pastores & Doctores*. Econtrà 1. Cor. 12. facit aliam divisionem, dicens: *Posuit in Ecclesia primum Apostolos,*

los, secundò Prophetas; tertio Doctores, deinde virtutes, exinde gratias curationum; opitulationes, gubernationes, genera linguarum, interpretationes sermonum. si quis vellet has divisiones ambas habere pro adæquatis & accuratis, haud dubiè erraret. Itaque divisionibus eosque utimur, quousque serviunt ad scopum sermonis; easque solas recensere solemus partes, quarum distincta expressio servit pro materia discursus. Accurata verò divisiones & inductiones in solis scriptis Scholasticorum exigi, & quæri debent.

5. *Quando in aliquo autore inter se pugnare videntur principia, & conclusiones, quæ deducuntur ex principiis, præsumendum est, autorem potius velle insistere principiis, quàm conclusionibus.* quia principia plerumque creduntur certiora esse & firmiora conclusionibus. verb. gr. Origenes sic discurret: Animæ in humanis corporibus non subiectæ forent tot miseriis, nisi in pœnam alicujus peccati; ergo jam peccarunt animæ humanæ ante ingressum in corpora humana. Hæc conclusio falsa est, antecedens verò & principium verum est. Itaque si Origeni alterutrum retractandum foret, præsumendum est, eum potius retractaturum consequens, quàm antecedens; & sic ex parte antecedentis pro dogmate Catholico in confirmationem adduci potest. Simile contingit, quando Cicero dicit: Datur libertas; ergo non datur Providentia. Vel quando Hæreticus dicit: Datur præmotio Dei & gratia ad omnes actus; ergo non datur libertas; omnis hî firmius censetur velle insistere suis principiis & antecedenti, quàm consequenti, & corollarii.



6. *Nullus author præsumitur intendere aliam suę doctrinę sequelam, nisi quam actu exprimit.* Ratio est, quia si sunt sequelę ordinarię, obvię, & levis momenti, non erat necesse, ut eas author doceret, aut docere intenderet. Si autem sunt sequelę prorsus extraordinarię, & difficiles, vel cogitavit author de talibus sequelis, vel non? si cogitavit? tunc saltem eas insinua- ret, vel caveret, vel extenuaret. Si de iis non cogitavit, tunc nec eas intendit, verb. gr. ante aliquos annos Wolfius defendit in Universitate Hallensi Systema Leubni- zianum Harmonię præstabilitę, vi cuius Deus ex prævisione determinationum vo- luntatis liberarum per scientiam mediam sic instruxit machinam mundi & huma- ni corporis, ut omnes motus corporis consequerentur, quos vult anima. Ad- didit Wolfius reliqua Systematis Leubni- ziani supposita. Reclamarunt reliqui Pro- fessores Hallenses, & imputarunt Wol- fio, quod duceret ad Atheismum, eum- que intenderet. Hoc nimium erat; aliud enim erat, quod ex Systemate Leubni- ziano prona sit ad Atheismum via. A- liud, quod illud systema à peritioribus si- ne Atheismo defendendi non posset, aut quod omnino intenderetur à Wolfio. Il- lud probabile videtur, hoc verò non vero- simile.

7. *Nullus author præsumitur cogitare de aliis suę doctrinę sequelis, nisi ordinariis, & cuivis statim primo aspectu obviis.* Ra- tio est, quia nihil præsumitur, nisi quod facile ac pronam est fieri. v. gr. S. Augusti- nus scripsit de necessitate gratię ad omnes actus meritorios. Monachi Adrumetini in- de concluderunt, non esse amplius ad- monendos, ac puniendos delinquentes, sed.

sed eos reliquendos gratiæ; idque crediderunt non solum ex doctrina S. Augustini consequi, sed & ab eo intendi. Revera autem D. Augustinus hanc sequelam nec prævidit, aliàs præcavisset; nec intendit, aliàs hos Monachos non increpasset. Sic etiam, quando S. Cyprianus insultat Stephano Romano Pontifici, videtur consequi, talem modum loquendi & insultandi non provenire ab ingenio agnoscente Romanum Pontificem pro Duce & Doctore Ecclesiæ: Sed ex aliis operibus S. Cypriani constat, eum hoc loco non cogitasse de hac sequela, multò minus intendisse. Itaque in similibus licet rejicere doctrinam Authorum, tanquam fontes errorum; sed non licet malignè interpretari mentem Authorum, nisi jam aliàs probata fuerit eorum maligna intentio, & vitæ improbitas.

8. *Integra systemata per paucas propositiones, quæ omnes systematis partes exhauriunt, explicari debent.* verb. gr. quæritur, quale systema doctrinæ D. Paulus habuerit in Epistola ad Romanos, S. Augustinus de gratia, D. Thomas in Philosophia? itaque conficienda est synopsis totius Epistolæ; si ista synopsis planam, ac solidam reddat connexionem omnium versuum illius epistolæ, signum est, sensum totius Epistolæ per eam synopsis penitus exhaustum esse. Si verò per eam synopsis non redditur ratio, cur D. Paulus in hoc versu sic fuerit locutus de lege, cur alibi sic de fide, cur alibi sic de prædestinatione & gratia &c. signum est, me per eam synopsis nondum attigisse sensum genuinum D. Pauli. Hæreticus verb. gratia diceret, hoc esse Systema D. Pauli; ut omnia dependant bona, & mala ab absoluta prædestinatione.

ne vel reprobatione ; indè fieri , ut aliqui consequantur gratiam , semper efficacem ; alii nullam ; gratiam nemini concedi , nisi credenti in Christum : & hinc fidem esse primam gratiam ; reliqua omnia opera , etiam legis , esse peccata , si sunt extra fidem ; fidem autem nunquam esse sine charitate . Sic Lutherus explicaret Systema D. Pauli , sic Quesnellus . At verò hæ paucæ propositiones non exhauriunt omnes partes Epistolæ Paulinæ . si enim verb. gratia fides est prima gratia , & nunquam sine charitate , cur D. Paulus dicit Philosophos inexcusabiles , quòd , ubi Deum ex ductu luminis naturalis agnoverunt , eum non tantquam Deum glorificaverint ? cur dicit , etiam Gentibus inscriptam esse legem naturæ ? cur dicit : Gloria & pax omni operanti bonum , Judæo primùm & Græco ? Cur dicit : Gentes , quæ legem non habent , naturaliter ea facere , quæ sunt legis ? Similia in Epistola Paulina reperiuntur plurima , quæ per illam synopsis Lutheranam & Quesnellianam via plana explicari non possunt . Itaque in ea synopsi non attingitur nec exhauritur sensus Paulini Systematis.

9. *Quando quæritur , utràm duo Authores quoad sensum Doctrinæ conveniant , non solum attendendum est ad conclusiones , sed potissimum ad principia , ad corollaria , ad objectiones & solutiones objectionum , ac denique ad principia extrinseca , dispositionem animi , & Providentiam Dei assistentem nonnullis Scriptoribus . v.g. quæritur an Quesnellus reipsa idem doceat , quod Lutherus ; an nonnulli ex imperitioribus Thomistis quoad sensum verborum conveniant quoad prædeterminationem & gratiam cum Jansenistis , & Calvino , an primitiva Ecclesia*  
circa

circa Eucharistiam & Sacrificium Missæ conveniat cum moderna? in tali questione considerandum est qualia Quesnellus, Lutherus, Thomistæ tales, Jansenistæ, & Hæretici habeant principia, quales adhibeant responsiones, &c. si in omnibus conveniunt, quis dubitet eandem esse doctrinam? aut si fortè in conclusione & adjunctis quoad terminos disconveniunt, sed tamen altera comparisonis pars absque præjudicio suæ doctrinæ uti posset iisdem terminis, cur non convenire dicendi sint? verb. grat. si & Jansenius & Calvinus potest sic loqui, dari libertatem à necessitate, & hominem stante præmotione Dei esse liberum ad oppositum in sensu diviso, non autem in sensu composito, cur non conveniant cum uno vel altero imperito Thomista, qui de reliquo eadem admittit principia, quæ Jansenius aut Calvinus? Similiter, si agnosco in Primativa & Moderna Ecclesia circa Eucharistiam eandem estimationem, quod sit vertex & res summa totius religionis nostræ, si video, quod habitum pro incomprehensibili mysterio, si semper ingentis peccati rei agniti sunt, qui in statu peccati gravis ut aliàs irreverenter accesserunt, si denique agnosco eandem directricem Ecclesiæ Providentiam maximè circa præcipuum articulum fidei, quis dubitet sensum doctrinæ veteris in Patribus, & modernæ in Scholasticis eundem esse?

## § VII.

*De sensu proprio, primario, et secundario propositionum.*

1. **I**N tantum sensus propositionis dicitur esse proprius, inquantum est usitatus apud eos, ad quos propositio dirigitur. v. g. in Scriptura multi continentur idiotismi, qui apud Judæos propriissimè significant, in aliis linguis & Nationibus essent locutiones improprie; v. g. quando Hebræi volunt ponere superlativum, sæpe repetunt verbum; quale est: *Morte morieris, vindicans vindicabo, currens cucurrit &c.* id est, valde cucurrit, se verè vindicabo, certè morieris.

2. Ille sensus, qui aliquando fuit proprius propositioni, presumitur semper manere proprius. v. g. *te adorare*, aliquando Veteri Testamento propriè loquendo significavit quemcunque cultum externum, ac respectivum. v. g. Gen. 49. *adorabunt te filii patris tui.* 1. Paralip. 21. *adoravit eum pronus in terram.* Censendum ergo est, hunc terminum eandem significationem retinuisse in novo testamento, sic aliquando diceremur adorare Sanctos, & Crucem Domini.

3. Ille sensus propositioni est proprius, quem homines similis cum auctore conditionis communiter verbo subjiçunt. v. g. solent Prophetæ uti his terminis: *Hæc dicit Dominus.* Apud alios homines qui diceret: *Hæc dicit Christus.* Propriè sensus esset; Deum, ac Christum vel scripto, vel manifesta revelatione aliquid mandasse. Sed apud Prophetas plerumque etiam propriè solum significat inspirationem internam. Similiter quando Philosophus dicit: *Calorem fornacis Babylonicæ fuisse in septimo gradu; homo in populo*  
cogi-

cogitaret, non fuisse adeò magnum, cum tamen apud Philosophos ille gradus septimus sit maximus.

4. *Ille sensus est propositioni proprius, quem Interpretes indifferentes communiter eidem subjiciunt.* quia præsumendum est, sic receptam fuisse à majori parte Interpretum propositionem, prout erat menti obvia. Hinc etiam observo, semper propositiones Scripturæ prævaluisse in Ecclesia in sensu obvio. verb. grat. propositio Christi instituentis Eucharistiam: Hoc est corpus meum, sine dubio in sensu obvio præfert realem præsentiam, indè factum, ut semper hic sensus tandem prævaluerit in Ecclesia, licet ab uno vel altero alius sensus iisdem tributus sit. Quia autem hic sensus prævaluit, eo ipso pro sensu proprio haberi debet; cum immediate significatio verborum ex voluntate hominum pendeat, quæ semper præsumitur fuisse eadem in avis & nepotibus.

5. *In illo sensu propriè accipienda est propositio, in quo illam prima fronte statim simpliciter concedit vel negat adversarius.* Hæc regula utilis est in disputationibus. in his enim textus Patrum vel Philosophorum, vel Scripturæ, ex quibus sumimus probationem, afferendi sunt sine ulla citatione, sic ut adversarius putare possit; eam propositionem esse nostram, ac nostra verba. Si dein adversarius eam propositionem simpliciter sine ulla distinctione neget, signum est, quod propositio, adeoque etiam autoritas Patrum vel Scripturæ, in sensu obvio & proprio illi sit contraria, & sic jam habetur intentum; nempe, quod textus faciat præsumptionem pro argumtante, cum semper præsumptio sit pro sensu obvio & proprio. v. g. dicit aliquis; colores noctu diuque esse permanentes in objectis; ego autem vellem probare, quod

colores non sint aliquid permanens, sed cum luce Solis primum objectis adveniant. Tunc possem sic argumentari: Quod abit & redit cum Sole, non est aliquid permanens: Sed color abit & redit cum Sole; ergo. Si adversarius negat minorem, dicam: hanc propositionem esse propè in terminis propositionem Ecclesiæ, dum in Breviario canit: *Rebusque jam color redit vultu nitentis Syderis.* Si dein adversarius primum velit distinguere, ac contendere, alium esse sensum hujus propositionis, quæram, an alius sensus, quem conatur adstruere, sit obvius & proprius, vel non? Si dicit, non esse obviu & propriu; ergo jam prome stat præsumptio ex sensu obvio & proprio propositionis. Si verò dicat; illum alium sensum esse propriu; dicam: cur ergo negaverit simpliciter propositionem, quæ in illo suo sensu, ut jactat, obvio & proprio vera est?

6. Ille sensus non potest esse proprius propositioni, quo stante adhuc propositioni affirmativæ posset substitui negativæ, aut vicissim. Non enim possunt duæ contradictoriæ propositiones esse veræ in sensu proprio. verb. gr. dicunt Lutherani, sensum hujus propositionis Eucharisticæ. *Hoc est corpus meum*, esse istum: sub hoc pane proximè sub comestione latebit corpus meum: Vel alii Hæretici: hoc est figura mei corporis. Si autem hic, vel alius similis erroneus sensus esse proprius ac obvius eorum verborum, potuisset etiam Christus propriissimè dicere: *Hoc non est corpus meum*; sicut possum propriissimè dicere, hedera non est vinum. dolium non est cerevisia, quæ continetur in doliq.

7. Ille sensus propriu non convenit verbo, qui potest exprimi alio verbo proprio. v.g. dicunt Lutherani, fidei nomen propriè significare fiduciam in Deum; sed hoc verum non est,

est, quia licet nonnunquam sumatur pro actus fiduciz, non tamen hoc significat in rigore & propriè quia ille actus fiduciz habet suum nomen proprium, *scilicet fiducia*.

8. Ille sensus non convenit verbis in sensu proprio, qui potuisset exprimi verbis longè clarioribus, propriis, ac cuius obviis. v. g. dicunt Lutherani sensum verborum Christi: *Hoc est corpus meum*, esse hunc: *sub hoc est corpus meum*. Sed hic sensus potuisset facillimè sine ullo motivo retrahente clavis verbis exprimi, dicendo: *Sub hoc pane latet corpus meum*. Hunc ergo sensum Christus non intendit; quia nemo censetur studiosè velle uti verbis obscuris, dum potest uti clavis.

9. Nulla locutio in scripturis aut Patribus, aut aliis Doctoribus conseri debet tropica, nisi tropus sit audienti per se sensibilis & manifestus. v. g. si dicerem: *Prata rident*, omnes intelligunt me loqui metaphoricè, quia risus non potest propriè convenire agris. Similiter quando dico: *Petra erat Christus*; vel: *Leo de tribu Juda*. omnes intelligunt hoc metaphoricè dictum; quia mens auditorum nunquam fuit specialiter vel per circumstantias vel per alia verba revocata ad proprietatem verborum. Sed quando Christus dicit: *Ego sum verè cibus*. Quando dicitur: *Qui indignè manducat, iudicium manducat*. Homines non possunt esse certi, quòd sit locutio tropica. Similiter quando dicitur: *Tota urbs victori obviam venit*. Sensibilis est Auxesis, & omnes intelligunt, quòd sit eminentis superjectio; quando verò dicitur: *angustam esse viam ad cælum*, tantum quasi reliquias in vindemia ex Israele salvos fieri, ex nullo capite nobis constare potest, quòd sit Tropus, & Auxesis, ac

Exag.



Exaggeratio; igitur ista in sensu proprio, prout jacent, intelligenda sunt. & universim etiam in SS. Patribus nunquam dicendum est, quod loquantur per Exaggerationem, si auditores ex circumstantiis intelligere possint, hoc esse dictum per Exaggerationem. Omnis enim Tropus & Exaggeratio, quæ sensibilis non est, sicut restrictio mentalis, mendacium est.

10. *Quando alia est significatio verbi ex institutione, alia ex consuetudine hominum, stat præsumptio pro posteriore.* v.g. Papa ex sua institutione significat quemcunque Episcopum; nunc verò usurpatur tantum pro summo Pontifice; & in hoc sensu nunc usurpatum à quovis præsumitur. Vel: *Præpositus*, ex sua institutione grammaticali significat quemcunque, qui alteri proponitur vel rei vel personæ; nunc verò ex consuetudine significat hominem in dignitate: simile est de verbo, *Imperator*, quod ex sua institutione Belli Ducem significat.

11. *Quando Author sapius sumit verbum in sensu improprio, quam proprio, præsumptio potius stat pro sensu improprio respectu illius Authoris.* v.g. S. Augustinus plerumque per nomen *charitatis* intelligit quemcunque actum voluntatis, in quantum tendit per appetitum in bonum. Quandoque ergo dicit, quod sine charitate Dei omnia sint peccata, & quod peccator non justificetur, quin habeat charitatem, præsumendum est, eum non loqui de alio actu charitatis, quam eo, quo quis appetit Deum, tanquam suum bonum & beatitudinem, quod fit in omni proposito serviendi Deo. modis illi placitis, ut quis salvus fiat.

12. *Quando aliunde morali certitudine constat, verbum hic & nunc non posse sumi in sensu proprio, stat potius præsumptio pro sensu improprio.* v.g. dicitur in Scriptura: *Vidit Deus,*

*ambulavit Deus, sedit Deus, Christus est ad dexteram patris* aliundè constat; Deo non convenire situm, & membra; ergo censendum est, hæc sumi in sensu improprio. Dixi autem, requiriri certitudinem moralem in oppositum. si enim sufficeret probabilitas, tunc per probabilitatem petitam ex ratione tolleretur probabilitas, ac præsumptio pro proprietate verborum, quod non est conveniens, eo quod proprietatem verborum certior sit, quam alia quævis probabilitas. Et supposito, quod essent æqualis probabilitatis, tunc ad summum redderetur quæstio dubia, ob utrinque æquales præsumptiones.

13. *Derivativa & etymologia non assequuntur sensum proprium etymologati primarii.* v. g. *civis, civitas, civilis, derivativa sunt, nec tamen omnes cives civiles, nec omnis civis Romanus in urbe, nec quisquis in civitate est, epipso civis est.* Itaque derivatio nominum non est derivatio proprietatum; & bene distinguendum id, à quo significatio translata est, & id ad quod significandum translatum est. Homo ab humo dicitur; non tamen humum, sed cælum spectet, nec quæ terrena ac humilia sapiat, sed cœlestia petat.

14. *Propositiones Doctorum in alio sensu, quam primario urgendæ non sunt, quando habent primarium.* Propositiones enim ab hominibus editæ non solent habere plures sensus, quàm unum, eo quod homo ad plura intentus de facili esse non possit. Aliud est dicendum de Scriptura, in qua Spiritus Sanctus censetur prævidisse adedque etiam intendisse omnes sensus possibiles tam literales, quàm tropicos, & morales, qui textui tribui possunt; ab humano ingenio. sed hoc de textibus Doctorum dici non debet, qui, si aliquando unum determinatum sensum receperint, ad alium extendi non debent, verb. gratia do-

cent SS. Patres, incarnationem esse incomprehensibile & ineffabile mysterium. Primariò intendunt SS. Patres, quòd nec ejus natura perfectè comprehendi, nec ejus existentia ratione deprehendi possit. Qui autem plus volunt, ut nec probabiliter ejus possibilitas ab humano intellectu cognosci possit; dicunt, hos textus Patrum posse etiam intelligi generaliter de omni incognoscibilitate; eo ipso asserunt his Patrum textibus duplicem sensum, unum primarium, in quo debent intelligi; alterum secundarium, in quo possunt intelligi; illum priorem sensum necessariò Patres debuerunt intendere; hunc alterum potuerunt intendere. Dico: hunc alterum sensum possibilem non sufficere pro formando argumento; quia sola possibilitas non infert actum.

15. *Omnis tamen propositio præter sensum primarium verborum potest simul recipere sensum secundarium circumstantiarum.* in tali enim casu non tam propositioni tribuitur duplex sensus, quàm verbis unus, & alter circumstantiis. v. g. si herus iratus servo clamet: *Venit tandem.* Ea propositio vi verborum significat mandatum de adventu; vi circumstantiarum significat iram Domini.

16. *Quando circumstantia propositionis sunt manifestæ ac obviæ, ex quibus ea falsa aut scandalosa redditur, tunc rectè propositio in sensu obvio falsa, aut scandalosa &c. dicitur, quamvis tantùm sit falsa aut scandalosa in sensu secundario.* verb. grat. Propositio. 2. Quesnellii est: *In vanum Domine precipis, si tu ipse non das, quod precipis.* Hæc propositio, ut jacet, potest habere sensum verum vi verborum. quia tamen ex circumstantiis ac contextu aliarum propositionum simul damnatarum patet, Quesnellum nullam admittere gratiam sufficientem ad implenda mandata, patet

patet sensum esse hunc: *In vanum Dominus precipis, si u non dar per gratiam efficacem, quod precipis*. Hic sensus erroneus ex circumstantiis obuius est; adeoque etiam propositio in sensu obvio erronea est. Cæterum, qualis propositioni ex circumstantiis sensus secundarius conveniat, dependet ex consuetudine hominum, quod enim alii homines in similibus circumstantiis solent cogitare, inferre, concludere; id censeretur pertinere ad sensum secundarium propositionis.

## S. VIII.

*De sensu universali, particulari, limitato, illimitato, absoluto & conditionate propositionum.*

1. **S**ubjectum propositionis indefinitæ in materia contingente præsumitur habere sensum particularem. verb. gratia, *Homo currit*. Sensus præsumitur esse, quod aliquis homo currat; non quod omnis homo currat.

2. Subjectum propositionis indefinitæ in materia necessaria, aut in dogmaticis præsumitur habere sensum universalem. verb. grat. *homo* aut *animal rationale*. Sensus est: *Omnis homo est animal rationale*. Vel si dico: *Peccatum mortale est infinitæ malitiæ*. Sensus est: *Omne peccatum est talis malitiæ*.

3. Prædicatum propositionis affirmativæ semper habet sensum particularem disjunctivum. Prædicatum verò propositionis negativæ semper habet sensum universalem distributivum. verb. grat. *Omnis homo est animal*. Sensus est: *est aliquod animal, vel rationale vel irrationale*. Aut: *nullus lapis est animal*. Sensus est:

est: nec rationale, nec irrationale; sed nullum.

4. *Nulla praesumitur propositioni convenire universalitas, nisi ad quam Auctori respicere prout erat.* v. grat dicit S. Paulus: *Omnes quae sua sunt quarunt, non quae JESU Christi.* Haud dubie hic Apostolus non respiciebat ad alios Coepiscopos, & Episcopos, & Clericos, & Christianos fervidos; sed ad communem modum vivendi, & turbam. nec enim congrueret veritati, & subjectae materiae, nec conveniret modestiae Pauli.

5. *Talis praesumitur propositioni convenire universalitas, ad quam solent respicere ii, ad quos propositio dirigitur, v. g. Joa. 12. dicitur: Totus mundus post eum abiit.* Qui hoc audierunt, facile intellexerunt, sermonem tantum esse de populo Judaico, eoque solum quoad magnam partem: itaque & in hoc sensu accipienda est propositio.

6. *Hinc propositioni non censetur convenire universalitas, quae difficulter occurrit loquenti & audienti: quia nunquam praesumptio stat pro rebus extraordinariis; sed mens solum respicere solet ad casus ordinarios; & objecta obvia ac ordinaria.* v. g. praecipit Assuerus. *Nullus nisi vocatus in conspectum Regis veniat.* Sed hac lege generali non respexit ad casum extraordinarium, in quo aliàs periclitaretur sua vel suorum salus; immò verò nec omnes comprehendit ea lege, prout ad Reginam fatetur: *Non pro te sed pro omnibus est hæc lex.* hinc etiam apud Theologos, & Juristas regula est: *Legislatorem in sua lege generali non comprehendere eos casus extraordinarios, ad quos si respexisset, non censeretur extendere legem.* v. g. datur lex: *Diem Sabbati sanctifices.* sed Machabæi bene explicant eam legem generalem, ut non comprehendatur universalis lege casus, quo aliàs tota gens obsessa

ab hostibus, nisi se defenderet die Sabbati, periclitaretur.)

7. *Propositio Generalis non debet restringi, nisi in quantum datur necessitas restringendi.* v. gr. dicit Scriptura: *Omnes peccaverunt in Adam.* Cogit quidem nos necessitas excipiendi Christum, & B. Virginem; sed ulterius propositio restringi non debet. Simile est: Nisi quis renatus fuerit ex aqua, & Spiritu Sancto, non potest introire in Regnum Dei. Propositio generalis etiam ad parvulos extenditur; quia ut excipiantur, nulla cogit necessitas ex auctoritate, vel sensu Ecclesiae, vel ex ratione.

8. *Veritas propositionis generalis non tollitur per exceptionem particularem.* v. gr. si quis diceret: Non est verum, quod omnes peccaverint in Adam, quia B. Virgo in illo non peccavit, nec in eo mortua est; talis rejiceretur ab omnibus, quia sensus & veritas propositionis universalis non se extendit ex intentione loquentis ad casum exceptum. Hæc regula bene notanda est contra quosdam contentiosos, & litigiosos homines, qui aliorum dicta abivis impugnant, tanquam erronea, ob meras exceptiones particulares. v. gr. si dicas: Melius est subesse Principi docto, quam indocto; & melius parere uni, quam multis. statim talis aderit, & dicet: Hoc non sequitur, quia sæpe Princeps doctus, cum fideret doctrinæ suæ, & ingenio, populum in hæreses, aut ruinam impulit. Hi tales scire deberent, propositiones tales generales indefinitas versari circa ea, quæ frequentius contingunt: poterunt ergo per modum discursus casus contrarios proponere, sed non decet ex casibus minus frequentibus contendere adversus veritates, quæ dicuntur ex eo, quod communiter contingit.

9. *Propositio illimitata censenda est fuisse ab Autore.*

*Auctore limitata ad eas conditiones limitantes, ad quas Author de facili potuit & debuit respicere. v. g. docet aliquis in Thesi illimitatè. licet sequi sententiam aequè probabilem relicta tutiore. si dein vel in annotandis, vel in explanatione, vel in solutione objectionum explicet, qualis debeat esse probabilitas, quale debuerit præcessisse examen & inquisitio de veritate, & quale debeat esse examen reflexum, conclusio sub his limitationibus & conditionibus intelligi debet.*

10. *Quævis propositio censetur esse tacitè conditionata, aut limitata secundum eas conditiones, quæ subjectæ materiæ per se insunt. verb. g. si dico: Præmotio Physica Thomistarum vel Prædestinationis decretum Calvinianum tollit libertatem, cuius est evidens, hanc propositionem esse tacitè conditionatam, ut sensus sit. si datur præmotio, tunc tollit libertatem; similiter, quando quis dicit: Gratino ibo ad nundinas. per se imbibita est conditio, nisi intervenierit impedimentum. Item, promittit quis alteri mille aureos, tacitè inest conditio; nisi res deveniat ad eas circumstantias, pro quibus promissio vel contractus non obligat. Itaque conditiones & limitationes, quæ per se insunt, non debent exprimi, sed subintelligi. Per se autem insunt illæ conditiones, quæ aut semper insunt ex natura objecti vel consuetudine hominum, aut quæ prudenter debuerunt apponi ad evitandum malum vel errorem, sic ut faciliè potuerint intelligi appositæ à viro prudente.*

11. *Hinc Conditio, quæ de facili potest, aut communiter solet subintelligi, debet subintelligi. Paret ex allato exemplo ituri ad nundinas.*

12. *Econtra propositio absoluta non debet intelligi sub ea conditione, quæ loquenti difficulter occurrit.*

*currit, aut quæ est prorsus extraordinaria. v. g. Promittit quis amico, se illum scripturum heredem, nulla apposita conditione. Dein testator levissima offensusuncula à testatorio offenditur; propterea revocat promissum, dicens: suam promissionem fuisse conditionatam, sub hac nempe conditione; Nisi se offenderit. quivis videt, conditionem ad quamvis levissimam offensusunculam non solere apponi, nec prudenter apponi; adeoque tanquam prorsus extraordinaria, nisi exprimatur, pro improbabili haberi debet.*

13. *Quando propositioni nulla apponenda est expressa conditio, aut limitatio, inanis est propositionis distinctio. v. g. dicat aliquis: Sol illuminat mundum. Si alter dein distinguat propositionem, dicens: De die, concedo. de nocte. nego. Hæc distinctio vana est, quia nullus unquam hanc propositionis limitationem exprimere vocare voluit, aut debuit, ut opus esset loquentem per distinctionem admonere de obligatione faciendæ limitationis.*

## *§. IX.*

*De sensu propositionum, qua important aliquam denominationem,*

1. **O**mnis denominatio importat subjectum & formam denominationis in statu omnibus obvio. v. g. dicit D. Paulus: Ecclesia Sponsa Christi; Ecclesia columna & firmamentum veritatis; Ecclesia sancta & immaculata. Subjectum denominationis est Ecclesia, Forma denominans est dignitas Sponsæ, firmitas veritatis, sanctitas. Jam quaeritur, utrùm hæ denominationes convenient Ecclesia



Ecclesiae visibili, prout docent Catholici; an verò Ecclesiae invisibili, prout docent Hæretici? haud dubiè conveniunt visibili. quando enim de re aliqua loquimur, loquimur de illa re, prout jam est nota audientibus, prout est omnium sensibus & mentibus obvia; rei in hoc obvio statu sumptæ tribuimus prædicata & formas denominationis, quascunque tribuimus. Si vèllemus de re aliqua jam nota loqui secundum alium statum sumptæ, in quo nondum nota est, deberemus monere Auditores aut Lectores. Jam verò evidens est, nihil Christianis primis notius ac magis obvium fuisse, quàm Ecclesiam visibilem seu collectionem omnium fidelium in unam professionem fidei conspirantium. hæc enim collectio significabatur nomine Ecclesiae in Veteri Testamento, & in novè omnibus aliis textibus non controversis, quomodo ergo fideles de alia Ecclesia cogitare, & formam denominationis ad aliud subiectum referre poterant, quàm ad Ecclesiam visibilem, nisi de alia Ecclesia admonerentur?

2. *Denominatio non potest tribui tali subiecto, cui forma denominationis in statu obvio sumpta non convenit.* v.g. volunt Hæretici, denominationē Babylonis, & Meretricis magnæ, quæ reperitur in Apocalypsi, nulli alteri subiecto convenire, nisi Romanæ Ecclesiae. Forma denominans ergo est, *Babylon, meretrix magna* Status obvijs, in quo objiciuntur menti à Joanne, est, quòd sit *habitatio Dæmonum, & custodia omnis Spiritus immundi, & custodia omnis volueris immundæ. & odibilis &c.* hic obvijs status convenitne meliùs Ecclesiae Romanæ, quàm Reipublicæ Romanæ Gentili? in Ecclesia Romana ejiciuntur ex obsessis corporibus dæmones, prout novissimè ex litteris Missionariorum Malabaræe evidenter demon-

monstratur, & ex mille alijs Documentis constat: hic sunt status religiosi, mortificatio corporis, jejunia, cultus Dei publicus solennissimus, cultus eorum Sanctorum, qui revera fuerunt amici Dei, ut sunt B. Virgo, & Apostoli, nulla publicè tolerantur lasciva spectacula, nulli permittuntur libri contra bonos mores, datur abundantia Doctorum, & Concionatorum ad bonos mores exhortantium, nihil denique occurrit, quod sit contra pietatem, aut rationem in aliqua hypothesi possibili Religionis verè possibilis. Econtrà in Republica Romana Gentili dæmonia colebantur publicè, adorabantur Dii scelestissimi Bacchus, Venus, Mars &c. qui non poterant esse amici Dei summi; in spectaculis publicis omnia erant plena luxuria & homicidiis, in divinationibus erat mera superstitio, nullibi personabant laudes Dei, nullibi Sacerdotes prædicabant reformationem morum. Quis tantus miror mentem occupet, ut non palpet, gentilitati illi Romanæ convenire Babylonis & meretricis magnæ mysterium, non Romanæ Ecclesiæ, legum probitate sanctissimæ?

3. *Forma denominationis tribuitur subjecto sub ea ratione, sub qua omnium facillimè illi potest tribui.* 2. *Forma denominationis tribuitur subjecto ob causam notiozem & certiozem.* 3. *Forma denominationis tribuitur subjecto sub ea ratione, sub qua subjectum ad formam est magis dispositum.* 4. *Forma denominationis tribuitur subjecto sub ea ratione, sub qua forma aptior est ad sui receptionem.* v. g. Christus dicitur passus; sub ratione tamen naturæ humanæ, non divinæ, quia sub hac ratione nulla est difficultas recipiendi denominationem. 2. Alexander denominatur Magnus, sub ratione Herois, quia notum est, ipsum fuisse magnum Heroem; non constat ipsum fuisse

fuisse magnum statura, aut magnum scientia. Itaque causa denominationis non est scientia; aut magnitudo staturæ, sed magnitudo virtutis bellicæ. 3. Homo denominatur mortalis non ratione animæ, sed ratione corporis, quia corpus ad corruptionem est magis dispositum. 4. Homo dicitur redemptus ratione animæ, quia redemptio magis potest recipi in anima, quàm corpore.

4. *Quando denominatio potest subjecto tribui ratione circumstantiarum, præsumitur eidem potius tribui ratione circumstantiarum, quàm ratione proprietatum.* quia circumstantiæ plerumque sunt notiores proprietatibus. Sic Scipio denominatur Africanus ob everfam Carthaginem; non ob patriam; notior enim est illa devastatio urbis, quàm patria viri unius.

5. *Universim ab eo fit denominatio, quod est magis obvium, aut cuius notabilius.* v. g. homo dicitur mortalis à corpore, quia corpus hominibus est magis obvium objectum, quàm anima, quæ est immortalis.

6. *Toti compositio tribuitur denominatio ob partem attentioni hominum magis expositum; siue illa pars sit notior, nobilior, aut ignobilior, parum interest.* Sic bonum dicitur ex integra causa, malum autem ex quolibet defectu, quia in laudibus attendimus ad ordinem totius, in vituperando ad partes singulas; dicitur pulchra domus, elegans homo, modò externa species pulchra sit, quamvis intus omnia plena sint ossibus mortuorum.

7. *Ob paritatem rationis non datur similis denominatio.* Sic quando in corpore humano una tantum pars ægra est, homo æger dicitur, econtrà quando in Republica aut communitate una tantum pars impia est, non statim Respublica aut communitas impia dicitur. Sic integumenta pedum vocamus calcæos à calce.

calce. econtrà integumenta manuum non vocamus manubias à manu, sed chyrothecas. & quamvis calcei sint etiam thecæ pedum, non tamen vocantur pedomthecæ. Itaque in denominationibus arbitrarium est hominibus ad quam formam, causam, aut paritatem denominantem velint attendere, nec datur una constans regula.

7. Ubi datur actualis denominatio, etiam semper debet dari actualis ratio denominationis. verb. gr. Petrus est justus. Debet ergo actu dari justitia, ob quam denominatur justus.

8. Ubi datur nova denominatio, debet dari nova pars. verb. gr. murus de novo denominatur albus. Debet ergo de novo poni in muro albedo, ob quam denominatur albus.

9. Quando forma denominans potest esse distincta à subjecto denominationis, datur communicatio idiomatum, in partibus totius, aliis non, v. g. in Christo natura humana dicitur esse infinitæ dignitatis, & ejus merita dicuntur esse infiniti valoris; econtrà natura humana in Christo non denominatur divina, nec æterna. quia dignitas est prædicatum proveniens per respectum intrinsecum rei ad formam dignificantem distinctam à subjecto denominationis. Econtrà divinitas & æternitas sunt prædicata intrinseca rei sine respectu ad aliam formam distinctam Deificantem, aut æternalisantem.

10. Non omne, quod est identificatum cum forma denominante, semper etiam denominat subjectum denominationis. v. g. Christus dicitur esse Deus, & tamen non dicitur, Christus est æternus, seu ab æterno. Ratio est, quia hoc prædicatum, quod est esse Deum, non potest verosimiliter referri ad naturam humanam; & idèd sine periculo erroris toti

tribuitur, quòd uni tantùm parti convenit. Si verò Christus diceretur æternus, periculum esset, ne ab hominibus hoc prædicatum etiam referretur ad naturam humanam creatam. Itaque dum Christus dicitur Deus, attentio hominum fertur ad naturam divinam unitam humanitati. Econtrà dum negatur Christus esse æternus, attentio fertur ad naturam humanam unitam Verbo.

\* 11. *Utrùm forma denominationis sit intrinseca vel extrinseca subjecto.* 2. *Utrùm conveniat subjecto reduplicative vel denominative &c. ex natura subjecti, & forma denominantis, & circumstantiarum aliunde notis desumi debet.* v. g. si dico, *homo iustus*, est denominatio. Lutherani volunt hoc esse denominationem extrinsecam, inquantum justitia Christi imputatur homini; Catholici verò dicunt, justitiam hominis esse formam inhærentem animæ; quæ & ornet animam, & simul habeat respectum essentialem ad justitiam Christi tanquam causam meritoriam hujus justitiæ inhærentis. An verò talis sit ista forma, an illo modo, utique ex natura rerum, aut per revelationem sciri debet. Natura certè rerum favet Catholicis; si enim anima, dum videt lucem, dum audit, gustat, mutatur per aliquid inhærens; cur non sit mutetur, dum ex filia gehennæ fit filia Dei? De reduplicatione possumus habere hoc exemplum. v. g. Lutherani dicunt, quòd sola fides quatenus est fiducia in merita Christi justificet. Nos Catholici dicimus, quòd etiam per bona opera justificemur, & quòd bona opera sint causa justificationis, sed quatenus uniuntur per fidem cum meritis Christi. Dicimus opera secundùm se nihil mereri, quàm parum lignum secundùm se fulget; sed si lignum deuretur, verum est, quòd fulgeat hæc sella, vel columna lignea. Et si opera  
per

per intrinsecum suum respectum ad merita Christi, in quibus confidunt per fidem, dignificantur per ea merita, verum est, quòd merita fidelium reduplicativè accepta, ut procedentia per fidem fiducialem, iustificent. Discant ergo Hæretici priùs loqui cum Scriptura, Ecclesia, & Theologis. Si aurum splendet, & fides iustificat, etiam lignum per aurum splendet, & opera per fidem iificant. Dices: ergo ratio iustificandi est fides? Dicimus; omnino sic esse: sed non sola fides iustificat. Petrus laudatur ob virtutem; ratio laudandi est sola virtus; num ergo sola virtus laudatur & amatur? an non laudatur etiam Petrus propter virtutem? Itaque laudatur Petrus quatenus probus; & opera iificant quatenus per fidem confidunt in Christo.

12. *Intantum denominationes inter se pugnant, inquantum formę denominationum inter se opponuntur. v. g. murus albus, murus niger, censentur denominationes contrariæ, quia formę denominantes, albedo & nigredo inter se contrariantur.*

## S. X.

*De sensu propositionum, quæ important aliquam causalitatem.*

1. **C**ausa, quæ in Scholasticis ac Dogmaticis adscribitur effectui, præsumitur esse adequata, sufficiens, necessario requisita, causa per se, causa finè qua non, immediata, ac principalis. quia in Scholasticis ac Dogmaticis regulatiter quæstio non solet institui de causa instrumentali, secundaria, mediata, inadæquata, causa per accidens. verb.g. quæritur in Philosophia causa attractionis magneticæ

causa ventorum, fontium, iridis &c. semper quaeritur causa per se talis, quæ ex sua natura ac primario ordinatur ad talem effectum. Itaque, quodcumque Philosophus aut Theologus effectui assignat causam, censetur velle assignare causam per se.

2. *Assignatio unius causæ dubia non est exclusio alterius causæ aliunde certæ ac notæ.* v. g. dicit aliquis; causam ascensus mercurii in Barometro esse gravitatem aeris; per hoc non excludit causas universales qualis est Deus.

3. *Talis præsumitur esse causæ cuiuslibet notio, qualis satisfacit fini loquentis, & expectationi audientis.* v. g. dicit Christus non potuisse aliquando ejici dæmonium propter incredulitatem vestram. Matth. 17. hic tantum expectabatur causa prohibens, & non physice, sed moraliter impediens. Itaque & particula causalis non importat aliam causam.

4. *In Jure, quando apponitur causa actioni, præsumitur ea esse fortissima.* quia quivis præsumitur meritum suæ causæ proponere modo meliore quo potest. v. g. contendit aliquis contractum emptionis esse nullum, quia læsus est ultra dimidium; censendum est, hanc causam esse præcipuam.

5. *Quidquid ex parte causæ exprimitur, præsumitur esse ratio causandi.* quia nihil præsumitur impertinenter poni ex parte causæ. verb. grat. dicit Scriptura: ipse (Christus) peccata nostra portavit; oblatus est, quia ipse voluit. Utrumque ergo causa crucifixionis est, quia voluit, & quia peccata nostra portavit. Vel sic: Nero tyrannus matrem occidit. hic Nero dicitur esse causa necis, sed simul causa fuisse dicitur non delictum occisi, sed crudelitas occisoris.

6. *Quidquid ex parte effectus exprimitur, præ-*

*presumitur pertinere ad rationem formalem effectus. v. g. Deus submersit Pharaonem impenitentem. ratio submergendi censetur esse obstinatio. Quod si tamen aliundè constaret, talia adjuncta ex alio fine causæ vel effectui apposita esse, cessat hæc præsumptio.*

7. *Quidquid in Scholasticis ac Dogmaticis assignatur per modum medii ac dispositionis ad finem; censetur assignari per modum medii per se requisiti ac propinqui ad finem. quia in Dogmaticis non solent institui quæstiones de mediis remotis, aut ad libitum talibus. v. g. dicit Juvenis Christo: Quid faciens vitam æternam habebō? Respondit Christus: Vade, & vende omnia, & da pauperibus. exitus monstravit, medium hîc assignatum fuisse hîc & nunc juveni medium necessarium ad finem. Idem est in Dogmaticis, qualia sunt Epistolæ Pauli, quando dicitur; Hoc fac, & vives, jam censetur assignatum medium sinè quo non: nisi ex circumstantiis pateat, tantum fuisse assignatum consilium.*

8. *Assignatio unius medii aut dispositionis ad finem non est exclusio alterius medii aut dispositionis aliundè certè & necessaria. v. g. dicit Christus: Qui crediderit & baptizatus fuerit, salvus erit. Et tamen alibi dicit solum: Qui crediderit. Et alibi dicit: Si vis ad vitam ingredi, serva mandata. Itaque in uno loco tantum fit sermo de medio controverso, cætera non controversa supponuntur.*



## §. 11.

*De sensu propositionum, quæ impor-  
tant aliquam paritatem,  
similitudinem, aut re-  
lationem.*

1. **I**n eo præsumitur fuisse instituta paritas aut similitudo, quod omnibus notum ac obvium est. v. g. Christus se comparat Jonæ exsistenti tribus diebus in ventre cete piscis. non tamen propterea se comparat cum Jonâ quoad culpam, nec in causa existendi, nec in fine ac exitu, nec in modo existendi, cum ille vivus, Christus autem mortuus sub terra fuerit, adeoque paritas non est urgenda ultra modum parem, notum, & obvium in utriusque correlativi historia.

2. Eousque urgeri potest similitudo aut paritas quousque ratio similitudinis aut paritatis facile potuit loquenti occurrere. v. g. Christus comparat Deum Judici iniquo, qui nulli facit justitiam, propter importunitatem tamen viduæ succurrit. Item comparat peccatorem conversum iniquo œconomo, qui debitoribus dimisit debitum. Clarum est, rationem similitudinis & paritatis non esse iniquitatem utriusque, sed modum succurrendi abstrahendo ab iniquitate causæ. tunc enim Christus non cogitavit nec attendit ad iniquitatem personæ vel rei, sed ad modum juvandi.

3. In eo censetur esse instituta paritas, in qua solo servit ad finem loquentis. v. g. Christus comparat regnum cælorum grano sinapis, & fermento abscondito in satis farinæ tribus. tunc voluit Christus discipulis augere confidentiam, ne absterrentur exiguo numero discipulorum suorum, pusilli gregis.

Itaque

Itaque ostendit, incrementum sumpturam Ecclesiam hanc visibilem, eamque augendam; ut crescit granum sinapis, & fermentum totam massam fermentat, sic ramos Ecclesiæ in totum orbem porrigendos, & doctrinam veræ Ecclesiæ tres orbis partes subacturam. In aliis verò non comparat Ecclesiam fermento, quòd totam massam corrumpit.

4. *Talis præsimitur termino relativo esse subiecta notio, qualem aliundè pronum est consequi ex dispositione loquentis & audientium.* quia relativa nullam servant constantem notionem ex natura rei, in qua augeri & minui possunt. v. g. dicit Historicus, Græciam eduxisse *magnum* exercitum, hic terminus *magnum* est terminus relativus, per quem fit comparatio ad alios exercitus. Quidquid enim magnum est, respectivè magnum est; & exercitus, qui apud Græcos magnus dicebatur, olim in Asia, & nunc apud Turcas, aut in Gallia diceretur parvus. Itaque si velim scire, quàm magnus fuerit ille exercitus, aliundè scire debeo, quales communiter fuerint Græcorum exercitus, ad quos solos respicere potuit Historicus Græciæ. Idem est, si aliquis dicat: *Ecce hic est vir doctissimus, vel doctus.* Debeo enim prius scire, an loquens sit in Italia, Hispania, Gallia, an in Turcia vel Moscovia; an loquens sit ex plebe, an sit Theologus, an etiam eruditus? cum enim omnes termini, qui sumunt incrementum & decrementum, tacitè sint relativi ad sui similia, & qui aliquem doctum nominat, eum comparet ad doctos sui ingenii, aut suæ regionis, clarum est, notionem talis termini relativi solum ex dispositione loquentis cognosci posse. Simile est, si quis dicat, pondus esse grave, debeo enim prius scire, an sit vir robustus, an foemina, an æger, an

puer; quivis enim horum aliud intelligit; dum pondus grave nominat.

5. *Quivis in terminis relativis censetur ad ea respicere, quæ illi obvia ac nota sunt.* Patet ex priore exemplo, quando quis exercitum magnum, virum doctum nominat.

6. *Ubi datur obvia allusionis occasio, presumitur in propositione subesse allusio.* v. g. dicit Christus de Herode: *Dicite vulpi illi.* Haud improbable est, Herodem per deputatos invitasse aliquando Christum in aulam suam, prout Joannem invitaverat; sed quia cum Joanne fraudulenter actum, noluit coram illo comparere.

7. *Quando ab eodem autore sæpius repetitur idem comparisonis terminus, censetur in eo termino institui & urgeri puritas.* v. g. Christus sæpius comparat Ecclesiam objectis in quibus sunt bona mixta malis, agro in quo triticam permixtum zizaniis, lagenæ missæ in mare, in qua pisces reprobi & electi, decem virginum choro, in quo quinque prudentes, quinque fatuæ. Non igitur dubitandum, Christum studiosè ad hanc permutationem attendisse, ut ostenderet simile contingere in Ecclesia, nec eam tantum esse congregationem justorum, ut vult Quæsnellus & Hæretici.

## §. XII.

*De sensu univoco, analogo, equivoco,  
adequato, inadequato, & sensu  
Concretorum.*

**T**Am diu fiat pro univocatione verborum præsumptio, quam diu non probatur iis fuisse subiecta diversa notio. v. gr. quæritur, utrum Sacramentum de Circumcisione Veteris Testamenti, & de Baptismo novæ legis ab antiquis Scriptoribus sumatur univocè, nisi ex aliis circumstantiis probetur contrarium, præsumendum foret, quòd Scriptores sub nomine Sacramenti habuerint eandem notionem.

2. Tanta est pro diversa notione sub eodem verbo præsumptio, quanta est diversæ notionis propinqua occasio. quia quod pronum est fieri, regulariter fit. v. gr. quæri posset, an Scriptura semper univocè sumpserit regnum celorum. si circumstantias consideremus, in quibus hic terminus adhibitus fuit, præbetur nobis propinqua occasio formandi diversas notiones, ut aliquando sumatur pro statu Ecclesiæ præsentis temporis, seu pro Ecclesia militante: Aliquando autem pro statu Ecclesiæ futuri temporis, seu pro Ecclesia triumphante. Dicitur enim aliquando: Adveniat Regnum tuum. Regnum meum non est de hoc mundo. Alibi verò: Pervenit in vos Regnum Dei. Regnum inter vos est.

3. Quando idem objectum de diversis inadequatis notionibus concipi potest, non tollitur vocis univocatio, quàmvis à diversis hominibus eidem voci diversæ notiones subiectæ sunt. quia ad univocationem nominis solum requiritur identitas objecti, non omnimoda cōvenientia

notionum. v. g. Imperium Romanum sub Constantino M., sub Carolo M., sub Othone I., sub Rudolfo I., sub Ludovico Bavaro, sub Carolo V. sub Leopoldo I. sub Carolo VI. semper censetur esse idem Romanum Imperium, quod nunquam interiit; sed usque ad finem mundi quartam Monarchiam à Daniele Propheta prædictam constituet. Interim tamen quovis sæculo alia fuit notio, & nunc ab hominibus diversis, quando loquimur de Romano Imperio, alia longè ponitur notio. Similiter quando Deum, justitiam, salutem Reipublicæ &c. nominamus, quivis propemodum hujus totius partes concipit, vel assequitur.

4. Quando ex mutatione proprietatum aut partium etiam essentialium non tollitur objecti identitas, nec tollitur univocatio nominis. v. g. Romanum Imperium est aliquod totum successivum, cujus non omnes partes simul actu existunt. Aliæ fuerunt partes hujus totius sub Constantino M. aliæ sunt sub Carolo VI. itaque licet partes transeant, totum tamen manet, & manet nomen, & eadem ratio, seu definitio nominis, quamvis singulis temporibus videantur aliæ partes essentielles totius, nunquam tamen videatur ipsum totum, nisi à sapientibus, qui comprehendendo Monarchiam Romanam per totum decursum sui temporis unam definitionem præbent. Idem est de hoc toto successivo, quod est annus, dies. In die succedunt horæ, ac transeunt, totum manet, & univocatio, licet manè & vespere aliud essentialiter nominem, dum dico: *Nunc est dies primus Octobris.*

5. Quivis præsumitur vi verborum solam respicere ad partes & connotata objecti alium de sibi obvia. v. g. dicit aliquis: Roma,  
nam

num Imperium est Potentissimum. Incertum quidem est, quastalis Romani Imperii partes animo comprehendat, ad qualia jurâ, adjuncta, aut connotata cum aliis Potentiis & Regnis respiciat: illud tamen præsumendum, talem hominem solum respicere ad ea, quæ juxta eruditionem suam sunt sibi obvia; ut proin prius dispositio loquentis nota esse debeat, antequam scire possim, qualem habeat notionem de objectis suis, adæquatam, vel inadæquatam.

6. *In verbis, quorum adæquatus sensus difficulter comprehenditur; quivis tantum præsumitur assequi illum sensum inadæquatam, qui est notior, generalior, ac famosior.* v. g. docet S. Augustinus, neminem justificari sine amore *justitiæ*. Per justitiam intelligit totam latitudinem perfectionis Christianæ. Sed quis dubitet, tot fore diversas notiones inadæquatas hujus justitiæ, quot sunt Auditores, aut Lectores S. Augustini. Idem est, dum loquimur de beatitudine, de amore Dei &c. cum enim similia objecta involvant multas tendentias, & præparationem ad multos affectus v. g. appretiationis, admirationis, prosecutionis, benevolentiz, desiderii, suavis unionis &c. possunt quidem multi audire nomen amoris, sed non omnes amoris partes animo comprehendere. In similibus ergo objectis, quæ cognoscuntur multarum rerum comprehensione, vix unquam unus ab altero perfectè intelligitur. quia verba tantum sunt signa conceptuum. non causa; excitant in audiente ideas de objecto aliunde acquisitas, non verò eas producant de novo. qui non vidit colorem, nescit quid loquar, dum colorem nomino. Si Professor Theologiæ aut Matheseos discipulo aliquot mensium dicat. nunquid Theologia aut Mathesis est pulchra scientia? Discipulus sub

nomine Theologiæ aut Mathesis non assequitur adæquatum sensum sui Professoris. Ex quo patet, fortè paucas esse propositiones, in quibus unus homo alterum perfectè intelligat, nisi fortè circa objecta Mathematica & objecta sensuum, quæ modo simili, quamvis non simillimo, in omnium sensus & mentem incidunt.

7. *Concreta explicitè tantùm important formam.* v. g. albus, justus, tantùm exprimit albedinem, justitiam; non verò exprimit hominem qui est justus, aut murum, qui est albus. Adeoque subjectum primum significatur aptitudinaliter, quod ex circumstantiis determinari debet.

8. *In concretis modus concipiendi alius est, quàm modus loquendi.* v. gr. si dico: *Anima unita corpori*; vel si dicam: *corpus unitum animæ*, vel si dicam: *corpus, anima, & unio*. Idem & eodem modo concipio. Idem est, si dicam: *homo est aliquid habens humanitatis*. Vel si dicam: *homo est res & humanitas*. Vel si dico: *homo est humanitas identificata rei*. Idem semper concipio. Adeoque usurum forma importetur in obliquo, an in recto quoad concreta, hoc Interpreti perinde est.

### §. XIII.

*Observanda in praxi quoad Interpretationem.*

1. **N**ullus unquam verbis sensus tribuendus est, nisi positivè probari possit. quia non sufficit dicere, *hæc verba possunt habere hunc sensum, patiuntur hunc sensum*; ergo sumam in hoc sensu. hoc, inquam, non sufficit, sed debet etiam ostendi, quoddam debeat sumi in hoc sensu, & non possint convenienter sumi in alio sensu. Hæc regula bene notanda est in omni genere disputationis.

tationis, ne adhibeamus tales textus, qui in duplici aut triplici sensu eadem probabilitate sumi possunt. Exemplum dat Petrus de Soto de Indulgentiis, his verbis: Utrumquam modeste loquamur de hac re, & quidem certissime, hoc ante omnia statuamus fundamentum. Et si de Indulgentiis in speciali nulla habeamus Scripturæ Sacrae testimonia, atque primæ Ecclesiæ certa & manifesta testimonia, nihilominus tamen habemus Pontificum Romanorum, & Conciliorum talia & tanta testimonia, ut ex eis merito ostendatur, semper eas in Ecclesia agnitas esse, & in usu habitas. Habemus etiam Ecclesiæ consensum, cui sine hæresis nota contradici non potest. Denique & ex fide, & ex Scriptura tam probabiles rationes, ut merito illis præter peritiam maximam contradici non possit; quæ omnia nunc singillatim probanda sunt & explicanda. Primum igitur, quod dicimus, non esse videlicet aperta testimonia Scripturarum de Indulgentiis, donamus aduersariis, & admonemus necessariò ex eo Catholicos, ut non innitantur nec ad credendum, nec ad disputandum cum Hæreticis minus certis testimoniis, ex quo frequenter fit, ut apud malevolos fides Catholica pateat irrisioni, & simplices incurramus grave scandalum. Possemus urgere locum illum, & Petro & Apostolis dictum: Quidquid solveritis super terram &c. & rursus illud: Quorum remiseritis &c. & dicere, loca illa universaliter esse intelligenda, de omni videlicet solutione & remissione peccatorum vel secundum culpam, vel secundum poenam; nec potest certa ratione huic contradici sensui: Sed tamen, ne contentiosè agamus, fatemur, ex eo loco in speciali de ratione indulgentiarum non posse.



posse nos quidquam certò asserere. Constitutis autem & probatis illis aliundè, verè tunc de eis exponi potest. Sed nisi aliundè constaret, quoniam multipliciter exponitur, non est, cur ex eo loco convincere velimus, adversarios maximè. Hucusque Petrus de Soto in *Instruct. Sacerdotum. de Indulg. lect. 2.* fuit Primarius Theologus summi Pontificis in Concilio Tridentino. Itaque id universim in praxi observandum, ne textus, qui patiuntur aliam explicationem, sumamus pro demonstratione, & si patiuntur æquè probabilem aliam interpretationem, eos nequidem assumamus pro argumento. Quod attinet disputationes contra Hæreticos, contra quos agendum est argumentis certis, haud dubiè errant, qui omnes articulos nostræ Ecclesiæ volunt demonstrare ex Scriptura. Sufficit, invenire in Scripturis textus, qui veritatem Catholicam suscipiunt; certitudo autem peti debet ex verbo Dei vel antiquitus tradito, vel recenter inspirato Ecclesiæ.

1. *Quando ex aliquo textu formatur argumentum probabile, non solvitur argumentum, dicendo, textum non necessariò sic debere intelligi; cum posse aliter explicari, hunc modum loquendi quandoque habere alium sensum.* verb. gr. docent Lutherani in remissione peccatorum simul remitti culpam & pœnam; nos dicimus, Ecclesiam habere jus remittendi culpam, ac reservandi pœnam; quando hanc potestatem illimitatam probamus ex verbis Christi: *Quorum remisistis peccata remittuntur eis, & quorum retinueritis, retenta sunt.* In quibus verbis Christus relinquit Ecclesiæ potestatem quamcunque exigendi rationabilem conditionem vel confessionis, vel satisfactionis pro obtinenda absolu-  
solu.

soluzione. Respondent, hunc textum & modum loquendi intelli posse, de remissione quæ fit per Baptismum. Sed pessima est responsio ad argumentum. licet enim hic textus absolutè possit intelligi de illa remissione, tamen sensus obuius, & circumstantiæ, & subiecta materia præsumptionem faciunt pro sensu Romanæ Ecclesiæ, ut monstrari potest per omnes ferè leges hermenevticas. Quæso, quis dicitur. non baptizando Gentilem, retinere ejus peccata? aut quomodo propriè loquendo homini baptizato remittere quis potest peccata post Baptismum comissa per Baptismum jam ante octoginta annos susceptum? Itaque non soluitur argumentum textus, ex eo quòd absolutè possit alter explicari. Criticus non quærit, quid possit fieri, aut dici, sed quid præsumendum sit, factum esse, aut dictum esse.

3. *Quando ex aliquo textu formatur argumentum, cujus sensus tantum probabiliter constat, & autoritas scriptoris etiam tantum est probabilis, tunc nulla plerumque conficitur probabilitas. ut ostensum est Part. 1. §. 3.*

4. *Quando propositio in sensu obvio vera aut falsa est, simpliciter negari vel affirmari debet.* quando autem propositio in sensu obvio plures sensus recipit, distinctio adhiberi debet. v. g. vult Hæreticus probare, Ecclesiam esse fallibilem, & dicit ex Psalmo: *Omnis homo mendax.* clarum est, hunc textum posse habere sensum vi verborum, vi subiectæ materiæ, & ex intentione loquentis. Vi verborum extenditur ad omnem hominem, etiam ad Apostolos, & Prophetas, & Evangelistas, & Moysen. Ex subiecta materia autem solum extenditur ad inconstantiam omnium hominum in bonis propositis. Ex intentione loquentis certè non extenditur.

tenditur ad Scriptores Hagiographos, dum actu loquuntur ex dictamine S. Spiritus, aliàs David seipsum, dum hoc scripsit, & Prophetas mendaces dixisset. Itaque, quia triplex sensus in his verbis obvius est, cum & significatio verborum, & subiecta materia, & intentio loquentis cuius obvia sit ac pateat, adhibenda est distinctio, dicendo: Omnis homo non habens assistentiam Spiritus Sancti, est mendax. concedo. eam habens, in quantum eam habet, nego.

5. *Nullus verbis obscuris tribuendus est sensus, & idea, nisi hujus Genealogia demonstrari possit.* v.g. dum dico: lux, color, sonus &c. possum demonstrare originem harum idearum, undè mentem, & qua occasione intraverint, nempe per sensus, per oculos conversos ad Solem vel candelam, & objectum illuminatum. Si autem quis dicat, materià primà sine omni actu etiam Metaphysico, qualitas occulta, Patria &c. tamdiu non debeat admittere, latere aliquem sub his nominibus sensum, aut ideam, quamdiu hujus genesin mihi demonstrare non possit. nihil enim est in mente, quod non habeat originem; origo igitur demonstrari debet, ut redeundo ad eandem originem ille, qui sensum verborum quærit, similem sibi idem ex iisdem causis formare possit. Sic si infans alterum infantem quæreret, quis sit sensus hujus termini; *Vitrum*, haud dubiè alter infans ipsi ostenderet vitrum, & diceret: hoc est *vitrum*, ut eadem ingeneraretur idea, quæ & sibi ex iisdem causis obtigit. Sicut ergo origo idearum & conceptuum de re sensibili est per sensus positos in his vel illis circumstantiis, sic omnium aliorum conceptuum circa objecta intelligibilia origo est in experientia

rientia mentis, positæ in hac vel illa circumstantia cogitationum, quæ & monstrari potest.

6. *Sensus verborum præcisè vi verborum vix nunquam certus habetur.* quia verba nimis sunt ambigua & indifferentia ad hoc, ut ex subiecta materia, vel intentione loquentis alium sensum recipere possint. Itaque non nimis pertinaciter & obfirmata certitudine insistendum est textui ex sola significatione verborum. v. g. Lutherani in præcipuo articulo sui erroris nempe in Eucharistia insistent nudæ significationi hujus termini *panis*, non attendendo ad subiectam materiam, nec ad intentionem loquentis. D. Paulus, inquit, vocat Eucharistiam panem, dicens: *Quicumque manducaverit panem hunc &c.* Quàm verò miserum est, insistere nudæ significationi verborum, dum Author suam intentionem significationis ipse explicat, dicens: *Qui enim indignè manducat, judicium manducat non judicans corpus Domini*; Ergo panem eundem, quem prius nominat, nunc corpus ipsissimum Domini nominat: & Christus: *Hoc est corpus meum*; per particulam demonstrativam: *Hoc*, utique non aliud demonstrat, quàm D. Paulus per suam particulam demonstrativam, *Hunc*. Quòd si ergo sensus evidenter dubius est, eertitudo haberi debet ex Providentia Dei, curantis, ut sensus verus prævaleat, & retineatur in sua Ecclesia.

7. *In omni disputatione prius disputans conveniat cum adversario quoad sensum questionis, ne fiat Logomachia seu lit de nomine.* Talem autem subesse suspicari tunc licet, quando 1. id, quod negatur, concedatur in aliis terminis synonymis. Sic Lutherani negant, bona opera requiri ad justificationem; inse-

interim tamen concedunt, me non posse justificari sine bonis operibus, quia non possum habere fidem, seu quòd ipsis perindè est, fiduciam in Christum, nisi servem ejus mandata. 2. Si quis ea impugnet circa quæ aliàs genus humanum convenit. 3. Siquis negat rem facillimam cognitu. 4. Si vir sapiens sententiam manifestè absurdam ac ridiculam propugnet. 5. Si tam negans quàm affirmans aliàs utantur iisdem principiis, iisdem argumentis, ac responsionibus &c. Sic faciunt quidam Hæretici quæstionem de nomine circa confessionem auricularem, dum concedunt, Ecclesiam habuisse à Christo jus, exigendi à pœnitentibus Confessionem distinctam, & tamen negant, Confessionem auricularem esse juris divini, prout definit Tridentinum. Quidenim aliud est, esse juris divini Confessionem, quàm eidem specialiter in ordine ad hanc exigendam pro tempore congruo tribuisse jus & facultatem per potestatem remittendi & retinendi, solvendi & ligandi, quæ tam convenienter sine confessione exerceri non potest. Itaque si Ecclesiæ Romanæ, maximè in Italia semper visum est exigere à pœnitentibus hanc Confessionem eo modo, qui congruebat tempori, cur non concedunt Hæretici, Confessionem semper viguisse quoad substantiam in Ecclesia, esseque juris divini? nempe, quia nolunt loqui cum Ecclesia, à qua impiè divisi sunt.

## P A R S IV.

*Summa Regularum Criticis modernis familiarium.*

## §. I.

*De Arte Critica, & Regulis  
Joannis Clerici.*

1. **C**Lericus Criticam vocat Artem intelligendorum veterum Scriptorum, & dignoscendi, quænam eorum genuina scripta sint, quæ spuria. Eam in tres partes dividit: in Prima docet, quo ordine legendi veteres Scriptores Latini, Græci, Hebraici. In Secunda tradit Canones de Interpretatione verborum & locutionum. In Tertia docet, quod nos judicium ferre oporteat de antiquorum Scriptorum libris & locis tam genuinis, quàm spuris, tam sinceris, quàm corruptis.

2. In Parte prima vult 1. lectioni Veterum præmitti studium Geographiæ, Chronologiæ, Consuetudinum, & Opinionum, ad quas Scriptores veteres sæpe respiciunt. 2. Inter Latinos ab initio legi vult Plautum, Terentium, Phædrum, Cæsarem, Cornelium Nepotem, Justinum, Epistolas Ciceronis ad familiares, & ejus Orationes faciliores: tum primum vult progressum fieri ad Poetas. 3. In Græcis post nominum declinationes & verborum inflexiones memoriæ mandatas vult legi Polyæni stratagemata & Ælianum, Lucianum, Aristophanem, Cebetis Thebani tabulas, Dialogos

gos *Æschinis*, *Xenophontem*, *Herodotum*. *Orationes* *Isocratis*, & *Demonsthenis*, ac *Platonem*; tunc primùm *Poetas* *Homerum*, *Hesiodum*, *Enripidem*. 4. In *Hebraicis* post iteratam à *tyronibus* descriptionem *Alphabeti* *Hebraici*, & obiter comprehensas memoria regulas neglectis anomaliis pronunciationum & conjugationum vult quotidie aliquid legi è *Codice sacro*, ex quo solo non solum omnes *Hebraicæ Grammaticæ* sed & *Lexica* composita sunt.

3 In *Parte secunda* tradit sequentes de interpretatione verborum regulas. 1. *Lingux* sibi invicem non satis respondent. 2. *Voces* variarum linguarum, quæ planè idem significare videntur, sibi invicem non respondent. 3. Multa videntur in versionibus *emphatica*, quæ in ipsis fontibus nullam *emphasin* habent. 4. Plurima sunt vocabula *ambigua* in omnibus linguis. 5. *Significationes* vocum earundem nunc sunt ampliores nunc actioniores. 6. *Propria* vocum significatio cum *tralatitia* non est confundenda. 7. Multis vocibus sunt subiectæ *motiones obscuræ*. 8. Dantur *voces*, quibus nulla est subiecta notio. 9. *Locutiones* sunt plurimæ in omnibus linguis *anomalæ*, & parum *adcuratæ*, quæ nimium *urgendæ* non sunt. 10. *Impropria locutio* non est confundenda cum *tropica* aut *figurata locutione*. 11. Multa sunt propter *constructionem* *ambigua*. 12. Ut probè intelligatur quivis *Scriptor*, *consuetudines* & *opiniones* ejus *popularium tenendæ* sunt. 13. *Critico*, qui *scriptorem* interpretari aggreditur, debet esse *notares*, de qua *scriptor* agit. 14. *diversæ sectæ* iisdem sæpe usæ sunt *vocalibus* ad diversa prorsus *dogmata* exprimenda. 15. *difficultas* intelligendi maxima oritur interdum ex *Stylo rhetorico*. In *secunda sectione* hujus.

par.

partis ostendit, universum ambiguum significationis esse Nomina Notionum simplicium, & compositarum; Nomina substantiarum, & Modorum, Relationum, rerum concretarum, & abstractarum; Nomina Notionum singularium, particularium, & universalium, clararum, obscurarum, adæquatarum, & inadæquatarum.

4. Parte tertia Sect. 1. agit de Origine mendorum & postea leges emendandi subjicit. Originem mendorum repetit ex imperitia dictantis, negligentia scribentis, incuria libreriorum, temeritate Criticorum, malitia impostorum, & vetustate Manuscriptorum; dictans fortè litterarum ductus non est affecutus, fortè affines figura litteras miscuit, aut quæpiam omisit, aut verborum situm neglexit, aut malè pronuntiavit, aut glossæmata in margine adjecta contextui intulit. Scribens potuit ea, quæ cogitabat, non quæ audiebat, scribere; potuit perperam audire; fortè non est affecutus orthographiam, & antiquiores litteras, aut omisit distinctiones, signa parentheseos, exclamationis, interrogationis, aut abbreviationibus usus est.

Leges emendandi sequentes sunt.

5 1. Siquid mutetur, mutationem res ipsa, orationisve series, stylusque scriptoris necessario postulato.

6 2. Omnis emendatio linguæ, ingenio, aut scriptori ac stylo consentanea esto.

7 3. Ratio depravationis, si fieri potest, reddatur.

8 4. Nulla emendatio à lectione veterum Codicum nimium recedito.

9 5. Manuscripti Codices non suspecti aliis præferuntor.

10 6. Loco manuscriptorum codicum veterum citationes, ac veteres translationes adhibitis certis cautionibus sunt.



11 7. De omnibus in notis monere licet, ac nulla, nisi manifesta aut ex manuscriptis codicibus hausta lectio in contextum orationis infertur.

12 8. Conjecturæ omnes modeste proponuntur; sin minus, doctis ludibrium debent.

Sectione 2. suppositionis aut interpolationis librorum sequentia indicia statuit.

13 1. Supposititii libri indicium est, si in veteribus codicibus alii tribuatur; cum nulla ratio est, cur ejus habeatur, cujus nomen in editionibus præfert. Interpolati verò, si sit in veteribus codicibus sine additamento, quod in Recentioribus invenitur.

14 2. Si, quæ ex veteribus ex libro quopiam olim prolata sunt, ea nunc in libro eadem inscriptione insignito desiderantur, aut alius est, aut mutilus. Si aliter legantur, suspectus sit oportet. Si omnia inveniuntur sine mutatione, genuinus est, nisi aliæ sint suspicandi rationes.

15 3. Scripta, quorum nulla mentio in priscis Catologis, quæ nec memorata sunt ab ullo scriptore sequentium sæculorum, ut plurimum aut ficta judicanda sunt, aut minimùm suspecta habenda.

16 4. Quæ diserrè sunt rejecta, aut in dubium revocata ab antiquioribus, ea vix propter Recentiorum auctoritatem admitti queunt.

17 5. Liber, in quo dogmata leguntur iis contraria, quæ scriptor, cujus nomen præfert, constanter defendit; non videtur ejus esse, si præsertim dogmata sint alicujus momenti; aut interpolatus est.

18 6. Liber, in quo memorantur res aut personæ scriptore, cujus nomen præfert, recentiores; aut ejus non est, aut ab alio est auctus.

7. Li-

19 7. Liber indoctus, aut imperitia refertus non potest ulla ex parte aut saltem totus viro docto tribui, nec fabulis scærens viro non inepto, quem constat veriamantem fuisse, affingi, quamvis in vetustis Codicibus eorum nomina præferat.

20 8. Liber, in quo tractantur vel respiciuntur controversiæ natæ post tempora scriptoris, cui tribuitur; aut in quo deprehenditur scriptoris illo recentioris imitatio, ejus non est, cujus nomen præfert; aut est interpolatus.

21 9. Si stylus sit diversus à noto aut sæculi aut scriptoris stylo; ejus non est, quamvis ejus nomen præferat. Si sit. idem, ac stylus alius scriptoris, hujus liber censeri debet, si modo nihil obstat.

22 10. Vocubula sequioris ævi indicant scriptorem recentiorem; in translatione verò, siquid sit, quod non conveniat lingue, qua scripsisse constat Authorem, cui liber tribuitur, aut non est traslatio, aut est interpolata.

23 Hæ igitur sunt illæ Regulæ, è quibus constat ferè tota ars Critica Joannis Clerici: singulas Regulas explicat ac probat particularibus exemplis, magna ex parte selectis ad impugnandos Romanæ Ecclesiæ scriptores, ejusque dogmata, ob quod decreto S. Cong. Ind. 4. Martii 1709. Indici librorum prohibitorum inserta est.

24 Ut jam, quid de Arte sentiam, liberè proferam; Judico, in Parte prima potuisse præscribi alium ordinem in legendis scriptoribus in Latinis & Græcis: cur enim non præstet seligere libros, quorum objectum juventutem concomitanter ideis ad formandos mores ac aperiendum judicium utilioribus imbueret; parum interest,

si

si juvenis addiscat unum vel alterum terminum minus latinum, quem factus eruditior poterit corrigere; multum verò nocet, si tenero cerebro imprimantur talia objecta ac vestigia, quorum cum vitiis connexio perpetuè mansura est.

25 In Parte secunda observo, omnes Clerici Regulas hoc solum probare, multorum verborum significationem accurata Physica certitudine scire non posse? Ad quid autem hæ regulæ me dirigunt in praxi? an ad hoc, ut significationem verborum universaliter pro incerta habeam? hæc verò universalis incertitudo minimè sequitur è paucis exemplis à Clerico allatis. An ad hoc, ut tot exemplis admonitus cautiùs retineam assensum, quando significatio verborum certa non est? at hæcine est tradere Artem interpretandi & intelligendi Veterum scripta?

26 Regulæ, quas Clericus in Parte tertia ex aliis Authoribus collegit, aut non procedunt regulariter, sed tantum in aliquot particularibus casibus; aut patiuntur tot explicationes, limitationes, & exceptiones, ut earum usu & applicatione non videatur tolli ulla difficultas, quod tamen ad omnem bonam Regulam requiritur. Utilis animadversio ac observatio est, quæ suo tempore mentem manifesti erroris admonet, aut à manifesto errore revocat; Regula verò est, quæ dubia & difficultates alioquin solutu difficiles sui applicatione facillè dissolvit. Debet insuper omnis regula esse instrumentum artificiale, non omnibus obvium, ac à natura concessum; tales enim regulæ forent innumeræ, & frustra doctis præscribuntur, utpote quibus ipsa natura, ingenium, & subiecta materia tales regulas facillimè suggerit. Num igitur plus subsidii sperandum

um à Regulis Clerici, quàm à Locis Topicis generalibus Aristotelicis?

§. II.

*De Regulis Criticorum circa  
S. Scripturam.*

1. **P**ost Concilium Tridentinum, quod Vulgatam Hieronymi versionem declaravit authenticam, tres adornatae sunt vulgati textus correctiones à Romanis Pontificibus, nempe à Sixto 5. Clemente 8. Urbano 8. Regulae Criticae quibus Sixtus 5. & Clemens 8. uti sunt, in Bulla Sixti 5. videri possunt. Regulae Urbani 8. reperiuntur in Praefat. Collat. context. Graeci cum 22. Codd. MSS. Romae 1673.

2 Sed nec his correctionibus contenti moderni Critici urgent non solum correctionem Vulgatae, sed etiam novam versionem tam V. quam N. Testamenti. Operi tam vasto innumeris observationibus, & editione Bibliorum Polyglottorum veluti materiam ministrarunt. R. P. Simonius Presbyter Oratorii Berulliani in sua Historia Critica V. T. l. 3. tradit tres sequentes Regulas, quibus versionem obtineri posse sperat omnium perfectissimam.

3 Regula 1. Versio fiat è textu Hebraico, utpote Originali, licet in pluribus loci corrupto. In hunc finem 1. diversae hujus textus lectiones notentur in margine, meliore lectione in corpore contextus retenta; nec scrupulosè insistendum textui Masoretico, aut Criticae veterum Judaeorum. 2. Non confundantur diversae interpretationes cum diversis lectionibus; aut haec cum erroribus librariorum; & in casu dubii nil statuatur pro certo, sed conjecturae ratio reddatur. 3. In

*Amoris Philosoph. T. V.*

M

qui-

quiratur diligenter, quid pertineat, quid non pertineat ad textum Hebraicum, ut interpreti renlinquatur libertas mutandi id, quod textui Hebraico adjectum est, si meliorem sensum invenerit. 4. Liberum sit interpreti apponere saepe alia puncta vocalia, & tribuere ampliore significationem verbis Hebraicis, quàm Christiani aut Rabbini solent tribuere. 5. Quod dictum est de punctis vocalibus dicatur etiam de accentibus, qui locum tenent virgularum & punctorum, partes discursus distinguunt, quando ex horum mutatione interpreti occurrit melior sensus. 6. Consultantur antiquae versiones. 70. Interpretum, & Vulgata in locis, in quibus textum Hebraicum corrigere poterunt; nec excludatur Exemplare Hebraicum Samaritanum in Pentateuchum, aut versiones Graecae, Latinae, Chaldaicae, Syriacae, Arabicae, aut Commentarii Rabbiorum.

4. Regula 2. Habeatur perfecta cognitio linguae, à qua versio sit. Cum autem pleraque verba Hebraica sint aequivoca; 1. Ponatur in corpore versionis ille sensus, qui videbitur melior; reliquis expositionibus in marginem rejectis. 2. Studium linguae Hebraicae instituantur alia methodo, quàm quae traditur in scholis & dictionariis. 3. Ut habeatur perfectior cognitio linguae, consulantur veteres interpretes Graeci, Judaei, Caraitae seu Textuarii, qui insistant soli textui, rejectis traditionibus; & Rabbini-stae seu Thalmudici, qui praeter textum recipiunt traditiones. His jungi possunt S. Hieronymus, & Masorethae. 4. Assumantur in subsidium Concordantiae Bablicae, naximè Conradi Kirckeri, in quibus uno quasi obtutu cernitur expositio, quam 70. Interpretes tribuunt verbis Hebraicis; & Concordantia Marii de Calasio, in qua cernitur dif-  
feren-

ferentia inter Vulgatam & 70. Interpretes, 5. Adhibeantur antiquæ versiones, ut sciamus, quid approbatione temporum receptum sit; & peregrinæ lingue, ut antiquæ versiones cum originali conferti possint.

5 Regula 3. Habeatur perfecta cognitio lingue, in quam fit translatio: Sed 1. hæc cognitio non adstringatur certis subtilitatibus, quarum observantia necesse est obscurum reddi sensum Authoris; modo adhibeantur ex expressione, quæ Originale proximè assequuntur. 2. Interpres non alligetur ordini verborum, qui est in originali; alioquin ob anomaliam linguarum non poterunt vitari æquivocationes. 3. In casu dubii de significatione alicujus verbi de eo debet lector admoneri in margine. 4. In fine versionis addatur Dictionarium verborum obscurorum & difficilium, nomina animalium, plantarum, lapidum, instrumentorum &c. ipsis Judæis incognitorum post usum lingue Hebraicæ. Si verbum fuerit omnino incognitum in corpore versionis retineri debet verbum Hebraicum textus, conjecturis in Dictionarium rejectis. 5. Adjungantur tabule Geographicæ & Chronologicæ cum explicatione locorum difficultium.

6 Hæc Simonii Regulæ multas passæ sunt censuras, & reverà multis difficultatibus subjectæ sunt, aut enim ea, quæ Simonius exigit, non poterunt præstari ab ullo homine; aut si humano modo præstentur, non poterunt tollere radicem totius incertitudinis, nempe defectum sufficientium documentorum; hoc defectu permanente correctio versionis vulgatæ solùm niti potest conjecturis, quæ licet quandoque etiam fortes sint, non sufficiunt ad introducendam tanti momenti mutationem circa id,

quod traditum est. Accedit, quòd hæ regulæ tantùm libertatis relinquunt interpreti, ut pronum sit, illum, maximè si præjudiciis & erroneis opinionibus imbutus est, nec ulla assistente providentia dirigatur, à sano harum regularum sensu & usum deflectere. Plura affert R. P. Honorè in suis Reflexionibus Criticis.

7 Quod attinet ad expositionem Scripturæ, plures nobis Regulas reliquerunt SS. Patres, præsertim Hieronymus, & Augustinus, qui suas septem regulas de Doct. Christ. non dedignatus est à Donatistis mutuari, omnes hæc SS. Patrum Regulas in unum collegit, affertque ducentas triginta quatuor. Sixtus Senensis in sua Bibliotheca l. 3. Artem interpretandi scripturam tradidit. Alphonsus Salmeron in suis Prolegomenis affert Canones 150. Alii Interpretes pariter sibi suas Regulas statuerunt, & Recentiores plurima Prolegomena ac Introductiones in scripturam ediderunt; his tamen omnibus parum effectum est, cum ob universalitatem Regularum in applicatione plerumque interpretes dissentiant. Exempli tantùm loco apponam aliquot Regulas 1717. Parisiis editas, quæ à Collectoribus Trevoltiensibus mirè commendantur. Omnes hæ regulæ attingunt Vetus Testamentum.

8 Prima. In omnibus locis, in quibus Apostoli respexerunt ad Jesum Christum, oportet & nos respicere.

9 Secunda. Oportet semper eos textus referre ad Jesum Christum, in quibus certis characteribus sibi soli convenientibus designatur.

10 Tertia. Quando expressiones S. Scripturæ nimis sunt angustæ pro subiecta materia, quam videntur respicere, referendæ sunt ad objectum magis angustum.

11 Quar-

11 Quarta. Reperiuntur textus, in quibus sensus propheticus est solus immediatus & litteralis sensus.

12 Quinta. Promissiones, quarum obiectum est temporale; haberi debent pro figura bonorum spiritualium.

13 Sexta. Quando in Scriptura reperiuntur res, quæ ut jacent, non videntur consentire cum nostra ratione, aut cum qualitate personarum ad eas res perficiendas concurrentium, debemus intelligere latere mysterium.

14 Septima. Reperiuntur in Scriptura adeo stupenda, & manifestè sapientia mysterium, ut seipsis mentem ultra sensum simplicem historicum vocent.

15 Octava. Reperiuntur in Scriptura historiarum, quarum circumstantiæ aperte referuntur ad Jesum Christum, ut sine dubio eum repræsentent.

16 Nona. Lex, tabernaculum, sacrificia, sacerdotium, caeremoniæ Judaicæ sunt figura Jesu Christi.

17 Decima. Quando applicatio historiarum aut Prophetiarum ad Jesum Christum est simplex, connaturalis, facilis, ac obvia, ita ut omnes partes ad unum scopum uniantur ac colligantur; stat pro illa applicatione præsumptio.

18. Undecima. Loca Scripturæ, ubi lex, circumcisio, templum, sacrificia, ceremoniæ, privilegia seminis Abrahamici, habitationis in terra promissa & in Jerusalem non videntur habere sufficientem finem ac utilitatem, certò nos ducunt ad Jesum, & justitiam Evangelii.

19 Duodecima. Certæ prædictiones Prophetarum sub iisdem terminis comprehendunt eventus diversissimos & ab invicem remotissimos.



20. Hæc Regulæ, utcumque bonæ sint, nil tamen extraordinarii subsidii hætenus incogniti continent; earum probatio dependet à locis Scripturæ aliundè controversis; possemus iis carere, nisi in eas temeritas modernorum Criticorum toties impigisset.

## §. III.

*De Regulis Criticis Studium Conciliorum, Patrum, & Scripturarum, Ecclesiasticorum concernentibus.*

1. R. P. Mabillonius de Studii Monasticis P. 2. C. 5. in lectione Conciliorum tria observari vul. 1. Habeatur Idea generalis rerum, quæ in Conciliis observari merentur. 2. Sciatur exactè historia cujusvis Concilii, occasio, ob quam fuit coactum; hæreses in eo. condemnatæ, personæ illustres assistentes, & successus subsequutus. 3. Subjiciantur singulæ Concilii partes, tam eæ, quæ dogmata, quàm illæ; quæ disciplinam concernunt, propriis observationibus ac reflexionibus.

2. Idem C. 8. in lectione Patrum novem Regulas præscribit. 1. Autè initium lectionis utile fuerit legere vitam Patris, ut cognoscatur illius ingenium, genius, character, actiones, & tempus, quo vixit. 2. Secernantur ejus genuina opera à dubiis aut suppositis. 3. Distinguantur tempora, quibus quodvis opus compositum est. 4. Quando Pater de eodem objecto locutus est diversimodè, ultimæ ejus opinioni inhærendum est. 5. De mente, ac doctrina Patris judicium potius sumi debet ex illis locis, in

in quibus ex instituto examinat materiam, quam ubi de ea agit incidenter. 6. Non omnia cæcè ac indiscriminatim recipere convenit, quæ Pater docuit. 7. Quando Pater sequitur opinionem non communem aliis Patribus, non debet illi adhiberi plena fides, nisi ejus opinio ab Ecclesia sit consecrata. Quandocumque verò opinionem tantorum virorum dimittimus, cum reverentia dimittenda est. 8. In operibus Polemicis solum attendere oportet ad scopum controversiæ, nec eos semper eoque sequi, quo calore disputationis nonnumquam abrepti sunt, 9. Utile fuerit facere Analysin cujusque tractatus.

3 R. P. Thomasius presbyter Oratorii in Indiculo Instit. Theol. veterum Patrum Romæ 1701. observat. 1. Patres usos esse terminis in sensu à Scripturis usitato. 2. Eos scribendo tam pro indoctis, quam pro doctis usos esse modo loquendi vulgari, nec sollicitos fuisse de exacta significatione terminorum. 3. Plerosque Patrum institutos in Philosophia Platonis usos esse modo loquendi Platónico. 4. Ab iis, qui legere voluerint Patres, deponenda esse præjudicia Scholæ.

4 Plures similes observationes tradunt alii, quæ tamen videntur plerumque ultrò occurrere parum attentis in ipso Patrum usu. Nonnulli etiam regulas de delectu editionum confecerunt; sed jam constat, Parisienses studio ac labore Patrum à Congregatione S. Mauri editas reliquis palmam præripere. Editæ enim sunt à viris doctis, indefectis, ad plurima Manuscripta revistæ ac correctæ, & denique Notis, Scholiis, ac Observationibus illustratæ.

5 Qui de Locis Theologicis scripserunt, Canones de authoritate Patrum ediderunt; plerique consensum Patrum in re dogmatica pro regula infallibili assumunt; in casu, quo Patres sibi invicem contradicunt, relinquunt cuivis sentiendi libertatem; in questionibus facti minorem illis fidem tribuunt; antiquiores volunt præferri recentioribus &c.

## §. IV.

*De Regulis Criticorum in Historiis.*

1 Launeyus in speciali tractatu hanc Regulam statuit: Ut nullum factum extraordinarium recipiatur sine testimonio Scriptoris coævi, aut proximè coævi.

2 Idem in Dissert. de Supl. Severo tres alias regulas profert de Traditionibus. Prima est; ut de eo, quod in traditione positum dicitur, diversis temporibus & locis scriptum sit à pluribus exploratæ fidei viris, qui producantur in testes.

3. Secunda. Ut Scriptores illi, nisi verbis omnibus, at certè sensu convenient in testimonio, quod de eo, quæ accepta per traditionem creditur, perhibent.

4 Tertia. Ut iidem Scriptores ad rei gestæ originem, quæ veritatis caput est, continua serie reducantur.

5 R. P. Honorè ex operibus modernorum Criticorum in ordine ad Historiam varias collegit regulas. 1. Magna debetur veneratio antiquis Scriptoribus Ecclesiasticis, eorumque testimonia cum reverentia recipi debent. 2. Nunquam debemus recedere à testimonio Veterum, nisi

coga-

eogamur urgentibus rationibus. 3. Testi-  
monia veterum eludi non debent responsis  
parum solidis, nec eorum autoritas mi-  
nui. 4. Non debemus recedere ab autho-  
ritate Patrum ex ductu Hæreticorum in  
quæstionibus facti, maximè quando factum  
attingit Religionem. 5. Non debemus Scri-  
ptoribus Ecclesiasticis affingere opiniones,  
quas non tenuerunt. 6. Non debemus diffi-  
mulare veras authorum opiniones. 7. Au-  
thores faventes non nimis extollantur, nec  
oppositi nimis deprimantur. 8. Idem tex-  
tus authoris non recipiatur in uno loco, in  
alio rejiciatur. Nihil his regulis evidentius  
ac notius.

6 Cum historiz nitantur genuinis docu-  
mentis, etiam de suppositione operum tra-  
dendæ erant regulæ. Scultetus è Sixto Sen-  
Bibl. l. 4. tria suppositionem probare ait :  
stylum, subjectam materiam, tempus. Ma-  
billonius è quatuor principiis suppositionem  
operum infert. 1. è manuscriptis. 2. è diver-  
sitate styl. 3. è testimonio Authorum. 4. è  
factis narratis in opere.

7 Author Problematis de S. Dionysii  
Areopagitæ operibus quinque affert regu-  
las. 1. Quando liber tribuitur Authori ex  
fide monumentorum incertorum aut eviden-  
ter falsorum, habetur serè infallibile sup-  
positionis signum. 2. Quando liber non po-  
test Authori tribui, quin concedantur mul-  
tæ inconvenientiæ, habetur signum proba-  
bile suppositionis; & si omnes inconvenien-  
tiæ sumantur simul, habetur signum morali-  
ter infallibile. 3. Quando Scriptores Apo-  
logetici inter se non conveniunt, sed sibi in-  
vicem contradicunt in præcipuis capitibus  
& circumstantiis circa librum & Autho-  
rem illius, habetur signum suppositionis. 4.

M. 5,

Quan-

Quando ex omnibus apologiis ne unica quædam fundat probabilitatem pro authoritate libri defendendi. 5. Quando ex omnibus Apologiis, siue simul, siue seorsim sumptis non potest constari unum systema, quod cum Chronologia Authoris consentiat.

8. Conjecturæ magnum in Historicis locum occupant, circa has statuuntur à diversis sequentia: 1. Factum sine testimonio, Scriptoris cœvi aut proximè cœvi recipiendum non est. 2. Historia, cujus testimonium repetitur primitus è libro supposito aut apocrypho, pro falsa aut certè dubia haberi debet. 3. Historia, in qua reperiuntur res manifestè fabulosæ, habenda pro falsa. 4. Factum, quod repugnat Chronologiæ, aut continet res repugnantes tempori, loco, personis, aut historiis aliundè certis, rejiciendum est. 5. Historia, cujus Scriptores sibi non consentiunt, diversimodè referendo eandem rem, habenda est pro fictitia.

9. Arnaldus Dissert. de Hegesippo sequentes leges constituit:

1. Quando constat aliundè de veritate facti, parùm curari debent objectiones; sufficiant solutiones probabiles, & possibiles, quin necesse sit earum rerum veritatem probare, quæ in solutionibus afferuntur.

10. 2. Quando aliundè non certò constat de veritate facti, ad objectiones convenienter cum probatione solutionis responderi debet: nec sufficit generatim respondere; multas veritates impugnari objectionibus, quæ difficulter solvi possunt.

11. 3. Id, quod in Jure vocatur Præsumptio, non confundatur cum Veritate. Quando id, quod dico, habet majorem verosimilitudinem, quàm assertio adversarii, stat pro me præsumptio; sed per hoc nondum

dum certum est, veritatem statim ex meis partibus: Hoc solum refero commodum, ut onus probandi rejiciatur in adversarium.

12. 4. Quando factum nititur testimonio Authoris coævi, & testimonio alterius, qui primum scripsit post centum annos; præsumptio statim pro autore coævo; nec nisi sine urgentibus rationibus testimonium posterioris præferri potest.

13. 5. Solis Scriptoribus Canonicis hoc tribuamus, quod nec falli potuerint, nec fallere. Reliquis Scriptoribus, quantumcunque sanctis & doctis nulla lege fidem debemus. Aug.

14. 6. Quando asseritur quid novum, extraordinarium; parum credibile, & ab uno solo Authore in loco, in quo manifestè errat; tunc asserenti, non neganti incumbit probatio.

15. 7. Non est credibile, hominem ad eum recessisse à regulis rectæ rationis, ut ejus modus agendi sit sine exemplo nisi insipientium. Si quid tale proin reperitur in historia, non potest non haberi pro fabulosa.

16. Ad demonstrandam certitudinem facti antiqui, ab Anglo quodam requiruntur quatuor sequentes conditiones. 1. Ut factum cadat sub seculis. 2. Sit publicum. 3. Extent monumenta aut cæremoniæ in memoriam facti. 4. Monumenta jam sint erecta tempore facti.

17. Du. Pinus circa argumentum negativum, petitum ex silentio Authorum statuit tres sequentes Regulas. 1. Quando integrum opus antiquo adscriptum reperitur incognitum toti antiquitati. Quando illi, qui conscripserunt catalogum de operibus Authoris, nullam de quopiam opere mentionem

fecerunt; aut quando opus Catholicis favore-  
rabile non fuit allegatum ab iis, qui data  
occasione illud potuissent, & debuissent al-  
legare, probabilissimum est, opus esse sup-  
posititium. 2. Quando opus ab antiquis non  
fuit allegatum, eo ipso redditur dubium,  
nisi aliundè habeat authentica antiquitatis  
testimonia. 3. Si verò non habeat talia anti-  
quitatis testimonia; & accedunt conjectu-  
ræ contra antiquitatem cum silentio anti-  
quorum, certum est, librum esse supposi-  
tum.

18. Idem Hist. Eccles. l. 1. p. 2. C. 5.  
q. 3. dicit in historia Ecclesiastica consu-  
lendos antiquos Scriptores, qui præcipuè ve-  
ritatem amant, & eam per traditionem di-  
dicerunt. Quando tales Scriptores omnes in-  
ter se conveniunt, historia pro certa haberi  
debet. Quando historia nititur assertionem so-  
lum unius Scriptoris, debet haberi pro vero-  
simili; Quando autem Authores sibi con-  
tradiciunt, eligi poterit, quod verius vide-  
bitur.

19. Nonnumquam moderni recipiunt aut  
rejiciunt historiam, quod videatur ipsis con-  
veniens, aut inconveniens, possibilis, aut  
impossibilis, verosimilis, aut non verosimi-  
lis.

20. Quando historia continet aliundè fabu-  
losa, improbabilia, aut non verosimilia, ea  
communiter à modernis rejicitur,

21. Quando Tituli, Inscriptiones, & Subscri-  
ptiones eorum non conveniunt cum historia,  
ea à modernis rejicitur; quando verò histo-  
ria solum passa est aliquas additiones recen-  
tiores, nolunt auctoritatem historię immi-  
nui.

22. Sæpe rejicitur historia ob multas con-  
jecturas simul sumptas. v. g. 1. Quod non ni-  
gatur testimonio Authoris antiqui. Quod  
de

desumpta sit è libris supposititiis. 3. Quòd contineat fabulosa. 4. Quòd repugnet Chronologia. 5. Quòd contineat circumstantias parùm convenientes loco, tempore, & qualitati personarum. 6. Quòd diversimodè narretur à Scriptoribus.

23 Du Pinus pro suprema Regula ponit Judicium æquitatis & prudentiæ, quo ponderantur rationes.

24 Pro discernendis Actis Martyrum ponuntur sequentes regulæ. 1. Acta Martyrum quò sunt succinctiora, & simpliciora, eò sunt meliora. 2. Acta sincera antiquorum Martyrum ordinariè referunt pauca miracula & prodigia. 3. Acta authentica Sanctorum continent paucas Oratiunculas, allocutiones & colloquia. 4. Acta sincera primorum Martyrum non continent multa tormenta extraordinaria. 5. Verba contumeliosa, parùm sanctos decencia, arguunt actorum suppositionem.

25 Quidam insuper suppositionis arguunt ea Acta. 1. In quibus sunt magna promissa à Gentilibus facta iis, qui deserta fide Idola tolerant. 2. In quibus sit mentio edictorum contra Christianos sub Imperatoribus Trajano, Antonino, & M. Aurelio. 3. In quibus persecutiones Decii & Valeriani simul junguntur.

26 Denique Tillemontius vult, ut electione Actorum authenticorum quis acquirat gustum discernendi sincera à non sinceris, ad quem acquirendum multum conducit notitia historiarum, styli, & disciplinæ cujuscvis sæculi.

27 Circa emnes has Regulas cum R. P. Honorè observo, plerasque non procedere universaliter, sed ordinariè tantum, ut proinsolam præsumptionem, non certitudinem pariant.



pariant ; multæ. verò ne quidem ordinariè procedunt , quia sæpius fallunt , quàm non fallunt . Revera historiæ plerumque dependent à tot circumstantiis particularibus , ut inutiles fiant regulæ generales , solum in tot circumstantiis consuli possunt Leges Contingentium ; his solis invenitur , quid regulariter soleat fieri ; quid non soleat fieri ; quid soleat communiter esse conjunctum cum veritate historiæ , quid non soleat esse conjunctum .

## §. V.

*De Regulis collectis à R. P. Honore  
pro Emendatione Artis  
Criticæ .*

1. **C**irca factum historicum ponit quinque regulas . 1. Exponatur species facti distinctè . 2. Factum probetur testimonio Authorum eorum , aut proximè eorum . 3. Testimonia antiquorum non sint desumpta ex operibus suppositis , dubiis , suspectis , aut talibus , ex quibus æquè pro parte opposita testimonia proferri possint . 4. Testimonia antiquorum sint clara , distincta , ac formalia . 5. Factum probetur insuper ratione & conjecturis .

2. Duobus Criticorum principiis Autoritati & Rationi addi vult tertium , nempe Traditionem , ac Praxin Ecclesiæ universalis , quæ semper fundat præsumptionem . Nonnunquam vult etiam attendi ad traditionem Ecclesiæ particularis , Provinciæ , aut Regni .

3. Circa auctoritatem Scriptorum Ecclesiasticorum optat confici tabulam Authorum in tres Classes divisam . In Prima sint libri certè genuini . In secunda sint libri certè  
sup.

suppositi. In Tertia. sunt dubii. Dein statuuntur regulas sequentes.

4. Prima. Factum celebre & illustre innoxum testimonio Authoris, coevi, nec continens incredibilia, pro certo haberi debet; debet verò Author esse fide dignus.

5. Secunda. Quando factum non est publicum, nec tamen continet quid fabulosum; sed contigit in provincia Authoris, pro verosimili haberi debet; maximè si traditum sit à testibus oculatis, aut coavis.

6. Tertia. Etsi historia sit à paucis cognita, aliquantum extraordinaria, vestita circumstantiis non omnino incredibilibus, & gesta in terris remotis, non tamen rejici debet sine probationibus convincentibus, si falsitas talis historiae à Scriptoribus coavis demonstrari potuisset.

7. Quarta. Testimonium Authoris nimis creduli, assueti fabulis, & exigui judicii non videtur rejiciendum, si testetur se rem gestam vidisse, aut à fide dignis vel coavis accepisse; maximè si res gesta sit publica, & illustris, si nihil contineat, quod non sit verosimile; si contigit in provincia Authoris, nec ejus falsitas aliundè demonstrari possit. Si verò talis Author recenseat facta paucis cognita, parùm probabilia, & in regionibus exteris gesta, sine examine recipi non debent, licet Author dicat se testem oculatum, aut rem à fide dignis percepisse.

8. Quinta. Testimonium Authoris antiquioris recentiori, conprovincialis peregrino semper præferri debet.

9. Sexta. Quando Author non addit, ex quo fonte suum testimonium hauserit, ad ejus qualitatem attendi debet.

10. Libros suppositos distinguit in tres  
Class.

**Classes :** In Prima sunt, qui scitent fabulis ; his adimit omnem authoritatem. In Secunda sunt, in quibus sunt immixti errores ; nec hos citari consultum ducit. in Tertia sunt, qui nihil erroneum continent ; non tamen sunt illius Authoris, quem præferunt, sed alterius. Hos citare fas est. Si liber apocryphus citetur à Concilio œcumenico, quoad illum saltem textum, qui citatur, obtinebit authoritatem.

1. Ad discernendos gradus authoritatis ponit sequentes regulas. 1. Quando unius testimonio contradicunt plures ejusdem cum illo authoritatis, standum est testimonio plurium. 2. Quando unus vel alter testatur de facto, reliquis tenentibus silentium ; tunc asserenti, non silenti credendum est. 3. Quando diversi Authores eandem rem diversimodè referunt, credendum potius liberis, nec ulla manifesta passione affectis. 4. Quando diversi Authores sentiunt diversimodè, licet sequi, quem volueris. 5. Licet eundem Authorem in uno loco recipere, in alio rejicere, quando eogit fortior authoritas. 6. Casu, quo conjecturæ æqualiter in utramque partem militent, standum est potius testimonio Authoris antiqui, quàm moderni, membri Ecclesiæ, quàm extranei ; Patrum & Doctorum Ecclesiæ, quàm aliorum, quibus nulla ab Ecclesiæ deferatur veneratio.

12. Ut possimus ferre judicium de qualitate Authoris, vult nos ad quinque conditiones attendere. 1. Ad accurationem, discretionem, soliditatem, & judicium relucens ex operibus. 2. Considerandum, an sit nimis credulus ; an ostendat modestiam, ac moderationem, nil asserendo sine examine. 3. Attendendum ad modum se explicandi ;

candi, an se explicet in terminis formatibus sine ambiguitate: an fortè non destruat in uno loco, quod in alio adstruit: an loquatur tantum incidenter, aut rem ex instituto examinando. 4. An passio, proprium commodum, præjudicia, calor disputationis &c. nullam scribendi occasionem dede- rint. 5. An comprehendat materiam; an habeat occasionem ac dispositionem ad er- randum.

13. Pro conjecturis sequentes gradus probabilitatis affert. 1. Probabilitas facti est major est, quo motiva sunt magis solida ac rationi conformia. 2. Motivum est conformius est rationi, quod à majori numero Doctorum ut tale agnoscitur. 3. Factum est est probabilius, quando conjectura, cui factum innititur, recipitur à pluribus doctis: hinc ista probabilitas facti, sicut & æstimatio Doctorum, successu temporum mutari potest. 4. Factum, quod nullo rationabili motivo nititur, pro non probabili haberi potest. 5. Ut sciatur, an motivum sit rationabile, examinari debet, quid de illo communiter sentiant Doctores, ac docti; nec sufficit, quod quis judicet, id suæ propriæ rationi conforme esse. 6. Ut factum sit certò probabile, requiritur, ut motivum sit positivè rationabile; non tantum negativè, quatenus nil affertur in contrarium. 7. Factum non debet censerì probabile, quando pro parte opposita stat moralis certitudo. 8. Autoritas cedat rationi, quando Docti certificant Authorem errasse; quando verò Author non potest convinci erroris, nec ei opponitur alia auctoritas; ratio cedat auctoritati. 9. Quando factum nititur motivo & conjectura rationabili; ejus probabilitas non potest rejici responsis generalibus, dicendo: appa-  
renter

rentes rem potuisse non contigisse; timendum esse, ne falsa sint enarrata; dubitari posse, an factum nitatur documentis authenticis &c. Sed requiruntur responsa positiva, quibus adstruatur in oppositum æqualis probabilitas. 10. Cum conjecturæ facillè sint subiectæ deceptioni, moderatus Criticus nunquam recedat à via communi, nisi cogatur à veritate.

14 Pro Criterio traditionum proponit regulas Du Pini, quæ potissimum attingunt traditiones Apostolicas. 1. Certum sit, omnes Ecclesias primis sæculis in puncto traditionis convenisse. 2. Antiquos Patres de eo testari. 3. Ut nec initium, nec institutio à temporibus Apostolorum uspiam reperiatur. 4. Ut non reperiatur usus contrarius in scriptis antiquorum Patrum.

15 Pro Traditionibus historicis R. P. Honoré sequentes tradit regulas:

Prima. Requiritur, ut praxis, vel historia, quæ proponitur, nil contineat vani, superstitiosi, inutilis.

16 Secunda. Debet posse præsumi, Ecclesiam, Episcopos, & primos, qui rem traditam receperunt, eam non recepisse sine fundamento, licet nobis incognito.

17 Tertia. Examinandum, an sit locus dubitandi de veritate rei traditæ. Si sit locus dubitandi, requiruntur probationes claræ, certæ, & evidentes ad demonstrandam falsitatem rei traditæ.

18 Quarta. Res tradita nil contineat indecens, ridiculum, improbabile, manifestè fabulosum, aut incredibile.

19 Quinta. Traditio nihil contineat repugnans usui temporum, & qualitati personarum, à quibus promanavit traditio.

20 Sexta. Traditio non sit impugnata ab Authoribus coævis, aut aliis, quorum auctoritas

thoritas nos de falsitate traditionis persuadere posset.

21. Septima. Observandum, an non repariatur contradictio in substantia traditionis; an verò solum aliquæ circumstantiæ cum facto principali non consentiant.

22. Octava. Requiritur, ut convenienter possit responderi objectionibus.

23. Nona. Quando traditio non foret in omnibus conformis his regulis, non deberet supprimi, si ejus suppressio causaret majus scandalum, quàm ejus tolerantia.

24. In Tomo Secundo suarum Reflexionum Criticarum videtur primas quatuor Regulas paululum immutasse: eas enim sic reddidit.

1. Nulla Traditio sine convenienti probatione recipiatur. 2. Pias opiniones nil contineant fabulosi, ridiculi, impossibilis, superstitiosi. 3. Rationabiliter præsumi potest Ecclesiam, Episcopos, & alios, qui primitus pias traditiones receperunt, id non sine fundamento fecisse, licet nobis incognito. 4. Examinandum, an sit locus dubitandi de veritate facti; sed ut liceat dubitare de traditione jam recepta, requiruntur claræ probationes, quibus demonstretur ejus falsitas. Factum nunquam debet credi ex eo præcisè, quod possit esse verum; neque etiam debet propterea revocari in dubium, quod possit esse falsum.

25. En Regulas Criticæ emendatæ! ac fortè etiam hæc aut sunt in omnem partem nimis versatiles, aut certè non satisfaciunt illorum Criticorum desiderio, qui cupiunt, maximè in Historia Ecclesiastica, posteritati solum documenta authentica relinquere. Cum enim multæ traditiones falsæ eosdem veritatis characteres habeant, quos habent aliquæ traditiones veræ; non poterunt hæc retineri, quin retineantur illæ; nec illæ pote-

runt rejici, quin rejiciantur istæ. Critici, qui nullam historiam aut traditionem sine charactere evidentia recipere volunt, ne cogantur cum aliis traditionibus solum probabilibus veris etiam recipere multas falsas æquè nonnumquam probabiles, rejiciendas veras cum falsis existimant, quando discerni non possunt. R. P. Honorè videtur suis regulis efficere, ut cum traditionibus probabilibus veris necessariò retineantur multæ falsæ. Utrùm horum Ecclesiæ optabilius futurum sit, solius Ecclesiæ judicio relinquam.

## §. VI.

*Regula de antiquitate librorum & Manuscriptorum.*

1. Libri impressi nulli reperiuntur ante annum 1450. quia ante illum annum nondum inventa erat ars Typographica. Reperi quidem in Bibliothecæ Reipublicæ Augustanæ Codicem impressum, cui ab inventore artis Typographicæ appressus est annus 1440. sed conjicio, id vel lusum esse manus secundæ; vel inventorem, eo denotare voluisse, se jam anno 1440. habuisse prima consilia excolendi hanc artem. Addo, inter libros impressos paucos omnino reperiri insignitos anno, ante annum 1470.

2. Codices Manuscripti papyracei nulli omnino reperiuntur ante annum 1350. & paucissimi tantum ante annum 1400. Inter plura talium Manuscriptorum millia, quæ lustravi vix viginti reperi scriptos ante annum 1400. ultimum ac vetustissimum vidi Ratisbonæ in Bibliotheca PP. Dominicanorum, quod habuit annum 1368. & ex Archivio

E.c.

Ecclesiæ Collegiatæ ad S. Petrum Monachii. vidi Schedulam papyraceam scriptam anno 1357. Ex hoc colligo, papyrum communiter nunc usitatem ante annum 1350. nondum fuisse inventam. Addo, papyrum ab anno 1350. usque ad annum 1400. ex ipsa forma prodere suam antiquitatem, ut à peritis facile discerui possit. Est enim densa, crassa, & perpetuis surculis instar linearum distincta; hi surculi communiter non amplius reperiuntur post annum 1400. ex hoc enim tempore facta est planior, quamvis æquè densa crassa ac prius.

3. Manuscripta, in quibus supra jota reperiuntur puncta, præsumuntur esse scripta sæculo decimo quinto, quia ante annum 1400. nulla talia reperiuntur puncta, sed tantum virgulæ longiores, hoc modo: *inimicus*. Imò verò initio sæculi 15. solebant poni tantum contractiones virgulæ, ac dein circa annum 1420. usque 1450. immisceri lineolis puncta; donec tandem circa annum 1460. mera puncta fieri consueverint.

4. Manuscripta, in quibus supra jota reperiuntur virgulæ seu lineolæ, non præsumuntur esse scripta ante annum 1250. seu medium sæculi decimi tertii; quia nullum reperi Codicem antea scriptum similibus virgulis insignitum. Ante annum enim 1250. supra jota nec puncta ponebantur, nec virgulæ, sed nihil prorsus, post annum 1250. usque ad annum 1300. non nunquam reperiuntur tales virgulæ, sed raræ tamen, sic ut librarii tria aut quatuor jota sine virgula transferint, donec iterum unum insignierint.

5. Codices Manuscripti, in quibus sunt frequentes abbreviationes, non præsumuntur



tur esse scripti ante sæculum 15. quia hic modus scribendi primùm invaluit, postquam papyrus cœpit fieri communior.

6. Codices sæculi 13. & 12. sæculi sunt tenuis calami, & elegantis characteris; sed Codices sæculi 11. & 10. sunt crassioris calami plerumque.

7. Codices sæculi 9. & 8. habent litteras alphabeticas formæ crassæ, & flammæ; ubi videlicet ductus non sunt recti, sed irregulares, & valdè crassi.

Plura dabit experientia, & orthographia temporum.

## P A R S V.

### *Principia, & exempla Artis Criticæ ex SS. Patribus.*

#### §. I.

##### *Regula Generales.*

**N**ihil temerè sine prævio examine admit-  
tendum est; id est, nihil credendum  
est absque ratione, aut autoritate sufficien-  
te. Tertullianus L. 5. adversus Marcionem.  
C. 1. Nihil interim credam, nisi nihil teme-  
rè credendum. Temerè porro creditur, quod  
sine originis agnitione creditur. Quamobrem  
Pontice, edas nobis velim, quo symbolo su-  
sceperis, Apostolum, Paulum quem in Al-  
bo Apostolorum apud Evangelistas non  
deprehendo? quis illum tituli caractere  
percusserit, quis transmiserit tibi? ipse se,  
inquit, Apostolum est professus. Planè pro-  
fiteri semetipsum quivis potest. Verum pro-  
fessio ejus alterius autoritate conficitur: alius  
scri-

scribit, alius subscribit, alius obsignat, alius actis refert. Nemo sibi Professor & testis, quæ credis est probatio. S. Ambrosius L. 3. Epist. 19. loquens de Hæreticis ad fidem conversis, ait: difficile inbuti animi infidelitatis venenis abolere possunt impietatis suæ glutinum; si tamen in iis virus infustum inoleverit: nec faciliè iis credendum putes, nervi enim sunt, & quidam artus sapientiæ, non temerè credere, maximè in causa fidei. Huc pertinet, quod D. Augustinus refert, nec improbat Juliani Pelagiani dictum: Non numerandas, sed ponderandas esse sententias; nec ad aliquid inveniendum quidquam multitudinem prodesse cæcorum. L. 2. cont. Jul. Gregorius Nyssenus laudat Harmonium Episcopum, quòd nihil à se dictum absque excussione, atque examinatione admiserit. Ep. ad Parm. Similiter D. Hieronymus laudans Paulam Romanam ait: Cum Romæ essem, nunquam tam fastidiosa me vidit, ut non de scripturis aliquid interrogaret. Neque verò more Pythagorico quidquid responderam, rectum putabat, nec sine ratione præjudicata apud eam valebat autoritas, sed examinabat omnia, & sagaci mente universa pensabat, ut me sentirem non tam discipulam habere, quàm judicem. In Procem. Epist. ad Gal. E contra Lactantius l. 5. Instit. C. 20. Gentiles reprehendens dicit: Inhærentes persuasioni vulgari libenter errant; & stultitiæ suæ favent, à quibus si persuasionis suæ rationem requiras, nullam possunt reddere, sed ad majorum iudicia confugiunt, quòd illi sapientes fuerint, illi probaverint, illi scierint, quid esset optimum; seque ipsos sensibus spoliant, ratione abdicant, dum alienis erroribus credunt.

*Regula 2. Nihil in re dubia asserendum est.*

Hic

Hieronymus Epist. 122. ad Vitalem. In rebus obscuris diversas ponimus opiniones. Idem in C. 12. Danielis, nolens quemquam insistere expositionibus Scripturæ dubiis ait: dimittat dubia, & in manifestis hæreat. Idem in C. 2. Osee. Prudens lector attendat, ut si non veritatem, quod difficillimum est, saltem suspicionem verosimilium investigare valeamus. S. Augustinus in Enchiridio C. 56. Quis explicet, cum qualibus corporibus apparuerint Angeli. Cum ista quærentur, & ea, sicut quisque potest, conjectat, non inutiliter exercentur ingenia, si adhibeatur disceptatio moderata, & absit error opinantium se scire, quod nesciunt, quid enim opus est, ut hæc atque huiusmodi affirmentur vel negentur, vel definiantur cum discrimine, quando sine crimine nesciuntur? Idem l. 7. C. 1. de Genesi ad litt. Rectè est autem veraciter atque congruenter; nihil audaciter refellendo, nihil temerè affirmando, dum adhuc dubium est, verum falsumve sit, sive fidei, sive scientiæ Christianæ: quod autem doceri potest vel rerum ratione apertissima, vel scripturarum autoritate certissima, sine cunctatione asserendo, Et C. 28. Cætera, quæ in hoc libro disputando locutus sum, ad hoc valeant legenti, ut aut noverit, quemadmodum sine affirmandi temeritate quærenda sint, quæ non apertè scriptura loquitur; aut si ei istud quærendi modus non placet, quemadmodum ipse quæsi verim sciat, ut si me potest docere, non abnuat, si autem non potest, à quo ambo discamus, mecum requirat. Et l. 8. C. 5. Erunt, qui ipsam omnino animam esse corpoream pronuntiare non dubitent, cum quibus ego de tam magna quæstione nulla temeritate confingo. Melius est enim dubitare de occultis, quàm  
liti-

litigare de incertis. Et l. i. 2. C. i. Undecim libris sive efferendo atque defendendo, quæ certa nobis sunt, sive inquirendo & ambigendo de incertis differuimus, non tam præscribentes in rebus obscuris unicuique quid sentiat, quàm nos docendos, in quibus dubitavimus, ostendentes, temeritatemque affirmandi amoventes à lectore, ubi non valuimus præbere sententiæ firmitatem.

Cyrillus Alexandrinus contra Anthropomorphitas C. 2. Subtiles hujusmodi, neque admodum tritæ quæstiones non tam demonstratione dogmatica, quàm dubitatione & discussione conjecturali indigent; neque committendum est, ut sermo in ea, quæ parum consentanea sunt, prolabatur, aut à veritate aberret. Scriptum est enim: Quærens quære, & juxta me habita. Quòd verò ipsa Sacra Scriptura apertè non dixit, quo pacto quisquam apertè declararit? cujus generis censeo esse, quod scriptum est: Fecit Deus cælum & terram. Quod fecerit, Scriptura dicit, & fide complectimur: quomodo autem cælum fecerit; curiosius indagare, noxa non vacat. Altioribus enim & abditioribus mentem immergere non oportet. Quæcunque igitur Sacra Scriptura apertè non dicit, latere oportet, & silentio præterire. Si autem ratiocinatione & conjectura ad veritatem contendendum est, dicimus, &c. Theodoretus quæst. 60. in Genesin. Quidam dicunt, ab Heber Hebraicam linguam dictam esse. Ego verò puto, ex eo Hebræos dictos esse, quòd Abraham Euphratem pertransiit; Hebra enim idem Syrorum lingua dicitur quod Euphrates. Sed de hoc contendere superfluum est; nullum enim ex verbo pietati detrimentum accedit, sive hoc, sive illud recipiamus.

*Regula 3. Dubia semper tanquam dubia.*  
*Amor. Philosoph. T. V. N pro.*

*proponenda ac recipienda sunt.* Hanc regulam constanter eo modo, quo Criticum decet, observat Epiphanius. Hæresi 27. fateatur, se id, quod de quadam Marcellina narrat, tantum habere ex fama. Idem faretur her. 28. de Merinthianorum appellatione. Her. 29. ait: Nazaræi post hos sequuntur, qui simul cum illis fuerunt, aut etiam ante ipsos. neque enim exactè dicere possum, qui alteri successerint. Hær. 30. Hic puer fortassis, ut puto, Judas vocabatur; non tamen certò scio propter tempus. Hær. 31. Ad nos per auditum fama quædam pervenit; quare non præteribimus, ut ne etiam hujus natalem locum indicemus. In ambiguo quidem est, an vera dicturi simus; tamen famam ad nos perlatam silentio non præteribimus. Dicunt enim ipsum fuisse Phrebonitem. Hær. 39. Arbitror me in Ægypto in hanc hæresin incidisse: non enim exactè memini regionis, in quo cum ipsis congressus sum.

*Regula 4. In quovis doctrinae systemate tantum opus est examinari ac probari primaria doctrinae capita, reliqua recipienda sunt sub spe paræ certitudinis.*

*Regula 5. Ab initio credendum, quos quis probat, peritis sub spe scientiæ.* Eusebius l. 1. præparat. evang. C. 5. Quid attinet hoc loco pluribus id conari, ut non inconsideratæ cuidam ac temerariæ fidei, sed consilii, utilitatisque plenæ rationibus, quæque veræ pietatis formam atque institutum complectantur, nos ipsos addixisse ostendamus. Equidem universos, qui vim ac momenta rationum assequi possunt, adhortamur, ut, quas accipiunt dogmatum nostrorum demonstrationes, attentius ac subtilius examinent. Sed quoniam omnium ea facultas & solertia non est, & tam amans sit hominum Deus, ut neminem repudiet; sed cuilibet sanando

con-

congruam adhibeat medicinam, adeoque imperitos & idiotas ad levio-rem curationis rationem invitet, mulieres, pueros, vulgariumque hominum multitudinem manu-ducētes, sanam fidem tanquam medicamentum adhibemus, iisque cogitationem de Divina Providentia, immortalitate animarum, & vitæ norma cogitationem inserimus? Quid autem? an non eos etiam videmus, qui curandis corporum ægrotationibus operam scienter navant, quæcunque ad exquisitam Medicinæ artis cognitionem pertinent, longo usu atque multâ doctrina perdiscere, omniaque ratione tractare. Qui verò ad eosdem curandæ gratia valetudinis accesserint, illos fidei cuidam exitusque lætioris expectationi sese ita permittere, ut cum ex istius scientiæ præceptis intelligere accuratè nihil possint, sola spe ac fide salventur. Ac peritissimus quidem Medicus in medium prodiens, quid aut cavere aut facere oporteat, sic tanquam princeps ac dominus aliquis scienter præcipit. Ægrotus autem ipsi perinde ac Regi, & Legislatori obsequitur, quòd sibi, quidquid ab eo præceptum fuerit, utile quoque futurum putet. Ita discipuli cujusvis doctrinæ præcepta à magistris excipiunt, quod ab illis didicerint, id sibi expedire rati. Immò verò ne ipsius quidem Philosophiæ partem ullam quisquam attingeret, nisi ejus professionem usui antè sibi fore crederet. Atque ita factum videmus, ut alius ad Platonis, alius ad Aristotelis, vel Stoicorum disciplinam conferret, sic ut singuli quidquid probarent, id fide quadam, speque meliori tanquam sibi profuturum amarent, atque retinerent. Sic artes eas, quæ media nominantur, homines persecuti sunt; & alii quidem militari rei se dedere, mercaturam alii facititare maluerunt, ea nimirum fide & persuasione multò antè adducti.

quòd ejusmodi vitæ ratio plurimùm sibi ad eã tuendam opis esset allatura. Quid aliud manibus oculisque tenemus, quàm vitam hominum universam ex duabus hisce rebus spe nimirum fideque suspensam teneri? quid ergo causæ est, quòd adedò mireris, quibus non vacat omnia sigillatim ac subtilius addiscere, illis Divina hæc fidei manu tradi; aliis verò licere ipsas etiam investigare rationes, & eorum, quæ asseruntur, demonstratione indagare? S. Hilarius l. 1. de Trinit. Hanc Divini Sacramenti doctrinam mens læta suscepit, & hæc omnia ultra humanæ intelligentiæ sensum metiens Dei virtutes non sensu, sed fidei infinitate pendeat, ut Deum in principio apud Deum esse, & Verbum carnem factum esse non idcirco non crederet, quia non intelligeret, sed idcirco meminisse se intelligere posse, si crederet. S. Augustinus l. de quantitate animæ C. 7. Hoc initio te admonui, ut patienter ferres circuitum nostrum, non levis res quæ quæritur, non facilis ad cognoscendum. Aliud est enim, cùm auctoritati credimus, aliud cùm rationi. Auctoritati credere magnum compendium est, & nullus labor. Quòd si te delectat, poteris multa legere, quæ magni & divini viri de his rebus necessaria imperitiis locuti sunt, crediq; sibi voluerunt ab iis, quorum animis vel tardioribus, vel implicatioribus aliàs salus esse non poterit. tales enim homines, quorum profecto maxima multitudo est, si ratione velint verum deprehendere, similitudinibus rationum facillimè decipiuntur, & in varias noxiasque opiniones ita labuntur, ut emergere indè ac liberari aut nunquam aut ægerrimè queant. His ergo utilissimum est, excellentissimæ auctoritati credere, & secundùm hoc agere vitam. Quòd si tutius putas, non solum nihil resisto, sed etiam mul.

multum approbo. Si autem cupiditatem istam refrænare non potes, qua tibi persuasisti, ratione pervenire ad veritatem, multi & longi circuitus tibi tolerandi sunt, ut non ratio te adducat, nisi ea, quæ sola ratio dicenda est, id est, vera ratio, & non solum vera, sed ita certa, & ab omni similitudine falsitatis aliena, sitamen ullo modo hæc ab homine inveniri potest, ut nullæ disputationes falsæ, aut verisimiles ab ea te possint traducere.

*Regula 6. Nec ratio certa auctoritati, ac claro textui, nec auctoritas certa rationi obijcienda est.* S. Augustinus Epist. 7. ad Marcellinum. Quia hoc me facere compellit de animæ exortu caliginosissimæ quæstionis obscuritas, manum potius porrigant confitenti, & quidquid illud est, nosse cupienti, & doceant, si possunt, vel ostendant, si quid de hac re vel certa ratione didicerunt, vel apertissimo divino eloquio crediderunt. Si enim ratio contra Divinarum Scripturarum auctoritatem redditur, quamlibet acuta sit, fallit verisimilitudine: nam vera esse non potest. Rursus si manifestissimæ, certæque rationi velut Scripturarum Sanctarum obijcitur auctoritas, non intelligit, qui hoc facit, & non Scripturarum illarum sensum, quem non intelligit, sed suum potius obijcit veritati.

*Regula 7. Ratio est omni humana auctoritati preferenda.* S. Augustinus l. 5. de Musica C. 5. Id ego quoque rectissimum judico, sed non facile ista populo persuadentur: tanta enim vis consuetudinis, ut ea inveterata, si falsa opinione genita est, nihil sit inimicitius veritati. Pudet imbecillitatis, cum rationi roborandæ hominum auctoritas quæritur, cū ipsius rationis ac veritatis auctoritate, quæ profecto est omni homine melior,



nihil deberet esse præstantius. Agit hic demetro versuum.

*Regula 8. Ratio etiam exemplis anteponenda est.* S. Augustinus l. 2. de Civit. C. 23. At enim multi se interemerunt, ne in manus hostium pervenirent. Non modò quærimus, utrùm sit factum, sed utrùm fuerit factendum. Sana quippe ratio etiam exemplis anteponenda est, cui quidem & exempla concordant, sed illa, quæ tantò digniora sunt imitatione, quantò excellentiora pietate.

*Regula 9. Certa non debent impugnari per incerta.* Irenæus l. 2. cont. Hæreses C. 46. Cum universæ Scripturæ & Prophetiæ & Evangelicæ in aperto & sine ambiguitate ab omnibus audiri possint, ac prædicent unum Deum; valde hebetes apparebunt, qui ad tam lucidam adaptionem cæcutiunt oculos; & nolunt videre lumen prædicationis, sed per tenebrosas parabolarum absolutiones unusquisque eorum putat proprium invenisse Deum. quia enim de ipsorum, qui contraria sentiunt, Deo nihil apertè in Scriptura dictum est, dicunt hæc in absconso docuisse Salvatorem discipulos per ænigmata & parabolas. Dicunt alium esse, qui prædicatur Deus, & alium Patrem, qui per parabolas & ænigmata significatur Pater. Quia autem parabolæ multas possunt recipere absolutiones, ex ipsis de inquisitione Dei affirmare, derelinqentes quod certum & indubitatum & verum est, valdè præcipitantium se in periculum & irrationabilium esse, quis non confitebitur?

*Regula 10. Dubia non tolluntur per aliud dubium.* Irenæus l. 2. cont. hæ. C. 10. Omnia quæstio non per aliud, quod quæritur, habebit resolutionem; nec ambiguitas per aliam ambiguitatem solvetur apud eos, qui sensum ha-

habent, aut ænigmata per aliud majus ænigma: sed ea, quæ sunt talia, ex manifestis & consonantibus, & claris accipiunt ab-  
solutiones.

*Regula 11. Omne argumentum probabile sum-  
mitur à communiter contingentibus.*

*Regula 12. Contingentia in innumeris cir-  
cumstantiis non procedunt uniformiter.*

*Regula 13. Quæ igitur uniformiter ac con-  
gruenter in unum systema incidunt, non casu  
sæc congruunt, sed providentia.* Tertullianus  
de Præscript. C. 28. Ecquid verosimile est, ut  
tot ac tantæ Ecclesiæ in unam fidem errave-  
rint? Nullus inter multos eventus est unus  
exitus. Variasse debuerat error doctrinæ Ec-  
clesiarum. Quod apud multos unum invenit-  
ur, non est erratum, sed traditum. Oni-  
genes l. 2. de principiis. Qui futuros mundos  
per omnia huic nostro pares ætates voluit,  
nescio, quibus id possint asserere documen-  
tis. si enim similis per omnia mundus dici-  
tur, erit, ut iterum Adam & Eva eadem  
faciant, quæfecerunt; idem iterum erit di-  
luvium, & Moyses iterum sexcenta homi-  
num millia ex Ægypto educet &c. quod non  
puto aliquas ratione posse firmari, sed arbitrii  
libertate aguntur animæ. Tale enim est,  
quod ab ipsis dicitur, ut si quis velit asserere,  
quod frumenti medimnum, si profundatur in  
terram, potest fieri, ut penitus iidem & in-  
discreti secundò accidant granorum casus, ita  
ut unumquodque granorum juxta profusum  
jaceat secundò, quo primò aliquando deje-  
ctum est, & eodem ordine. Quod innume-  
rabilibus medimni granis prorsus impossibile  
est accidere, etiam si per diversa sæcula inde-  
finenter ac jugiter effundantur. Ita ergo im-  
possibile mihi videtur, eodem ordine, iisdem-  
que modis nascentium, & morientium, & a-  
gentium quid secundò posse reparari. Eusebius

h. 3. demonstr. Evang. n. 7. Quam probabilitatem habeat, Apostolos tam salutarium documentorum auditores, ac potius jam magistros effectos suspicari mentitos, quæcunque suum præceptorem effecisse testificati sunt? aut quam credibile, si putent, illos omnes sibi inter se consensisse in mendacio, duodecim quidem de omni numero electos, Septuaginta autem reliquos: nulla unquam afferetur ratio, quare tantæ multitudini hominum credendum non sit, qui quidem religiosam gravemque vitam amplexi sint, resque suas spernati concors testimonium tanquam uno ore in omnes homines de Magistro protulerint. Lactantius l. 2. Instit. C. 5. Ex hoc apparet sydera Deos non esse, quod exorbitare illis à præstitutis itineribus non licet. Cæterum si dii essent, huc atque illuc passim sine ulla necessitate ferrentur, sicut animantes in terra, quorum quia liberæ sunt voluntates, huc atque illuc vagantur, ut libet, & quo quemque duxerit, eò feruntur. Non est igitur astrorum motus voluntarius, sed necessarius, quia præstitutis legibus, officiisque servantur. Irenæus ex eo, quia omnia Prophetarum vaticinia in Christo contingenter concurrunt, probat, ea de Christo facta esse. l. 4. cont. hæret. C. 67. Unde poterant Prophetæ prædicere omnia, quæ à Christo facta sunt, si ab altero Deo inspirationem acceperunt. Casu quodam hæc evenisse non potestis dicere, tanquam à Prophetis de altero quodam dicta, similiter autem Domino evenerunt. Nam argumenta, quæ prædicta sunt, in nullo alio facta sunt. Non igitur de altero, sed de Domino, in quem concurrerunt omnia prædicta signa, dicebant Prophetæ. S. Augustinus Ep. 3. ad Volusianum ex eo, quod omnes partes fidei contingenter ac tam mirabiliter conspirent, probat veritatem.

ritatem fidei. Quem non moveat, inquit, ad credendum tantus ab initio ipse rerum gestarum ordo, & ipsa connexio temporum, preteritis fidem de præsentibus faciens, priora posterioribus, & recentioribus antiqua confirmans. Complentur in Christo omnia præconia Prophetarum.

*Regula 14. Quod primum est fieri, plerumque fit.* S. Hieronymus l. 1. contra Pelagianos. C. 9. Afferis, posse hominem sine peccato esse, & ut hoc verum dixisse videaris, statim adjungis, & Dei mandata facile custodire, si velit, quæ aut rarus aut nullus implevit. Si enim facilia sunt, debent à pluribus custodiri; si autem, concedamus tibi, rarus quisquam ea implere potest, manifestum est, esse difficile, quod rarus est. S. Chrysostomus in Epist. ad Ephes. C. 1. hom. 2. Quid quæso est difficilius, quid injucundius, noctes obire vigilantem, & muros persodere, & in tenebris ambulare, & animam habere in manibus, & instructum esse ad cædem, & tremere, & mori metu; an quotidianis operam dare laboribus, & in tuto esse cum securitate? hoc est facile, & quia hoc est facile, plures hoc faciunt, quàm illud. Idem hom. 66. de fato & Providentia. Qui in delitiis perpetuò versatur, & ebrietati indulget, & parasitos alit, atque adulatores, & cibo potioneque completur volens nolens persæpè necessario peccat opportunitate quadam loci præsentis. S. Augustinus in Epist. ad Galatas. Quod amplius delectat, secundum id operemur necesse est. ut v. g. si plus delectat pulchritudo & sincera species castitatis, secundum hanc vivimus, & secundum hanc operamur. Quod autem de castitate & fornicatione dixi, hoc de cæteris intelligi volui.

*Regula 15. Hinc credendum, quòd proclivius est fieri.* S. Augustinus l. 15. de Civit.

C. 13. Si quæram, quid sit credibilius, Judæorum gentem tam longè latèque diffusam, in hoc conscribendum mendacium (de ætate mundi) uno consilio conspirare voluisse, & dum aliis invident auctoritatem, sibi abstulisse veritatem; an Septuaginta homines, qui & ipsi Judæi erant, in uno loco positos, communicato cōsilio veritatem Ægyptiis invidisse, quis non videat, quid proclivius, faciliusquè credatur? sed absit utrumque &c.

*Regula 16. Hinc & ille sensus verbis subesse censendus est, qui iisdem plerumque subjicitur.* Cyrillus Alex. l. 5, Thesauri. C. 4. Si creatio non semper substantialem productionem à nihilo ad esse significat, sed plerumque à peioribus ad meliora translatione, quomodo non erit stultum, quando Sapientia Dei creati se dicit, non diligenter id considerare? *Domini-  
mus creavit me.* Creavit, non ad esse à nihilo, sed initium viarum suarum in opera ejus. Idem l. 2, in Joannem C. 3, de rectè interpretandis textibus loquens, ait: *Undique conferentia colligenda sunt.* id est, similes textus conferendi, ut appareat, quis plerumque sensus conveniat. Et Theodoretus in Genesin, quæst. 20. Antropomorphitæ coacervant mille loca Scripturæ, quibus membra Dei appellantur. Adversus vos certandum est primùm ex dictione Scripturæ, id est, ex communi modo loquendi Scripturæ.

*Regula 17. Non potest fieri, quòd in innume-  
ris circumstantiis nunquam fit.* S. Hieronymus cont. Pelagianos C. 4. Responde mihi; velis, an nolis esse sine peccato? si vis, quare non imples, quod desideras? dicitis; posse hominem sine peccato esse; sed aliud est esse, aliud esse posse. Esse non est in nostra positum potestate; esse autem posse, generaliter, quòd licèt alius non fuerit, tamen possit esse, qui voluerit. Rogo, quæ est ista argumentatio,  
pos-

posse esse, quod nunquam fuerit? posse fieri, quod nullum fecisse testaris? Gregorius Nazianzenus Orat. 36. de filio. Non potest filius quidquam facere à seipso, nisi id viderit patrem facientem. Quæ verba ejusmodi sensu explicanda sunt. Posse vel non posse non uno modo dicitur; variam enim ac multiplicem significationem habet. nonnunquam enim secundum virium defectum dicitur, & certi temporis ac persone ratione habita; ut quod puer luctari non possit, aut catulus cernere, aut cum aliquo dimicare. Luctabitur enim fortasse aliquando, & cernet, & cum hoc dimicabit, etiamsi cum altero nequeat. Interdum de eo dicitur, quod plerumque non contingit; ut illud; Non potest civitas abscondi supra montem posita. Fieri enim potest, ut quædam civitas abscondatur, majori nimis monte ipsius luminibus obstruente. Impossibile etiam dicitur, quod minime æquum est, rationique consentaneum; cujus generis est illud; Non possunt filii sponsi jejunare, quamdiu præsens est sponsus. Quarta significatione hoc fieri non posse dicitur, à quo nostra voluntas abhorret; cujusmodi est illud: Non poterat illic signa facere propter incredulitatem eorum. Quo etiam in ordine ponendum est illud: Non potest mundus odisse vos. Et: quomodo potestis bona loqui, cum sitis mali? quo enim pacto quidquam horum impossibile est, nisi quia voluntas abhorret; Denique illud etiam impossibile dicitur, quod natura quidem impossibile est, Deo autem volenti possibile.

Regula 13. Quod prout est fieri, necessario aliquando fit. S. Ambrosius de Jacobo. C. 1. Non potest fieri, ut facilis ad iracundiam non irascatur, sed ut ratione se temperet.

*Regula 19. Quod uniformiter fit, casu non fit.* S. Augustinus ex eo, quod in Græca Biblia uniformiter primis Patriarchis ad vitam centum anni adjecti sint, infert, hoc à Latina Biblia discrimen non casuali errore sed industria factum esse l. 15. de civit. C. 23. ait: In his continuatur ipsius mendositatis similitudo, ita ut super sint centum anni in prima, secunda, tertia, quarta, quinta, septima generatione. Videtur error quandam habere constantiam; nec casum redolere sed industriam. Ubi verò non est ista per tot generationes continuata paritas, scriptoris tribuatur errori.

*Regula 20. Quod casu ac contingenter fit, raro fit.* Sequitur ex dictis.

*Regula 21. Quod prout est fieri, frequenter fit.* S. Ambrosius l. 1. de Job. C. 7. Adolescentia magis ad vitium lubrica esse consuevit: igitur crebra naufragia.

*Regula 22. Nulla conjectura ponatur sine probatione.* Hoc exemplo suo perpetuò demonstrat S. Chrysostomus. v. g. Homil. de Prophetarum obscuritate ait: Multa Prophetæ Judæis mala prædicunt, ne igitur Judæi hæc audientes eos interficerent, interpretationis difficultate prædictiones occultabant, sicque suæ incolumitati consuluerunt. Undè verò ad constat rationes enim à nobis reddendæ sunt; tametsi inter amicos versemur; siquidem multi etiam fortassis adsunt non amici.

*Regula 23. In probabilibus non ferendum iudicium ante solutionem objectionum.* quia solutio objectionum preparat intellectum ad credendum, ac fluctuantem confirmat. Eusebius l. 1. Preparat. Evang. n. 1. Facturus operæ pretium mihi videor, si aggressurus hoc Demonstrationis Evangelicæ opus pauca stornenda ac præmunienda viæ gratia prius de

de iis rebus definiam, de quibus tam gentiles quam Iudei justam nobis questionem movere posse videantur. Etenim sic existimo, nostrum hunc sermonem ad perfectiorem demonstrationis Evangelicæ doctrinam, graviorumque dogmatum intelligentiam processurum; si quæ ad preparationem hanc pertinent, viam aperuerint. S. Hilarius l. 1. de Trinit. Parum est, in rebus ad salutem maxime necessariis, sola ea ad satisfactionem fidei afferre; quæ propria sunt: quia plerumque blandientes sensum fallunt dictorum nostrorum inexplorata assertiones, nisi etiam propositionum adversarum demonstratæ inanitates fidem nostram in eo ipso, quod ipsæ ridicula esse arguantur, affirmant.

*Regula 24. Non tamen ad quasvis futes objectiones, quæ non facile movebunt prudentes, respondendum est.* Lactantius l. 7. Instit. C. 12. Cætera Epicurei dogmatis argumenta Pythagoræ repugnant dicenti, migrare animas de corporibus in corpora. Quæ sententia deliri hominis, quoniam ridicula est, immodè dignior, quam Scholastico fuerit, ne refelli quidem seribere debuit. Quod qui facit, videtur vereri, ne quis id credat. S. Augustinus l. 2. de Civit. C. 1. Si rationi perspicue veritatis infirmus humanæ consuetudinis sensus, non auderet obistere, sed doctrinæ salubri languorem suum tanquam Medicinæ subderet, donec divino adjutorio fide pietatis impetrante sanaretur, non multo sermone opus esset ad convincendum quemlibet vanæ opinionis errorem his qui rectè sentiunt, & sensa verbis sufficientibus explicant. Nunc verò, quoniam ille est insipientium morbus, quo irratiōabiles motus suos post rationem plenè redditam, quanta homini ab homine debetur, sive nimia cæcitate, qua nec aperta cernuntur, sive obstinatissima pervicacia, qua & ea quæ



cernuntur non feruntur, tanquam ipsam rationem veritatemque defendunt, sit necessitas copiosius dicendi plerumque res claras, velut eas non spectantibus intuendas, sed quodammodo tangendas palpatibus offeramus. Et tamen quis disceptandi finis erit, si respondendum esse respondentibus semper existimemus? nam qui vel non possunt intelligere, quod dicitur, vel tam duri sunt ad versitate mentis, ut etiam si intellexerint, non obediunt, infatigabiliter vani sunt. Quorum dicta contraria si toties velimus refellere, quoties obnixa fronte statuerunt non curare, quid dicant, dum quocunque modo nostris disputationibus contradicant, quam sit infinitum & ærumnosum, vides.

*Regula 25. Ad eadem tamen dicta nonnunquam propter tardiores sæpius respondendum est.* S. Augustinus l. 2. contra Petilianum, C. 1. Primis partibus Epistolæ Petiliani, quas tantummodo inveneramus, satis nos respondisse meminerunt, qui ea legere vel audire potuerunt. Sed quia postea tota est à fratribus inventa, atque descripta, ut universæ responderemus, non erat defugiendum hoc officium. styli nostri; non quia ille novum aliquid dicit, cui non jam multis modis & sæpe responsum est: Sed propter tardiores fratres, qui ea, quæ alicubi legeram eis, ad omnia paria referre non possunt. Ibidem l. 1. C. 1. Respondere diversa sentientibus sæpissimè cogimur etiam de his rebus, quas aliis atque aliis sermonibus frequentavimus. quod utiliter existimo fieri & propter tardiora ingenia eorum, qui putant aliud dici, cum aliquid legunt aliter dici, & propter ipsam disputationum copiam, ut non solum ad diligentiores res rara perveniat, sed quodlibet ex multis in manus etiam negligentiores incurrat.

*Regula 26. Multum contribuit ad probandam*

dam veritatem propositionis, si diutius inharceatur eidem propositioni. quia facilius credimus, quę propensius meditamur. S. Ambrosius in Psal. 118. Oclon. 2. prefat. Tunc salubriora consilia credimus, si propensiore meditatione examinata videantur.

*Regula 27. Ad securam assentionem requiritur, ut etiam adjuncta rei diligenter considerentur:* quia sepe aliquid apparet in se verum, quod non congruit adjunctis. S. Hilarius in Psal. 131. ad verba: Introibimus in tabernaculum ejus, adorabimus in loco, ubi steterunt pedes ejus, Judęos sic refellit. Templum illud hodie jam nullum est, incensum est, dirutum est, informe ruinis est. ubi ergo Dei requies est? mentitus Propheta est? Deus etenim requiem, quam ei se juratus reperturum vovebat, amisit. Itaque quia neque Dei dignitati, neque naturę hominis, neque locorum veritati, neque temporum demutationi hæc irreligiösarum opinionum figmenta conveniunt, nunc demonstrandum, ad personam Domini Jesu Psalmum pertinere.

*Regula 28. Ex eo, quod adversa sententia convincatur esse falsa, non statim prior recipienda est.* quia facilius falsa vincuntur, quam inveniatur verum, Lactantius l. de Ira Dei. C. 11. Tullius l. 3. de natura Deorum dissolvit publicas religiones, sed tamen veram, quam ignorabat, nec ipse nec alius quisquam potuit inducere: adeo & ipse testatus: Falsum quidem apparere; veritatem tamen latere. Utinam, inquit, tam facile vera invenire possem, quam falsa convincere. Quod quidem non dissimulante, ut Academicus, sed verè atque ex animi sententia proclamavit, quia veritas humanis sensibus erui non potest; quod assequi voluit humana providentia, id assecutus est, ut falsa detegeret.

quidē

quidquid enim fictum, & commentitium, quia nulla ratione subnixum est, facile dissolvitur.

*Regula 29. Sententia merito suspecta esse debet, cujus probationes aut explanationes similitudinem, proportionem, aut connexionem habent cum aliis falsis sententiis, quia plerumque falsa, quæ falsis congruunt.* Lactantius l. 3. Instit. C. 24. volens ostendere falsitatem sententiæ, dari antipodas; in hoc ipsum vitium, quod oppositæ sententiæ tribuit, currit. sic ait: Quid illi, qui contrarios nostris vestigiis antipodas putant? nunquid aliquid loquuntur? aut est quisquam tam ineptus, qui credat esse homines, quorum vestigia sint superiora, quàm capita? hujus erroris aperienda nobis origo est; nam semper eodem modo falluntur. cum enim falsum aliquid in principio sumpserunt, verisimilitudine inducti, necesse est eos in ea, quæ consequuntur currere: sic incidunt in multa ridicula; quia necesse est falsa esse, quæ falsis congruunt: cum autem primis habuerint fidem, qualia sunt ea, quæ sequuntur, non circumspiciunt, sed defendunt omni modo, cum debeant prima illa, utrumne vera sint an falsa, ex consequentibus judicare. Hinc etiam Eusebius l. 1. Preparat. Evang. veritatem fidei Christianæ ex eventu ac consequentibus probat, eo quod Deustantam vim contulerit Evangelio. n. 4. Quivis intelligat, Numine plane Divino robur ejus ac firmitatem constitisse; cum vexata tot annos, partimque dæmonum, partim principum acerbitate jactata majoribus in dies ornamentis & multitudine augeatur; ut planè dubitare nemo possit, quin Deus ille rerum moderator omnium levatoris nostri doctrine vim quandam omni conatu & oppugnatione superiorem cunctorumque victricem hostium cœlesti auxilio largiatur. Idem sensum Prophetiarum

ex ipso rerum eventu indagandum esse docet. Demonstr. Evang. l. 7.

*Regula 30. Cum in quavis questione omnia consideranda considerari non possint. ex paucis de toto, quantum homini licet timide semper ac modeste judicandum est.* Sic bene notat Lactantius, Aristotelem non omnia considerasse ad Philosophiam pertinentia, dum eam brevi perfectam futuram prædixit. l. 3. Instit. C. 28. Aristoteles inquit, veteres Philosophos aut gloriosissimos aut stultissimos fuisse, qui existimassent, Philosophiam suis ingeniis esse perfectam; sed se videre, quod paucis annis magna accessio facta esset, brevi tempore Philosophiam planè absolutam fore. Quod igitur fuit illud tempus? quo in ore? quando est? aut à quibus absoluta? nam quod ait stultissimos fuisse, qui putavissent ingeniis suis perfectam esse sapientiam, verum est, sed ne ipse quidem satis prudenter, qui aut à veteribus cœptam, aut à novis auctam, aut mox à posterioribus perfectam iri putavit. Hinc Eusebius l. 10. Præparat. Evang. n. 3. ubi Scriptorum Græcorum vanitatem, imperitiam, & furta, atque vitia probat, tantum aliqua ex illis exempla affert, post quæ concludit: Sed enim, cujusmodi Scriptorum Græcorum ratio sit ex istis exemplis, quæ ex infinitis pauca collegi, satis constare existimo.

*Regula 31. In quavis questione omittenda contumelia, & quæ ad statum questionis non pertinent.* quia ut S. Augustinus contra Donatistas Epist. 152. dicit: *Nec causa causæ, nec persona persona præjudicat.* Id est, non persona cum persona ob impertinentes lites, nec merita extrinseca causæ cū causa, sed argumenta cōfigant: afferebant Donatistæ pro se aliquas Decisiones Episcoporum; alias Decisiones afferebant pro se Catholici: hæc ergo cōmunia utri-

utrique parti præjudicia mittenda esse dicit, quia nec causa causæ, nec persona personæ præjudicat. Idem l. de utilitate credendi C. 2. separatis nugis locorum communium res cum re, causa cum causa, ratio cum ratione configat, Et l. r. cont. Julianum C. r. Contumelias tuas, & verba maledica, Juliane, quæ ardens iracundia libris quatuor anhelasti, si me contemnere dixerò, mentiar. Quomodo enim contemnere possum ista, ubi testimonium conscientiæ meæ cogitans vel gaudere me debere video pro me, vel dolere pro te? &c. Sed hæc pro tuo dogmate, quod veritatem putas, etiam tu potes dicere. Aufertur itaque de medio, si placet, ista communia, quæ dici ex utraque parte possunt, quamvis veraciter ex utraque parte dici non possint.

*Regula 32. Quas persuaderi volumus, verbis exasperari non debent.* S. Augustinus l. contra Epistolam Manichæi C. r. 2. 3. Deum rogavi, ut in refellenda & revincenda hæresi vestra, Manichæi, cui & vos fortasse imprudentius, quàm malitiosius adhæsisistis, det mihi mentem pacatam atque tranquillam, & magis de vestra correctione, quàm de subversione cogitantem, Nostrum fuit, ut ad vestram correctionem aditum faceremus non in contentione & æmulatione, & persecutionibus, sed mansuetè consolando, benevolè cohortando, leniter disputando; sicut scriptum est: Servum Domini non oportet litigare, sed mitem esse ad omnes, docilem, patientem, in modestia corripientem diversa sentientes. Nostrum ergo fuit, has velle partes expetere. Illi in vos sæviant, qui ignorant, cum quo labore verum inveniat; & quàm difficile caveantur errores. Illi in vos sæviant, qui nesciunt, quàm rarum & arduum sit, carnalia phantasmata

ea pia mentis serenitate superare. Illi in vos faviant, qui nesciunt, cum quanta difficultate sanetur oculus interioris hominis. Illi in vos faviant, qui nesciunt, quibus suspiriis & gemitibus fiat, ut ex quantulacunque parte possit intelligi Deus. Postremo illi in vos faviant, qui nullo tali errore decepti sunt, quali vos deceptos vident. Ego autem, qui diu multumque jactatus vix tandem perspicere potui, quid sit illa sinceritas, quæ sine inanis fabulæ narratione percipitur, favire in vos omnino non possum.

*Regula 33. In errores tamen, ubi magis præcauenda bonorum seductio, quam speranda errantium emendatio, vehementer invehi debemus.* Epiphanius. l. 3. cont. hæz. ad finem. Cæterum rogo vos omnes, qui hæc lecturi estis, ut veniam detis mentis meæ tenuitati, quæ à multo hærescon veneno obstupuit instar naufragantis & revementis propter austera verba, per quæ contra quosdam commota & injecta est, dum aliquos scelestos, aut impostores, aut erroneos, aut deceptores appellavit. Nam propter multam veneni molestem ac vexationem, quamvis hic non noscer mos sit, ut aliquos libenter sugillemus, coacti fuimus talibus ipsos impetere verbis, quo mentem quorundam averteremus, ne fortè putent nos ex eo, si displicentiam nostram non publicassemus in revelando ea, quæ ab ipsis dicuntur aut fiunt, partem habere mentis assentientis pravæ unicujusque hæresis opinioni.

*Regula 34. Scandalosa sunt, quæ facile in sensu perverso accipiuntur à populo.* Eusebius l. 2. Præparat. Evang. num. 8. affert sequentem observationem Dionysii Halicarnassæi. Nemo me nescire existimet, nonnullas Græcorum de diis fabulas aliquid hominibus

utilitatis afferre, five naturæ opera latente verborum sensu repræsentent, five ad mitigandas humanorum casuum molestias confictæ fuerint, five ad tollendas animorum perturbationes, metusque levandos, five ad minus sanas opiniones refellendas, five alterius cujuscunque commoditatis gratia compositz. Verùm licèt ista æquè norim, ac quivis alius in ejusmodi tamen fabulis magna semper cautione opus esse arbitror, eoque libentius Romanorum Theologiam, quæ omnem fabulam dignitate & honestate vacuam mali ominis instar averfatur, approbo, meum ipse reputans, exigua illa admodum esse bona, quæ Græcis fabulis continentur, quæque non ad plures, sed tantùm ad eos pertinere possint, qui, quem in scopum illæ collineent, diligenter accuratèque perspexerint. Enim verò, cùm pauci admodum illi sunt, quibus hanc ad Philosophiam aditus pateat, tum sanè rudis & imperita multitudo vulgares istos de diis sermones deteriorem in partem interpretari solet, atque in alterum è duobus incidit; ut vel Deus aspernetur tot actantis miseriarum fluctibus jactatos; vel nullum flagitii scelerisve genus cavendum sibi ac declinandum putet, cùm ea diis ipsis usque adeò familiaria fuisse videat.

*Regula 35. Non omne dogma pro securo habendum, quod non damnavit Ecclesia.* quia Ecclesia non omnes errores, sed tantùm eos damnare solet, qui faciunt strepitum. S. Augustinus l. de Vera religione. C. 6. Ecclesia Catholica per totum orbem diffusa omnibus errantibus utitur ad profectus suos, & ad eorum correctionem, cùm evigilare voluerint. Utitur enim Gentibus ad materiam operationis suæ, Hæreticis ad probationem doctrinæ suæ, Schismaticis ad docu-

mentum

mentum stabilitatis suæ, Judæis ad comparationem pulchritudinis suæ. Alios ergo invitat, alios excludit, alios relinquit, alios antecedit, omnibus tamen gratiæ Dei participandæ dat potestatem. Carnales autem suos, id est, viventes aut sentientes carnaliter, tanquam paleas tolerat, quibus in area frumenta tutiora sunt, donec talibus tegminibus exuantur. Sed quia in hac area pro voluntate quisque vel palea vel frumentum est, tamdiu sustinetur peccatum aut error cujuslibet, donec aut accusatorem inveniat, aut pravam opinionem pertinaci animositate defendat. Sæpè etiam finit Divina Providentia per nonnullas nimium turbulenta hominum carnalium seditiones expelli de congregatione Christiana etiam bonos viros. quam contumeliam vel injuriam suam cum patientissimè pro Ecclesiæ pace tulerint neque ullas novitates vel schismatis vel hæresis moliti fuerint, docebunt homines, quàm verò affectu & quanta sinceritate charitatis Deo serviendum sit. Tallum ergo virorum propositum est, aut sedatis remeare turbinibus; aut, si id non finantur vel eadem tempestate perseverante, vel ne suo redditu talis aut sævior oriatur, tenent voluntatem consulendi etiam eis ipsis, quorum motibus perturbationibusque cesserunt, sine ulla conventiculorum segregatione usque ad mortem defendentes, & testimonio juvantes eam fidem, quam in Ecclesia Catholica prædicari sciunt. Hos coronat in occulto Pater, in occulto videns. Rarum videtur hoc genus, sed tamen exempla non desunt; immo plura sunt, quàm credi potest.

*Regula 36. Argumenta innumera nullam continentia probabilitatem, etiam collecta nullam consti-*



- 310      *Principia Artis Criticę .*  
*constituunt probabilitatem.* Sic S. Augustinus  
de Baptismo l. 6. & 7. affert plũs quàm se-  
xaginta argumenta Donatistarum , quibus  
ostendere conabantur , de novo baptizandos  
esse , qui à nostra Ecclesia ad Donatistas tran-  
siverant : nec tamen quisquam dixerit , om-  
nia illa argumenta sententiam Donatistarum  
reddidisse probabilem .

## §. II.

### *De Auctoritate.*

*Regula 1. Ubi credendum , testi idoneo cre-  
dendum est.* Eusebius Demonstr. Evang. l.  
10. ex Psal. 118. Diabolus stet à dextris  
ejus . &c. Quòd hæc ad Judam referenda sint,  
idoneus sanè esto testis Apostolus Petrus.  
Lactantius l. 6. Instit. c. 25. Hoc genus sa-  
crificii quàm verissimum sit , Trismegistus  
Hermes idoneus testis est . S. Hilarius l. 1. de  
Trinit. Concedamus cognitionem sui Deo ,  
diisque ejus pia veneratione famulemur ;  
idoneus enim sibi testis est . Et l. 12. in fine .  
Christus idoneus mihi ad fidem testis est . Et  
l. ad Augustum . Didicimus , commenta hæc  
fuisse inventa à Narcisso , Theodoro &c. quo-  
rum litteræ etiamnum proferuntur ; & idoneis  
testibus convincuntur . S. Ambrosius in Psal.  
118. Oñon. 14. Horum satis idoneus testis est ,  
qui non mentitur , Deus . Et in C. 3. Lucæ . De  
Jechonia satis idoneus testis est Jeremias . S.  
Augustinus l. cont. Gaudentium C. 14. Non  
erat pro vestra causa contra nos idoneus testis  
Emeritus ille , inimicus .

*Regula 2. Aut certè credendum idoneo con-  
troversæ & rerum judici.* S. Ambrosius in C.  
12 Lucæ . Dominus idoneus sui operis æstima-  
tor magno pretio nos redemit .

*Regula 3. Auctoritas , cui firmissimè cre-  
dendum est , nec falli posse debet , nec fallere.*  
S. Hic.

S. Hieronymus in C. 5. Epistol. ad Galat. Quod si verum est, & eorum distinctio nec fallit, nec fallitur, consideremus.

*Regula 4. Nonnunquam possunt etiam omnes errare.* Lactantius. l. 3. Instit. C. 3. Causas rerum naturalium velle disquirere; cœlum ipsum qua magnitudine sit, utrum quietum sit, an mobile &c. Hęc disputando & conjecturis velle comprehendere, tale est profecto, quale si differere velimus, qualem esse arbitramur cujusdam remotissimæ gentis urbem, quam nunquam vidimus, nec aliud quàm nomen audivimus. Age opinemur de statu & qualitate orbis illius. Verosimile in plano sitam, lapideis mœniis, ædificiis sublimibus, viis publicis, magnificis delubris. Sed cùm hęc dixerimus, aliusecontrà disputabit, & cùm hic quoque peroraverit, surget & tertius, & alii deinceps, & opinabuntur multò disparia, quàm nos sumus opinati. Quid ergo erit ex omnibus certius? fortasse nihil. at omnia sunt dicta, quæ in rerum naturam cadunt, ut necesse sit, eorum aliquid esse verum. at nescietur, quis verum dixerit. Potest fieri, ut omnes ex aliqua parte erraverint, ex parte attigerint veritatem. Stulti ergo sumus, si hoc disputatione quæramus.

*Regula 5. Quando tamen omnes conveniunt in re, quæ dependet à lumine naturali, vel à testimonio sensuum, credendum est.* quia nec omnes uniformiter mentiri, nec innumerabiles stulti esse possunt. Primum constat ex Regula 13. §. 1. alterum docet Lactantius. l. 5. Instit. C. 13. Cùm noster numerus semper de Deorum cultoribus augeatur, nunquam verò ne in ipsa quidem persecutione minuatur, quis est tam excors,

tam

tamque cæcus, ut non videat, quia in utraque parte est sapientia. Sed illi stultos arbitrantur, qui cum habeant in sua potestate supplicia vitare, cruciari tamen & mori malunt; cum ex eo ipso possint videre, non esse stultitiam, in qua tanta hominum millia per totum orbem una & pari mente consentiunt. Si enim scemina sexus infirmitate labuntur, viri certè sapiunt. Si pueri, si adolescentes improvidi sunt per ætatem; maturi certè ac senes habent stabile judicium. Si una civitas desipit, certè utique innumerabiles stulti esse non possunt. Si una provincia, una natio, prudentia caret; ceteras omnes habere intelligentiam recti necesse est. Cum verò ab ortu Solis usque ad occasum lex divina suscepta sit; & omnis sexus, omnis ætas, & Gens & Regio unis ac paribus animis Deo serviat, eadem sit ubique patientia; idem contemptus mortis, intelligere debuerant, aliquid in ea re esse rationis, quod non sine causa usque ad mortem defendatur; aliquid fundamenti ac soliditatis, quod eam religionem injuriis & vexatione augeat semper & faciat firmiorem.

*Regula 6. Cujuscunque eruditi sententia orbis totius sensus præferendus est.* L. 1. de moribus Ecclesiæ C. 29. S. Augustinus sic habet: Christum audi; in his, inquit, duobus præceptis universa lex pendet & Prophetæ. Quid hoc loco potest dicere impudentissima pertinacia? non hoc Christum dixisse? at in Evangelio ejus verba ista conscripta sunt. Falsum esse, scriptum? quid hoc sacrilegio magis impium reperiri potest? quid ista voce impudentius? quid sceleratius? simulacrorum cultores, qui Christi nomen oderunt, nunquam hoc adversus Scripturas illas ausi sunt dicere.

Con-

Consequetur namque omnium litterarum summa perversio, & omnium qui memoriz mandati sunt librorum abolitio, si quod tanta populorum religione roboratum est, tanta hominum & temporum consensione firmatum, in hanc dubitationem adducitur, ut ne historiz quidem vulgaris fidem possit, gravitatemque obtinere. Postremò quid de scripturis ullis proferre poteris, ubi mihi uti hac voce non liceat, si contra meam rationem, intensionemque proferatur? illud verò quis ferre possit. quod nos notissimis ac jam in omnium manibus constitutis libris credere vetant, & iis, quæ ipsi proferunt, imperant, ut credamus? si de Scriptura dubitandum est, de qua magis, quàm quæ disfamari non meruit, quæ verè potuit sub nomine alieno tòta mentiri? at si istam obtrudis invito, & autoritatis exaggeratione cogis in fidem; egone de illa, quàm constanter latissimè divulgatam video, & Ecclesiarum per totum orbem dispersarum contestatione firmatam, dubitabo miser; & quod est miserius, te authore dubitabo, cum si exemplaria proferres, altera tenere non deberem, nisi ea, quæ plurium consensione commendarentur, nunc verò nihil te proferente, quod conseras; putabis, usque aded genus humanum esse perversum, & divinæ providentiæ ope desertum, ut illis scripturis tua tantùm verba præponat?

*Regula 7. Credendum potius paucitati doctorum, quàm multitudini indoctorum. Lactantius l. 2. Instit. C. 20. Peracta est difficilis operis portio; veteres depulimus errores. nunc verò difficilior cum Philosophis proposita luctatio est, quorum summa doctrina & eloquentia quasi moles aliqua mihi imponitur; nam ut illic multitudine ac propè consensu omnium Gentium premebamur, ita hic auctori-*

tate præstantium omni genere laudis vſorum. Quis autem nesciat, plus esse momenti in paucioribus doctis, quàm in pluribus imperitis; sed non est desperandum, istos quoque Deo & veritate ducibus posse depelli. S. Hieronymus in C. 2. Sophoniæ: Semel decrevimus veritatem interpretationis, & lectoris magis eruditi, quàm vulgi iudicium sequi. S. Augustinus l. 2. cont. Jul. C. 10. approbat dictum Iuliani. Non numerandas, sed ponderandas esse sententias. Et; Ad aliquid inveniendum nihil multitudinem prodesse cæcorum. Item: In causa iudicandi amoto strepitu turbantur de omni ordine conversationis hominum ad discussionem talium rerum non solà nomina, sed eligendam esse prudentiam, & honorandam esse paucitatem, quam ratio, eruditio, libertasque sublimat.

*Regula 8. Plus in authore ratio, quam Authoritas valet.* S. Hieronymus Epist. 152. ad Minerium. Hæc dictavi, quid eruditi viri de utroque sentirent loco, & quibus argumentis suas vellent probare sententiâs, vestræ prudentiæ exponens. Neque enim tanta est meæ pusillitatis authoritas, qui nihil sum, & invidorum moribus pateo, quantæ eorum, qui nos præcesserunt, nec juxta Pythagoræ discipulos præjudicata doctoris opinio, sed doctrinæ ratio ponderanda est. Siquis contrariæ factionis immurmurat, sciat me illud Apostoli libenter audire: Omnia probate; quod bonum est, tenete.

*Regula 9. Incipientibus prius sequenda est, quàm examinanda authoritas.* S. Augustinus l. 2. de Ordine C. 9. Ad discendum dupliciter ducimur, authoritate, atque ratione, tempore authoritas, re autem ratio prior est. Aliud est enim, quod in agendo anteponitur, aliud quod plurius in appetendo assumatur.

tur. Itaque, quanquam bonorum autoritas imperitiæ multitudini videatur esse salubrior; ratio verò aptior eruditis. Tamen, quia nullus homo nisi ex imperito peritus sit, nullus autem imperitus novit, qualem se debeat præbere docentibus, & quali vita esse docilis possit, evenit, ut omnibus bona, magna, & occulta discere cupientibus non aperiatur, nisi autoritas januam; quam quisque ingressus sine ulla dubitatione vitæ optimæ præcepta sectatur, per quæ cum docilis factus fuerit, tum demum discet, & quantæ ratione prædita sint ea ipsa, quæ secutus est ante rationem, & quid sit ipsa ratio, quam post autoritatis cunabula firmus comprehendit.

*Regula 10. Contra auctoritatem plurium, nunquam, nisi rebus bene expensis, pronuntiandum est.* S. Augustinus l. 3. cont. Donatistas C. 4. Quid scripserit Cyprianus, jam legi fateor; & profectò issem in eandem sententiam, nisi me ad diligentiorē considerationem revocaret tanta auctoritas aliorum, quos vel pares gratia doctrinæ, vel etiam fortasse doctiores per tot Gentes, græcas, Latinas, Barbaras. & ipsam Hebræam Ecclesia toto orbe diffusa parere potuit, quæ ipsum quoque pepererat, qui mihi quoque nullo modo videri potuerunt frustra noluisse istam sententiam, non quia fieri non potuit, ut in obscurissima quæstione verius pluribus unus, paucive sentirent, sed quia non facile pro uno vel pro paucis adversus innumerabiles ejusdem religionis & unitatis viros, & magno ingenio, & uberi doctrina præditos, nisi pertractatis pro viribus atque perspectis rebus ferenda sententia est.

*Regula 11. Traditio tamdiu præcisè meretur fidem, quamdiu de ejus corruptione non habentur positiva argumenta, quia constat multas*

traditiones fuisse falsas. Sic Irenæus l. 1. c. 39. testatur. ex traditione se habere, Christum fuisse quinquaginta jam annorum, cum moreretur. *Ætas*, inquit, à quadragesimo aut quinquagesimo anno declinat jam in ætatem seniores, quam habens Dominus noster docebat, sicut Evangelium & omnes seniores testantur, qui in Asia apud Joannem discipulum convenerunt, id ipsum tradidisse eis Joannem: quidam autem eorum non solum Joannem, sed & alios Apostolos viderunt, & hæc eadem ab ipsis audierunt, & testantur de hujusmodi relatione. Idem l. 5. c. 36. errorem Millenariorum pariter refert in traditionem. Quemadmodum, inquit, presbyteri dicunt, tunc alii Paradisi delitiis utentur, alii speciositatem civitatis possidebunt. Lactantius l. 1. insit. c. 7. Duplici ratione peccatur à Gentilibus, quòd Elementa Deo præferunt. Alterum, quòd elementorum figuras colunt. Hæ sunt religiones, quas sibi à majoribus suis traditas pertinacissimè tueri perseverant, nec considerant, quales sint, sed ex hoc probatas atque veras esse confidunt, quòd eas veteres tradiderunt, tantaque est authoritas vetustatis, ut inquirere in eam scelus esse dicatur. Itaque creditur ei passim tanquam cognitæ veritati. Apud Ciceronem sic dicit Cotta Lucilio; Habes Balbe, quid Pontifex sentiat; fac nunc ego intelligam; quid tu sentias; à te enim Philosophæ rationem religionis accipere debeo; majoribus autem nostris etiam nulla ratione reddita rationis est credere. Si credis, cur rationem requiris? majoresne potius, an rationem sequeris? si rationem mavis, discedere te necesse est ab institutis & authoritate majorum. Fatere igitur, stultos illos fuisse, qui excogitatis contra rationem religionibus serviunt. Sed tamen, quoniam nobis

nobis tantopere majorum autoritas opponitur, videamus, quinam majores illi fuerint, à quorum autoritate discendi nefas dicitur. Romulus pastores inter quos adoleverat, convocavit, cumque is numerus condendæ urbi parum idoneus videretur; constituit asylum. Eò passim confugerunt ex finitimis locis pessimi quique. Ita constavit ex his populum, legitque in senatum eos, qui ætate anteibant, & Patres appellavit; de quo Senatu Propertius loquitur:

Buccina cogebat prisca ad verba Quirites.

Centum illi in prato sæpe senatus erant.

Curia prætexto quæ nunc nitet alta senatu,

Pellitos habuit rustica corda patres.

Hi sunt patres, quorum decretis eruditi, ac prudentes viri devotissimè serviebant; idque verum ac immutabile omnis posteritas judicet, quod centum pelliti senes ratum esse voluerunt. Est verò, quòd illorum autoritas tanti habeatur à posteris; quos nemo, cum viverent, neque summus neque infimus affinitate dignos judicavit. Huc pertinet, quòd etiam D. Cyprianus suum errorem de baptismo hæreticorum iterando, & S. Augustinus suum errorem de necessitate communionis etiam quoad parvulos retulerint ad traditionem. De peccatorum meritis l. 1. C. 24. ait: Unde, nisi ex antiqua, ut existimo, & Apostolica traditione, qua Ecclesiæ Christi insitum tenent, præter baptismum & participationem Dominicæ mensæ ad vitam æternam neminem posse pervenire? Si ergo nec salus, nec vita æterna sine baptismo &



corpore & sanguine domini cuiquam speranda est, frustra sine his promittitur parvulis.

*Regula 12. SS. Patres, ubi non habent secum consensum Ecclesiae, non sunt infallibilis regu-*  
*a* . quia nullus hominum ab erroribus eximitur, nisi per operationem Divinae Providentiae; hæc verd in iis tantum se immiscet, quæ attingunt Ecclesiam, ut semper præcaveat errores. S. Augustinus l. 5. cont. Donatistas C. 26. Cum D. Cyprianus dicit; Episcopum docibilem esse debere, adjungit: Docibilis autem ille est, qui est ad discendum patientia lenis & mitis; oportet enim Episcopum non tantum docere; sed & discere, quia & ille melius docet, qui quotidie crescit & proficit discendo meliora. His utique verbis satis indicat vir sanctus; non esse metuendum sic ejus Epistolas legere, ut siquid postea pluribus & diuturnioribus inquisitionibus compertum Ecclesia confirmaverit; non ambigamus; quia sicut multa erant, quæ doctus Cyprianus doceret, sic erat & aliquid quod Cyprianus docibilis disceret. Quod autem nos admonet, ut ad fontem recurramus, id est, ad Apostolicam traditionem, & inde canalem in nostra tempora dirigamus, optimum est, & sine dubitatione faciendum. Idem Epist. 111. ad Fortunatianum. Non quorumlibet disputationes quamvis Catholicorum & laudatorum hominum velut scripturas Canonicas habere debemus, ut nobis non liceat salva honorificentia, quæ illis debetur hominibus, aliquid in eorum scriptis improbare, atque respuere, si fortè invenerimus, quodd aliter senserint, quam veritas habet, divino adjutorio, vel ab aliis intellecta, vel à nobis: talis ego sum in scriptis aliorum; tales esse volo intellectores meorum. Idem Epist. 112. ad Paulinam. Si  
 quid

quid divinarum Scripturarum perspicua firmatur autoritate, sine ullà dubitatione credendum est. Aliis verò testibus vel testimoniis, quibus aliquid credendum esse suadetur, tibi credere vel non credere liceat, quantum ea momenti ad faciendum fidem vel habere, vel non habere perpenderit. Si enim nihil crederemus, quod non ex scripturis sanctis aut per sensus didicimus; unde sciremus, à Romulo conditam Romam? unde sciremus, quibus parentibus, avis, majoribus geniti essemus? in his, si alicubi fallimur credendo, nihil periculi esse judicamus, si non sit contra illam fidem, qua pietas informatur. Hæc prælocutio te, & eos, qui ista lecturi sunt, præstruit, quales seu meorum, seu quorumlibet scriptorum iudices esse debeatis. Et C. 23. ejusdem Epist. Has sententias tantorum virorum non ob hoc interponere volui, ut cujusquàm hominis sensum tanquam scripturæ Canonice autoritatem sequendum arbitreris, sed ut illi, qui aliter sapiunt contenti viderent, quod verum est, ne tam doctos divinarum eloquiorum tractatores reprehendant.

*Regula 13. Traditio per varia ora traducta, suspecta quoad circumstantias est.* Lactantius. Ad Poetas mentio resurrectionis futuræ obscurorum ore pervenerat; eam verò temere auditam in modum fabulæ prodiderunt. Et tamen iidem testati sunt, non Authorem se certum, sed opinionem sequi, ut Maro qui ait: Sit mihi fas audita loqui. Quamvis igitur veritatis arcana in parte corruerint, tamen ipsa reseo verior invenitur, quod cum Prophetis in parte consentiunt. Cum Prophetæ prædicarent, judicaturum esse ex mortuis filium Dei; quoniam rectorem cæli non alium putabant, quàm Jovem, judicare apud inferos Jovis filium tradiderunt.

Corruperunt igitur Poetica licentia quod acceperant, vel opinio veritatem per diversa ora, sermonesque varios dissipata mutavit. J. 8. Instit. C. 21.

*Regula 14. Authoribus inter se dissentientibus neuter pro duce certo sequendus est.* Lactantius l. 1. Instit. C. 17. Omissis ergo hujus terrenae Philosophiae authoribus nihil certi asserentibus aggrediamur viam rectam. Quos quidem, si putarem satis idoneos ad bene vivendum duces esse, & ipse sequerer, & alios ut sequerentur hortarer: Sed cum ipsi magna concertatione inter se dissideant, sequeque ipsi plerumque discordent, appareat eorum iter nequaquam esse directum; siquidem sibi quique ut est libitum proprias vias impesserunt, confusionemque magnam quaerentibus veritatem reliquerunt.

*Regula 15. Consensus omnium populorum praesumitur fundari in lumine naturali.* quia impossibile est per Leges Contingentium tam diversas nationes in reliquis inter se dissentientes convenire uniformiter in quovis articulo, nisi cogantur evidentia rei manifestata in lumine. Lactantius l. 1. Instit. C. 2. de Providentia, quam nonnulli Philosophi negabant, loquens ait: Non difficile sanè fuit, paucorum hominum pravè sentientium redarguere mendacia testimonio populorum atque gentium in hac una re non dissidentium. nemo enim est tam rudis, tam feris moribus, qui oculos in cælum tollens, tametsi nesciat, cujus Dei Providentia gubernetur hoc omne quod cernitur, aliquem tamen esse intelligat ex ipsa rerum magnitudine, motu, dispositione, constantia, utilitate, pulchritudine, comparatione, nec posse fieri, quin id, quod mirabili ratione constat, consilio aliquo majore sit instructum.

*Regula*

*Regula 16. Nemo omnes, omnes nullum, singuli singulos fallunt. Seneca.*

*Regula 17. Quamvis Auctoris mali nunquam pro argumento assumi possit auctoritas, licet tamen exinde applicare, quæ ex se vera ac bona sunt. S. Hieronymus ad Pammachium Epist. 65. Objiciunt mihi, quare Origenem aliquando laudaverim. Ni fallor, duo loca sunt, in quibus eum laudavi; præfatiuncula ad Damasum in Cantica, & Prologus in librum Hebraicorum nominum. Quid ibi de dogmatibus Ecclesiæ dicitur? simplex interpretatio simplici voce laudata est. nihil ibi de fide, nihil de dogmatibus comprehensum est. Laudavi interpretem non Dogmatistam; ingenium, non fidem; Philosophum, non Apostolum. Quod si voluit super Origene meum scire judicium, legant in Ecclesiasten Commentarios, & intelligent, me semper ejus dogmatibus contraxisse. quæ enim stultitia est, sic alicujus laudare doctrinam, ut sequaris & blasphemiam. Et beatus Cyprianus Tertulliano Magistro utitur, ut ejus scripta probant; cumque eruditi & ardentis viri delectetur ingenio, Montanum cum eo, Maximillamque non sequitur. Fortissimos libros contra Porphyrium scribit Apollinarius: Ecclesiasticam Historiam pulchrè Eusebius texuit. Alter dimidiatam Christi introduxit œconomiam; alter impietatis Arrii apertissimus propugnator est. Væ, inquit Esajas, qui dicunt bonum malum, & malum bonum, & qui faciunt amarum dulce, & dulce amarum. Nec bonis adversariorum, si honestum quid habuerint, detrahendum est; nec amicorum laudanda sunt vitia & unumquodque non personarum, sed rerum pondere judicandum est. Hæc regula vera est, ni si timeatur, Lectores vel Auditores ex commendatione talium.*

Authorum progressuros ad majorem estimationem errorum, vel minorem saltem vilipensionem, aut eos animandos ad lectionem talium Authorum, in quibus nec pretiosum à vili discernere, nec latens venenum, sequæ in affectus Lectorum insinuans cavere possint. Hac cautione sumpta & illud verum erit Hieronymi in Apologia adversus Rufinum, ubi ait: Audi ergo, vir sapientissime, & Romanæ diulecticæ caput, non esse vitii hominem unum laudare in aliis, & in aliis accusare, sed eandem rem & probare & improbare. In Tertulliano laudamus ingenium, sed damnamus hæresin; in Origene miramur scientiam Scripturarum, & tamen dogmatum non recipimus falsitatem.

Vera hæc sunt, si simul in eodem textu periculosa laudi salubris reprehensio adiungitur.

*Regula 17. Auctoritas Scriptorum non ex fama & laude aliorum, sed ex laudantium merito metienda est.* S. Hieronymus præfat. l. 12. in Isaiam. Nullus tam imperitus Scriptor est, qui Lectorem non inveniat similem sui; multoque pars major est, Milesias fabellas revolvendum, quàm Platonis libros; in altero enim ludus & oblectatio est, in altero difficultas & sudor mixtus labori. Timæum ipse, qui interpretatur, Tullius se non intelligere fatetur; testamentum autem Grunnii Corocottæ decantant in scholis puerorum agmina cachinnantium. Igitur & noster Lavinius fruatur testibus, immò & fautoribus suis, vincatque multitudine, quia forsitan vincit ingenio: mihi sufficit paucorum testimonium, & amicorum laude contentus sum, qui in expetendis opusculis meis amore nostri labuntur, & studio scripturarum.

*Regula 18. Nec opinionis universalitas, nec*

*ejus antiquitas, aut opinantium sanctitas certum est veritatis argumentum.* S. Hieronymus Prol. l. 18. in Isaiam. Non ignoro, quanta inter homines sententiarum diversitas sit, non dico de Mysterio Trinitatis, sed de aliis Ecclesiasticis dogmatibus, de Resurrectione scilicet, & humanæ carnis statu, & qua ratione intelligenda sit Apocalypsis Joannis, quam si juxta litteram accipimus, judicandum est; si spiritualiter, ut scripta est, differimus, multorum veterum videbimur opinionibus contrarie; Latinorum, Tertulliani, Victorini, Lactantii; Græcorum, ut cæteros prætermittam, Irenæi tantum faciam mentionem; adversus quem Dionysius Alexandrinæ Ecclesiæ Pontifex elegantem scribit librum, irridens mille annorum fabulam. Cui duobus voluminibus respondit Apollinarius, quem non solum suæ sectæ homines, sed & nostrorum, in hac parte duntaxat, plurima sequitur multitudo, ut præfaga niente jam cernam, quantorum in me rabies concitanda sit. Idem in C. 5. Ezech. ad illud: *Tertia tui pars peste morietur: Septuaginta, quia supra quatuor partes posueram, dicunt, Quarta pars tui morte avertetur.* Perspicuum est autem, ut Hebræa veritas continet, tres esse partes. Multoque melius erat, transferre, quod scriptum est, quam rei male translatae patrocinium querere: nec hoc dicimus ab illis factum, quibus vetustas auctoritatem dedit; sed per multa sæcula. Scriptorum atque Lectorum vitio depravatum. S. Augustinus l. 3. de Civit. C. 10. Quoniam proclive est humanum genus non ex momentis ipsius libidinis, sed potius suæ consuetudinis æstimare peccata, sit plerumque, ut quisque hominum ea tantum culpanda arbitretur, quæ suæ regionis & temporis homines vituperare atque damnare consueverunt, & ea tan-

tum probanda atque laudanda, quæ consue-  
tudo eorum, cum quibus vivit, admittit,  
æque contingit, ut siquid vel Scriptura præ-  
ceperit, quod abhorret à consuetudine au-  
dientium, vel quod non abhorret, culpa-  
verit, si animum eorum jam verbi vinxit au-  
thoritas, figuratam locutionem putent: si  
animum præoccupaverit alicujus erroris opi-  
nio, quidquid aliter asseruerit Scriptura, fi-  
guratum arbitrentur.

*Regula 18. Nihil incredibile; quod testem  
habet idoneum.* S. Augustinus Epist. 7. De  
virginitate Sanctæ Mariæ, si hoc, quod scrip-  
psi, non persuadet fieri potuisse, neganda  
sunt omnia, quæ mirabiliter in corporibus  
acciderunt. Quod si propterea non creditur,  
quia semel factum est, quare ab amico, quem  
hoc adhuc movet, utrum nihil inveniatur  
in litteris sæcularibus? quod & semel factum  
est, & tamen creditum non fabulosa vanita-  
te, sed sicut existimant, historica fide, quæ-  
re, obsecro te. Si enim tale aliquid in illis  
litteris inveniri negaverit, admonendus est:  
si autem falsus fuerit, soluta questio est.

*Regula 19. Argumentum ex silentio aucto-  
rum non tunc probat, ubi auctores potuissent,  
sed ubi debuissent loqui.* Irenæus l. 1. contra  
hæres. G. 1. discite insensati, quoniam Jesus,  
qui nostra causa passus est, atque apud nos  
habitavit, cum ipsum esse Dei verbum.  
Etenim si alius quispiam ex Aeonibus pro  
salute nostra carnem assumpsisset, probabi-  
le fuisset, Apostolum de alio verba fecisse,  
cum autem verbum patris, quod descendit,  
idem sit etiam, quod ascendit, profecto non  
de quoquam alio, nec de Ogdoade verba  
fecit. Tertullianus l. 4. cont. Marcionem  
G. 12. ostendit, Christum Pharisis longo  
tempore suam divinitatem non manifestasse;  
quia de hæc nihil disceptatum reperitur. Et

C. 43. discipuli inquirunt; Nos autem putabamus, ipsum esse redemptorem Israelis, non existimarent, nisi esset; & cum existimaretur, non sustinisset hanc existimationem de se, si non is esset, qui existimatur. S. Hieronymus l. 1. cont. Pelagianos. *Atticus*. Quomodo hæc omnium opinio est, quod Dei auferas gratiam, & quidquid homines, agimus, propriæ tantum afferas voluntatis? *Critobolus*. Miror *Attice*, cur erroris alieni à me causam, rationemque flagites; & id quæras, quod scriptum non est, cum perspicuum sit, quod scripserim dixi, hominem sine peccato esse posse, si velit; nunquid addidi, absque gratia? *Atticus*, ex eo quod non addidisti, videris negare. *Critobolus* immò ex eo, quod non negavi, dixisse existimandus sum. neque enim quidquid non dicimus, negare arbitrandi sumus. Idem in C. 1. Epist. ad Galatas. Non mirum est, si Lucas hanc rem tacuerit, cum & alia multa, quæ Paulus sustinuisse se replicat, Historiographi licentia prætermiserit; & non statim est contrarium, si quod alius ob causam dignum putavit relatu, alius inter cætera dereliquit. Primum Episcopum Antiochæ Ecclesiæ Petrum accepimus, & Romam inde translatus, quod Lucas penitus omisit; S. Chrysostomus in C. 1. Epist. ad Galatas. Quid agis Paule? eum cupis judaizantes ad fidem perducere, nihil ex illis magnis ac præclaris adducis in medium, quale est illud, quod ad Philippenses scripsisti, dicens: cum in forma Dei esset, non rapinam arbitratus est esse se æqualem Deo. Item, quod Hebræis scribens clara voce protulisti: Splendore est gloriæ, & figura substantiæ illius. &c. horum nihil dicis: verum his omnibus de Divinitate Christi omissis de carnis dispensatione facis mentionem, crucem, ac mortificationem in medium afferens.

Hoc



Hoc esse verum fassus aliquis sic pro Paulo respondet. Si illi sermo fuisset apud homines, qui nihil magni de Christo concepissent animis, æquum erat illi magnifica proferre: verum quoniam illi nobis movent seditionem, qui sibi videbantur pœnas daturi, si descivissent à lege, ideo mentionem facit ejus rei, quæ excludit totam legem. Si dixisset: In principio erat verbum &c. declarasset quidem verbi Divinitatem; verum nihil ad id, quod hic agebatur, illa contulissent. Porro quod ait: Qui excitavit eum à mortuis, commonefecit eos summi beneficii, quod in nos contulit Christus; quæ res haud mediocriter ipsi conducebat ad id, quod agebatur. Hanc ob causam omissa illorum mentione de collata in nos magnificentia verba fecit. S. Augustinus l. i. de consensu Evangelistarum C. 21. Cur non intelligunt miseri (Gentiles) illum esse Deum verum, quem sic vident à Deorum suorum societate sejunctum, ut quem Deum fateri coguntur, qui omnes Deos colendos profitentur, cum cæteris colere non sinantur? cum ergo simul coli non possunt, cur non ille eligitur, qui istos coli vetat, relictis illi, qui illum coli non vetant? aut si vetant, legatur. quid enim magis populis eorum in templis eorum debuit recitari, ubi nihil unquam tale personavit? & utique prohibitio tam multorum contra unum, quam unius contra tam multos, notior & potentior esse deberet. Si hujus Dei cultus est impius, inutiles sunt dii, qui homines ab impietate non prohibent. Si verò pius est hujus cultus, quoniam in ipso præcipitur, ne illi colantur, impius est cultus eorum. Hic simulacra everti jussit, prædixit, evertit. Istos, ut ille non colatur, jussisse nescimus, prædixisse non legimus, valuisse aliquid non videmus. Idem l. 6. cont. Julianum. C. 24. de textu Apostoli: In

quo

quo omnes peccaverunt. quod Julianus per imitationem, Augustinus per traducem intelligi voluit, sic ait: Sed, inquis, si de peccati traduce loquebatur, nusquam congruentius diceret: Ideo pertransiit peccatum, quia omnes sunt de conjugum voluptate generati, & adderet; in eo transiit, in quo ex tabida primi hominis carne fluxerunt. Nec vides, eodem modo tibi posse dici; si de imitatione peccati Apostolus loquebatur; nusquam congruentius diceret: Ideo pertransiit peccatum, quia primi hominis præcessit exemplum; & adderet: In eo transiit, in quo omnes illius unius imitatione peccaverunt. Aliquo enim istarum duorum modorum loqueretur Apostolus hoc loco, si ad tuum vel meum loqueretur arbitrium. Quia ergo nec illud dixit, quod tu, nec illud, quod ego, nunquid vis, ut credamus, in his verbis nec originale secundum Catholicos, nec imitatorium secundum Pelagianos intelligendum esse peccatum? puto, quod nolis. remove igitur ista, quæ possunt ex utraque parte momentis aequalibus dici; & si tibi placeat sine contentione, quid Apostolus dixerit, intueri, adverte, ut hoc diceret, quid agebat.

*Regula 20. Author, in quo concurrunt multa indispositi ad veritatem animi indicia, non fundat presumptionem.* Talia autem indicia sunt, frequentes lapsus iudicii, prout fit in Hæreticis, passionibus, præiudiciis, levitas, styli, obscuritas mentis &c. Eusebius l. 1. contra Marcellum, ait: Huiusmodi hallucinationes ille simul congestas una modo periodo comprehendit &c. videtis, quàm immaniter aberret in hac historia, qui Jesum illum, per Prophetam Zachariam commemoratum, non intellexit, quis aut qualis fuerat. Quocirca qui in voce tam cuivis obvia aber-

ruvit.

ravit, & nudam ignoravit historiarum seriem, non potest ei tunc satis fides adhiberi in rebus Theologicis. Lactantius l. 7. Instit. C. 1. Necessarium puto, admonere lecturos, quàm hæc nostra, quæ tradimus, pravæ vitiosæque, mentes aut omnino non intelligent; hebetantur enim acies eorum terrenis cupiditatibus, quæ sensus omnes gravant, imbecillosque reddunt; aut etiam si intelligent, dissimulant tamen, & esse hæc vera nolent quia trahuntur à vitiis, & scientes malis suis favent, quorum suavitate capiuntur, & virtutis viam deserunt, cujus æcerbitate offenduntur. nam qui avaritia & opum quadam inextinguibili siti flagrant, quia non possunt venditis aut elargitis, quæ amant, tenui cultu vitam degere, sine dubio malunt id esse fictum, quo desideria suis renuntiare coguntur. Item, qui libidinum stimulis incitati, ut ait Poeta, in furias ignemque ruunt, utique nos incredibilia afferre dicunt, quia vulnerant aures eorum præcepta continentiarum. Qui verò ambitione inflati, aut amore potentiarum inflammati omne studium suum ad honores acquirendos contulerunt, nec si Solem quidem ipsum gestemus in manibus, fidem commodabunt ei doctrinæ, quæ illos jubet omni honore & potentia contempnis humiles vivere, atque ita humiles, ut accipere injuriam possint, & referre nolint, si acceperint. Hi sunt homines, qui contra veritatem clausis oculis quoquomodo latrant. Qui autem sani sunt, vel erunt, id est, nondum ita vitiis immergi, ut sanabiles non sint, & credent his, & libenter accedent; & quæcumque dicimus, aperta, plana, & simplicia, & quod maximè opus est, vera & inexpugnabilia videbuntur. Nemo virtuti favet, nisi qui sequi potest. *Gregorius Nyssenus de præjudiciis ab infantia per sensus haustis loquens. homil. 8.*

in Ecclesiasten sic ait : Utinam hoc ante omnia hominum doceretur natura, ut possit discernere bonum & honestum, & id, quod non est ejusmodi. non enim ad vitam nostram aditum haberent animi perturbationes, si id, quod est bonum, nossemus ab initio. Nunc autem sensum experientem rationis judicem boni & mali ab initio facientes simul alimur cum eo judicio de iis, quæ sunt, quod inest à principio; & ideo difficiliter avellimur ab iis, quæ bona esse sensus existimavit, ut qui firmam ac stabilem nobis fecerimus habitudinem, eo quòd cum illis simul educti & enutriti sumus. Pulchrum videtur hominibus, quod oculis per bonum colorem affert voluptatem. Auditui pulchra res est melodia. In saporibus quoque, & in odoribus ejusmodi bonum ac pulchrum definit, illud quidem gustus, hoc verò odoratus; omnium autem à ratione alienissimum est tactus: Quoniam ergo sensus cum nascentibus nobis statim oriuntur, & cum eis in primo vitæ initio statim versamur, propterea falsus & aberrans est usus affectionis. quoniam sensus simul nascitur cum primo ortu, mens autem expectat, donec excurrat ætas, ut possit paulatim apparere in subiecto, ea de causa sensus dominatum obtinet in mentem, quæ sensum accedit; quo fit, ut sit nobis arduum & difficile, verum bonum mente comprehendere, quoniam præoccupati sumus sentiendi instrumentis, eò, quòd delectat & lætitia afficit, bonum circumscribentes, quomodo enim fieri non potest, ut ad eam, quæ est in oculis pulchritudinem, aspiciamus, si aerem caligo interceperit; ita nec oculus animæ ad virtutem aspiciet, si per voluptatem velati quandam caliginem ejus obundatus visus.

S. Augustinus de indispositione omnium Gentilium ac Hæreticorum ad veritatem loquens, ostendit, eos etiam in profanis sæpissimè errare, eo quòd non habeant tot lumina, per quæ multi caventur errores. Epist. 131. ad Memorium sic habet: Quid aliud dicendum est eis, qui cum sint iniqui & impii, liberaliter sibi videntur eruditi, nisi quod in litteris verè liberalibus legimus: Si vos filius liberavit, tunc verè liberaveritis. Per eum namque præstatur, ut ipsæ etiam quæ liberales disciplinæ ab eis vocantur, quid in se habeant liberale, noscatur. neque enim habent congruum libertati, nisi quod habent congruum veritati: undè ille ipse filius: Et veritas, inquit, liberabit vos. Non ergo illæ innumerabiles & impiæ fabulæ, quibus vanorum plena sunt carmina Poetarum, ullo modo nostræ consonant libertati; non Oratorum inflata & expolita mendacia; non denique ipsorum Philosophorum ætule argutix, absit omnino, ut istorum vanitates & insanix mendaces, ventosæ nugæ, ac superbus error rectè liberales litteræ nominentur, hominum scilicet infeliciùm, qui Dei gratiam per Jesum Christum, qua sola liberamur de corpore mortis hujus, non cognoverunt, nec in eis ipsis, quæ vera sunt, senserunt. Historia sanè, cujus Scriptores fidem se præcipuè narrationibus suis debereificentur, fortassis habeat aliquid cognitione dignum liberis, cum sive bona sive mala hominum, tamen vera narrantur. Quamvis in eis cognoscendis, qui Spiritu Sancto non adjuti sunt, rumoresque colligere ipsa humanæ infirmitatis conditione compulsi sunt, quemadmodum non fallerentur in plurimis, non video.

*Regula 21. Sola verborum obscuritas,*

aut dictionis luxuries non inferunt grave præ-  
judicium veritati. S. Augustinus l. 1. de  
origine animæ. C. 3. Habet ( Hæreticus )  
eloquium , quo possit explicare , quæ sentit;  
quamvis & in ipso eloquio habeat multa  
emendanda , & à nimia exundantia reprimenda;  
quod in illo tibi quoque , ut viro  
gravi , sicut tua indicant scripta , displicuit.  
Sed hoc vel faciliè corrigitur , vel sine detrimento  
fidei à levibus mentibus amatur , toleratur à  
gravibus. Habemus enim jam quosdam spumeos in  
sermone , sed in fide sonos. Idem l. 1. de Trinit. C. 3. Quis-  
quis , cum hæc legit , dicit; hoc non bene  
dictum est , quoniam non intelligo , locutionem  
meam reprehendat , non fidem ; & fortè vere  
dici potuit planius ; verumtamen nullus hominum  
ita locutus est , ut in omnibus ab omnibus  
intelligeretur. Videat ergo , cui hoc in sermone  
meo displicet , utrum alios in talibus rebus  
quæstionibusve versatos intelligat , cum me non  
intelligit. Et si ita est , ponat librum , meum ,  
vel etiam , si hoc videatur , abiciat , & eis  
potius quos intelligit , operam & tempus  
impendat . Non tamen propterea putet me  
tacere debuisse , quia non tam expeditè ac  
dilucidè quàm illi , quos intelligit , eloqui  
potui. Utile est plures à pluribus diverso  
stylo fieri libros , non diversa fide , etiam de  
quæstionibus eisdem , ut ad plurimos res ipsa  
perveniat , ad alios sic , ad alios autem sic .

## §. III.

## De Interpretatione.

*Regula 1. Sensus verborum dependet ex usu loquentium.* S. Basilii, de Spiritu Sancto C. 25. Quid dixit, cum patre filium esse simul & personarum proprietatem & inseparabile consortium expressit, quod idem fit in rebus humanis, in quibus, *Et*, conjunctione declarat operationis consortium; ac propositio, *Cum*, significat etiam communionem. v. g. Navigarunt in Macedoniam Paulus & Timotheus, sed & Tychicus & Onesimus missi sunt Colossensibus. Ex his discimus, illos eandem rem fecisse. Ceterum si audierimus connavigarunt, & collegæ missi sunt, etiam illud addiscimus, eos actionem pariter operatos esse. At propositio, *In*, declarat rationem ad id, in quo sunt operantes, siquidem cum audimus, *innavigant, inhabitant*, protinus cogitamus scapham, aut domum. Itaque juxta communem usum harum syllabarum talis est inter ipsa differentia. S. Augustinus l. 2. de doctrina Christiana C. 13. Quid est ergo integritas locutionis, nisi Latinæ consuetudinis conservatio loquentium veterum autoritate firmata?

*Regula 2. Sensus verborum magis dependet ex subjecta materia.*

*Regula 3. Sensus verborum potissimum dependet ex intentione loquentis.* Tertullianus de Monogamia C. 11. interpretationem Ecclesiæ Catholicæ de quodam textus D. Pauli sic conatur evertere, vero principio pessimè usus. Hæc erit interpretatio capituli istius de hoc examinanda, an & tempori & causæ, & tam exemplis & argumentis præcedentibus, quam & sen-

sententiis & sensibus subsequentibus, & imprimis an ipsius Apostoli & consilio propriè congruat, & instituto, nihil enim sic custodiendum est, quàm ne diversus sibi quis deprehendatur. Lactantius l. 4. Instit. C. Græci λόγον dicunt, quem nos verbum sive sermonem; λόγος enim & sermonem significat & rationem; quia ille est vox & sapientia Dei. hunc sermonem Divinum ne Philosophi quidem ignoraverunt. Siquidem Zeno rerum naturæ dispositorem atque opificem universitatis λόγον prædicat, quæm. & fatum & necessitatem rerum, & Deum, & animum Jovis nuncupat, ea consuetudine, qua solent Jovem pro Deo accipere. Sed nihil obstant verba, cum sententia congruat veritath. Est enim Spiritus Dei, quem ille animum Jovis nominavit. S. Athanasius l. 3. contra Arrianos. Non dictiones naturam perimunt, sed potius natura dictiones ad se trahit & commutat; siquidem verba substantiis non priora sunt; sed primùm existunt substantiæ; dein dictiones superveniunt. S. Chrysostomus hom. 13. in Epist. ad Rom. ad illud: Qui autem in carne sunt, Deo placere non possunt. Carnem hic non corpus appellat, sed vitam carnalem. necesse enim est, non ad voces simpliciter, sed ad loquentis mentem ubique advertamus, exactamque dictorum discretionem pernoscamus. Idem hom. 25. in Epist. ad Rom. ad illud: Tu quis es, qui judicas alienum servum; Domino suo stat aut cadit. Ita nisi rursus scopum Pauli, quem ille petit, observaverimus, nimirum quod infirmos ante justam temporis maturitatem increpari non vult, indigna erunt ea cura, quæ Christianos deceat. Verùm quemadmodum perpetuè inculco, oportet inquirere, qua sententia quæque dicantur, de qua materia seu argumento



mento agatur; quidque corrigere instituat, qui loquitur. Idem in C. 1. Epist. ad Galatas. ad illud: Neque ascendi Ierosolymam ad Apostolos. Hæc verba; si per se expendantur, videntur spirare non vulgarem arrogantiam. Cæterum, si causam adjecerimus, ob quam hæc dicebat Apostolus, & applaudent, & admirabuntur omnes ira locutum. hoc igitur faciamus, non enim oportet verba nuda expendere, alioqui multæ consequentur absurditates. neque convenit sermonem per se nudum examinare, sed observare mentem scribentis. In humanis enim sermonibus nisi hac ratione usi fuerimus, expendentes quid senserit is, qui loquitur, multas inducemus similitudines, omnia subvertentur. Idem hom. 74. in Joa. ad illud: Ego in patre, vos in me, & ego in vobis. In patre enim substantia, in ipsis concordia & auxilium est. Et quamnam rationem habet, dic quæso? magna sanè & incomparabilis differentia Christi & discipulorum. Quod si ita verba jacent, noli admirari. solet enim nonnunquam iisdem verbis & in Deo, & hominibus non eodem modo uti. Nam & *Dii*; dicimur, & *filii Dei*; quod verbum non eandem in nobis, quàm in Deo vim habet. Et imago filius & gloria dicitur, atque etiam nos, sed longè aliter. Et iterum: Vos Christi, Christus autem Dei non similiter autem Dei Christus, & nos Christi. Et. Sicut misit me Pater, & ego misi vos. Vides, quòd in hoc loco idem verbum non eandem vim habet? nam si hoc ita acciperemus, nihil inter Apostolos & Christum interesset. Idem homil. 80. in Joa. ad illud: Nemo ex eis perit, nisi filius perditionis, ut Scriptura impleteretur; non tamen propterea perit, ut impleteretur. Hic enim proprius

prius modus Scripturæ est, ut quæ eventus sunt, pro causa ponat: & omnia diligenter investiganda sunt, & dicentis mos, & subiectum, & Scripturæ lex. Idem Serm. 8. ad illud: Pater, si possibile est, transfer à me calicem. Quid est, quod dicit? ignorat, possibile est hoc sit, an non possibile? verum non oportet verbis adhærere, sed ad sensum converti, & scopum nosse dicentis, & causam, & occasionem omnibusque collectis sensum in eis latentem indagare. S. Augustinus l. 2. de consensu Evangelistarum C. 46. Ex universa verborum varietate (in Scripturis) rerum autem, sententiarumque concordia satis apparet, salubriter nos doceri, nihil querendum in verbis, nisi loquentium voluntatem. Idem de Verbis Domini serm. 11. ad illud: Spiritus blasphemia non remittetur. Alii duo Evangelistæ, Marcus & Lucas, non dixerunt, blasphemiam, sed quandam. Nunquid propter nonnullam verborum diversitatem receditur ab ejusdem veritate sententiæ? nam neque alia causa est, cum Evangelistæ eadem non eodem modo dicant, nisi ut inde discamus res verbis, non rebus verba præponere, nihilque aliud in loquente querere, nisi voluntatem, propter quam insinuandam verba promuntur. Cyrillus Alexandrinus l. 3. in Joa. C. 10. ad illud: Si Moysi non creditis, quomodo verbis meis credetis? Poterit hinc aliquis eo falsitatis devenire, ut scripta Moysis majoris, quam Salvatoris verba putet dignitatis. Habitus enim ipse orationis atque figura verbis Salvatoris multò digniora scripta Moysi videtur ostendere; sed ipsa natura rerum longè falsum ac omnis plenum insaniz hunc sensum esse persuadet. Et l. 10. C. 13. ad illud: Ego sum vitis vera, & Pater meus agri-

agricola est. Ego arbitror, si volumus recte, quæ dicuntur, intelligere, intentionem semper nobis esse considerandam, & ad quod propositum Christus verba faciebat. Non intendebat Christus modò alium se à Patre natura ostendere; cur enim, si hoc intendit, nihil aliud attulit? &c. Idem l. 9. Thesauri C. 1. ad illud: *Factum sub lege*. Nihil possunt verba rebus derogare, quando Scriptura ipsis abutitur. nam etiam de filiis hominum propriis, facti filii, non nati plerumque dicuntur; neque propter hoc tamen naturaliter filios esse quisquam negaverit. naturæ enim rerum verba, non verbis naturas accommodamus. Et l. 8. Thesauri C. 2. ad illud: Tanto melior Angelis factus. Ante omnia, quando locum Scripturæ aliquem rectè intelligere volumus, tria diligenter consideranda sunt. Tempus, quando scriptum est, quod dicitur, persona, quæ dicit, vel per quam, aut de qua dicitur; & res, propter quam aut de qua scribitur; sic enim absque errore poterimus sensum verum investigare.

*Regula 4. Sensus verborum rectè colligitur ex acceptione & expectatione audientium*, quia loquentes præsumuntur illum sensum intendere, quem prævident verbis subsciendum ab audientibus: Rectè Tertullianus l. de Carne Christi C. 3. ait: Si nasci Deus noluisset, nec hominem se videri præstitisset. Nam quis hominem videns eum negaret natum? Itaque quod noluisse esse, nec videri omnino voluisset: Omnis rei displicentis etiam opinio reprobat, quia nihil interest, utrum sit aliquid, an non sit, si cum non sit, esse præsumitur. Idem dici potest de sensu verborum, quem quis prævidet oriturum in mente audientium.

S. Atha-

S. Athanasius Epistola ad Serapionem. Dicitur, ubi in Scripturis Sanctis reperitis Spiritum Sanctum simpliciter nominari Spiritum sine additamento, Dei, aut Patris &c. Excipiat ab hac regula, cum, quod prius distinctè commemoratum est de spiritu, postea simpliciter repetitur, ibi enim ex superioribus cognoscitur, de quo spiritu mentio fiat, etiamsi in sequentibus nudum tantummodo spiritus vocabulum sit positum. aut quando ad illos fit sermo, qui jam sciunt, de quo spiritu intelligendum sit, quod dicitur. ut ad Galatas: Ex operibus legis accepistis spiritum, an auditione fidei? utpote quibus cognitum erat, se eum spiritum accepisse, qui datur credentibus per lavacrum regenerationis. Quale & illud ad Thesalonicensis. Spiritum nolite extinguere, qua forma verborum uti voluit, quia & ipsi sciebant, quem spiritum accepissent. In Evangeliiis, si Evangelistæ loquantur: Jesus plenus spiritu reversus est à Jordane. Jesus ductus est à spiritu in desertum; eandem rationem ista dicta in se continent; siquidem prius dictum fuit à Luca: Contigit descendere Spiritum Sanctum instar columbæ super eum. Undè liquet, cum spiritum postea simpliciter dicit, Evangelistam hoc de Spiritu Sancto dicere. S. Hilarius in Psalmum 135. Non est otiosus sermo Propheticus, neque ex inanibus ac superfluis causis spiritualis loquela est. si enim in viris prudentibus spectari id maximè solet, ut ea, quæ loquuntur, gravitate eorum, doctrinaque digna sint; omnisque sermo non sit fortuitus & vagus, sed ex rationalibus causis profectus, & expectationi audientium utilis, & Authori congruus differentium; quanto magis id in cœlestibus eloquiis opinandum est? S. Chrysostomus hom. 37. in Joa.

*Amor; Philosoph. T.V.*

P

ad

ad illud: Pater meus operatur, & ego operor. Hæc verba sunt, æqualem se patri facientis. Nulla enim in his verbis differentia est. Quod si aliter sensisset, sed Judæi sic perperam intellexissent, nentiquam falsam illorum opinionem prætermisisset, sed seriò correxisset, Neque verò id ipsum silentio texisset Evangelista, sed apertè indicasset talem esse Judæorum suspensionem, cum ipse Deo se æqualem non faceret: quemadmodum alio in loco, cum videret particulam illam: Solvite templum hoc, & in tribus diebus excitabo illud, aliter à Christo dictam; hoc est, de carne sua; aliter à Judæis intellectam de suo videlicet templo, ideoque dixerint: Quadraginta & sex annis edificatum est hoc templum, & tu tribus diebus excitabis illud? cum igitur aliud ipse dixisset, illi verò aliud suspicarentur, hoc innuens Evangelista, & illorum corrigens suspensionem, subjunxit: Ille autem dicebat de templo corporis sui. Ita si hoc in loco aliter Christus sensisset, quàm illi essent suspicati, profectò dixisset, Judæos quidem credidisse, Christum æqualem se Deo facere, ipsum autem non de ejusmodi æqualitate locutum. Neque hic tantum, sed & alius Evangelista hunc morem servat corrigendæ suspensionis. Cum enim dixisset discipulis Jesus. Cavete vobis à fermento Phariseorum; & illi cogitassent intra se: Quia panes non accepimus; Jesus autem pro fermento doctrinam acciperet, ipse Jesus eos arguendo suam sententiam exponit: Nondum intelligitis, quia non de pane dixi vobis? hic verò nihil corrigit. Idem hom. 38. in Joa. ad illud: Non quæro voluntatem meam, sed ejus, qui misit me. Non modò in his quid dicatur, sed quid auditores senserint, inquirendum est, & secundum eorum opinionem verba

me-

metienda sunt, ac utrum ad ea responderit; aliter multa sequerentur absurda. Considera quæso; *non quæro voluntatem meam*; ergo diverse est voluntatis? quid ergo sibi vult? tanquam homo, & secundum auditorum opinionem loquitur. Et hom. 39. in Joa. ad illud: Si ego testimonium perhibeo de me, testimonium meum non est verum. Huic contrarium videtur, quod alibi Christus dicit: Si ego testimonium perhibeo de me, testimonium meum verum est. Quid sibi vult hic sermo? diligenter invigilandum, ne nudis verbis insistamus. Ita Hæretici in errorem incidunt, neque sententiam, neque audientis habitum inquirentes, nisi enim tempora, locos, auditorem, & alia hujusmodi consideremus, multa sequentur absurda. Quenam ergo sententia? dicturi erant Judæi, si tu testimonium perhibes de te ipso, testimonium tuum non est verum. Idcirco præoccupavit Jesus, quasi diceret: fortasse dicetis, vos mihi non credituros &c. illa autem particula: *Non est verum*, non est temerè legenda; sed ad illorum opinionem referenda, hoc est, *vobis non est verum*. non enim ex auctoritate sua loquitur, sed pro auditorum suspitione, quam arguit.

Regula 5. Nonnunquam aliqua dicuntur non ex propria sententia, sed juxta opinionem erroneam temporum vel auditorum, *historicè*, vel *hypotheticè*. S. Chrysostomus in Psal. 6. ad illud; Domine. ne in furore tuo arguas me, neque in ira tua corripas me. Quando furorem & iram de Deo audiveris, nihil humanum suspiceris. Sunt enim verba, quibus se accommodat, & ad captum nostrum demittit; Deus enim ab his omnibus liber est; ita autem loquitur, ut in crassiorum cadat intelligentiam, nam nos quoque, quando loquimur cum barbaris, illorum

lingua utimur; & si cum puero loquimur, unā cum eo balbutimus. Id etiam fit in rebus, ut qui & manus mordeamus, & iram simulemus, ut puerum corrigamus. Ita etiam Deus cāssiores afficere volens, talibus verbis usus est. S. Hieronymus in C. 28. Jeremię. ad illud: Dixit Ananias Propheta &c. & dixit Jeremias Propheta ad Ananiam Prophetam. Septuaginta Prophetam non dixere Ananiam, ne scilicet Prophetam viderentur dicere, qui Prophetam non erat; quasi non multa in Scripturis Sanctis dicantur juxta opinionem illius temporis, quo gesta referuntur, & non juxta quod veritas rei continebat. Joseph in Evangelio Pater Domini vocatur, & Maria loquitur ad filium. Ego & pater tuus dolentes querebamus te.

*Regala 6. Sensus verborum dābius debet desumi ex contextu. Ut nempe ex antecedentibus, consequentibus, ordine dicendorum, & toto doctrinę systemate ille sensus colligatur, qui toti congruit. S. Athanasius l. 4. contra Arrianos. ad illud. De hora illa nec filius scit. Atqui series lectionis ostendit filium Dei illam diem & horam probē scire. Recenset enim ea, quę diem illam antecedunt. Jam, qui ea, quę diem illam antecedunt, eloquitur, omnino in cognitione sua diem habet, quę post res pręnuntiatas secutura est. Veluti, si quis domum vel civitatem ignaro certis signis demonstrare cupiens, ea quę ante domum vel civitatem consistunt, percenseat, fieri non potest, ut rem demonstratam incognitam habeat. S. Hieronymus in C. 1. Habacuc. Scio quendam de fratribus per lapidem, qui de pariete clamaverit, intellexisse Dominum Salvatorem, & Scarabeum de ligno loquentem latronem, qui Dominum Blasphemaverit; quod licet piē possit intelligi, tamen*

tamen quomodo cum universo Prophetiæ contextu possit aptari, non invenio. Idem in C. 5. Epist. ad Ephes. ad illud: Surge, qui dormis, & exurge à mortuis, & illuminabit te Christus. Scio me audisse quendam de hoc loco in Ecclesia disputantem. Testimonium hoc, inquebat, ob Adam dicitur in loco Calvariæ sepultum, ubi crucifixus est Dominus. Illo ergo tempore, quo crucifixus Dominus super ejus pendebat sepulcrum, hæc Prophetia completa est, dicens: Surge Adam, qui dormis, & exurge à mortuis. Hæc tunc in populo dicta plausu ac tripudio excepta sunt. Unum quod scio loquor; Cum loci istius interpretatione atque contextu sensus iste non convenit. Theodoretus dialogo 3. de Impatibilitate Divinæ naturæ. Ubi Eranistes volebat probare, divinam naturam in Christo passam esse, quia Deus sic voluit, & quia quod vult, potest. Respondet: Deus nihil vult eorum, quæ non sibi suapte naturæ insunt; potest autem, quæcunque vult; vult autem, quæ sunt suæ naturæ convenientia. *Eranistes*. Job absolute dixit: Scio, quod omnia potes, & nihil tibi est impossibile. *Orthodoxus*. Si legeris, quæ à justo antea dicta sunt, horum quoque scopum & institutum ex illis invenies. Sic autem dicebat: memento, quod sicut lutum feceris me, & in terram reduces me &c. & visitatio tua custodivit spiritum meum. His subjungit: Hæc habens in me ipso scio, quod omnia potes. Quæcunque ergo his conveniunt, & à corruptione & interitu alienam decent naturam, posse dicit universorum Deum.

*Regula 7. Unus potius textus torquendus est, quam multi.* Tunc nempe, quando omnes non possunt sumi in sensu obvio ac proprio, Irenæus l. 5. contra hæ. C. 13.



probans ex Scriptura dari Resurrectionem corporum, ait: In his omnibus Hæretici aut contradicentem sibi Apostolum dicent quantum ad illud: Caro & sanguis Regnum Dei possidere non possunt; aut iterum malignas & extortas cogentur omnium dictorum facere expositiones ad transvertendam & immutandam sententiam dictorum. Quid enim dicere habebunt sanum, si conabuntur aliter interpretari hoc quod scribit: Oportet enim corruptibile hoc induere corruptelam, & mortale hoc induere immortalitatem? & reliqua omnia, in quibus Apostolus manifestè & clarè resurrectionem & incorruptelam carnis prædicat. Cogentur itaque hæc tantumalè interpretari, qui unum benè nollunt intelligere.

*Regula 8. Textus dubius per certiores explicari debet.* Tertullianus l. de Resurrectione C. 19. Hæc dispectio fidem defendens vocabulorum illuc proficere debet, ut si quid pars diversa turbat obtentu figurarum, & ænigmatum, manifestiora æquè prævaleant, & de incertis certiora præscribant.

*Regula 9. Per se semper stat præsumptio pro sensu proprio.* Tertullianus l. de Carne Christi C. 14. Perversissimum est, ut carnem nominantes animam intelligamus, & animam significantes carnem interpretemur. Omnia periclitabuntur aliter accipi, quàm sunt, & amittere, quod sunt, dum aliter accipiuntur, si aliter quàm sunt, cognominantur. Fides nominum salus est proprietatum. Etiam dum demutantur qualitates, accipiunt vocabulorum possessiones v. g. argilla excocta testis vocabulum suscipit, nec communicat vocabulo pristini generis.

*Regula 10. Ille sensus non est proprius verba, qui aliis verbis constanter exprimitur.*

Sic

Sic Tertullianus l. de Virginibus velandis C. 4. & 5. ostendit per nomen mulieris non significari conjugatam, quia talis per nomen uxoris exprimitur. Nobis opponitur, inquit, nullam mentionem virginum ab Apostolo factam, ubi de velamine præfinit, sed tantum mulieres nominatas. Sed Spiritus Sanctus uno nomine mulieris etiam virginem intelligi voluit, quam propriè non nominando à muliere non separavit. Naturaliter comprehendium sermonis & gratum & necessarium est, quoniam sermo laciniosus & onerosus & vanus est. Sic & generalibus vocabulis contenti sumus comprehendentibus, in se specialem intellectum. Generale vocabulum est mulier; speciale virgo, vel nupta, vel vidua. Subiectum est igitur generali speciale; nominando mulierem, quidquid est mulieris nominavit. Sed probari à nobis debet, proprietatem ejus vocabuli ad sexum ipsum, non ad gradum sexus pertinere. quia ubi Eva mater viventium est, uxor & non virgo prænuntiatur; Ecce hoc est vocabulum nupturæ. S. Athanasius l. 3. contra Ariandem eo, quod generatio æterna Verbi constanter alio verbo exprimitur, quam per *τὸ creati*. aut *fieri*, ostendit, ista non esse nomina propria. Ubi-  
cunque, inquit, Scriptura filium proponit, non per *τὸ creavit*; sed omnino per vocabulum *genuit* denotare solet. S. Hilarius l. 6. de Trinitate volens probare, Christum propriè esse filium Dei; ait: Anne ò miser, quisquis hodie es Heretice, beatiorum Petrum futurum existimas, si dixisset: Tu es Christus, perfecta Dei creatura, & supereminens facturis omnibus factura, qui nomen filii adoptione meruisti? Cur non hanc confessionis fidem pater Petro revelavit? invidit credo hoc Petro Deus, ut hæc nunc vobis novis prædicatoribus reservaret. Sed Deum

unigenitum filium Joannes dixit, non creaturam perfectam; non ignoravit hæc blasphemiz nomina. &c.

*Regula 11. Si adfiturgens ratio recedendi à proprietate verborum, non est eidem mordaciter insistendum.* Origenes Philocalium C.26. Quoniam in eloquendo interdum propriè loquimur, interdum etiam per abusionem vocabulorum, non mirum, si aliquando bonorum & malorum denominationem rebus externis tributam reperiamus e. grat. descenderunt mala in portas Ierusalem. Intellectis igitur rebus nos non oportet esse malignos circa vocabula, sed animadvertere, quando propriè de rebus proponantur, quando per abusionem quadam nominum penuria.

*Regula 12. Tunc in Scriptura primò recurrendum est ad sensum metaphoricum, quando non potest haberi sensus litteralis utilis.* Gregorius Nyssenus in Cantica Proem. Quoniam nonnullis videtur, Sacre Scripturæ literam & dictionem perpetuè esse sequendam; nec assentiuntur per enigmata, & allegorias, & sensus arcanos aliquid dictum esse ad nostram utilitatem, existimo, primum esse necessarium, iis respondere, qui de iis nos accusant, & ostendere, quòd nihil absurdum & alienum facimus, si ex Scriptura omni modo veneremur utilitatem; ut si profit quidem dictio intellecta, ut dicta fuit, promptum & paratum habeant id, cujus tenentur studio; siquid autem occultè dictum ad utilitatem sit planè otiosum, si spectatur sensus qui est in promptu, se conferant ad intelligendum vel tanquam parabolam id, quod factum est, vel tanquam obscuram orationem.

*Regula 13. In rebus magni momenti servatur proprietas nominum.* Hilarius. lib. 6  
de

de Trinit. Scribens Evangelista scribendū afferre debuit rationem. Videamus, quā ostenderit. Hæc autem sunt scripta, ut credatis, quoniam Jesus est Christus filius Dei. Non est ergo nomen filii in Christo ex adoptionis consuetudine, quod proprium est ad salutem. Si salus in confessione nominis est, quæro cur in nomine veritas non sit?

*Regula 14. Qui verba in sensu improprio accipit, tenetur dare rationem.* Epiphanius hæres. 69. Christum esse creaturam confitemur, inquirunt, quandoquidem Christus & janua vocatus est, & petra, & agnus &c. sic, inquirunt, etiam creaturam dicimus; abusivè enim nos confiteri oportet. Fuge malam hanc opinionem. Dent enim nobis hujus usus rationem; nam omnia ista abusivè dicta sunt. Minimè in Deitatem filii irruentia. Offitium dicitur; quia per illum ingredimur; agnus propter innocentiam, & siquid aliud est ejusdem usus, quod confert ad salutem hominum. Quid igitur creatura profuerit? Quid nobis prodest ipsum dicere creaturam?

*Regula 15. Ille censetur verbis proprius, quæ eisdem subjiçunt etiam hostes inviti.* S. Hilarius l. 6. de Trinit. Interrogat Dominus; Tu credis in filium Dei? an hujus nominis proprietatem dæmones nescierunt? clamant enim, & persæpe clamant. Quid mihi & tibi est Jesu fili Dei altissimi? invitis veritas elicit confessionem, & naturæ potestatem testatur dolor obediendi. Judæi, qui Christum corporeum nesciebant, sciebant tamen, eum qui Christus esset, esse filium Dei. Sacerdos eum interrogat. Tu es Christus filius Dei? non interrogant; an Christus filius Dei sit, sed an hic sit Christus filius Dei? non ambigitur, quod Christus Dei filius sit, tamen, quod hic sit negatur.

tur. Ille confitendo se Dei filium reus mortis ab his judicatur. Professio ejus, ita Judæis; ut tibi displicet.

*Regula 16. Sensus verborum: non ex præiudiciis de objecto accipiendus, sed ex ipsis verbis.* S. Hilarius l. 1. de Trinit. Dei naturam, non naturæ suæ legibus metiatur, sed divinas professiones secundum magnificentiam Divinæ de se protestationis expendat. Optimus enim lector est, qui dictorum intelligentiam expectet ex dictis potius, quam imponat, & retulerit magis, quam attulerit, neque cogat id videri dictis contineri, quod ante lectionem præsumpserit intelligendum.

*Regula 17. In translatis ex alia lingua non multum urgenda proprietas ac emphasis verborum.* Quando adest ratio suspicandi in textu originali non contineri eandem vim. Ratio est, quia frequentissimum est, ut non sit eadem vis verborum in translatis & originali textu. S. Ambrosius in Psal. 37. Sensus nobis semper spectandus est in scripturis, quem tamen ipsum frequens translatio ex Hebræo in Græcum, ex Græco in Latinum attenuare consuevit. Idem in Psal. 118. Oton. 14. Non possumus in omnibus vim Græci sermonis exprimere; major in Græco plerumque vis & pompa sermonis est. τέλος dicitur græcæ, quod nos latinè & finem dicimus & consummationem. τέλος autem & consummationis ipsius finis est. S. Hieronymus Epist. 89. ad S. Augustinum. Dicitis, in Joannem Prophetam malè quiddam interpretatum, & seditione populi conclamante Episcopum propter unius verbi dissonantiam pene sacerdotium perdidisse. Et quid sit illud, quod malè interpretatus sim, mihi subtrahis, nisi fortè quod hederam pro cucurbita transulerim. Hoc nunc dixisse sufficiat, quod

quodd in eo loco, ubi Septuaginta Interpretes cucurbitam, & Aquila cum reliquis hederam transtulerant, in Hebræo volumine Cicaion scriptum est, est autem genus virgulti lata habens folia in modum pampini, cumque plantatum fuerit, citè exurgit in arbusculam absque ullis calamorum & hastilium adminiculis, quibus & cucurbitæ & hederæ indigent, suo trunco se sustinens. Hoc ergo verbum de verbo transferens, si Cicaion transferre voluisssem, nullus intelligeret, si cucurbitam, id dicerem; quod in Hebraico non continetur. Hederam posui, ut cæteris interpretibus consentirem. Peto in fine Epistolæ, ut quiescentem senem, olimque veteranum militare non cogas, & rursum de vita periclitari. Idem de optimo genere interpretandi. C. 2. Cum Eusebii Cæsariensis Chronicon in Latinum verterem tali inter cætera usus sum præfatione: Difficile est alienas lineas insequentem non alicubi exidere, & arduum, ut quæ in aliena lingua benedicta sunt, eundem decorem in translationem conservare. Significatum est aliquid unius verbi proprietate; non habeo meum; quo id efferam; & dum quæro implere sententiam; longo ambitu vix brevis viæ spatio consumo. Accedunt hyperbaton anfractus, dissimilitudines casuum, varietates figurarum; ipsum postremo suum, & ut ita dicam, vernaculum linguæ genus. Idem in C. 40. Ezech. Lectorem admonendum puto, ut sciat, omnia propè verba quæ in Græca & Latina translatione sunt posita, nimia vetustate corrupta, scriptorumque vitio depravata, & dum de inemendatis scribuntur inemendatiora, de verbis Hebraicis facta esse Sarmatica, immò nullius gentis, dum & Hebrææ esse desierint, & alienæ esse non cœperint. S. Chrysostomus hom. 2. de

Prophetiarum obscuritate. Quznam igitur est secunda causa, propter quam difficilius Vetus Testamentum est, quàm Novum. Non habemus nativo sermone apud nos scriptura Vetus Testamentum; siquidem à principio Hebraico conscriptum est idiomate; nos autem Græca lingua expressum accepimus; cùm verò interpretatione in aliam linguam translatum fuerit, maximam habet difficultatem. Atque hoc probè sciunt, quicunque multas linguas callent, fieri non posse, ut pari perspicuitate sententias omnes ex nativa sua lingua in alteram interpretando transferamus. S. Augustinus l. de vera religione C. 50. Intelligamus, quomodo ipsa locutio scripturarum secundum cujusque linguæ proprietatem accipienda sit. Habet enim omnis lingua sua quædam propria genera locutionum, quæ cùm in aliam linguam transferuntur, videntur absurda.

*Regula 18. Verba de objectis altioribus non sunt ex sensu populi explicanda.* Origenes hom. 4. in c. 6. Levit. Puto, quod verba Dei non debeant secundum incapacitatem audientium sed secundum Majestatem loquentis intelligi.

*Regula 19. Ille sensus convenit parti, qui convenit toti.* id est, toti doctrinæ. Eusebius l. 6. Demonstr. Evang. Si quis dicat, sub Antiocho Epiphane hæc completa fuisse, etiam atque etiam consideret, utrum possit etiam reliqua, quæ ex hac Prophetia supersunt, ad Antiochi tempora referre, cujusmodi illud est, quod populus servitutem sit passus, quod pedes Domini in monte Olivarum steterint, ut dominus in illa die Regnum obtinuerit in omnem terram; utrum nomen Domini ambierit omnem terram, quo tempore Antiochus Syriam obtinuit.

*Regula 20. Ille sensus non convenit verbis, qui non convenit similibus verbis & aut. vicissim.*  
Euseb.

Eusebius L. 7. demonstr. Evang. ad illud Esa. Egredietur virga de radice Jesse, & flos de radice ejus ascendet; & erit Justitia cingulum lumborum ejus, & poscetur simul lupus cum agno, & bardus cum hædo, &c. Quæ de feris mansuefaciendis dicuntur, per figuram referri poterunt ad mores hominum feros, qui per Christi doctrinam feritatem abjecerint. Planissimè autem horum figuratus sensus aperietur, si quis radicem Jesse, & virgam, & florem interpretetur, exponatque, quæ ratione intelligatur justitia latera cinxisse, & veritate lumbos induisse. Sicut enim hæc non possumus aliter, quàm per figuratam expositionem interpretari, ita sequitur, ut ea quoque accipiamus, quæ variis locis sub animalium nominibus proferuntur. Theodoretus in Genesin. quæst. 20. Hæretici coacervant mille loca, quibus membra Dei appellantur. Adversus quos opponemus Scripturæ verba eorum opinioni contraria. ex Zacharia. Septem oculi domini respiciunt super universam terram. Quod si Deus septem oculos habet, nos autem duos tantum, non ad ejus similitudinem creati sumus. sed neque nos præditi sumus alis, cum tamen de Deo dicatur: sub pennis ejus sperabis. At quomodo cælum, cum sit sphæricum; thronus Dei esse potest, aut terram scabellum pedum ejus?

*Regula. 21. Denominatio plerumque sumitur à potiori vel præstantiori.* Ephrem Scrm. exhort. ad fratres Paulus per temperamentum plurium nomina præstantiorum universo attribuit homini, adeò ut si caro superaverit, carnalis sit homo ille; si vicerit anima, spiritualis. S. Ambrosius l. 1. Hexameron Cap. 10. scriptura diei & noctis tempora diei appellatione conclusit, & tanquam principalis sibi auctoritatem nominis vindicavit. Et hanc scripturæ esse consuetudinem, ut  
potior



potiori appellationem deputet. frequentibus exemplis probamus siquidem & Jacob dixit Dies annorum meorum vitæ pauci & mali: non & noctes. Deus ergo statuit, ut viginti quatuor horæ diurnæ & nocturnæ diei tantum nomine definiantur, quia neſciuntur ſecunda potioribus. S. Hieronymus Proem. in Epist. ad Gal. Et in Occidente Græci ſepe acuminis reperiuntur ingenia, & in Oriente ſtoliditatem barbaram redolent. Nec hoc dicimus, quod non è regione ubique diverſa naſcantur; ſed quod ex magna parte etiam cetera, quæ non ſunt ſiniſtra, nuncupentur. Itaque non mirum eſt, ſtultos & ad intelligentiam tardiores Galatas appellatos, cum & Hilarius Gallus ipſe Gallos indociles vocet. Cyrillus Alexandrinus Epist. 1. ad Solitarios: Licet corporum tantum matres ſiant, attamen totum hominem parientes, qui ex anima & corpore conſtat, non partem illius parere dicuntur. Quod ſi alicujus quiſquam matrem carniparam, non etiam animæ param dixerit, plane periffologiam committet: Peperit enim ex diſſimilibus compositum, & ex duobus quidem, attamen unum hominem. Idem Epist. 35. ad Atacium. Aliæ voces in Chriſto ita ſunt comparatæ, ut Divinitati potiffimum competant; aliæ verò magis ad humanitatem pertinent, ita tamen, ut & divinitati & humanitati competentes voces uni adſcribantur filio.

*Regula 22. Denominatio ſimpliciter talis præſumitur optime velle explicare naturam.* Sic prima perſona in Trinitate vocatur Pater, non ingenuus. Cyrillus Alexandrinus l. 1. Theſauri C. 2. Nomen Patris filii nomen neceſſariò intellectum inducit. Nomen verò ingenui, quod Deus ſcilicet genitus non ſit, genitorum memoriam opponit, Igitur

Igitur multò melius inde nominare Deum, undè filii quoque cognitio sequitur, quàm indè, undè creaturarum notitia subditur, quæ ad cognitionem Trinitatis nihil conducit.

*Regula 23. Denominatio potest significare omnes possibiles relationes. v. gr. relationem causæ significat, cum Christus vocatur mors malis, vita bonis.*

*Regula 24. Similitudo præsumitur desumi ab iis, quæ sunt in rebus obvia. Irenæus. l. 2. C. 40. volens probare, quòd duodecim æones non sint præfigurati per mulierem Evangelicam passam duodecim annis profuvium sanguinis, ait: Quia autem hæc undecim omnino annis passa est, & non est sanata, duodecimo autem anno sanata est, quomodo potest esse typus duodecimi æonis, ex quibus undecim omnino nihil passi sunt, solus autem duodecimus participatus est passionem; typus enim & imago secundum materiam & secundum substantiam aliquoties à veritate diversus est; secundum autem habitum & lineamentum debet servare similitudinem, & similiter per præsentia ostendere illa, quæ non sunt præsentia.*

*Regula 25. Similitudo non exprimit unitatem ac convenientiam naturæ. Athanasius. l. 4. cont. Atrianos ad illud: Ut sint unum, quemadmodum & nos unum sumus. Illa vox quemadmodum, addita est, quoniam quæ talia ex natura non sunt, qualia illa, cujus imitationem affectant, non eadem, sed similia redduntur.*

*Regula 26. Vera similitudo non semper ducitur à re vera: quia & scriptura ex fabulis sumit comparationes. Gregorius Nyssenus hom. 9. in Cantica. Nemo aspiciens, quòd.*

quod non sint probabilia, quæ dicuntur de cinamomo, reprehendat verbum, ut quod ex iis, quæ non sunt vera, sponsæ laudem tribuat. sic enim sæpe Sancta Scriptura etiam ab externis fabulas accipere ad opem suo scopo ferendam, & citra pudorem meminisse aliquorum nominum ad sensum propositum evidentius indicandum, sicut in filiabus Job, quarum pulchritudinem verbum supra modum admiratum etiam per nomina ostendit excellens earum miraculum, dicens, unam quidem dici diem, alteram verò Casiam; tertiam autem Cornu Amakheæ. Hoc autem cuiusvis perspicuum, quod de Amakheæ fabulosè Græcam confinxit narrationem, quam cum esset capta, fabulantur fuisse nutricem illius Arietis, cujus cum cornu cecidisset, fabula fecit ex concavo fluere omne genus frugum ac fructuum copiam.

*Regula 27. in similibus non eadem materias, sed una ratio similitum querenda.* S. Ambrosius in C. 13. Lucæ ad illud: Simile est regnum cælorum grano sinapis: Docet nos præsens lectio, naturam comparisonum spectandam esse, non speciem, nunc ex natura sinapis quæ sit virtus comparisonis, æstimemus.

*Regula 28. In similitudine de eodem diversa, & sub iisdem verbis diversa intelliguntur.* S. Augustinus, tract. 46. in Joa. Diversa inter se sunt in rebus humanis pastor & ovis, ostiarius & ostium, & tamen dominus pastorem se dixit & ostium; idem & ovis dicitur, & ostiarius. Hæc omnia secundum similitudines accipit, non secundum proprietates. Idem de Monarchia David. C. 6. Quæ allegoricè ponuntur in scripturis, non semper idem signi-

significant. Non semper mons dominum significat, non semper lapis dominum significat, non semper bonum, non semper malum. Idem de Jacob & Esau C. 21. Novimus, quid sit petra, & tamen de homine absurdo & duro dicitur, Petra. & de homine robusto & immobili dicitur, petra; ad laudem inde dixisti firmitatem, & ad vituperationem duritiam, in leone fortitudinem novimus, & tamen leo etiam diabolus nominatus est, & Christus.

*Regula 29. Ubi est eadem denominatio, non semper est eadem causa denominationis, S. Augustinus in Enchirid. C. 38. & 39. Illud movet, quomodo dictum sit, Natus de Spiritu Sancto, cum filius nullo modo sit Spiritus Sancti. neque enim, quia Deus mundum istum fecit, fas est dicere eum Dei filium: aut eum natum de Deo, sed factum vel creatum, vel huiusmodi. Hunc ergo cum confiteamur, natum de Spiritu Sancto, & Maria Virgine, quomodo non sit Filius Spiritus Sancti, & sit filius virginis Mariæ, cum & de illo & de illa sit natus, explicare difficile est; procul dubio enim non sic de illo ut patre, sic autem de illa, ut de matre natus est. non igitur concedendum est, quidquid de aliqua re nascitur, continuo ejusdem rei filium nominandum, ut enim omittam alia, aliter de homine nasci filium, aliter capillum, pediculum vel lumbricum, quorum nihil est filius. Ut ergo hæc omittam, quoniam tantæ rei deformiter comparantur, certè qui nascuntur ex aqua & Spiritu Sancto, non eos aquæ filios ritè dixerit quispiam, sed planè dicuntur filii Dei patris & matris Ecclesiæ. Sic ergo de Spiritu Sancto natus est filius Dei patris, non Spiritus Sancti. Nam & illud, quod de capillo, & cæteris diximus, ad hoc tantum valet, ut admoneamur, non omne, quod de aliquo nasci-*

nascitur, etiam filium ejus, de quo nascitur, posse dici. Sicut non omnes, qui dicuntur alicujus filii, consequens est, ut de illo etiam nati esse dicantur; sicut sunt, qui adoptantur. Dicuntur etiam filii gehennæ, non ex illa nati, sed in illam præparati, sicut filii regni qui præparantur in regnum.

*Regula 30. Quæ dicuntur comparative talia, non dicuntur absolute talia.* S. Augustinus de mendacio C. 5. Omnis enuntiatio ad id, quod enunciat, referenda est. De obstetricibus, de quibus constat aliud pro alio nuntiasse Pharaoni, dicunt, pro gradu suo approbatas, & remuneratas à Deo. qui enim nocendi causa mentiri solet, si jam consulendi vel proficiendi causa mentiatur, multum proficit. Sed aliud est, quod per seipsum laudabile proponitur; aliud, quod in deterius comparatione præponitur. aliter enim gratulamur, cum sanus est homo; aliter, cum melius habet ægrotus. nam in scripturis ipsis justificata esse dicitur Sodoma in comparatione scelerum populi Israel. Et ad hanc regulam dirigunt omnia mendacia, quæ proferuntur de veteribus libris, nec reprehensa inveniuntur, vel reprehendi non possunt, ut aut indole proficientium & spe approbentur, aut non sint mendacia.

*Regula 31. Quæ comparantur ad invicem, possunt tamen in immensum differre.* Cyrillus Alexandrinus l. 8. Thesauri ad illud: Tanto melior Angelis factus. Administrationis hæc & gloriæ, non naturæ inter filium & Angelos comparatio fit, & certè comparatio melioris in Scriptura non in quacunque differentia solum, verum etiam in immensa aut secundum naturam, aut secundum dignitatem, aut secundum mensuram gratiæ dici.

dicitur. Quantum ad mensuram gratiæ. Melior, inquit, una dies in atriis tuis super millia. nihil enim æquale inveniri potest cœlestibus atriis. Et rursus. Melior est sapientia, quàm lapides electi. Et Deus apud Isaiam de Eunuchis. Dabo eis nomen æternum, quod melius est, quàm filii & filiar. Igitur diversa specie comparisonem melioris suscipiunt. nullà enim communitas naturæ lapidis cum natura sapientiæ. Non erit ergo Angelis similis filius, sed melior illis, in infinitum.

*Regula 32. Expositio, quæ ducit ad absurda, etiam ipsa est absurda.* Cyrillus Alexandrinus l. 2. Thesauri. C. 4. ad illud: Inter natos mulierum non surrexit major Joanne Baptista. Joannes inter natos mulierum non major tempore dicitur, sed virtutis sublimitate, quæ ad eos pervenit terminos, quò natura humana pervenire potest. Quare etiam Christus non tempore minor dicitur. ridiculum enim esset à magnitudine temporis metiri virtutis celsitudinem. Necessariò ergo sequi videtur, in virtute & sanctitate comparisonem fieri, & sic. si comparatio fieret etiam ad Christum, minor Joanne in sanctitate. Christus videbitur, quod absurdissimum est. Cum igitur hæc expositio ad absurda deveniat, rejicienda omnino est. Sed nos, inquit, veram, simplicem, nec magna cura quæsitam expositionem inducimus.

*Regula 33. Particulæ comparative non important æquatam similitudinem.* Cyrillus Alexandrinus l. 3. Thesauri. C. 1. ad illud: Ut sint unum, sicut & nos unum sumus. Christus hoc dixit, ut exemplar uniendarum voluntatum naturalem suam unitatem cum patre credentibus proponeret. Similitudinis enim adverbia, sicut, quasi, velut.

*luti*, cæteraque hujusmodi non totam rem eandem toti significant, sed similitudinem aliquam ostendunt.

*Regula 34. Sensus debet desumi ex antecedentibus & consequentibus, ubi verba sunt dubia.* Cyrillus Alexand. l. 8. Thes. C. 2. ad illud: *Melior Angelis effectus. Fieri & factum est*, per se solumque dictum multa significat, sed ab antecedentibus, consequentibusque verbis potestas apparet sua. Aliud enim significat factus, si de homine dicitur, aliud si de Architecto, aut lapicida. Si ergo Christus melior Angelis effectus dicitur, comparatio non ad naturam fertur, sed ut ab antecedentibus consequentibusque percipitur, ad honorem atque dignitatem.

*Regula 35. Modus verbo additus quandoque illud transfert ad aliud significatum.* Cyrillus Alex. l. 4. de Trinit. ad illud: *Dominus condidit me initium viarum suarum ad opera sua.* Absque dubio hic creatum se dicit filius, sed ad opera illius, & initium viarum illius. Igitur creatura in his verbis non significat eam, quæ ex nihilo, absit, sed eam, quæ est existentis, in quibusdam faciendis productionem, Nunquid concedes, factum esse Deum, si à quoquam celebretur: *Factus est mihi dominus refugium?* nullo modo.

*Regula 36. Quod quis potuisset clarius dicere, non intendit.* Cyrillus Alexandrinus l. 10. in Joan. C. 13. ad illud: *Ego sum vitis vera, & Pater meus agricola est.* Si volumus rectè, quæ dicuntur, intelligere, arbitror intentionem semper nobis esse considerandam, & ad quod propositum Christus verba faciebat. Considerate ergo diligenter oro, qui lecturi estis. non intendebat modo Christus alium se à Patre natura

ra ostendere. Cur enim si hoc sibi propositum habuit, nihil aliud attulit? Aut cur similitudine usus est, cum multo brevius atque clarius solis nominibus Patris & Filii facere illud potuisset? non igitur istud ostendere voluit.

*Regula 37. Textus plerumque prævalent in sensu obvio; adeoque ille erit sensus obvius, qui prævaluit.* Sic Epiphanius rectè observat, textus fundamentales Religionis Christianæ semper prævaluisse in sensu obvio, prout ex decursu operis illius contra hæreses euivis liquet.

*Regula 38. Effectus, qui adscribitur causæ non semper illi immediate convenit.* Tertullianus l. de Baptismo C. 10. & 11. Joannes prædixit, venturum mox in Spiritu & igni. Sed ecce, inquit, venit dominus, & non tinxit. Legimus enim. Et tamen is contingebat, verum discipuli ejus. Non utique oraculum Joannis sic intelligendum est, quasi suis manibus tincturum prædixerit, sed simpliciter dictum more communi; sicut est, v. gr. Imperator proposuit edictum, aut præfectus fastibus cæcidit. Nunquid ipse proponit, aut nunquid ipse cædit? semper is facere dicitur, cui præministratur.

*Regula 39. Propositio reprobatoria non respicit ad futura, sed præsentia vel præterita.* Tertullianus l. 4. cont. Marcion. C. 4. De titulo Evangelii nobis funis contentione ducendus est, pari hinc inde nisu fluctuante. Ego meum dico verum, Marcion suum. Ego Marcionis affirmo adulteratum, ille meum. quis inter nos determinabit nisi temporis ratio, præscribens auctoritatem, quod antiquius reperietur, & ei præjudicans vitationem, quod posterius invenietur. Inquantum enim falsum corruptio est veri, intantum præcedat necesse est veritas falsum: adeò verò anti-



antiquus est, quod est secundum nos, ut & ipse Marcion ei aliquando crediderit. Id enim Evangelium, quod secundum Lucam refertur, est, quod Marcion per antitheses suas aliquando arguit sive interpolatum. Utique non potuisset arguere, nisi quod invenerat. Nemo post futura reprehendit, quæ ignorat futura. Emendatio culpam non antecedit. Emendator sanè Evangelii Marcion solus & primus est. Hoc negotium est hæresis, quæ sic semper emendat Evangelia, dum vitiat.

*Regula 40. Parabola ex natura rerum interpretanda, non vicissim.* Tertullianus, de Pudicitia C. 8. & 9. Hæretici easdem parabolas, quæ volunt, tribuunt, non quæ debent, aptissimè excludunt, quare aptissimè? quoniam à primordio secundum occasiones parabolarum ipsas materias confinxerunt doctrinarum. vacuit scilicet illis solutis à regula veritatis ea conquirere atque componere, quorum parabola videntur. Nos autem, quia non ex parabolis materias commentamur, sed ex materiis parabolas interpretamur, nec valdè laboramus, omnia in expositione torquere, dum contraria quæque caveamus, quare centum oves, & quid utique decem drachmæ, & quæ illæ scopæ, necesse erat, qui unius peccatoris salutem Deo gratissimam volebat exprimere, aliquam numeri quantitatem nominaret, de quo unum quidem perisse describeret, necesse erat, ut habitus requærentis drachmam in domo, tam scoparum, quàm lucernæ adminiculo accommodaretur. Hujusmodi enim curiositates & suspecta faciunt quædam, & coactarum expositionum subtilitate plerumque deducunt à veritate.

*Regula 41. Sensus interdum variatur per interpunctionem.* S. Augustinus in Joannem prin-

principium Evangelii sic legit; *Hoc erat in principio apud Deum. Quod factum est, in ipso vita erat.* Et ex hac lectione ac interpunctione longè alium elicit sensum, quàm si legatur sic: *Hoc erat in principio apud Deum, quod factum est. In ipso vita erat.*

*Regula 42. In scriptura non insidendum rigori verborum secundum legit Grammaticam.* Athanasius de diversa ejusdem rei nomenclatura. Mos est Sacræ Scripturæ, incuriosè & simpliciter, dictiones efferre, ita enim & in numeris invenias. Dixit Moyse Ragueli Madianitæ socero Moysis. Non hic est alius Moyse, qui loquitur, & alius est Moyse Raguelis gener. Secundum leges Grammaticas debuisset dici: Dixit Moyse Ragueli socero suo.

*Regula 43. Illa significantur ut diversa, quæ distinguuntur proprietatibus, non quæ tantum significantur diversis nominibus.* Basilus l. 2. cont. Eunomium. Mentitur, qui ex diversitate nominum diversitatem substantiæ inferre cavillatur. Nec enim natura rerum nomina sequitur, sed posterius nomina rerum inventa sunt. Idem Epist. 78. Nonnulli ex illis qui impietatem Sabellii sectantur; Hypostasim & Usiam idem esse arbitrati sunt. Sed Patres non idem esse dixerunt essentiam & substantiam: si enim voces illæ unam eandemque significationem haberent, quid alterutram ponere opus fuisset; sed liquet ideo positas, quia alii quidem, filium esse ex patris essentia negabant. Alii verò & ipsi filium quidem ex patris essentia negabant; adjiciebant autem, ex alia quoque esse substantia. Sic & D. Hilarius probat, Christum non esse *filium Dei* communi acceptione, nec à Deo *exisse* ob vocationem quia hi termini habuerunt diversos effectus in mente Apostolorum, quos non habuissent in sensu

fenſu vulgari. L. 6. de Trinit. ait: Cùm Apoſtoli profitentem Chriſtum audiunt, ſe à Deo exiſſe; hæc eorum reſponſio fuit; Nunc palam loqueris, & proverbium nullum dicis; nunc ſcimus, quia noſti omnia. Quæ rogo hæc verbi huius admiratio eſt? nunc primùm intelligunt, eum per naturæ virtutem exiſſe à Deo. --- Non eſt Apoſtolica fides, filium Dei nomine potiùs quàm natura credidiſſe. Si enim adoptionis hæc nuncupatio eſt, interrogo, quid illud ſit, quod Petro non caro & ſanguis revelavit? undè hæc in Petro beata confeſſio eſt hoc filio deferente, quod eſt commune Sancto- rum?

*Regula 44. In Scriptura ſæpe præteritum ſumitur pro futuro, aut viciffim.* Gregorius Nazianz. Orat. 35. Nonne cuiusvis perſpicuum eſt, ac præſertim in uſu Scripturæ poſitum, ut pleraque ex his, quæ temporaliter dicuntur, inverſa temporum ratione præferantur, nec ea ſolùm, quæ præteriti temporis ſunt, aut præſentis, ſed etiam, quæ futuram ſignificationem habent. Quo in genere illud eſt; Quare fremuerunt Gentes? nondum enim fremuerunt; & in flumine pertranſibunt pede, id eſt, pertranſierunt. Nimis longum foret, omnes huiusmodi voces recensere, quæ à ſtudioſis obſervatæ ſunt. Chryſoſtomus Serm. 2. in C. 2. Eſaiæ. Oſtendam, multa quidem diſta eſſe à Prophetis in eos, qui tribuum Principes erant, porro ea oracula in ipſos reciderunt, qui ex illis erant. v.g. quando Jacob dicit: Simeon & Levi fratres; dividam eos in Jacob, & diſpergam eos in Iſrael. Nemo autem videat, hoc in Simone & Levi eſſe factum, ſed in tribubus, quæ ab utroque proſectæ ſunt. S. Auguſtinus tract. 105. in G. 17. Joan. ad illud: Ego te clarificavi ſuper terram, opus

consummavi, quod dedisti mihi: Quomodo consummavit opus, quod accepit, ut faciat, cum restet adhuc passionis experimentum; nisi quia consummasse se dicit, quod se consummatum esse certissime novit? sicut longè antea in Prophetia dixit: foderunt manus meas, & pedes meos, dinumeraverunt omnia ossa mea: non aut fodient, & dinumerabunt, quamvis post annos plurimos futurum erat. Et in hoc Evangelio ait: Omnia, quæ audiivi à Patre meo, nota feci vobis. Quibus ait postea: Adhuc multa habeo vobis dicere, sed non potestis illa portare modò. Qui enim certis & immutabilibus causis omnia prædestinavit, quod facturus est, fecit. nam & per Prophetam dictum est de illo. Qui fecit, quæ futura sunt. Idem habet Serm. 109. de tempore fer. 3. post dominicam Passionis Et Gregorius M. l. 34. Moral. l. 7. ad illud: Cum sublatu fuerit, timebunt Angeli, & territi purgabuntur. Scriptura Sacra ita nonnunquam tempus præteritum & futurum permiscet, ut aliquando futuro pro præterito, aliquando verò utatur præterito pro futuro. Futuro namque pro præterito utitur, cum Joanni mulier paritura masculum, qui regat Gentes in virga ferrea, demonstratur. quòd quia incarnato Domino jam factum fuerat, res gesta nuntiabatur. Rursum præterito utitur pro futuro, sicut per Psalmistam loquitur Dominus dicens. Foderunt manus meas & pedes meos &c. Quibus verbis species dominicæ Passionis quasi jam transacta describitur; sed tamen adhuc longè futura nuntiatur. Hoc ergo loco, *Cum sublatu fuerit*, nil obstat intelligi, quia sub futuri temporis modo præterita describuntur.

*Regula 45. Proximè futura jam facta*

*Amor: Philosoph. T. V.*

*Q*

*di*

*dicuntur*. S. Augustinus tract. 107. in Joan. ad illud: Nemo ex his perit nisi filius perditionis. Filius perditionis dictus est traditor perditioni prædestinatus. *Hæc loquor in mundo*. Ecce in mundo se loqui dicit; qui paulò ante dixerat. *Jam non sum in mundo*. Ergo & quia nondum abjerat, hæc adhuc erat; & quia mox fuerat abiturus, hæc quodammodo jam non erat. Idem l. 1. in Genesin ad litt. C. 7. Informis illa materia, quam de nihilo Deus fecit, appellata est primò cælum & terra, & dictum est; In principio fecit Deus cælum & terram; non quia hoc jam erat, sed quia hoc esse poterit. nam & cælum postea scribitur factum. Quemadmodum si semen arboris considerantes dicamus ibi esse radices, & robur, & ramos, & fructus, & folia; non quia jam sunt, sed quia inde futura sunt. Sic dictum est; In principio fecit Deus cælum & terram, quasi semen cæli & terræ, cum in confuso adhuc esset cæli & terræ materia. Sed quia certum erat, inde futurum cælum & terram, jam & ipsa materia cælum & terra appellata est. Isto genere locutionis etiam Dominus loquitur, cum dicit: Omnia nota feci vobis, non quia jam factum erat, sed quia certissimè futurum erat. Innumerablestales locutiones in Scripturis Divinis reperiuntur.

*Regula 46. Aliqua dicuntur talia per anticipationem*. S. Hieronymus in Genesin, ad illud: Venit Jacob in montem Galaad. Non quòd eo tempore Galaad mons diceretur, sed per anticipationem, ut frequenter diximus, illo vocatur nomine, quo postea nuncupatus est. Et postea ad illud facti sunt filii Manasse &c. hoc additum est. Si quidem id, quod postea factum est, quasi per anticipationem factum esse describitur  
neque

neque enim illo tempore, quo ingressus est Jacob in Ægyptum, ejus ætatis erant Ephraim & Manasse, ut filios procreare potuissent. Ex quo manifestum est, omnes animas, quæ ingressæ sunt cum Jacob in Ægyptum, fuisse septuaginta. Ipsi septuaginta Interpretes, qui hîc septuaginta quinque animas per *ἑπτακισχίλις* eum Joseph & posteris suis in Ægyptum ingressas esse dixerunt, in Deuteronomio septuaginta tantum ingresses memorant.

*Regula 47. Quæ dicuntur de parentibus, aliquando intelliguntur de posteris.* S. Chrysostomus Serm. in C. 2. Esaiæ. Jacob tot à Patre acceptis benedictionibus ne una quidem perfruitus est. Ipsi enim pater illi prædixerat affuturam exuberantem copiam proventus annui, quodque Esau perpetuò dominaretur. Atqui vix etiam illi suppetebant necessaria, suamque familiam alebat conductitia mercede. Tantum insuper abfuit, ut dominium exerceret in fratrem, ut sibi etiam malèmetueret ab illo, & extremè pereclitaretur. Ad hæc quid nobis dicendum? Quod mendax sit Prophetia? absit. Immo quia mos hic est Prophetis creberrimus, ut dicant, quæ aliis eventura sunt, aliis subjectis personis, & interim abutantur aliorum nominibus pro aliis. Id quod in Chanaan factum cernitur: Neque enim videmus illum fratribus servivisse. Neque verò ob id intercidit patris maledictio, sed exitum sortita est in Gabaonitis, qui ex genere Chanaan prognati sunt. Istius generis permulta exempla suppetunt, quæ doceant, quoniam non pauca eorum, quæ dicta sunt à Prophetis de aliis, in alios reciderunt. Quid mirum videatur, si nunc quoque Prophetæ nomen præferens Judææ & Jerusalem ad Ecclesiam præludit?

*Regula 48. Aliquando pars pro toto, vel totum pro parte accipitur.* Gregorius Nazianz. Orat. 51. Disputans contra eos, qui negabant in Christo animam rationalem: ait: Si huic loco innotuerint; Verbum caro factum est, ob idque velut futuros crassiores pelles, ita ipsi, quod in homine præstantissimum est, abradunt, ut Deum cum carne conglutinent; tempus est, ut ipsi dicant, Deum carnistantum esse Deum, non etiam animarum, quoniam scriptum est: dedisti ei potestatem omnis carnis. Item; Ad te omnis caro veniet. Aut rursus dicant; Patres nostros invisibiles & incorporeos in Ægyptum descendisse, quoniam scriptum est: In septuaginta quinque animabus descenderunt in Ægyptum. Et de Joseph. ferrum pertransiit animam ejus. Ignorant enim, qui hæc dicunt, res hæc per synecdochem enuntiari, toto nempe per partem indicato. Ut cum ait Scriptura: Plejas & Vesperus & Arcturus in memoria sunt, pro eo ac si diceret, omnia sidera. S. Chrysostomus in Psal. 13. Quoniam dixit: *Omnes declinaverunt.* Illud autem, *omnes*, sæpe etiam de maiore parte accipitur, quemadmodum illud Pauli: *Omnes me dereliquerunt*, cum tamen veri & sinceri discipuli Paulum non reliquerint, ut ostenderet universi mundi naufragium addit: *Non est qui facit bonum, non est usque ad annum.*

*Regula 49. Sæpe sumitur pluralis pro singulari aut vicissim; vel numerus determinatus pro indeterminato, numerus rotundus pro inæquali.* S. Hieronymus l. 15. in G. 54. Esaiæ. In Samuelis volumine dicitur: Sterilis peperit septem. Septem filios dicitur genuisse Synagoga propter mysterium hebdomadis, sive pro septem plures intelligendi sunt jux-

ea Hebræi sermonis ambiguitatem, quo & Sabbathum significatur & plures. Idem in C. 28. Matth. ad illud : Idipsum autem & latrones, qui crucifixi erant cum eo, improperebant ei. Hic per tropum, qui vocatur *σὸλλυψις*, pro uno latrone uterque inducitur blasphemasse. S. Chrysostomus hom. 4. in C. 1. Genesis. ad illud : Laudate eum cœli cœlorum. sic dictum est : *Cœli cœlorum*, non quod multi sunt cœli, sed quia mos est linguæ Hebræicæ, unam rem nominare plurali numero. Dicunt igitur, qui linguæ apprimè gnari sunt, cœli nomen plurali numero ab Hebræis vocari, quod consentitur & qui Syrorum linguam sciunt, & nemo ea lingua dicit, cœlum, sed cœli. S. Augustinus Enchiridii C. 44. Etiam adulti per Baptismum peccato mori plerumque dicuntur, cum proculdubio non uni, sed multis peccatis, omnibusque moriantur, quæcunque jam propria commiserunt, quia etiam per singularem numerum pluralis significari solet; sicut ait ille : *Uterumque armato milite complent*, quamvis hoc multis militibus fecerint. Et in nostris litteris legitur, Ora ut auferat à nobis serpentem, non ait : Serpentes, quos patiebatur populus. & innumerabilia talia. Cum verò & illud Originale unum plurali numero significatur, quando dicimus in peccatorum remissionem baptizari parvulos? nec dicimus, in remissionem peccati; illa est contraria locutio, qua per pluralem locutionem significatur numerus singularis, sicut de Herode mortuo in Evangelio dicitur. Mortui sunt, qui quærebant animam pueri. non dictum est, mortuus est. Et in Exodo : fecerunt sibi Deos aureos, cum unum vitulum fecerint tantum, de quo dixerunt : Hi sunt Dii tui



Israel, qui eduxerunt te de terra Ægyptis & hic ponentes pluralem pro singulari. Idem Serm. 63. de diversis. De Nativitate Domini, C. 22. In generationibus, quas enumerat Matthæus, quadragenarius numerus eminet. Habent enim istum morem Divinæ Scripturæ, ut quod excefferit certos articulos numerorum, aliquando non computent. Sic etiam quadringenti anni dicuntur, post quos egressus est populus Israel ex Ægypto, cum sint quadringenti triginta. Sic & una generatio, quæ quadragenarium numerum excedit, non aufert huic numero principatum.

*Regula 50. Expositio non petenda ab hostibus, nisi ubi testantur contra se.* S. Augustinus de utilitate credendi. C. 6. Quis sibi unquam libros Aristotelicos reconditos & obscuros ab ejus inimico exponendos putavit? Quis Geometricas litteras Archimedis legere magistro Epicuro aut discere voluit, contra quas ille pertinaciter, nihil, ut arbitror, intelligens differebat. Agendum enim tecum prius est, ut Authores ipsos non oderis, deinde ut ames; & hoc agendum quovis alio modo potius, quàm exponendis eorum sententiis & litteris; propterea, quia si Virgilium prius odissemus, immò si non, priusquam intellectus esset, majorum nostrorum commendatione diligeremus, nunquam nobis satisfaceret de ejus quæstionibus innumerabilibus; nec audiremus libenter, qui cum ejus laude illas expediret, sed ei faveremus, qui per eas illum errasse ac delirasse conaretur ostendere. Nunc verò cum eas multi ac variè pro suo quisque captu aperire conentur, his potissimum plauditur, per quorum expositionem melior sit Poeta, qui, non solum nihil peccasse, sed nihil non laudabiliter cecinisse ab eis etiam, qui illum non in-

intelligunt, creditur; itaque in quæstiuncula magistro deficiente, & quid respondeat non habenti succensemus potius, quàm illum mutuum vicio Maronis putamus. Jam si ad defensionem suam peccatum tanti Authoris asserere voluerit. vix apud eum discipuli datis mercedibus remanebunt. quantum erat, ut similem benevolentiam præberemus eis, per quos locutum esse Spiritum Sanctum, tam diuturna vetustate firmatum est.

*Regula 51. Textus, qui in utramque partem aequè explicari possunt, pro neutra parte adhiberi debent.* S. Augustinus. de unitate Ecclesiæ. C. 23. Desinite illa testimonia commemorare, quæ aut non intelligitis, aut pro nobis contra vos esse intelligitis. Quod si ambigüe posita & pro nobis possent interpretari, nihil utique adjuvarent causa vestram; quia & nos si talibus uti vellemus innumerabilibus uteremur, quæ causam nostram nihil similiter adjuvarent. Sed planè talia malam causam vel moras faciendo sustentant.

*Regula 52. Sensus questionis ex responsione intelligitur; & vicissim.* Theodoretus ad illud Genesis: Quomodo cognoscam, quod possidebo eam? q. 64. Ex responsione divina formam interrogationis cognoscere licet.

#### §. IV.

##### *Regula de libris & opusculis supposititiis.*

*Regula 1. Barbarismi, qui reperiuntur in Scriptoris saculi 3. 4. 5. 6. 7. non sunt certum suppositionis signum.* Hæc regula vindicat SS. Patribus multa opuscula, quæ ab Acatholicis, aliisque Criticis parum sobriis tantùm ideo eripiuntur suis Autoribus, quia in iis

continentur termini nonnulli barbari, peregrini, elegantia temporum illorum indigni. Demonstratur autem ab inductione talium terminorum, quos probatissimi Authores illorum temporum suis indubitatis opusculis inseruerunt.

1. Tertullianus. 1. contra Valentinianos disputans C. 27. ait, Christum quatuor substantiis stipant, spirituali, Achamothiana, Animali, Demingina: corporali *Jesuaciana*; & illa *Soteriana*, id est, columbina. & Soter quidem permansit in Christo *inlesibilis, inapprehensibilis*. Proinde nec matris semen admisit injurias, æquè *insubditivum*, & ne ipsi quidem demiurgo compertum. Patitur verò animalis & carnis Christus, qui ad Achomoth formandam *substantivalem* non *agnitionalem* forma cruci fuerat innixus. Et 1. de anima C. 3. Paulus Athenis expertus *linguam civitatem*, cum omnes ibi sapientiae caupones degustasset, concepit *præmonitorium edictum* &c. alii per *philosopharum* doctrinas animam immortalem negant. Si qui igitur de nidoribus Philosophiae candidum & purum aerem veritatis insulcant, ea erunt Christianis *enubilanda*, quia animam ex Dei flatu, non ex materia vindicamus, muniti divinæ determinationis *in obscuribili* regula. Et C. 7. *incorporalitas* nihil patitur.

Similia habet plurima.

2. Lactantius. 1. 4. Instit. C. 29. Cum probabilia illis videantur quæ dicimus, in hoc uno nos *habere* arbitrantur, quod & alterum & mortalem Deum fatemur. & C. 30. ante omnia scire nos convenit, ipse prædixisse, quod plurimæ *haberent* sectæ *existere*. & 1. 5. C. 2. Porphyrius dicit, se suscepisse hoc munus Philosophia dignum, & præferret

non

non videntibus lumen sapientiæ, ut sulce-  
pris deorum cultibus *resanescant*. & l. 7. C.  
27. omittendæ sunt hujus præsentis vitæ il-  
licibiles voluptates. & l. 8. C. 9. jam Philoso-  
phia *defforærat*.

3. Interpres Latinus Irenæi, quem Do-  
devellus & Oudinüs ipsimet concedunt,  
probantque vixisse jam sæculo 4. l. 3. C.  
22. Deus Jonæ *insperabilem* salutem dona-  
vit. -- dominus salvabat eos, qui per se-  
metipsos non habebant salvari. -- non à no-  
bis, sed à Dei adjumento *habuimus salvari*.  
L. 3. C. 25. Spiritus Dei in Prophetis præco-  
navit, qualis esset adventus Domini. C. 33.  
Lucas generationem hominum *recapitulatus*  
est. Eva *inobaudiens* facta causa facta est  
mortis. Maria facta *obaudiens* facta est cau-  
sa salutis, propter hoc lex uxorem vocat,  
in Evam *recirculationem* significans. L. 4.  
C. 28. Deus populum erudiebat per multas  
*advocationes præstruens* eos perseverare &  
servire Deo. L. 3. C. 30. inimicitiam posuit  
inter serpentem & mulierem, illo *interpe-  
diente* ingressus hominis. L. 3. C. 43.  
Marcion dividens Deum in bonum, & *ju-  
dicialem* utrumque interimis. L. 4. C. 14.  
Filius venit ad nos, suum plasma *recapitu-  
lans* in semetipsum L. 4. C. 37. Prophetæ  
reliquas ejus *recapitulationis* dispositiones per  
visiones videbant, quæ audienda erant, ser-  
mone *preconantes*. L. 4. C. 37. Dilectio nos  
ducit ad Deum *obaudientes* ei. Non solum  
autem per sermones, qui *præconantur*, sed  
& in operationibus visus est Prophetis. C.  
39. hic est finis humani generis *beredisti-  
cantis* Deum. -- descendit Christus, id  
quod erat *inoperatum* conditionis visurus o-  
culis. C. 40. Eunuchus erat à Prophetis  
*præcatechizatur*, & in timore Dei *præceptu-  
tus* C. 41. erant *præinstructi*, omnia mala

ediri à Deo. -- *præconabant* filium Dei. C. 43. Presbyteris obaudire oportet. C. 44. Super quem *potentatus* sum, aut quem oppressis? C. 45. ubi charismata domini sunt, ibi discere oportet veritatem, apud quos sanum & *irreprobabile*, & *inadulte- ratum* sermonis constat. C. 47. Si non *Ægyptii plagati* fuissent. C. 54. judicat gentes, *reprobabili* mente universam suam operationem in vanum consumen- tes.

4. S. Hilarius. l. 4. de Trinit. Confite- tur filium ab æterno, non ipsum ab initio, sed ab *ininitiabili*. -- tum quodd solus *in- nascibilis*. -- tum quodd hunc noverint incom- vertibilem, & *indemutabilem* - hunc etiam *in- conceptibilem* - in tribu, ex qua *gigni habebat* electus, *indemutabilis*. L. 5. discerne siquid potes, & hæretico furore hæc *indefecabi- lia* decide. l. 6. Hæc omnia apud te *de- mutantur* in falsa. L. 8. interrogo, utrum infinitus Deus per formam circumscriptam & imaginem *coimaginari* possit ad speciem? L. 9. offer nunc, quisquis es Hæretice, flexuosæ doctrinæ tuæ *inevolubiles* quæstio- nes. -- cum differre significatione existime- tur *innascibilitas* à nativitate, nativitas ta- men non est extra *innascibilitatis* naturam, quia non sumpsit aliundè quod subsistit. nam & si non consecuta sit, ut *coinnascibi- lis* effecta sit, accepit tamen ex *innascibili* Deo esse. -- in Deo non sunt corporalia, sed absoluta; non *particulata*, sed tota. & l. 12. non patitur hoc in Deo existimari mi- nutarum rerum *particulatas* cogitationes. L. 10. Non tenes, irreligiosè, rerum na- turalium causas, & ex ipso sæculi sensu hæreticâ habitudine *diprosicis*. L. 11. na- sci non *diprosicis* in genere authoris existe- re; quod autem non *diprosicis*, naturam  
non

non amisit Authoris. In l. ad Constantium, *Benignifica* natura tua, Domine Auguste. De Synodis. Convenit Patrem non intra tempora confiteri, sed *contemporalem* patri non negare. -- *Obsequela* est, tunc posse, cum videt. -- impietatem per ea ipsa, per quæ *impiebatur*, extrinxit. Terminus *obsequela* octies occurrit in operibus D. Hilarii. In Matth. Can. 11. intelligitur non aliud in filio, quàm quòd in patre *ignorabile* sit, extitisse. Can. 25. veterum *peccaminum* tunicam relaturus. Hoc sæpius recurrit. Can. 32. utilitati *se dedit* alienæ. In Psal. 54. eodem verbo utrumque *græcitas* elocuta est. Hunc *græcitas* terminum habet adhuc decies. -- proprietatem verbi Hebraici *Latinitas* non elocuta est. Idem alibi sæpius. In Psal. 56. ad eum, qui sub *indemutabili* constitutione bonitatis est, clamat. In Psal. 63. Philosophia *ininitiablem* Dei in mundo dominatum impugnat. In Psal. 118. nisi metallorum usui æternitatis *reposita* gloria præferretur; & *abblandior* mihi erit auri species, quàm cœli? --- patulum domicilium *inconceptibilis* Deo opus est. In Psal. 121. Intelligentiam Prophetiæ *magniloquentica* consequetur. In Psal. 118. Hæc *indemutanda* veritatis constitutio. In Psal. 131. exurge in requiem, introeuntibus *frequentalis* est, quæ in loco *indemutabilis* est. In Psal. 138. *pennigerabant* tanquam aquilæ naturam evolandî in resurrectionis *demutatione* sumpturi.

5. S. Ambrosius l. 2. de Cain & Abel. C. 1. *juvenilescat* adolescentia, senectus canescat. Et C. 3. quàm beata civitas, quàm *celebrabilis* ore omnium? quàm gaudeo, cum vobis *incanam* quandam Ecclesiæ curiam prætendant. l. 1. de Abraham. C. 13. coquum eligit, aut

focalem. l. 2. C. 1. utraque parte acuta est acies gladii, ex utraque præliaris. C. 2. Vian-  
tes incognitam carpentes viam. l. de Isaac C.  
3. abducebat se, & *ablevabat* vitiis sæculi hu-  
jus. l. de bono mortis C. 3. se à terrenis co-  
gitationibus attollit & *ablevat*. l. de Jacob.  
C. 3. non inferiorem putes *bertinitatem* sub  
Christo, quàm libertatem voluntarium ser-  
vum sibi diabolus auctonatur. C. 11. *able-  
vatur* ærumnam, dum fidei passionibus de-  
lectamur. L. de fuga sæculi C. 7. hoc est  
fugere, *ablevare* se à sæculo, *ablevare* se à  
corpore. In C. 23. Numer. ad Chroma-  
rium. Vis me aliquid de veterum Scripto-  
rum interpretationibus *paginare*. Apolog.  
David C. 1. Evangelii lectio decursa est --  
in alio, qui hodie decursus est, Psalmo. --  
licet diversarum series decursa sit lectio-  
num. L. de Elia & jejuniis C. 4. Declara-  
tum est, quod per cibos mundus *haberet*  
*imminui* -- sciebat, quod per escam culpa ha-  
beret. intrare -- dum supra te esse *aff. clat*,  
infra te esse cæpisti. C. 8. *tubatum* vides  
anhelantem advertis; auctonatur pretia. C.  
9. non *defænerata* excludit hæredem aula je-  
juni. C. 10. Jejunium culpæ interfectorium  
est. Præfat. in Psal. 1. dies Psalmum *resul-  
tat*. Hoc repetit decies. in Psal. 1. tædia-  
sti parum, iterum transisti. In Psal. 35. *in-  
veniebilis* est, qui laboravit, ut malum inve-  
niret. - lætando corona queritur, non relu-  
tando; studio, non *refragio* comparatur. In  
Ps. 36. noli *aff. clare*, quod perpetuum esse  
non potest. -- Hæc terra *vallestis*, illa cœle-  
stis. In Ps. 37. gratiam *emeruit*. In Ps. 40.  
videtur signari, quod *mordere haberet* calca-  
neum. In Psalm. 118. ocl. 3. si quis non  
*haberet offerre* arietem. Ocl. 5. miles *vian-  
di* ordinem non ipse disponit -- & tu seque-  
re hanc legem *vian-di*. Hoc alibi sapius.

Oet. 11. Miscent aquam vino, & *insincerum* proferentes. Oet. 13. unde *habuisti intelligere*? Oet. 17. ut injurias oblivisceris, *emeruit*. hoc sæpe. In C. 1. Luc. causam mentiendi *indespensata* habuit, In C. 3. generationem fatearis esse *decursum*. hoc sæpissime. Præfat. in l. 4. in Lucam. qui mare *litora* li parant navigatione transmittere -- amenitas locorum invitet *prætermittentem*. In C. 6. amor tibi ejus *inolefcit*. In C. 10. Omnipotentem agnoscis, non *decolorem*, non degenerem patris. In C. 11. diabolus nos *affectionatur* ad mortem. In C. 16. Prophetæ *decolores* mores hominum notaverunt. In C. 17. est culpa *veniahilis*. -- *decolores* & fœtidos greges Gentium. Veniabile habet sæpius. -- nemo id *affectat*, quod infra se judicat. Frequenter hoc habet. In C. 23. in vase *coacuerat* humano. In C. 24. quod vix *enodabile* videtur, Joannes scripsit. l. 1. de offic. C. 5. cur non eum *mœstificare* possim? l. 1. de fide. C. 9. expressum ex *botrione* peregrino. l. 4. C. 7. ad vallem *botrionis* exploratores dimisit. l. 2. C. 4. Christus hoc *emeruit*. Frequenter. in præfat. l. 2. de Spiritu S. Baptismi figura signatur, per quod *habuit* creatura *mundari*. l. 3. C. 16. vide, quid de Spiritu Sancto vox dominia *resultet*. Frequenter de fide resurrect. Animi ad altiora se *subrigunt* de pœnitentia. C. 15. fermenti vitiosioris admixtio *massam decolat*. Exhortat. ad Virgin. Deus mea *orata* suscepit. Ad virginem lapsam C. 1. tristitiæ *conlugetis*. De Virginibus l. 3. *enodem* habemus assertionem. -- *melipsum defensatum* invenio - caveat, ne bonum improbus *decoloret*. -- ad altiora se *subrigunt*. - unde mihi *dari habes* aquam? lib. 2. Epist. 12. vox Christum *resultet*. Epistola 13. audistis librum Job, qui est



est *decurfus*. Epist. 17. quot se *offerre habent* tali optioni? -- quis *babet* Synagogam *vimdicare*? l. 3. Epist. 24. ibi triumphus *quasi* tus non *decolore* exitu. Epist. 25. nonne isti *discolores* nobis in hac disputatione videntur? Epist. 29. dona *affectat*. Epist. 30. oracula domini ore *resuttabat*. L. 6. Ep. 30. oracula domini ore *resuttabat*. L. 6. Epist. 39. ad superiora se *subrigat*. Epist. 41. *decursa* lectione Apostoli. -- *culpam incidit*. Omitto plura, ne nimium.

7. S. Hieronymus in C. 2. Osez. *Impudrata* estu. Præfat. in Ionam. Commentatoris officium est, ut non *differtitudinem* ostendet suam. In C. 3. Ionæ. animos *differtitudinis* fulgore perstrinxit. In C. 2. Sophon. dissipata est omnis *frondositas* eorum. In C. 4. Epist. ad Galat. Secundum ad intelligentiam *græcitat*.

8. S. Augustinus. In Psal. 51. regnum terrenum *angariat* cives regni cælorum, & regnum cæleste *angariat* cives regni terreni. In Ps. 56. vidit domium expalmatum manibus in Ps. 57. dicit Apostolus: non sic *pugillor* quasi aerem cædens; pugillari enim est *pancratium* facere: In Ps. 66. formidolosa circumstrepunt omnia; vel potius non circumstrepunt, sed *circumflect*. In Ps. 68. sit in te irreverentia; *frontosus* esto. -- tanquam febrientes infaniunt in medlum. -- non est *stomachatio* maledicentis. In Psal. 70. quilibet hoc sapit. -- *breuioris* suam magnitudinem. In Ps. 90. quando audit verba, unde sibi *babet* facere solatium. In Ps. 113. legimus sterisse Iordanem *infroenato* lapsu. -- cur hæc Spiritus Sanctus curat insinuare quasi *infcientibus*. In Psal. 117. constituite diem in *confrequentationibus*. In Ps. 122. *paragorizamur* quotidie medicamentis Dei. In Psal. 123. sæpe in concionibus verba *miua* latina aut peregrina adhibere his verbis  
scilicet

testatur: forsitan pertransiuit anima nostra. Quomodo enim Latini potuerunt, expresserunt, quod Græci dicunt, *ἔπε* sic enim: Græca habent exemplaria, *ἔπε*, quia dubitantis verbum est, expressum est quidem dubitationis verbo, quod est fortasse, sed non omnino hoc est. Possumus illud verbo dicere minus quidem Latine conjuncto, sed apto ad intelligentias vestras. Quod Punici dicunt, *Iar*, hoc Græci, *ἔπε*, hoc Latini possunt dicere, *putas*, cum ita loquuntur: *putas*, evasi hoc? si ergo dicatur; *forstanevasi*, videtis, quia non hoc sonat, sed, quod dixi, *putas*, usitate dicitur, latine non ita dicitur, & potui illud dicere, cum tracto vobis, sæpe enim & verba non latina dico, ut vos intelligatis. In Scriptura autem non potuit hoc poni, quod latinum non esset, & deficiente latinitate positum est hoc. In Psal. 24. *pravicordes* ergo sunt, qui rectum cor non habent. In Psalm. 128. *marmorati parietes* sunt -- *superbi omnes cervicati* sunt. In Psal. 126. *nihil in vinea tua grandinatum* est. In Psal. 138. habeo in abscondito quoddam *offum*. Sic enim potius loquamur; melius est, ut reprehendant nos Grammatici, quam non intelligant populi. Ergo est, inquit, quoddam *offum* meum in abscondito. In Psal. 143. *veniat dies, qui te missificet*. In Psal. 146. *pravicordius* in illis scandalizabitur. Quid est *pravicordius* & *tordicordius*; tortum cor habens. Tract. 8. in Joannem. Quando dicitur *aliquimur*, bene fit nobis. Tract. 16. prodigium appellatum est, quasi *porrodictum*. Tract. 30. Si ægrotus Sabbatho *sinceraret*. Tr. 93. verbum est *cogitabile* vel *sonabile*. Tract. 100. in Epist. Joannis. *Susum* me honoras, *iusum* me calcas. De Verbis Domini Serm. 27. Ne videaris conscientiam cadere, sed

sed malam conscientiam pugnis *pavimentare*.  
 De verbis Apostoli *Serm.* 29. respondent de  
 vento superbiæ, quo pleni sunt, quem ven-  
 tum utinam finirent, *reflatentur* & tacerent.  
*Serm.* 1. in Septages. Quid sunt pauperes,  
 quibus damus, nisi *laturarii* nostri, per  
 quos in cælum migramus? *Serm.* in feria  
 4. Paschæ, Lignum tractabile est; non  
*flexibile*. Feria 5. *Serm.* 2. pœnitentiam in  
 salutem *inponitendam* operatur. *Serm.* 3.  
 Dominica 7. post Trinit. sunt, qui se di-  
 vites *affectant*. De diversis *Serm.* 7. si à ter-  
 ræ sterilitate abhorretis seminatori & *complu-*  
*tori* vestro reddetis ubertatem. *Serm.* 44. de  
 diversis. De Jacob & Esau. Una res mul-  
 tis modis significatur, quæ nihil horum est  
 per *videntiam*; omnia sunt per figuram.  
 Christus & leo & agnus potuit esse; sed nec  
 leo, nec agnus per *videntiam*, sed per figu-  
 ram. Sic Ecclesia nec hœdi, nec vestis per  
*videntiam*, sed per figuram. *Serm.* 48. de  
 div. in orat. dom. In spiritu noverant, qui-  
 bus *habebat evenire* malè, quibus bene. *Serm.*  
 51. de Div. de S. Stephano. *Apocubatur*  
 Angelus cum Jaonne. *Serm.* 81. de div. 5.  
 in Pasch. revirescite, *granascite*, matura-  
 scite. *Serm.* 110. de div. de Machab. misit  
 diabolus in cor Judæ: qualis *organarius*, ta-  
 le organum. Ser. 111. de div. de S. Lauren-  
 tio. multa passus est, quæ *horrent audiri*.  
*Serm.* 116. de S. Cypriano. Malis meis ve-  
 lut jam vernaculis *adfavebam*. -- Ecclesiæ  
*cordissimum* vinculum humilitate servabat.  
*Serm.* 117. latro in cruce dicebat: Domine  
*in mentem me habe*.

7. Gregorius M. dedicat. in Job. C. 5.  
 quod docta manus imperat, quassata organa  
*resulant*. Præfat. in Job. C. 8. interficiant,  
 quidquid tumidum *sapiebant*. l. 1. Mor-  
 c. 3. Job promptus largitatibus memora-  
 tur;

tur; *pensemus* ergo. Hoc sæpissimè. L. 1. C. 26. undè pertimescit, se *enerviter* cadere, indè accipit fortiter stare. L. 5. C. 8. cùm authoritati vocis à nullo resistitur, lingua licentius per abrupta *defrenatur*. L. 5. C. 25. Omnis creatura non *stare habet*, sed defluere. L. 7. C. 12. ad inferendas contumelias *efrenatur*. Hoc frequenter. L. 8. C. 7. tela superius *deplicatur*. L. 9. C. 11. Spina *densescit*. L. 10. C. 4. Lassescendo proficit. -- L. 12. C. 4. Arescit fluvius *vacuofactus*. C. 8. post *pradicamenta* fortia corda roborentur. L. 13. C. 5. cum erroris sui mala prædicare non metuunt, *pradicamenta* rectæ fidei irrident. L. 14. C. 22. Turba Redemptoris *pradicamenta* despexit. L. 18. C. 16. Matthæus ad cœlestia *pradicamenta* fortis factus est. L. 12. C. 19. Impius hoc *pensare* negligit. Hoc centies. L. 12. C. 3. Sunt, qui de externis malis *desperabiliter* affliguntur. L. 14. C. 24. potibus vacant, qui de opprobrio alienæ vitæ se *deebriant*. L. 16. C. 26. amore *deebriatur* æternitatis. L. 15. C. 23. vulgaris locutionis usus est, ut bovem masculum, & vaceam fœminam vocet, sed litteraturæ locutio bovem communis generis appellat; undè nunc dicitur: Bos eorum concepit, & non abortivit. L. 19. C. 9. se *irreprobabiles* Dei obtutibus parant. L. 20. C. 2. Non solum exhibenda sunt, quæ *deebriant*. L. 20. C. 5. Dicit infirmis fortia prohibet, ne dum *incapabilia* audiunt. L. 30. C. 8. cùm populus Israel *inveniabilem* contraxisset offensam, L. 20. C. 20. Electorum animam nunc marcescit, postmodum æterna exultatione *viridescit*. L. 23. C. 9. arrogantes elationis suæ *torisitudine* depravantur. L. 24. C. 7. Authoris sui *inconvertibilem* speciem respicit. L. 25. C. 6. Accedent ad *secretarium* judicis intra sinum cordis. L. 29. C. 12.

C. 12. dona Spiritus *dispariliter* singuli accipiunt. L. 30. C. 6. contra *tentamenta* consistere. L. 31. C. 20. interna infirmis auditoribus *incapabilia* sunt. L. 32. C. 7. *reversatur* panis subcinericius. L. 33. C. 24. Reatum in Authorem *reliquit*. L. 34. C. 12. in luna mutabilitas *temporalitatis* accipitur. L. 34. C. 18. Humilitatis *fundamina* non procurant. Proœmio. in Psalmos pœnit. Dulciter *hymnizat* in Evang. hom. 1. Redemptor finem mundi *innotescit*. Hom. 38. Terrenus divina pensare *dissimulat*. Hom. 40. Nolite misericordiæ tempora perdere & remedia *dissimulare*. Pastoral. part. 3. admon. 16. se per disciplinas. Ligare *dissimulat*. In Evang. hom. 39. *funditus* finitur, quod diligitur. In Proœm. Pastor. de curæ pastoralis *gravitate* exprimo, quod penso. L. 1. Epist. 2. *dissipiosorum* lucrorum causas deportamus. L. 1. Epist. 81. abstinendum ab omni ejus *incardinatione* L. 1. Epist. 82. si *lentata* fuerit præceptio. L. 2. indict. 11. Epist. 1. in hac causa *solatiari* festinet. L. 3. indict. 12. Epist. 32. non leve peccatum est, si Hæretici inveniant licentiam *responderi*. Ibid. Epist. 38. ne *indisciplinati* videamini consentire. L. 6. indict. 15. excedentes Monachos perhibet *defensari*. L. 7. indict. 1. Quid enim debet pauper, nisi ea, quæ *paupera* sunt. L. 7. indict. 2. Epist. 54. in eis culpa *grossescit*. L. 8. indict. 3. Epist. 51. per Epistolas vos *pulsare* habui.

8. Isidorus. L. 1. Synon. assiduo usu *innaturatus* vitium. -- tu nosti, Deus, ubi lapsus sum, ubi *fluxus* sum. L. 2. Synon. C. 8. sint tibi patrum exempla disciplinæ *imitamenta*. L. 2. C. 16. qui præsentia *afsectat* Exhort. ad pœnit. totum *predamnare* festina in Genesin C. 2. disposuit Deus  
soli.

*solidamentum* Sanctorum Scripturarum. C. 3. fecit Deus hominem, qui ipsam veritatem *contemplabiliter* intuendo operatur iustitiam. C. 31. transcendunt *implicamenta* sæculi huius in Exod. C. 45. Prophetæ suo *gestamine* structuram Ecclesiæ sustentant. Et C. 48. Prophetæ suo *fundamine* structuram Ecclesiæ gestant. In Levit. C. 2. huius sacrificii *imitamenta* celebrarunt pagani in Deut. C. 10. Debet *necessanter* spes & formido conjungi in Iudicium. C. 5. pro magno *pensamus* Alleg. V. T. *caliginatam* legem illuminat. Alleg. N. T. Doctores *predicamentis* Evangelii bene usi sunt. De Nativ. C. 4. trinam sanctificationem cœlestis *per-*  
*sultat* exercitus. C. 12. Christus *potentialiter* natus. L. 1. Sent. C. 27. consumitur à Deo *innox*, quando à Deo ipsa innocentia examinatur. L. 2. C. 7. *inattigibilem* divinitam iustitiam. L. 2. C. 40. ruina adulterii excipitur *destina* matrimonii. Hæc pro exemplo sufficiant. Clarum ergo est, etiam in antiquis Illis Scriptoribus nonnunquam, quamvis rariùs, inspergi barbaros terminos; ut proin, nisi barbarissimè turmatim in aliquod opusculum irruant, non propterea pro supposititio haberi debeat; idque præcipuè verum est de homeliis quorundam Patrum.

*Regula 2. Styli diversitas non certò probat diversum Auctorem.* Hoc ostenditur ex eo, quia idem Auctor nonnunquam mutat stylum suum. Basiliius de vera fide. Tractandum propositum nobis est longè diversum ab argumentis Illis, à quibus aliàs ad scribendum inducebamur. Eo tempore de hæresi confutanda agebatur; nunc autem simplex fidei explanatio proposita est. Quò fit, ut cùm tractatio nunc dissimilis sit, dissimilis etiam esse debeat stylus. Quemadmodum  
enim

enim non eadem instrumenta in manus summat & qui prælum initurus est, & qui colere agrum velit; alia enim suppellex instrumentorum iis congruit, qui in pacis quiete res sibi ad victum necessarias parant; alii armorum apparatus iis, qui in bello se adversum hostiles copias instruunt; similiter quoque nequaquam eodem dicendi genere utatur, & qui in sana doctrina cohorte-  
tur, & qui in disputatione sibi repugnantes redarguit; siquidem est aliud genus dicendi, quo utimur in refellendo; aliud, quo in cohortando. Itemque alia eorum simplicitas, qui in pace veram pietatem prædicant, alii illorum sudores, qui adversus oppositiones falsi nominis scientiæ fortiter dimicant. Quamobrem nos quoque disponentes sermones nostros in judicio, ubique sive defendenda, sive tradenda simpliciter fides fuerit, operam dabimus, ut ab subjectam materiam stylum accomodemus, modo videlicet iis, qui diabolico astu illam conantur evertere, majore cum acrimonia & contentione refutandis; modò iis, qui in ea ædificari voluerint, simplicius & ad illorum intelligentiam accommodatius ipsam fidem exponendo; nihilque aliud faciendo, quàm quod dictum est ab Apostolo: ut sciamus, quomodo oporteat nos unicuique respondere. S. Hieronymus L. 1. adversus Pelagianos. C. 8. In ipsis controversiis, in quibus pueri aliquando lusi-  
mus, non omnes similiter vel in proœmiis, vel in narrationibus vel in excessibus, vel in argumentis, vel exemplorum copia, & epilogorum dulcedine se agunt, sed eloquentiæ suæ alia, atque alia in parte dissimiles sunt. De viris magis Ecclesiasticis loquar; multi super Evangelia benedisserunt, sed in explanatione Apostoli im-  
pares

pares sui sunt. Alii cum in Instrumento novo optimè senserint, in Psalmis, & Veteri Testamento muti sunt.

S. Ambrosius l. 5. in Hexam. C. 12. fugerat nos, & fratres; in priori concione de natura avium disputatio, & sermo hujusmodi nobis cum ipsis avibus evolaverat. Fit enim natura quadam, ut hi qui aliquid intuentur, vel dicendo exprimere volunt, eorum qualitatem, quæ vel intuentur vel loquuntur, assumant, ut & cum pigrioribus immoremur, & cum velocibus celeri rapiamur aspectu, stylo quoque aut tardiore utamur, aut rapido. S. Gregorius l. 11. Moral. C. 1. Quamvis in prolixo opere esse culpabilis stili mutabilitas non debeat, ne quis tamen me ex locutionis mutatione reprehendat, in epistola libris præmissa causam reddidi; cur tertiam hujus operis partem ad aliarum usque similitudinem minime emendando perduxim. Quibus scilicet exclusis hoc quoque additur, quod in hac parte jam multa sint, ut in uno corpore comprehendere non possint, nisi sub magna brevitate dicerentur. Igitur, quoniam in ea multa sunt, sicut me loquente excepta sunt, ita dereliqui. Immutationem styli Lector meus æquanimiter accipe, quia & sæpe eosdem cibos edentibus diversitas placet coctionis.

*Regula 3. Diversitas sententiarum non certo probat diversum Authorem.* Quia Patres nonnunquam mutarunt suam mentem. Sic Gregorius Nazianzenus aliquando approbaverat scripta Vitalii Apollinaristæ, quæ postea rejectit. Orat. 52. sic habet: Quoniam eadem voces, si rectè intelligantur, cum pietate conjunctæ sunt, si perperam exponantur, impietate non carent, quid mirum, si Vitalii quoque verba  
in



In pium sensum accepimus, alii autem ad eorum, quæ scripta sunt, mentem exasperantur & inflammantur? quod etiam in causa fuisse reor, cur ipse quoque Damasus, cum postea rectius edoctus fuisset, simulque in pristinis eos expositionibus perstare audiisset, eos ab Ecclesiæ cœtu abdicarit, fideique libellum cum anathematismo deleverit, tum etiam, quodd fraudem eam, in quam inciderrat, permolestè ferret. Quodd S. Hieronymus quondam Originem summi fecerit Ruffinus in sua Invektiva fusè probat. In præfat. ad Exech. ait: Magnum est, mi amice, quod postulas, ut Origenem faciam Latinum, & hominem juxta Didymi videntis sententiam alterum post Apostolos Ecclesiarum Magistrum Romanis auribus donem. In præfat. Hebra: nom. Novi Testamenti nomina interpretatus sum, imitari volens ex parte Origenem, quem post Apostolos Ecclesiarum Magistrum nemo nisi imperitus negat. Hunc verò Origenem à D. Hieronymo diris omnibus devotum fuisse, testantur passim ejus scripta adversus Ruffinum, & Augustinus D. Hieronymo scribens ait: Origenem & Didymum reperio reprehensos abs te in recentioribus Opusculis tuis, & non mediocriter, nec de mediocribus quæstionibus, quamvis Origenem mirabiliter ante laudaveris. S. Chrysostomus, ubi probat Religionem per homines indoctos, adeoque divinis viribus propagatam esse, Paulum indoctum fuisse scribit; de Sacerdotio verò ostendit Paulum doctum fuisse. Quoties D. Augustinus mentem suam mutaverit, patet ex libris retractationum.

*Regula 4. Diversa explicatio ejusdem textus non probat certò diversum Authorem. Exempla talium diversarum explicationum ejusdem textus ab eodem Authore occurrunt plurima*  
in

in Patribus verb. grat. in Augustino explicante illa verba Matthæi : super hanc petram ædificabo Ecclesiam meam ; quæ intelligit aliquando de Petra Christo , aliquando de Petra confessionis fidei , aliquando de Petro. S. Basilus de vera fide . Hæc sunt , quæ duxi vobis explicanda , ut omnis ex animis vestris dubitatio de fide tolleretur , orta fortasse propter diversam rationem eorum , quæ aliàs alio modo exposita à nobis sunt .

*Regula 5. Diversa lectio ejusdem textus non certò probat diversum Authorem .* Sic S. Augustinus illum textum Ecclesiasticis . i. in Expositione propositionum quarundam Epistolæ ad Romanos legit ; Vanitas vanitatum & omnia vanitas ; alibi verò sæpius legit : Vanitas vanitantium & omnia vanitas .

*Regula 6. Contradictio etiam aperta non est certum signum diversæ Authoris .* Ratio est , quia Scriptores non semper recordantur quid prius dixerint , aut scripserint . S. Augustinus in præfatione ad octoquæstiones Dulcitii : Queris , quare dixerit Dominus : Elegi David secundum cor meum , cum ille talia & tanta commiserit , ubi tractaverim , & quomodo id exposuerim ? non potui reperire , & utrùm sit in aliquo libro meo vel epistola nescio . Merito hoc S. Augustinus dicit , quia solutio ad illam quæstionem non videtur convenire cum doctrina illius de meritis in aliis libris verb. grat. in Expositione propositionum Epist. ad Romanos : Eusebius l. 3. Præparat. Evang. ostendit , Platonem sibi ipsi contradixisse , inquantum alicubi vult , Poetis circa Deos adhibendam esse fidem , alicubi idem negat . Si habet : Vide , quid Plato de populari hac & publica circa Deos opinione suis etiam legibus sancita voluerit . Dæmonum , inquit ille , procreationem vel explicare vel nosse res est nostra facultate major , Quare hoc in genere

genere priscis illis testibus adhibenda fides, qui ut deorum, quod ipsi ajunt, nepotes erant, ita majores suos maximè notos habuerunt, nec fieri omnino potest, ut fides eorum filiis detrahatur; etiamsi nullis demonstrationibus necessariis, aut ne probabilibus quidem argumentis ipsorum testimonia comprobentur; sed necesse planè est, ut iis, quomodo lex imperat, tanquam suarum in rerum commemoratione credamus. Illorum ergo Deorum procreationem, uti Poetæ scribunt, ita nos quoque de ea statuamus ac loquamur. Terræ cœlique liberi Oceanus & Thetys; horum Phorcyon, & Saturnus, & Ops, cæterique fratres. Ex Saturno & Ope Jupiter, Juno ac reliqui &c. Eapropter hic sanè nobis Philosophus relinquendus erit, qui nec, uti Philosophum docuit, nec secum ipse consentiens, fabulosas in Diis Poetarum Genealogias simularit. Nam audi quomodo idem loquatur in Republica: In majoribus inquit, fabulis minores etiam facile videbimus, necesse enim est, speciem unam aliquam esse, vimque, minoribus æquè majoribusque communem. An non ita sentis? Equidem, inquit ille; sed quas tu majores dicas non capio. Quam Hesiodus inquam, atque Homerus cæterique Poetæ commemorant, illi enim falsas hominibus fabulas commenti & narrabant olim, hodieque narrant. Ea videlicet, quæ paulò ante retulimus.

*Regula 7. Aliquæ propositiones minus convenientes genio, pietati, aut moderationi Authoris non sunt certum suppositionis signum. Quia etiam Sancti aliquando in perturbatione aliqua faciunt, quæ aliàs non facerent. S. Augustinus. Contra Mendac. C. 9. Considerandum est in eo, quod fecit*

Loth

Loth volens prostituere filias, utrum exemplum sit, quod imitari, an potius, quod vitare debeamus. Magis enim videtur integendum, & notandum, cum tam horrendum malum ex impietate flagitiosissima Sodomitarum suis impenderet hospitibus, quod cupe-  
ret depellere, nec valeret, sic etiam iusti animum potuisse turbari & vellet facere, quod non humani timoris nebulosa tempestas, sed divini juris tranquilla serenitas, si consulatur, à nobis faciendum non esse clamabit. Et jubebit potius, ut sic nostra peccata caveamus, ne ullorum prorsus alienorum peccatorum timore peccemus. Aliena quippe ille vir iustus timendo peccata, quæ nisi consentientes inquinare non possunt, perturbatus non attendit suum, quo voluit subdere filias libidinibus impiorum. Hæc quando in Scripturis Sanctis legimus, non ideo, quia facta credimus, etiam facienda credamus, ne violemus præcepta, dum passim sectamur exempla. An verò quia juravit David se occisurum esse Nabal, & clementi consideratione non fecit, propterea illum imitandum esse dicemus, ut temerè juremus, non esse facturos, quod non esse faciendum postea videamus? sed sicut illum timor, ut prostituere filias vellet, sic istum, ut temerè juraret, ira turbavit. Posset ille respondere: timor & tremor venerunt super me & contexerunt me tenebræ. Posset etiam dicere iste. Turbatus est præ ira oculus meus. Ut non miremur, vel illum in timoris tenebris, vel istum oculo turbato non vidisse, quod videndum fuit, ne facerent, quod faciendum non fuit.

*Regula 8. Diversitas styli aut propositi, aut methodi etiam in eodem opere non est certum interpolationis aut suppositionis signum. Sic Ambrosius in eodem Opusculo eandem materiam tractat per modum concionis coram populo,*

partim per modum Epistolæ l. 3. de Virgini-  
 nibus. Quid alienigenis apud te soror ator  
 exemplis hæreditariæ castitati inspirata suc-  
 cessio, parentis infusione Martyris erudit.  
 Qui enim fieri posset, ut Sancta Sotheristi-  
 bi non esset mentis Author, cui Author est  
 generis &c. Dein statim quasi ad populum  
 loquens ait: Hoc loco non mediocrem ad-  
 vertite quæstionem, ne dubitare de resurre-  
 ctione virgines debeat. Et paulò post: Ac-  
 cusati sumus, & nisi fallor, accusatores no-  
 stri plerique de vobis sunt; horum affectus  
 redarguere malo, quam personas prodere.

*Regula 9. Anacronismi non sunt certa sup-  
 positionis nota.* quia Authores optimi non sunt  
 temper accurati in computatione tempo-  
 rum. Sic Hieronymus in Epist. ad Theodo-  
 ram. Refert Irenæus vir Apostolicorum  
 temporum, quod Marcus quidam ad Gallias  
 venerit; &c. hoc ille scripsit ante annos circi-  
 ter trecentos, & scripsit in iis libris, quos ad-  
 versus hæreses composuit. Scripsit Irenæus an-  
 no 176. Hieronymus circa annum 400. quo-  
 modo ergo ante annos circiter trecentos &c.  
 Idem Epist. 65. ad Pamachium. Parcas fidei,  
 quæ Apostoli voce laudata est; cur post qua-  
 dringentos annos docere nos niteris, quod an-  
 te nescivimus? cur profers in medium, quod  
 Petrus & Paulus edere noluerunt? mortuus  
 est D. Hieronymus anno 420. quomodo ergo  
 ante annos 400. Apostolus prædicasse dicitur?  
 S. Chrysostomus in 1. Epist. ad Corinth. C.  
 3. hom. 9. Quater millia annorum præterie-  
 runt, & Sodomitæ adhuc manet & viget  
 supplicium. Idem in 1. Epist. ad Timoth.  
 C. 5. homil. 15. Christus dicit: quemad-  
 modum in diebus Noe, ita & nunc; præ-  
 dixerat ante multos annos, & modò prædi-  
 cit; jam quadringentesimus annus excessit,  
 & nemo applicat animum. S. Chrysostomus  
 anno

anno 410. jam erat mortuus, quomodo ergo à prædicatione Christi jam annus 400. excessit? Idem de Verb. Apost. in 2. ad Corinth. Habentes spiritum fidei. Serm. 26. Paulinæ Epistolæ fontes sunt, quia nunquam deficiunt. Et hoc evidenter declarare potest totum tempus, quod præterit. Siquidem ex quo Paulus vixit, quingenti jam elapsi sunt anni, totoque hoc tempore multi commentatores exhauserunt, sed non exinanire potuerunt. Idem in inscriptionem Altaris Serm. 51. ait: nonne videtis in cælo stellas? jam per annos sexies mille nobis lucent, nec ipsarum ulla facta est obscurior. Idem in 1. Epist. ad Corinth. C. 3. hom. 9. dicit, quinque annorum millibus stare mundum: quod juxta 70. Interpretes verum esse videri poterat, sed sex annorum millia usque ad tempora Chrysostomi ex nullo documento erui poterat. Idem in 1. 1. quod Christus sit Deus; narrat quomodo templum Jerosolymitanum destructum fuerit. Dein addit: Nunc supra quadringentesimum annum est, & nulla spes est, quod instauretur. Idem in Psal. 8. Judæos alloquens ait: Postquam manus in Dominum injecistis, vobis deinceps evasit ulcus immedicabile; & ideo quadringenti jam anni præterierunt, ex quo civitatis vel ipsum solum periit, sublatum est Sacerdotium, confusæ tribus. &c. Hæc omnia ostendunt, etiam in Authoribus doctis computationem temporum non esse accuratam; neque ex nota temporum semper judicandum de ætate Authorum. Huc pertinet Theodoretus qui quæst. 38. in Deuteronomi, loquens de promissa Judæis reductione in terram suam, ait: Quod quidem sæpenumero factum est, ut clarissimè patet ex libro Judicum, & historiis, postremo tamen debacchantes in Salvatorem in universam terram

& mare dispersi sunt; & jam quadringentesimus annus agitur, ex quo non sunt revocatione consecuti. Mortuus est Theodoretus anno 457. dispersio autem Judæorum nondum facta erat anno 57.

*Regula 10. Lapsus indigni Authore erudito non præbent certo suppositionem.* Constat enim, quod etiam eruditi Authores aliquando labantur memoria, aut male allegent textus, aut alia habeant vitia. Sic D. Hieronymus in C. 66. Esajæ: David duos genuit filios, Ammon & Absalon, quorum alter fratris, alter Patris exitit homicida. Hoc falsum est, cum Ammon non occiderit fratrem, sed Absalon parricida. Idem in C. 4. Jeremiæ. Septuaginta & Theodotio posuerunt *μαρτυροῦσι*, quod verbum usque in præsentiarum quid significet ignoro. Attamen hoc verbum nunc ubique habent dictionaria.

*Regula 11. Imperitia in citando non semper est certus Character imperiti Authoris.* Sic Lactantius. l. 4. Instit. C. 15 ait: Christus tinctus est a Joanne in Jordane: tunc vox de cælo audita est, Filius meus es tu, ego hodie genui te; quæ vox apud David prædicta invenitur. Hæc tamen verba non reperiuntur in Baptismo Christi dicta esse.

*Regula 12. Ex eo, quod aperi sint immixtæ fabulæ, non certo sequitur, totum tanquam fabulosum rejiciendum esse.* Origenes contra Celsum l. 1. negat: Spiritum Sanctum visum à Servatore in columbæ specie. Quis, inquit, hanc visionem vidit testis, qui fide dignus sit. Quis audivit vocem à cælo adoptantem te Deo filium? priusquam defensionem aggrediamur, dicendum, fermè omnium narrationum, etiamsi veræ sint, vel le asserere veritatem, & opinioni infigere esse

esse rem perdifficilem, & quibusdam impos-  
sibilem. Finge enim, aliquem negare, un-  
quam fuisse bellum Trojanum, præsertim  
cum quædam ei narrationi admixta sint im-  
possibilia, de Achille marinz Deæ filio &  
hominis Pelei, de Jovis Sarpedone, Ænea  
Veneris, quomodo asseremus talia, si ur-  
geamur figmentis manifestariis? quamvis  
jam invaluerit opinio, revera bellum ges-  
sisse Græcos cum Trojanis ad Illium. Fac  
aliud non credere de Jocasta & Oedipide  
communibusque liberis Eteocle ac Polinice  
propter insertam narrationi Sphingem semi-  
puellam, quomodo hoc demonstrabimus?  
idem sentiendum de Epigonis ut vocantur,  
horum sociorumque filiis, etiamsi ea narra-  
tio careat figmentis similibus, deque pro-  
fectione in Peloponesum filiorum Herculis,  
cæterisque innumeris, attanyen candidus &  
circumspectus lector etiam illa rectè dijudi-  
cabit, quibusdam assentietur, in aliis fig-  
mentum olentibus scrutabitur sensum tropo-  
logicum, rursus aliis fidem abrogabit, ut  
scriptis ad gratiam.

*Regula 11. Non omnis historia eo ipso rejicien-  
da, si est desumpta ex libris aut documentis a-  
pogryphis, quando Author præditus est pruden-  
ti judicio quoad discretionem veri à falso. Sic  
Origenes Prologo in Cantica ait: Locutus  
est Salomon tria millia parabolarum, & erant  
cantica ejus quinque millia. Ex his ergo quin-  
que millibus canticis volunt hoc unum esse  
canticum, quod habemus. Sed usquequo vel  
ubi cantata sint, non solum ad usum, sed ne  
ad notitiam pervenit Ecclesiarum Dei. O-  
perosum est autem, & procul ab opere pro-  
posito, si nunc velimus inquirete, quam mul-  
torum librorum commemoratio fiat in Scri-  
ptura, quorum lectio nulla omnino nobis tradi-  
ta est. Sed neque apud Judæos haberi quidem u-*



sum huiusmodi reperimus lectionum, quæ sive pro eo, quod aliqua supra humanam intelligentiam continebant, placuit Spiritui Sancto auferri de medio, sive quod essent de Scripturis his, quæ appellantur apocryphæ, pro eo, quod multa in eis corrupta, & contra fidem veram inveniuntur à majoribus tradita, non placuit eis dari locum, nec admitti ad auctoritatem, supra nos est pronuntiare de talibus. Illud tamen palam est, multa vel ab Apostolis, vel ab Evangelistis exempla esse prolata, & Novo Testamento inserta, quæ in his Scripturis, quas canonicas habemus, nunquam legimus, in apogryphis tamen reperiuntur, & evidenter ostenduntur ex eis assumpta. Sed ne sic quidem locus apocryphis dandus est. Non enim transeundi sunt termini, quos statuerunt Patres nostri. Potuit enim fieri, ut Apostoli vel Evangelistæ Sancto Spiritu repleti sciverint quid assumendum esset ex illis scripturis, quidve refutandum. Nobis autem non est absque periculo, aliquid tale præsumere, quibus non est tanta Spiritus abundantia.

*Regula 12. Quando in aliquo opere fit mentio Authoris, non est certum signum, opus esse alterius Authoris; quia Authores nonnunquam loquuntur de seipsis tanquam de aliis: Sic Ambrosius in Psal. 118. ocl. 18. si dicas; Ambrosium Bassum intus esse; unus putatur; sin autem asseras; Ambrosium & Bassum intus esse, duo utique intelliguntur. Sanct. Hieronymus in C. 3. Malach. Hoc, quod dicitur, Ecce ego mitto Angelum meum, & præparabit viam ante faciem meam, ex persona Christi dicitur, quod Joannem miserit in deserto prædicare Baptismum pœnitentiæ. Quod autem sequitur: Et statim veniet ad templum suum Dominator, quem vos quæritis, & Angelus Testamenti quem vos vultis. Ita de se quasi de altero.*

altero loquitur juxta consuetudinem scripturarum. Nullique dubium, quin Dominator iste Salvator sit, qui Angelus Testamenti appellatur. S. Augustinus in C. 2. Epist. 1. Joann. 2. Per cujus nomen remittuntur peccata? nunquid Augustini? ergo per nomen Donati? Videris, quis Augustinus, aut quis Donatus? Nec per nomen Pauli, nec per nomen Petri, nam dicit: Nunquid Paulus crucifixus pro vobis est? aut in nomine Pauli baptizati estis? S. Gregorius l. 1. Moral. C. 1. Iob suæ victoriæ gesta narravit; nec movere debet, quod in eodem libro dicitur: dixit Iob. &c. Hæc & illa pertulit Iob. Moris enim Scripturæ Saceræ est, ut ipsi, qui scribunt, sic de se in illa, quasi de aliis loquantur. Hinc est enim, quod Moyses ait: erat Moyses vir mitissimus super omnes homines, qui morabuntur in terra. Hinc Ioannes dicit: Hic est discipulus ille, quem diligebat J E S U S. Hinc Lucas ait: Quod ambularent duo ex discipulis in via, Cleophas, & alius. Quem profecto alium, dum tam studiosè tacuit, ut quidam dicunt, quid nisi seipsum esse monstravit. Scriptores igitur sacri eloquii de se quasi de aliis testimonium proferunt. Undè & Job potuit sua gesta, quasi nom sua scribere.

*Regula 13. Defectus non sunt certum signum Authoris mali.* quia omnis Author sua vitia habet, & crescente ætate proficit. Sic D. Hieronymus nonnulla in suis scriptis carpi posse fatetur. Proem. l. 13. Ezech. C. 41. *Æmulorum maledicta prævenio, qui non quid ipsi possint, sed quid ego non possim, considerant, & cum nostra dijudicent, sua judicanda non præbent, nunquam in agone pugnantes, sed de pugnantibus otiosi imò superbo animo judicantes.* Facile est dare dictata de populo, & in singulos iustus caluminari,

ac de alieno ridere sanguine; & ubi vulnus infligi debuerit, imperiti lanistæ more differrere. Ego in explanatione templi Ezechielis, & cæterorum, quæ ad finem ipsius voluminis pertinent, fateor me pro rei magnitudine nihil dignum scribere. Illud Rhetoris Victorini admonet, ut obscuritatem voluminum ex tribus rebus fieri intelligas, vel rei magnitudine, vel Doctoris imperitia, vel audientis duritia, quorum primum & secundum liquidò in hoc opere confitebor. Idem Proœmiad Pamachium in Abdiam: Cùm essem parvulus ut parvulus loquebar, ut parvulus sapiebam, ut parvulus cogitabam; postquam factus sum vir, quæ parvulicerant, deposui. Si Apostolus proficit, & quotidie præteritorum obliviscens in priora se extendit, quanto magis ego, qui necdum ad ætatem perfecti viri veni, mereri debeo veniam, quod in adolescentia mea, provocatus ardore & studio Scripturarum allegoricè interpretatus sim Abdiam Prophetam, cujus historiam nesciebam? ardebat animus cognitione mystica, & quia legeram omnia possibilia credentibus, ignorabam diversa esse charismata; litteras sæculi noveram, & ob id putabam me librum legere posse signatum. Stultus ego; necdum de Altari carbo sublatu labia mea purgaverat; necdum error veteris ignorantiz igne Spiritus Sancti fuerat circumcissus, & audacter loquebar ad Dominum; Ecce ego, mitte me. Sperabam in scriniolis latere, quod scripseram, & ingenioli mei primam temeritatem ignibus voveram, cùm subito de Italia affertur exemplar à quodam juvene tot annis, quot & ego aliquando scripseram; laudante opusculum meum. Fateor miratus sum, quòd, quantumvis aliquis male scripserit, invenit similem lectorem sui. Illi prædicabat, ego erubesceram; illi quasi

mysticos intellectus ferebat ad cœlum; ego demisso capite confiteri meum pudorem prohibebam. Quid igitur? condemnamus, in quibus pueri lusimus? minimè. Infans eram, necdum scribere noveram, titubabat manus, tremebant articuli, nunc, ut nihil aliud profecerim, saltem Socraticum illud habeo; Scio, quod nescio. Dicit & Tullius tuus; sibi adolescenti inchoata quædam & rudiora excidisse. Si hoc ille tam de libris ad Herennium, quàm de Rhetoricis, quos ego vel perfectissimos puto, ad comparationem senilis peritiæ dicere potuit, quanto magis ego liberè profitebor, & illud fuisse puerilis ingenii, & hoc maturæ senectutis. In libris quoque contra Marcionem Tertullianus hoc idem passus est, & Origenes in Cantico Canticorum, & Quintilianus in 12. libris Institutionis. Oratoriæ. Ex quibus perspicuè ostenditur, unamquamque ætatem in suo esse perfectam & ex ætatum debere numero judicari. Idem l. 3. in Zachar. Proœm. Urget me Frater Sisinnius incompta & impolita transmittere; ut non dicam emendandi, sed ne relegendi quidem habeam facultatem. Ille festinat in opus suum, nos in nostro opere minus facimus, dum eruditio incassum vertitur, & quidquid sensu concipimus, composito non licet ornare sermone. Rudes igitur non mea culpa, sed studio portitoris suscipe libros. Quamvis enim elegans sit, exercitatumque ingenium, & longo usu trita curiat oratio, tamen nisi Auctoris manu curata fuerit & polita, redoletordes negligentia, & vel nimio verborum flore luxuriat, vel hiulca vocalibus fit, vel aspera consonantibus unde & de Virgilio traditum est, quod libros suos quasi urforum fœtus lingua composuerit, & lambendo fecerit esse meliores. Idem Proœ l. 5. in Epist. ad Gal.

Loquar? sed omnem & sermonis elegantiam, & Latini eloquii vanitatem stridor lectionis: Hebraicæ sordidavit; nostis, enim & ipsæ, quod plus quàm quindecim anni sunt, ex quo in manus meas nunquam Tullius, nunquam Maro, nunquam Gentilium litterarum quilibet Author ascendit; & si quid fortè inde, dum loquimur, obrepit, quasi antiqui per nebulam somnii recordamur. Quid autem profecerim ex linguæ illius infatigabili studio, aliorum iudicio relinquo, ego quid in mea amiserim, scio. Accedit ad hoc, quia propter oculorum & totius corpusculi infirmitatem manu mea ipse non scribo, nec labore & diligentia compensare queo eloquii tarditatem. Verùm accito Notario aut statim dicto quodcunque in buccam venerit, aut si paululum voluero cogitare melius aliquid prolaturus, tunc me tacitus ille reprehendit, manum contrahit, frontem rugat, & se frustra adesse toto gestu corporis contestatur. Oratio autem & si de bonæ indolis ingenio sit profecta & distincta inventionibus & ornata flore verborum, tamen nisi Authoris sui manu limata fuerit & polita, non est nitida, non habet mixtam cum decore gravitatem, sed in modum divitum rusticorum opibus suis magis arguitur, quàm exornatur.

*Regula 14. Liber, in quo aliqua applicantur ex Aurbore damnato, non est necessario Authoris perversi.* D. Hieronymus l. 1. in Epist. ad Titum C. 1. ad illud: Dixit quidam ex illis proprius illorum Propheta; Cretenses semper mendaces, malæ bestiarum ventres pigri. Integer versus de Epimenide Poeta ab Apostolo sumptus est, & ejus Callimachus in suo poemate est usus exordio. Putant quidam Apostolum reprehendendum, quod eum versiculum approbaris. Quibus respon-

spondendum est ; sicut in eo , quod ait ; corrumpunt mores bonos colloquia prava . Et in illo : Ipsius enim & genus sumus , non statim totam Menandri Comœdiam , & Arati librum probavit , sed opportunitate versiculi abusus est , ita & in præsentī loco non totum opus Callimachi sive Epimenidis , quorum alter laudes Jovis canit , aliter de oraculis scriptitat , per unum versiculum confirmavit . Sed Cretenses tantum mendaces vitio gentis increpavit . Qui autem putant , totum librum debere sequi eum , qui libri parte usus sit , videntur mihi & Apogryphum Enochī , de quo Apostolus Judas in Epistola sua Testimonium posuit , inter Ecclesiæ Scripturas recipere , & multa alia , quæ Apostolus Paulus de reconditis est locutus . Possumus enim hoc argumento dicere , quia apud Athenienses ignotum Deum se colere dixit , quem illi in ara annotaverant , debere Paulum & cetera , quæ in ara scripta fuerant , sequi , & ea quæ Athenienses faciebant ; facere , quia cum Atheniensibus in cultura ignoti Dei ex parte consenserat . Nemo est tam sicarius & parricida , qui non aliquid boni aliquando fecerit ; ergo si unum bonum illius videns probavero , & in cæteris mihi incumbet necessitas , quæ mala fuerint , approbandi . S. Augustinus l. 3. de doct. Christ. 30. Ticonius , qui contra Donatistas investissimè scripsit , cum fuerit Donatista , & illic invenitur absurdissimi cordis , ubi eos non omni ex parte relinquere voluit , fecit librum , quem regularum vocavit , quia in eo quasdam septem regulas executus est , quibus quasi clavibus Scripturarum Divinarum aperirentur arcana ; quæ quidem considerata , sicut ab ipso aperiuntur , non parum adjuvant quæ tecta sunt Divinorum eloquiorum . Quæ ideo dicenda putavi ,

ut liber & legatur à studiosis, quia plurimum adjuvat ad scripturas intelligendas, & non de illo speretur tantum, quantum non habet. Cautè sanè legendus est non solum propter ea, in quibus ut homo erravit, sed maximè propter illa, quæ sicut Donatista Hæreticus loquitur.

*Regula 19. Non semper tribuenda Authoribus, quæ videntur ab ipsis aut dubia, aut erronea, aut indecentia dicta esse.* Sic D. Augustinus dicit, se nihil affectivè voluisse de Origine animarum statuere, licèt oppositum videatur. Epist. 7. ad Marcellinum ait: Diligenter advertant, qui putant me aliquid de anima humana velut certum statuisse & fixisse, quod vel ex parentibus per propaginem veniat, vel in actibus vitæ superioris atque cælestis peccaverit, ut corruptibilis carni mereatur includi; & videant, sic à me verba fuisse perpensa, ut retento eo, quod certum habeo, post peccatum primi hominis nasci ceteros homines in carne peccari, ita omnia sonarent ut nulli præjudicarent opinionis quatuor illarum, quas postea digessi atque distinxi, non confirmans aliquam, sed integram quod agebam sequestrata illarum discussione determinans, ut quæcunque illarum vera esset, Deus sinè dubio laudaretur. S. Gregorius l. 12. Mor. C. 8. nonnunquam à fortibus infirmitatis verba suscipienda sunt, ut per eorum post prædicamenta fortia infirmorum corda gratius roborentur. Undè beatus Job, eum quasi dubitantis verba protulit, dicens: Putasne mortuus homo rursus vivat, illico sententiam suæ certitudinis adjunxit, qua ait: Cunctis diebus expecto, donec veniat immutatio mea. Idem l. 8. Mor. C. 9. Qui facit Arcturum, & Orionas, & Hyadas, & interiora Austri. Nequaquam sermo veritatis vanas Hesiodi, Arati, &

Gal.

Callimachi fabulas sequitur, quasi Orion gladium teneat, amator insanus. Hæc quippe astrorum nomina à cultoribus sapientiæ carnalis inventa sunt, sed Scriptura Sacra idcirco eisdem vocabulis utitur, ut res quas insinuare appetit, notitiâ usitatæ appellationis exprimantur.

*Regula 16. Quando Authores loquuntur in nominativo plurali, si inconvenientia sunt, non ea sunt, nota characteristica Authorum.* S. Chrysostomus in 1. Epist. ad Corinth. C. 4. hom. 12. Hoc universum orbem conturbat, quod ad homines aspicientes omnia agimus; quando scortamur, homines magis veremur, quam Deum. Similia habet sæpius.

*Regula 17. Non debet asserti Authoris interpolatio, nisi probetur per alia exemplaria.* S. August. l. 11. contra Faustum. Ubi sic manifesta veritate præfocantur, ut obsessi dilucidis verbis Sanctarum Scripturarum exitum in eis fallaciæ suæ reperire non possint, id testimonium; quod prolatum est, fallum esse respondent. O vocem à veritate fugacem, in amentia pertinacem! usque adeò invicta sunt, quæ adversus vos divinis codicibus proferantur, ut non sit aliud, quod dicatis, nisi eos esse fallatos. Quæ jam autoritas litterarum aperiri, quis sacer liber evolvi, quod documentum cujuslibet scripturæ ad convincendos errores vestros exeri potest, si hæc vox admittitur, si alicujus ponderis æstimatur? aliud est, ipsos libros non accipere, & nullo eorum vinculo detineri, quod pagani de omnibus libris nostris, quod Judæi de Novo Testamento faciunt, quod denique nos ipsi de vestris & aliorum Hæreticorum, si quos suos & proprios habent, vel de iis, qui appellantur apocryphi; non quod habendi sint in aliqua autoritate secreta, sed quia nulla testifi-



cationis luce declarati, de nescio quo secreto: nescio quorum præsumptione prolati sint. Aliud est ergo autoritate aliquorum vel librorum vel hominum non teneri; & aliud est, dicere, iste quidem vir Sanctus est, & omnia vera scripsit, & ista Epistola ipsius est, sed in ea ipsa hoc ejus est, hoc non est ejus. Ubi cum ex adverso audieris, proba. Non confugas ad exemplaria veriora, vel plurimum codicum, vel antiquorum, vel linguę præcedentis, undè hoc in aliam linguam interpretatum est, sed dicas; inde proba hoc illius esse, illud non esse, quia hoc pro me sonat, illud contra me. Itaque si de fide exemplarium quæstio verteretur, sicut in nonnullis, quę & paucę sunt, & sacrarum litterarum studiosis notissimę sententiarum varietates vel ex aliarum regionum codicibus, undè ipsa doctrina comieavit, nostrā dubitatio dijudicaretur; vel si ibi quoque codices variarent, plures paucioribus, aut vetustiores recentioribus præferrentur; & si adhuc esset incerta varietas, præcedens lingua, undè illud interpretatum est, consuleretur.

*Regula 18. Continua traditio est certum argumentum de authentica libri.* S. Augustinus l. 33. contra Faustum C. 6. Quid vobis (Manichæis) faciam, quos ita obsurdificavit iniquitas, ut quidquid adversum vos ex scripturis prolatum fuerit, non esse dictum ab Apostolo, sed à nescio quo falsario sub ejus nomine scriptum esse dicere audeatis? infelices animę! de quo libro certum erit, cujus sit, si litterę quas Apostolorum dicit Ecclesia, ab ipsis Apostolis propagata, per omnes gentes declarata, utrū Apostolorum sint, incertum est? in litteris secularibus sub Authorum nominibus multa prolata sunt & ideo repudiata, quia vel  
his

his scriptis, quæ eorum esse constabat, minimè congruerunt, vel eo tempore quo illi scripserant, nequaquam innotescere, & per ipsos familiarissimos eorum in posteros prodire meruerunt. Ut alios omittam sub Hippocratis Medici nobilissimi nomine quidam libri prolati in auctoritatem à Medicis recepti non sunt, quando comparati eis, quos verè Hippocratis esse constabat, impares iudicati sunt; & quòd ab eo tempore, quo & cætera ejus scripta, non innotuerunt, quòd verè ejus essent. Hos autem libros, quibus illi comparati respuuntur, si quis neget esse Hippocratis, non refellitur, sed ridetur. Cur? quia sic eos ab ipso Hippocratis tempore usque ad hoc tempus & deinceps successionis series commendavit, ut hinc dubitare dementis sit. Platonis, Aristotelis, Ciceronis, Varronis, aliorumque ejusmodi Anthorum libros undè noverunt homines, quòd ipsorum sint, nisi eadem temporum similitudine succedentium contestatione continua? multi multa de litteris Ecclesiasticis conscripserunt, undè constat, quid cujus sit, nisi quia his temporibus, quibus ea quisque scripsit, quibus potuit insinuavit, atque edidit & indè in alios atque alios continuata noticia, latiusque formata ad posteros etiam usque ad nostra tempora pervenerunt, ita ut interrogati, cujus quisque liber sit, non hæsitamus, quid respondere debeamus. Sed quid pergam in longè præterita? Ecce istas litteras, quas habemus in manibus, si post aliquantum tempus vitæ hujus nostræ vel illas Fauti esse, vel has neget esse meas, undè convincitur, nisi quia illi, qui nunc ista noverunt, notitiam suam ad longè etiam post futuros continuatis posterorum successionibus irajiciunt? quæ cum ita sint, quis tandem tanto furore cœpatur, nisi

dæ

dæmoniorum mendaciloquorum malitia sub-  
versus sit, qui dicat, non mereri potuisse  
tam fidam, tam numerosam fratrum con-  
cordiam ut eorum Scripturæ fideliter ad po-  
steros erajicerent, cum eorum cathedras us-  
que ad præsens certissima successione ser-  
vaverit.

*Regula 19. Nonnunquam ab Hæreticis ali-  
qua operibus Patrum inserta non præjudican-  
turi operi.* S. Augustinus l. 1. contra Julia-  
num Pelagianum loquens de scriptis Orien-  
talium Patrum Basilii, Gregorii &c. ait &  
Quid vobis prodest, quod nescio quas an-  
sas atque uncas arte nescio cujus perplexita-  
tis inseritis, ne simplicia pateant, & clara  
luceant?

*Regula 20. Multi libri supposititii ab Hæ-  
reticis conficti sunt.* Epiphanius cont. Hære-  
Cap. 38. Contra Cæjanos. libellum quen-  
dam ex nomine Judæ inscriptum fuerunt,  
quem Evangelium Judæ vocant. Sed &  
alia quædam Scripta eodem modo confin-  
gunt. Alium, libellum finxerunt ex no-  
mine Apostoli Pauli, nefariis actionibus  
refertum, quem ascensum Pauli vocant,  
occasione inventa ab eo, quod Apostolus  
dicit se ascendisse in tertium cælum, &  
audivisse arcana verba, quæ non licet ho-  
mini loqui. Et hæc sunt, inquit, arca-  
na verba. S. Basilii Epist. 43. ad Gre-  
gorium Nyssenum fratrem. Unam mihi e-  
pistolam contexuisti, ac tanquam à vene-  
rando & communi nostro patruo scriptam  
attulisti, fallens me; cujus gratia, igno-  
ro. Accepi illam tanquam ab Episcopo  
communique patre per te allatam. Quid  
enim non credidissem? ostendi illam quam-  
plurimis amicorum præ gaudio, egique DEO  
gratias. Deprehensum est figmentum, ipso  
Episcopo epistolam à se scriptam propria voce  
per-

pernegante. Erubui super hac epistola; optavimus terram nobis dehiscere, quod fallaciæ, mendacii, ac seductionis probro expoliti essemus. Alteram denuo mihi tanquam ab eodem Episcopo missam per domesticum tuum Asterium reddidisti. Neque illam verè miserat Episcopus. S. Hieronymus l. 1. contra Pelag. de Rufino loquens ait: Illam autem temeritatem, imò insaniam ejus quis digno possit explicare sermone; quod librum Christi Pythagorei, hominis absque Christo atque Ethnici immutato nomine Sixti Martyris & Romanæ Ecclesiæ Episcopi prænotavit? Idem in Apologia adversus Rufinum. C. 7. scribit frater Eusebius, se apud Affros Episcopos epistolam quasi meo nomine scriptam reperisse; in qua agerem pœnitentiam, & me ab Hebræis in adolescentia inducūm esse testarer, ut Hebræa volumina in Latinum verterem, in quibus nulla sit veritas. quod audiens obstupui. Et quia in ore duorum aut trium stat omne verbum, unique testi nec Catoni creditum est, id ipsum multorum me ex urbe fratrum scripta docuerunt, sciscitantium an ita se haberet, & à quo ipsa Epistola disseminata esset in vulgus lacrymabiliter indicantium. Qui hoc ausus est facere, quid aliud non audeat? bene, quod malitia non habet tantas vires, quantos conatus. Perierat innocentia, si semper nequitia juncta esset potentia. Stylum meum, qualiscunque est, & formam eloquii vir disertissimus exprimere non potuit, sed inter ipsas præstigias, & alterius personam, qua se induerat ostendit. Ergo ille, qui sub nomine meo pœnitentiæ fixerat, quod malè Hebræo volumina transulissim, objicere dicitur. S. Chrysostomus hom. 1. in 2. Ep. ad Thessal. Aggrediebantur alii quidem verba solum mittere,

tere, tanquam quæ dicebantur à Paulo; alii autem etiam fingere epistolas, tanquam ab eo scriptas. Propterea omne iter eis intercludens, dicit: Ne terreamini neque per sermonem, neque per epistolam tanquam per nos missam. Undè ergo sciemus inquit? propterea adjecit: Salutatio mea manu Pauli, quod est signum in omni epistola. Ita scribo; Gratia Domini nostri Jesu Christi cum omnibus vobis. Non hoc dicit, quodd hoc sit signum. est enim verosimile, alios quoque hoc esse imitatos, sed salutationem meam manu scribo. nam ex subscriptione, sunt manifestæ litteræ eorum, qui mittunt. Cyrillus Epist. 28. ad Joannem. Cognovimus, quod celeberrimi Patri nostri Athanasii ad B. Episcetum epistolam orthodoxè loquentem nonnulli à se corruptam ediderunt, ita ut hinc multi lædantur, utile hoc ac necessarium fratribus rati ex vetustis exemplaribus, quæ sincera apud nos sunt, transumpta sanctitati tuæ misimus. Idem testatur ad Acacium Epist. 29. Et ad Successum Episcopum de Incarnatione. Theodoretus l. 1. hæret. fabul. de Tatiano. Is composuit Evangelium, quod dicitur, per quatuor, amputatis genealogiis, & aliis, quæcunque ostendunt Dominum natum secundum carnem. Eo autem usi sunt non ii solum, qui sunt illius sectæ, sed ii etiam, qui dogmata Apostolica sequuntur, compositionis fraudem non cognoscentes, sed simpliciùs eo, tanquam libro compendioso utentes. Ego quoque inveni plus quàm ducentos hujusmodi libros, qui in honore habebantur in nostris Ecclesiis. Quos cum omnes simul coegissem, deposui, & loco eorum reposui quatuor Evangelistarum Evangelia. S. Gregorius l. 9. Epist. 69. indict. 4. Inter alia, quæ Andreas Monachus pessimè cogitavit & fecit,

can

eam quoque quam ad nos misistis, dum apud ipsum à tabulario esset deposita, ita falsavit epistolam, ut quicumque eam legeret, vos nec Catholica, nec recta sapere evidenter argueret, ex qua re contingit, ut dum veritatem studiosè quæreremus ejus, quæ latebat, iniquitas vulgaretur. Et quia inter divisa mala aliquos etiam sermones scripsit, atque eos ex nostro nomine titubavit, & suspecti sumus, ne eos alicubi transmissit, fraternitas vestra sollicitudinem gerat, & si quid tale repererit, eos & excindi, & omnino faciat aboleri, ut quod nostro nomine prænotavit, quorundam animos non possint inficere.

## P A R S VI.

### *Principia Artis Criticæ demonstrata.*

#### C A P. I.

*Probabile est; quod communius  
verum est.*

**H**ic terminus, & *Probabile*, ab Authoribus in duplici sensu accipitur, in strictiori videlicet, & laxiori. In latiori sensu, quæ præterito sæculo inter Probabilistas invaluit, idem significat ac quævis opinio nitens fundamento gravi non enervato, in quo sensu aliqua opinio vocatur probabilis, etiam si communius vera non sit: v.g. si aliqua opinio pro se habeat quatuor Authores graves; ejus verò contradictoria pro se habeat decem Authores æquè graves, utraque opinio dicitur probabilis, etiam si communius ac frequentius contingat, illam opinionem veram esse, pro qua stant decem Authores quam

quàm eam, pro qua tantum stant quatuor Authores; si tamen cetera sint paria. In sensu vero strictiori Probabile tantum illud dicitur, quod frequentius contingit esse verum. In hoc sensu to Probabile frequenter sumpsisse veteres, ex Aristotele, Cicerone, Quintiliano, D. Thoma, S. Antonino, Oldendorpia, & Cujacio manifestum fiet ex textibus mox referendis. Ratio docet, terminum, cui varius atque inconstans sensus subijcitur, à quolibet accipi posse in eo sensu, in quo voluerit: erit itaque & mihi liberum, to Probabile samere in sensu strictiori, & definitione nominis arbitraria dicere: Probabile voco, quod communius verum est Aristoteles l. 1. Rhet. C. 2. sic ait: *Entby-nema Syllogismum Rhetoricum appello; verum quoniam pauca eorum, de quibus agunt Syllogismi Rhetorici, necessaria sunt; plurima vero, quae ut plurimum accidunt, patet ea, ex quibus ea Entby-nemata fluunt; quaedam fore necessaria, plurima vero huiusmodi, ut ferè semper soleant fieri. Fluunt namque Entby-nemata ex probabilibus; probabile autem est, quod ferè semper solet fieri.* l. 2. Rhet. C. 27. idem sic ait: *Omnia Entby-nemata fluunt ex probabili; & sunt ex probabilibus; quae colliguntur ex iis, quae ut plurimum aut sunt, aut esse videntur. Quoniam igitur probabile non semper, sed ut plurimum verum est, perspicuum est, possibile esse, ut huiusmodi Entby-nemata semper solvantur objectione allata; quae quidem obiectio non semper est vera, sed tantum apparens. Solutio, eo quod, qui obijcit, non dissolvat verisimilitudinem, sed tantum probet, eam non esse necessariam; nam cum v. g. in iudicio actor per probabilia confirmet, semperque, quod ut plurimum est, pro se offerat, non est eadem solutio, quod non sit probabile, & quod non sit necessarium; quare non satisfacit reus, cum solvit*

soluit, & probat; non esse necessarium; sed  
 solvendum est, quid non sit probabile; quod  
 eveniet, si objectio magis ut plurimum est.  
 Idem l. 1. Topic. Contrahit: Probabilia au-  
 tem sunt, quæ videntur omnibus, aut pluri-  
 bus, aut sapientibus, & his vel omnibus,  
 vel pluribus, vel maxime nocis, & prae-  
 cipuis probabilibus; falsigræphus autem non syl-  
 logizat ex probabilibus; neque enim, quæ om-  
 nibus videntur, sumit; neque quæ probabili-  
 bus, neque quæ pluribus; neque quæ sapientibus,  
 & his neque pluribus; neque probabilioribus,  
 & praeipuis. L. 1. Topic. G. 3. ait: Pro-  
 positio dialectica est positio probabilis, aut om-  
 nibus, aut plurimis, aut sapientibus, & his  
 vel omnibus, vel plurimis vel maxime fami-  
 liaribus non inopinabilis; ponet enim aliquis,  
 quod videtur sapientibus, nisi id contrarium  
 sit malorum opinionibus. Ex his probabili-  
 tatis definitionibus Aristotelicis satis appa-  
 ret, Aristotelem illam sententiam, vocasse  
 probabilem, cujus principia, ratio, videli-  
 cet, vel autoritas, nos frequentius non fal-  
 lunt, quæque relatæ ad hoc vel illud princi-  
 pium ac fundamentum ut plurimum vera  
 est. v. g. si dico; nocte rubet cælum; ergo  
 cras serenum erit; principium ac fundamen-  
 tum meæ opinionis de crastina serenitate  
 est rubedo cæli nocturna; & stante hac  
 rubedine ut plurimum, ac communius ve-  
 rum est sequi serenitatem; itaque opinio  
 mea hæc probabilis est. Vel si dico; fe-  
 re omnes consilarii Regis uno alterove exce-  
 pto, dissuaserunt bellum; ergo erit infausus  
 belli exitus. Principium ac fundamen-  
 tum hujus meæ opinionis est auctori-  
 tas ferè omnium Consiliariorum Regis,  
 quæ plerumque, ac frequentius non solet  
 fallere; itaque meæ opinio erit proba-  
 bilis; nec satisfaciet ex mente Aristotelis,  
 qui



qui volens meam opinionem refutare diceret : *Possunt hi consiliarii errare ; sunt etiam illi consiliarii Regis prudentes , qui suaserunt arma Principi &c.* talis enim refutatio præcisè ostenderet , opinionem meam non esse necessariam ; minimè verò ostenderet , eam non esse ut plurimum atque à potiori veram , seu probabilem , prout etiam observavi part. 1. §. 4. n. 17. sed jam ad alias auctoritates progredior.

Cicero l. 1. de Invent. n. 56. ait : *Probabile est id , quod ferè fieri solet ; in eo genere , quod ferè fieri solet , probabile hujusmodi est : Si mater est , diligit filium.* Idem hoc loco plura alia affert probabilitatis exempla , in quibus semper fit argumentatio ab eo , quod frequentius solet contingere.

Quintilianus Init. Orat. l. 5. C. 10. ait : *Credibulum ( probabilium ) genera sunt tria ; unum firmissimum , quod verè accidit , ut liberos à parentibus amari. Alterum velut proprius , ut genus , qui rectè valeat , ad crastinum perventurum. Tertium , tantum non repugnans v. g. furtum in domo factum ab eo , qui domi Omnia aut credibilia , plerumque , non semper : alioquin essent indubitata , non argumenta.*

S. Thomas 2. 2. q. 70. a. 2. C. ait : *Dicendum , quod secundum Philosophum l. 1. Eth. C. 3. Certitudo non est similiter quærenda in omni materia ; in actibus enim humanis non potest haberi certitudo demonstrativa , eo quod sunt circa contingentia & variabilia. Et ideo sufficit probabilis certitudo , quæ ut in pluribus veritatem attingat , etsi in paucioribus à veritate deficiat. Est autem probabile , quod magis contineat veritatem dictum multorum , quam dictum unius.*

S. Antoninus Part. 1. tit. 3. C. 10. ad f. ait : *Certitudo , quæ requiritur in materia morali ,*

non

non est certitudo evidentia, sed probabilis-conjectura - non enim consurgit certitudo moralis ex evidentia demonstrationis, sed ex probabilibus conjecturis, grossis, & figuratibus, magis ad unam partem, quam ad aliam se habentibus: Dicitur autem probabile, quod pluribus, & maxime sapientibus apparet verum.

Oldendorpius, prout refertur in Notis ad ff. l. 22. tit. 3. in Topicis de præsumpt. ait: *Præsumptio est conjectura collecta per rerum circumstantias ex argumentis vel indiciis frequenter evenientibus.* Et Cujacius l. cit. ait: *Præsumptiones sunt anticipationes quadam de eo, quod in re est, communi sensu perceptæ ex eo, quod plerumque intelligitur, quod plerumque fit.*

Ex dictis itaque patet, *τὸ probabile* in sensu strictiore, quem communiter solet exhibere definitio nominis, significare judicium mentis, cujus principia, ratio vel autoritas plerumque non fallunt. Et in hoc sensu *τὸ probabile* antiquitus non solum acceperunt communiter Aristotelici, Theologi, & Philosophi, sed ipsi etiam Academici, si eorum mentem rectè inspicimus. Plato in Timæo non obscurè innuit, se id probabile dicere, quod tanquam verosimilius mentem ad assensum pertrahit. Sic ait: *Ne mireris, O Socrates, si de mundi generatione rationes probatissimas afferre non possim. Satis enim factum putare debebis, si non minus probabiles, quam quicvis alius rationes attulerim equum est meminisse, & me, qui disseram, & vos qui judicabitis, homines esse, ut si probabilia dicentur, nihil ulterius requiratis - quocirca, sicut ratio nobis probabilis persuadet, dicendum est, hunc mundum animal esse. — nunc de hominis compositione probabili ratione monstrandum. —*

Quod autem ab initio dixi, verisimilitudinis vim servabimus, studeamusque in rationibus veteribus assignandis nulli cedere. En! Pla-

Vo dicit, ultra suas rationes probabiles nihil ulterius posse requiri, & in iis se nulli cedere, quod non convenienter diceret, nisi crederet eas esse verisimiliores, easque minus fallere; immò addit, sed ab iis persuasum esse, & conversionem animæ ad sensibilia ait *opiniones, fideique assensiones firmas producere*. S. Augustinus de Academicorum probabilitate loquens agnoscit, eos illud vocasse probabile, quod videtur verius esse, ac frequentius. verum, licet de absoluta veritate rei nihil intellectus pronuntiet; assertque talis probabilitatis exemplum in serenitate, quæ de nocte rubens cælum frequentius subsequitur: l. 2. Cont. Acad. C. XI. sic ait: Id probabile vel verisimile Academici vocant, quod nos ad agendum sine assensione potest invitare; sine assensione autem dico, ut id, quod agimur, non opinemur verum esse, aut nos id scire arbitremur, agamus tamen, ut verbi causa; utrum besterna nocte tam liquida ac pura hodie tam letus Sol exoriturus esset, si nos quispiam rogaret, credo, quod nos id scire negaremus, diceremus tamen, ita videri; talia, inquit Academicus, mihi videntur omnia, quæ probabilia, vel verisimilia putavi nominanda, quæ tu, si alio nomine vis vocare, nil repugno; non enim vocabulorum opificem, sed rerum inquisitorem decet esse sapientem.

Cicero l. 4. Acad. quæst. dum contra Academicos disputat, agnoscit, eos per totò Probabile intellexisse id quod proximè ad verum accedit: Quod est igitur, inquit, vestrum probabile? nam si quod cuique primo quasi aspectu probabile videtur, id confirmatur, quid eo levius? si dicent, id se sequi, quod ex circumspectione aliqua & accurata consideratione visum fuerit, tamen exitum non habebunt. nam, cum dicant, acideret pesser sapienti, ut, cum omnia fecerit, & diligentissime circumspexerit, existat aliquid, quod

quod & verisimile videatur, & absit longissimè à vero; quomodo, si magna parte quidem ut solent dicere, ad verum ipsum, aut quàm proximè accedant, considerare sibi poterunt? inquirunt, cùm Deus falsa visa, velut ea, quæ in somniis videntur, Deus efficere possit probabilia, quoniam modo, quæ proximè accedunt ad veritatem, efficere non possit? Sextus Empiricus l. 1. Pyrrhon. Hypotypos. C. 33. testatur, Recentiores Academicos sui temporis statuisse tria genera probabilitatum; quarum tamen quolibet versatur circa id quod apparet verisimilius. Sic ait: *Novæ Academicæ Alumni aliquid esse bonum & malum dicunt, simul persuasi, verisimilium esse, id, quod dicunt bonum, bonum esse, quàm contrarium. Præterea phantasias alias non probabiles; quin & probabiliū statuunt diversa genera. Alias enim probabiles tantum esse dicunt, alias autem probabiles, & accurata consideratione probatas; alias probabiles, & probatas accurata consideratione, & quæ nullo dubio impediuntur. v. g. si quis ingrediatur domum tenebricosam, & videat funem contortum & convolutum, probabilis ei phantasia sit, se videre serpentem. Si autem exactè intuitus fuerit, apparet, esse funem, per phantasiam probabilem, & accurata consideratione probatam. Preferunt igitur novi Academici ei phantasie, quæ simpliciter est probabilis, eam, quæ est probabilis, & per accuratam considerationem probata; utrique autem horum eam, quæ est probabilis, & per accuratam considerationem probata, & quæ nullo dubio impediatur.*

Ex his omnibus patet, τὸ probabile convenienter sumi pro iudicio, cujus principia, ratio, aut authoritas, frequentius non fallunt, quàm fallunt.

## C A P. II.

*Gradus probabilitatis per numeros  
exhiberi possunt.*

1 Cùm probabile illud sit, quod frequen-  
tius contingit verum esse, clarum est,  
eò majorem fore probabilitatem, quo frequen-  
tius attingit veritatem. v. g. si ex centum ob-  
servationibus, quas de subsecuta ad rubedi-  
nem cœli nocturnam tempestate institui, de-  
prehendi, sexagesies serenam tempestatem  
subsecutam esse, probabile erit, nocte ru-  
bente polo crastina die serenum futurum;  
adhuc verò major probabilitas erit, si ex cen-  
tum observationibus octuagesies serenum sub-  
secutum est; maxima probabilitas erit, si  
in centum observationibus nonagies, aut  
nonagies novies serenum contingit. In pri-  
mo enim casu, quo dico, serenum futurum,  
sexagies quidem continget, prædictionem  
meam veram futuram; quadragies aurem  
falsam. In altero casu continget, prædictionem  
meam octogies veram esse, vigesies au-  
tem falsam. In tertio casu continget, prædi-  
ctionem meam veram futuram nonagies, aut  
nonagies novies, falsam autem futuram tan-  
tùm decies, aut semel. Itaque in primo  
casu continget, assertionem meam frequen-  
tius quidem veram futuram, ejusque prin-  
cipia minus frequenter fallere; sed longè  
frequentius eam assertionem futuram veram  
esse in secundo casu, ac frequentissimè in  
tertiò casu.

2 Cuivis manifestum est, in allato exem-  
plo gradus probabilitatis sic exhiberi pos-  
se, ut in primo casu probabilitas se habeat,  

60	80
—	—
100	100

 ut — in altero casu, ut — in ter-  
tio,

90 99

tio, ut — vel — & sensus erit, intra  
100 100

recurrentem centum casuum seriem, sexa-  
gies, octuagies, nonagies, aut nonagies no-  
vies verum dicturum, si futuram serenam  
tempestatem nocte rubente cœlo prædicturus  
sum. Sicut in allato exemplo gradus proba-  
bilitatis per numeros exhibentur, ita etiam  
in omni alia controversia fieri potest, cujus  
fides ab autoritate Doctorum, numero &  
idoneitate testium dependet. v. g. ponamus  
pro aliqua sententia stare 70. Authores,  
prout pro mea *Thesi de fructu indulgentiarum*  
tot Authores protuli. Ponamus insuper, pro  
opposita sententia stare 100. aut 150. aut  
200. Authores, prout in ea indulgentiarum  
materia produci posse nullus dubito. cla-  
rum erit, oppositam sententiam, si præ-  
cisè attendatur autoritas, cæteris paribus,  
longè fore credibiliorem, & in primo  
casu se habituram ejus probabilitatem, ut  
10 150

— in altero casu, ut — in tertio casu,  
170 220

200

ut — sensus erit: si colligantur vota &  
270

testimonia Authorum, in primo casu 100.  
vota ex 170. votantibus futura pro oppo-  
sita sententia; in altero casu ex 220. vo-  
tantibus 150. vota; in tertio casu ex 270.  
votantibus 200. vota pro opposita sententia  
depositura esse.

4 Sicut in primo exemplo gradus proba-  
bilitatis ex numero casuum veritati admi-  
niculantium, ab inductione per experien-  
tiam cogniro, rectè exprimitur in numeris  
60 80 90 99

— — — — — ita in omni alia con-  
100 100 100 100 S 2 tro.

100. 100. 100. 100.

troversia fieri, potest, etiamsi probabilitas  
 non fundetur in experientia, prout in pri-  
 mo casu, aut in autoritate, prout in se-  
 secundo exemplo. *Demonstratur.* Omnis pro-  
 positio probabilis ideo est probabilis, quia  
*plurimum non fallit*, ut patet ex definitione  
 probabilitatis C. 1. igitur omnis propositio  
 probabilis ideo est probabilis, quia aut de-  
 prehensa est per experientiam ab inductione  
 in data aliqua casuum consimilium serie mi-  
 nus frequenter fallere; aut quia nata apta est,  
 in aliqua data possibili casuum consimilium  
 serie minus frequenter fallere. Ea proposi-  
 tionis in data casuum possibilium serie fre-  
 quens vel minus frequens fallibilitas dicit  
 quatuor. Primò, dicit, finitam ac determi-  
 natam casuum possibilium seriem, relatè  
 ad quam dicitur frequenter aut minus fre-  
 quenter fallere: neque enim ea series infi-  
 nita poni potest, cum in infinito sciri non  
 possit, quid ut plurimum fiat, aut, si hoc  
 sciri possit, ipsum infinitum quoad eam  
 proportionem ac commensurabilitatem fi-  
 nito æquivalere necesse sit. Secundò di-  
 cit ea fallibilitas in illa finita ac determina-  
 ta casuum possibilium serie determinatum  
 numerum casuum, secundum quem fallit.  
 Et tertio dicit in eandem serie determina-  
 tum numerum casuum, secundum quem  
 non fallit. Quarto dicit ea fallibilitas  
 præparationem causarum, quæ sic disposi-  
 tæ sunt, ut meritò prævideri possit, re-  
 currente casuum possibilium serie toties ve-  
 ritatem propositionis secuturam, toties non  
 secuturam fore verb. grat. si statim pri-  
 mo die conditi mundi nocte rubente polo A-  
 damus dixisset, *crastino serenum futurum;*  
 ejus

ejus assertio fuisset probabilis, etiamsi ex nulla prævia experientia, atque inductione casuum consimilium eam probabilitatem didicisset. Ratio est, quia si Adamus habuisset scientiam causarum naturalium, si cognovisset constitutionem universi, simul agnovisset, causas naturales sic præparatas esse, ut recurren- te centum aut mille casuum consimilium serie incomparabiliter frequentius, verb. grat. sexagies, octuagies, nonnagies &c. fere- num futurum sit. Demonstratum autem est in exemplis, & patet ex legibus Arithmeticeis, quamcunque relationem nume- rorum numeris exprimi posse. Igitur, cum tota major vel minor fallibilitas propo- sitionis nihil aliud dicat quàm relationem causarum præparatarum ad numerum casu- um fallentium vel non fallentium in deter- minata casuum possibilium serie, ea tota propositionis fallibilitas ac consequenter pro- babilitas universim numeris exprimi poterit.

Q. E. D.

5 Quando in primo, & secundo exemplo  
 probabilitas se haberet, ut  $\frac{60}{100}$   $\frac{80}{100}$   $\frac{90}{100}$

70 150 200  
 — — — ea probabilitas facile ad mi-  
 100 220 270

nores terminos redigi posset, ut patet ex  
 legibus Arithmeticeis, videlicet, ad se-

quentes,  $\frac{6}{10}$   $\frac{8}{10}$   $\frac{9}{10}$   $\frac{7}{10}$   $\frac{15}{22}$   $\frac{20}{27}$  Ea ad mino-

res terminos reductio in plurimis aliis ca-  
 sibus fieri potest, ut patet consideran-  
 ti.



6 Quando probabilitas non potest accuratè  
reduci ad minores terminos, verb. gr. hæc

$\frac{15}{22}$   $\frac{20}{27}$   $\frac{31}{47}$

— — — &c. poterit tamen reduci

$\frac{22}{22}$   $\frac{27}{27}$   $\frac{47}{47}$

ad fractionem decimalem per approximatio-

nem - v. g. hæc fractio  $\frac{15}{22}$  quàm proximè

æquivalet huic fractioni  $\frac{7}{10}$  altera fractio  $\frac{20}{27}$

quàm proximè æquivalet huic fractioni  $\frac{7}{10}$

vel  $\frac{8}{10}$  tertia fractio  $\frac{31}{47}$  quàm proximè æqui-

valet huic fractioni  $\frac{6}{10}$  vel  $\frac{7}{10}$  Itaque pro-

babilitas, ut  $\frac{15}{22}$   $\frac{20}{27}$   $\frac{31}{47}$  per approximatio-

nem æquivalet probabilitati ut  $\frac{7}{10}$   $\frac{8}{10}$   $\frac{6}{10}$  inve-

nies autem eum valorem per approximationē,

si dicas per Regulam de Tri: ut se habet  
v. g. 22. ad 10. ita se habet 15. ad 7. 22.  
10::15:7.

7 Cum itaque omnis probabilitas per re-

ductionem ad minores terminos, & appro-

ximationem in ratione decimali exprimi pos-

sit, restat omnes gradus probabilitatis per se-

quens Schema exhiberi poterunt.

*Schema:*

# Schema

Rationis decimalis probabilisticæ.

$\frac{0}{10}, \frac{1}{10}, \frac{2}{10}, \frac{3}{10}, \frac{4}{10}, \frac{5}{10}, \frac{6}{10}, \frac{7}{10}, \frac{8}{10}, \frac{9}{10}, \frac{10}{10}.$

In hoc schemate propositionem certam voco, cujus principia nunquam fallunt. ut

— propositionem moraliter certam voco, ut

— cujus principia ferè nunquam fallunt, ut

— propositionem probabilem voco, cujus

principia frequentius non fallunt, quàm fal-

lunt, ut — — — propositionem dubiam vo-

co, cujus principia æquè fallunt, ac non

fallunt, ut — — — propositionem denique impro-

bilem voco, cujus principia frequentius

fallunt, quàm non fallunt, ut  $\frac{4}{10}, \frac{3}{10}, \frac{2}{10}, \frac{1}{10}.$

0

—

10.

## CAP. III.

*Regula determinandi gradum probabilitatis ex Inductione.*

1 **G** Radus probabilitatis determinatur per hoc, quod assignetur, quoties in determinata casuum serie propositio fallat, aut non fallat, v. g. quoties nocte rubente polo intra centum casus contingat sequi serenum, quoties id non contingat. Hoc autem sciri potest vel à posteriori, vel à priori. à posteriori cognoscitur ex inductione atque experientia casuum consimilium, eo quod jam longa experientia observatum sit, quoties propositio fefellerit, aut non fefellerit. à priori id cognoscitur ex præparatione ac dispositione causarum, è quibus effectus in data casuum serie natus aptus est toties sequi, toties non sequi. Regulas, per quas à priori cognoscitur, quoties effectus secuturus aut non secuturus sit, *Leges Contingentium* voco, easque communiter indigito his duabus Litteris L. C.

2 Regula determinandi gradum probabilitatis à posteriori sunt sequentes.

*Prima.* Quando probabilitas propositionis desumitur ab inductione casuum consimilium tanta inductione fieri debet, ut comprehendat omnes causas & circumstantias effectum diversificantes, verb. gr. si quaero, quanta sit probabilitas, quod nocte rubente polo crastino die serenum futurum sit, non sufficeret ad validam inductionem faciendam per decem dies continuata observatio, posset enim contingere decem illis diebus semper fuisse serenum, & sic malè concluderem, probabilitatem

esse, ut  $\frac{10}{10}$ , seu tantam, ut semper non  
ele

De rubente polo altero die serenitas subsequatur. Debet ergo observatio per plures annos in hoc exemplo esse continuata, quia facile agnoscit quilibet, ad constituendam serenitatem plures causas ac circumstantias concurrere, verb. grat. humiditatem, siccitatem, calorem, frigus, & gravitatem; aut levitatem aeris, seu altitudinem atmospheræ, ventos orientales, meridionales, occidentales, septentrionales, aut medios; turbines ventorum, anni tempora, hyemem, ver, æstatem, autumnum, æquinoctia, solstitia; plenilunia, accessus perigæos, & recessus apogæos Solis & Lunæ, evaporationes & dispositiones locorum particularium &c. Hæ omnes causæ & circumstantiæ diversificare possunt serenitatem, ac tempestatem aeris; earumque evolutio non potest fieri intra hebdomadam, mensem, aut annum, sed requiritur observatio plurium annorum; ad hoc, ut inductio omnes causas, circumstantias, ac casus possibiles comprehendat. Idem ergo in omni alia legitima inductione observari debet.

**3 SECUNDA REGULA.** *Quando fit inductio, omnes casus, à quibus fit inductio, consimiles esse debent.* verb. grat. quando ex rubedine cæli nocturna prædico serenitatem, ea rubedo, quam observo, prior rubedini sæpius observatæ similis esse debet, sicca videlicet, fulgida, ac ignea; non humida, ac limpida; ex hac enim potius pluvix, quàm serenitas, consequi solent.

**4 TERTIA.** *Casus, à quibus fit inductio, tunc censentur esse consimiles, quando ab aliis omnibus casuum diversificantibus adhuc remanet similitudo utilis ad confirmationem intenti.* v. g. dum assero, nocte rubente polo eras

S. 3. sereno-

serenum futurum; idque probo ab inductione casuum consimilium, legitima erit inductio, etiamsi una observatio facta fuerit in hyeme, altera in aestate; una flante vento orientali, altera occidentali &c. quia ablatis his circumstantiis casum diversificantibus, adhuc remanet similitudo unius rubedinis observatae in aere ad alteram, & hac similitudo utilis est ad confirmationem insenti, qui facit spem, hac rubedine posita serenitatem eodem modo secuturam, prout secuta est in precedentibus; incredibile enim videtur, eam rubedinem non esse partem, aut proprietatem, aut characterem, aut terminum quomodocunque connexum causarum naturalium per se inducentium serenitatem, utpote quae cum iis causis, quamvis nobis fortè incognitis, semper conjuncta esse experientia constanti comprobatur.

**QUARTA.** Quando inductio apparet esse imperfecta, ad reperiendum verum probabilizatis gradum residua casuum possibilium series ex Legibus Contingentium suppleri debet. v. g. si in aestate per integrum mensem observavi nocte rubente polo serenum subsecutum esse, facile tamen agnosco, inductionem ex observationibus unius mensis factam adhuc imperfectam esse. Itaque considerandae sunt *Leges Contingentium*, & considerandum est à priori, quoties in residuis possibilibus circumstantiis temporum, ventorum &c. posita rubedine caeli nocturna serenitas sperari possit. Si videatur, residuam casuum & circumstantiarum seriem nullum alium effectum, quàm praeteritam, producturum fore, tota probabilitas ex praeterita casuum serie atque inductione, quamvis imperfecta, satis colligitur. Si verò videatur, residuam casuum & circum-

circumstantiarum seriem alium effectum producturum, æstimetur ea effectus probabilitas ex *legibus Contingentium*, & addatur ad probabilitatem ex inductione præteritorum resultantem, summa dabit probabilitatis gradum quæsitum. v. g. sit probabilitas futuræ serenitatis ex inductione ob-

servationum præcedentium, ut  $\frac{9}{10}$  sed ea-

dem probabilitas ex æstimatione aliarum circumstantiarum possibilium, in quibus non tam frequenter creditur secutura serenitas ad rubedinem cœli nocturnam, sit per L. C. ut

$\frac{7}{10}$  si utraque probabilitas addatur, fiet pro-

babilitas  $\frac{16}{20} = \frac{3}{10}$ .

#### C. A. P. IV.

##### *Regula determinandi Gradum probabilitatis ex Legibus Contingentium.*

**R**EGULA 1. *Contingentia non procedunt uniformiter.* Sensus est: quod causa æqualiter disposita ad plures effectus, v. g. ad sex, decem, centum &c. non constanter producat eundem effectum, sed modò hunc, modò alium; Ratio est, quia in causa æqualiter disposita ad plures diversos effectus contingentes nulla reperitur determinatio ad unum effectum, adeoque æqualis est determinabilitas, & consequenter æqualis spes ad quemlibet effectum; cumque etiam Deus, & aliz causæ universales  
S 6 soleant.

soleant agere juxta capacitatem, ac præparationem subjeſti, ſolet evenire; quod ex talibus cauſis non ſequatur idem effectus, ſed modò hic, modò alius, ut ſic ſucceſſivè actue-  
tur tota capacitas ac diſpoſitio ſubjeſti produ-  
cendo omnes effectus contingentes ex tali cau-  
ſa producibiles. Hanc Regulam conſtanſe ex-  
perientia, & vitorum Doctòrum obſervatio  
confirmat. Si enim ſumamus teſſeram per-  
fectè cubicam, adeoque æqualiter diſpoſitam  
ad jaciendum numerum unum, dualem,  
ternarium, quaternarium, quinarium, aut  
ſenarium; videbimus, non conſtanter unum  
eundemque numerum eventurum, ſed modò  
hunc, modò illum; quia videlicet Contingentia  
non procedunt uniformiter, prout in-  
finitis exemplis demonſtrari poſteſt: Hac  
ipſa Regula uſus eſt Tertullianus P. adverſus  
Hæreticos C. 28. ubi oſtendit, impoſſibile eſſe  
ſe, omnes Eccleſias univerſi orbis contin-  
genter in unum univerſalem ac uniformem  
errorem prolapſas eſſe, niſi illum errorem è  
traditione accepiffent, quod dici non poſteſt.  
Age nunc, inquit, omnes erraverint; deco-  
ptus ſit & Apoſtolus; neglexerit Officium Vica-  
rius Chriſti, ſciens Eccleſias aliter credere,  
quàm ipſe predicabat: Ecquid veriſimile eſt,  
ut tot ac tanta in unam fidem erraverint:  
Nullus inter multos eventus eſt unus exi-  
tus; variòſſe debuerat error doctrina Ec-  
cleſiarum; ceterum quod apud multos ve-  
rum invenitur, non eſt erratum, ſed tradi-  
tum.

2. REGULA 2. Quod poſteſt fieri & non  
fieri, in innumeris circumſtantiis aut occa-  
ſionibus aliquando fit, & aliquando non fit.  
Ratio eſt: quia contingentia non procedunt u-  
niformiter. verb. grat. ſi habeas teſſeram per-  
fectè cubicam, poterit fieri, ut jacias nume-  
rum ſenarium; & poterit hoc non fieri; in-  
terim

terim tamen necesse est, ut in innumeris jaculis aliquando etiam jacias numerum senarium. Hac Regula usus est S. Chrysostomus, dum asserit, necesse esse, ut homo constitutus in frequentibus occasionibus propinquis mœchandi, aut pejerandi, aliquando in lasciviam, aut perjurium prolabatur. Homilia 17. in Matth. sic ait: *Quid est, inquis, si video, & concupisco quidem mulierem, sed tamen turpe nihil ago? Et sic quidem jam in adulterorum parte numeraris; nam semel quidem, & secundo, & tertio sic videns possis fortasse animum continere; si verò frequenter id feceris, fornacemque istam sponte succendas, profectò capieris; nequè enim extra naturam, aleamque humanam consistis; qui enim in se flammam cupiditatis accenderit, etiam absente muliere, quam vidit, jugiter apud semetipsum turpium rerum simulacra depingit, & necesse est, hujusmodi nonnunquam ad flagitium ipsum opere pervenire.* Homil. 13. ad Pop. Antioch. ait: *Habet juramentum & aliud malum; quod neque volentibus, neque studentibus sepius possibile est bene jurare; quippe continuo jurant, & volens & invitatus, & nesciens & sciens, & serio & joco loquens, & ab ira saepe elatus, & à multis aliis omnino pejerabit. & bis contradicet nemo; usque aded est concessum & manifestum, quod multum jurantem, & perjurum esse necessarium est.* Eadem Homilia de eadem consuetudine jurandi loquens similiter affirmat, necesse, ut ob inconstantiam rerum contingentium ex ore juramentis assueto juramentum etiam falsum aliquando egrediat. Eodem modo probat Tertullianus, etiam virum probum frequentantem turpia spectacula aliquando in peccatum labi, videlicet ob inconstantiam animi, contra-



genter in bonum vel malum operantis. L. de spectac. C. 15. sic ait: Siquis modestè & probè spectaculis fruitur pro dignitate, vel etatis, vel etiam natura suae conditione, non tamen immobilis animi est, sine tacita Spiritus passione; nemo ad voluptatem venit sine affectu; nemo affectum sine casibus suis patitur.

**3. REGULA 3.** Quod in innumeris circumstantiis aut occasionibus nunquam fit, non est aliquid contingens, sed impossibile, relatè ad tales circumstantias. Ratio patet, quia contingentia in innumeris circumstantiis non procedunt uniformiter. Hanc Regulam secutus S. Hieronymus l. 1. 2. & 3. adversus Pelagianos, pronuntiavit absolutè, impossibile esse, longo ac toto vitæ tempore sine gratia Dei speciali servare omnia præcepta Dei, quia hoc nunquam factum est. L. 1. C. 2. Dialogus sic habet: CRITO. (Pelagianus). Ego hoc assero, qui potest uno die se abstinere à peccato, posse & altero; qui duobus, posse & tribus; qui tribus, posse & triginta, atque hoc ordine posse & trecentis, & tribus millibus, & quamdiucunque si voluerit abstinere. ATTICUS. (S. Hieronymus) da ergo, qui majorum nostrorum plene voluerint, & potuerint non peccare? CRITO. Quando dico, hominem posse esse sine peccato, si velis, non contendo aliquos fuisse, aliud, namque est posse, aliud est esse. ATTICUS. sine peccato esse perpetuo, solius divina est potestatis. Itaque aut da exemplum, qui absque peccato fuerint in perpetuum; aut si dare non potes, confitere imbecillitatem tuam. Et C. 3. aut si nunquam factum est, fieri non posse concede.

**REGULA 4.** Quando in causis ad plures  
esse.

effectus reperitur equalis dispositio, probabilitas pro uno effectu determinato habet se, sicut unitas ad numerum reliquorum effectuum possibilium. verb. grat. sumatur tessera perfecte cubica, in qua sit equalis dispositio ad jaciendum numerum unum, dualem, ternarium, quaternarium, quinarium, vel senarium. Dico: probabilitatem pro jaciendo numero aliquo quocunque determinato fore

1:

ut 1. ad 6. =  $\frac{1}{6}$ . Ratio est, quia, cum

contingentia non procedant uniformiter, neuter effectuum possibilium habet determinationem, ut frequentius sequatur, quam alter.

**REGULA 5.** Quando effectus aequè potest fieri ac non fieri, toties regulariter fit, quoties non fit. verb. grat. in tessera perfecte cubica potest aequè fieri, ut jaciam numerum parem 2. 4. 6. ac fieri potest, ut jaciam numerum imparem 1. 3. 5. itaque spes est, me toties jacturum numerum parem, quoties numerum imparem jacturus sum. Ratio est, quia in hoc casu equalis est dispositio tesserae ad numerum parem & imparem; igitur ex precedente Regula probabilitas determinati effectus verb. grat. numeri paris erit,

3: 1:

ut  $\frac{3}{6} = \frac{1}{2}$ .

6: 2:

**REGULA 6.** Quando in causis reperitur ad plures effectus equalis dispositio, tanto major est unius effectus pra alio probabilitas, quando saepius principia ac dispositiones ad unum effectum recurrunt. verb. grat. sumantur duae tesserae perfecte cubicae; adeoque est equalis dispositio ad jaciendum numerum. 2. 3. 4. 5. 6. 7. 8. 9. 10. 11. 12. & sic probabilitas cujuslibet numeri determinati jaciendi

di

jaciendi esset  $\frac{1}{12}$ . verum quia principia con-

12

stitutiva unius numeri frequentius occurrunt quàm principia constitutiva alterius numeri, ideo etiam est inaequalis eorum jaciendorum probabilitas. Principia constitutiva numerorum 2. 3. 11. 12. tantum semel occurrunt intra seriem casuum possibilium. Quia 2. solum constituitur ex 1†1. 3. Ex 2†1. 11. Ex 5†6. 12. Ex 6†6. Econtrà principia constitutiva numerorum 4. 5. 9. 10. recurrunt intra seriem casuum possibilium bis, quia numerus potest constitui ex principijs 2†2. vel 3†1. numerus 5. ex 4†1. vel 3†2. numerus 9. ex 6†3. vel 5†4. numerus 10. ex 5†5. vel 6†4. denique numeri 6. 7. 8. habent maximam probabilitatem, quia eorum principia constitutiva ter recurrunt intra seriem casuum possibilium. namque numerus 6. constituitur ex 3†3. 5†1. 4†2. numerus 7. ex 6†1. 5†2. 4†3. numerus 8. ex 4†4. 6†2. 5†3. Itaque cum in duabus tesseris 2r. diversi jactus contingere possint, erit probabilitas numerorum 2. 3. 11. 12. ut  $\frac{1}{2}$ . proba-

2 21

bilitas numerorum 4. 5. 9. 10. ut  $\frac{1}{2}$ . probabilitas numerorum 6. 7. 8. ut  $\frac{3}{21}$ . Eadem veritas

21

patet etiam in Moralibus. Ponamus hominem æque dispositum ad verba lasciva, contumeliosa, blasphemiz, perjurii. Clarum est majorem probabilitatem fore ad proferenda verba lasciva, aut contumeliosa, quàm blasphemiz, & perjurii, quia dispositiones seu occasiones frequentius ad illa recurrunt.

**REGULA 7.** *Quod primum est fieri, regulariter fit.* Sensus est: quod causæ communiter creant in illum effectum, ad quem potentius inclinantur veritas hujus regulæ

patet

patet ex Moralibus & Physicis verb. grat. collapsura domus, arbor, rupes communius in illam partem cadit, in quam jam vergit ac inclinatur. tessera, si qua parte majori feratur ac inclinetur ad terram pondere, frequentius in illam partem terræ ilabitur. Omnia consilia, negotia, molimina, ac desideria hominum communius illum assequuntur exitum, ad quem suo motu feruntur, ac non impedita protenduntur.

**REGULA 8.** *Tanto frequentius fit effectus, quanto plures, aut propinquiore, aut fortiores dispositiones & principia adminiculantia concurrunt, v. gr. tantò frequentius sequitur in bello victoria, quantò major est militum numerus, robur, experientia bellica: tantò frequentius sequitur peccatum, quantò major est in homine ad peccandum proclivitas. Bene autem observandum est, proclivitatem causæ aliquando terminari ad effectum, in magna circumstantiarum serie tantum semel, bis, aut ter recurrentem; aliàs verò terminari non tantum ad singularitatem effectus, sed etiam ad ejus frequentiam ac multiplicitem, v. gr. si in aliquo datur magna propensio ad iram, rixam, homicidium, ea propensio non est ad quotidiana homicidia committenda, sed præcisè datur periculum in tot rixis aliquando committendi homicidium. Eadem tamen propensio est ad frequentiores actus rixæ, quàm homicidii, & ad frequentiores actus iræ, quàm actus rixæ. Quando ergo dicitur. Quod prout est fieri, regulariter fit, non sic intelligendum est, quòd v. g. pronus ad committendum homicidium frequenter ac communiter debeat committere homicidium, sed sic est intelligendum, quòd communius & frequentius in tanta irarum, ac rixarum continuatarum serie aliquando soleat con-*  
tin-

tingere homicidium. Ante omnia enim attendendum est, quidnam fieri pronum sit, an singularitatem effectus, an frequentiam effectus, & qualem; item, attendendum est, ex quali ac quanta serie circumstantiarum, dispositionum, & causarum illam singularitatem, aut frequentiam effectus fieri pronum sit. Sic S. Chrysostomus hom. 14. ad Pop. Antioch. cum observasset juramentis assuetos pronos esse ad pejerandum, eamque proclivitatem terminari ad frequentia perjuria, intulit vi hujus Regulæ, impossibile esse, ut ex jurandi consuetudine non sequantur frequentia perjuria. *Impossibile est; inquit, impossibile, ut iurare assuefactum non frequenter ac assidue pejere.*

**REGULA 9.** *Probabilitatis mensura, quæ ex proclivitate ac dispositione causæ desumitur, debet desumi ex ratione dispositionum datarum ad complexum omnium dispositionum ad effectum infallibiliter obtinendum aut sperandum concurrentium.* Ad hanc Regulam intelligendam, sciiri debet. r. ad omnem effectum concurrere plures dispositiones, non unam tantum; ex dispositiones finitæ sunt; omnesque simul sumptas voco *complexum dispositionum ad effectum concurrentium*: Potest autem fieri, quod hoc complexum aliquando consistat in 10. 20. 50. 100. aut mille dispositionibus. Sciendum, dispositiones ad effectum concurrentes plerumque non poni omnes simul, sed successive; v. gr. ponuntur ab initio duæ, tres, 5. 15. 30. &c. usque dum deveniatur ad complexum omnium dispositionum adæquatum. In hoc ergo successivo dispositionum progressu datur ille status causæ, quem nominamus *proclivitatem, proclivitatem, ac propensionem causæ ad effectum*; cumque necesse sit, numerum datarum dispositionum ad complexum adæ-

qua-

quantum omnium dispositionum habere determinatam proportionem, etiam necesse erit, pronitatem causæ per certam proportionem numerorum exprimi posse. v.g. consistat complexum adæquatum omnium dispositionum ad prudenter ac infallibiliter sperandam victoriam in 1000. Dispositionibus. Defacto autem nondum dentur omnes, sed tantum 600. 700. 800. &c. erit ergo adhuc proclivè credere, exercitum obtenturum victoriam, sed probabiliter tantum, quia posito tali numero dispositionum 600. 700. 800. &c. supersunt casus possibiles pro opposito, licet minus frequentes; ut itaque æstimetur probabilitas victoriæ; ea consistet in ratione dispositionum datarum ad complexum adæquatum dispositionum, videlicet ea erit, ut 600. 700. 800.

— — — *Sciendum 3.* numerum dispositionum desumendum esse non tantum

expositione principiorum, & circumstantiarum ad effectum adminiculantium, sed etiam ex remotione obstaculorum, causarum, motivorum, & circumstantiarum retrahentium & impredientium, quo enim plura tolluntur effectus impedimenta, eo major est ad effectum dispositio, & proclivitas.

*Sciendum 4.* hos terminos, *major*, *propinquior*, *fortior*, *melior* dispositio, nihil aliud dicere, quàm numerum plurium dispositionum, aut certè aliquid æquivalens pluribus dispositionibus. v. gr. si dico, unum lignum per calorem magis esse dispositum ad concipiendum ignem, quàm alterum; eo quod calor sit fortior, ac intensior, sensus est, plures partes caloris esse in illo ligno, quod magis dispositum est; aut certè aliquid æquivalens pluribus partibus caloris: sive enim intensior calor consistat in intrusione plu-

plurium igniculorum, sive in remotione contrarii, sive in additione graduum homogeneorum, sive in productione graduum heterogeneorum, sive in maiore radicatione formæ in subiecto &c. verum tamen erit, intensiorem caloris per partes, seu gradus caloris explicari posse, prout actu explicatur à Philosophis numerantibus *calorem, ut duo, calorem ut tria, calorem ut quatuor, calorem ut quinque, ut sex, ut septem, ut octo.* Idem ergo modus numerandi adhiberi poterit in exprimenda propinquitate, fortitudine, ac proclivitate aliarum dispositionum ad effectum. v. g. si robustior cum debiliore certamen ineat, cæteris paribus dici poterit, juxta æstimationem nostram vires prioris ad vires alterius

esse ut  $\frac{7}{10} - \frac{8}{10}$  vel  $\frac{9}{10}$  ad  $\frac{5}{10} - \frac{6}{10} - \frac{7}{10}$  Sciendum

5. proclivitatem quandoque consistere in rerum inconstantia; sic proclive est, quempiam frequenter cum periculis luctantem aliquando succumbere, & tunc, quo quis frequentius jam evaserit, eo major est probabilitas, eum posthac non evasurum, nisi fortè ipsa frequentatio periculi augendo peritiam minuat rationem periculi; sic probabile est, militem, qui jam vigesies in pugna evasit, proxima vice non evasurum, quia è centum millibus militum post vigesimam pugnam vix centum relinquuntur, adeoque probabilitas

mortis in tali milite, erit, ut  $\frac{99900}{100000}$

$\frac{9}{10}$  — verius —  $\frac{10}{10}$  Sciendum 6. in hac mortalis

vitz densa caligine nullum esse mortaliū, qui spondere audeat, se perfectè cognoscere præparationem causarum ad effectum omnimodam

modam, omnes dispositiones requisitas, omnia impedimenta retrahentia, & vim omnium circumstantiarum inenarrabili connexione in effectum influentium; itaque probabilitas humanarum opinionum de effectu, & exitu rerum conjectantium innititur cognitioni præcisè *respectivè bonæ*, inquantum videlicet alius homo mellorem non habet, aut habere potest. v.g. potest quis dicere: Ego consideratis omnibus dispositionibus, motivis allicientibus, ac retrahentibus, præparatione armorum, minis, &c. judico Turcarum Imperatorem cum Russis, aut Polonis initurum bellum; quilibet tamen videt, aliam esse præparationem causarum in illud bellum influentium, quàm videt homo plebejus præcisè ex novellis, aliam, quàm videt Politicus ex iisdem novellis, aliam, quàm vident Ministri Principum ex accuratiore relatione & peritia politica, aliam quàm videt Minister ac Legatus Constantinopoli præsens, aliam denique, quàm vident ipsi Ministri Imperatoris Turcici. Itaque tota probabilitas humanarum opinionum est tantum hypothetica, & respectiva, quia quo quis universim profundius, ac longius inspexerit, videbit se, ne mediam quidem cognovisse omnium circumstantiarum, impedimentorum, & dispositionum partem, à quarum accurata cognitione justa æstimatio ac probabilitas de eventu rei dependeret. Melius tamen utique fuerit, has ipsas imperfectas probabiles cognitiones quàm accuratissimè possumus sub certa mensura exprimere, quàm earum imperfectionem ipsa **Methodi confusione** auctam certo errori involvere.



## CAP. V.

*Regula statuendi gradum probabilitatis,  
quando concurrunt plura argumenta  
probabilia aliis probabilibus, sed  
tamen oppositis.*

**R**EGULA 11. Quando pro duabus senti-  
entiis contradictoriis stant utrinque æ-  
qualiter fortia argumenta, iudicium in neu-  
tram partem probabile ferri potest. Ratio est,  
quia ex definitione probabilitatis patet, ju-  
diciū probabile illud esse, quod in unam  
contradictionis partem inflectitur, quodque  
ut plurimum non fallit, sed frequentius ve-  
rum dicit: quando autem ex utraque con-  
tradictionis parte stant æquè fortia argumen-  
ta, non potest prudenter iudiciū spe me-  
lius ac securius assequendi veritatem inflecti  
in unam contradictionis partem; neque ve-  
rum erit dicere, argumenta hujus potius  
sententiæ minùs frequenter fallere, quàm  
argumenta alterius sententiæ. Verum qui-  
dem erat, talia argumenta seorsim conside-  
rata esse probabilia; quia seorsim conside-  
rata inclinant intellectum potius ad assensum  
sue sententiæ, quàm ad ejus dissensum; &  
ratio vel autoritas, cui talis sententia inni-  
titur, secundum se spectata, quando nil  
obstat in oppositum, frequentius non fallit.  
Sed iudiciū aliquod de absoluta veritate  
sententiæ prudenter superstrui non potest ta-  
libus argumentis seorsim consideratis, quan-  
do constat superesse argumenta pro opposita  
sententiā. Itaque iudiciū in tali casu ex  
argumentis comparativè sumptis resultans  
erit, ut  $\frac{5}{10}$  seu tale, quod æquè possit fal-

*Explicata & Demonstr. Pars VI.* 431  
li, ac non falli: & tale iudicium vocavi  
dubium.

2. **REGULA 2.** Quando pro duabus sen-  
tentiis contradictoriis stant utrinque argumen-  
ta inequalis probabilitatis, tunc probabilitas  
unius sententiæ comparativè sumpta erit ut  
summa ex numeratore positivo unius probabili-  
tatis & numeratore defectivo alterius probabi-  
litate ad summam denominatorum. v. g. sic  
probabilitas unius sententiæ seorsim sumpta

$\frac{7}{10}$  probabilitas verò alterius sententiæ con-

trictoria, ut  $\frac{6}{10}$  erit itaque *numerator po-*

*sitivus* prioris probabilitas, qui indicat casus,  
in quibus argumentum non fallit, 7. & *nume-*  
*rator illius defectivus*, qui indicat casus, in  
quibus argumentum fallit; 3. nam hic est sen-

sus probabilitatis  $\frac{7}{10}$ , quòd videlicet in decem

occurrentibus casibus argumentum septies ve-  
rum, ter autem falsum diceret. Econtra in  
probabilitate oppositæ contradictoriæ senten-  
tiæ *numerator positivus* est 6 *numerator defecti-*  
*vus* est 4. itaque addendo denominatores, &  
addendo numeratorem positivum ad numera-  
torem negativum alterius erit probabilitas

comparativa prioris sententiæ ut  $\frac{11}{20}$  & pro-

babilitas comparativa alterius sententiæ ut  
 $\frac{9}{20}$  seu nulla. Quòd verò in dimetienda pro-

bilitate comparativè tali sic procedi debeat,  
ostenditur sic. Quando pro duabus sententiis  
contradictoriis afferuntur utrinque argumenta  
seor-

seorsim, v.g. ut  $\frac{7}{10}$  &  $\frac{6}{10}$  tunc pro judican-

da absolutâ veritate proponuntur intellectui viginti casus, videlicet decem casus ex parte prioris sententię, & decem alii diversi casus ex parte posterioris sententię: pro prima sententia stant septem casus ex prioribus decem casibus, & quatuor casus ex posterioribus decem casibus: cùm enim posterioribus decem casibus argumentum dicatur sexies non fallere, quater autem fallere, clarum est, quodd inter hos decem posteriores casus contradictoria probandę sententię, videlicet prima sententia, quater vera erit. Itaque è viginti casibus habemus casus septem, & quatuor seu undecim pro veritate primę sententię; pro posteriore verò sententia tantùm residui sunt novem casus. Q. E. D. Qualis autem in omni casu possibili sit comparativa probabilitas unius sententię ad alteram, exhibet adjectum.

# *Schema*

Probabili- tas Abso- luta Sent. A.	Probabi- litas Abso- luta Sent. B.	Probabi- tas com- parativa Sent. A.	Probabi- litas com- par. Sent. B.
$\frac{9}{10}$	$\frac{8}{10}$	$\frac{11}{20}$	$\frac{9}{20}$
$\frac{9}{10}$	$\frac{7}{10}$	$\frac{12}{20}$	$\frac{8}{20}$
$\frac{9}{10}$	$\frac{6}{10}$	$\frac{13}{20}$	$\frac{7}{20}$
$\frac{8}{10}$	$\frac{7}{10}$	$\frac{11}{20}$	$\frac{9}{20}$
$\frac{8}{10}$	$\frac{6}{10}$	$\frac{12}{20}$	$\frac{8}{20}$
$\frac{7}{10}$	$\frac{6}{10}$	$\frac{11}{20}$	$\frac{9}{20}$

3 **REGULA 3.** *Tanta est probabilitas conclusionis, quæ in aliquo syllogismo ex duobus præmissis tantum probabilibus deducitur, quanta est probabilitas unius præmissarum imminuta fallibilitate alterius præmissæ. Ponamus hunc syllogismum:*

Quod Aristoteles docet, est verum:

Sed Aristoteles docet, Elementa manere formaliter in mixtis;

Ergo Elementa manere formaliter in mixtis, est verum.

Ponamus majorem esse probabilem, ut

8 — minorem esse probabilem, ut  $\frac{7}{10}$ , (licet

bit enim hoc mihi sic ponere per modum hypothesis, non per modum assertionis) dico:

conclusionem fore, ut  $\frac{5}{10}$  adeoque non fore

amplius probabilem, sed dubiam. Id ostendo sic: Conclusio contrahit fallibilitatem utriusque præmissæ. Atqui fallibilitas utriusque præmissæ in præsentī casu est ut quinque;

Ergo etiam fallibilitas conclusionis erit ut quinque, seu  $\frac{5}{10}$  pro intelligen-

da hac demonstratione observandum est, per fallibilitatem alicujus propositionis me nihil aliud intelligere, quàm illos casus, in quibus propositio fallit verb. gr. quando pro-

positio est probabilis, ut  $\frac{8}{10}$  sunt octo ca-

sus, in quibus ea propositio non fallit, duo verò, in quibus fallit; adeoque fallibilitas talis propositionis erit, ut duo: Quando propositio est probabilis,

ut

ut  $\frac{7}{10}$  erunt septem casus, in quibus propositio non fallit; tres verò casus, in quibus fallit; adeoque fallibilitas hujus propositionis erit, ut tria. Jam verò clarum est, conclusionem hanc:

*Ergo Elementa manere formaliter in mixtis, verum est.*

Ex parte Majoris, & ex parte Minoris, adeoque ex parte utriusque præmissæ fore fallibilem: Ponamus enim, conclusionem evadere fallibilitatem Minoris, nec ex parte Minoris fallere; non tamen propterea statim evadet fallibilitatem Majoris; neque eopso statim vera erit, quòd minor vera sit: & similiter, etiamsi conclusio evadat fallibilitatem Majoris non tamen propterea evadet fallibilitatem Minoris. Igitur conclusio non solum patietur periculum falsitatis, formidinem, & fallibilitatem ex incertitudine Majoris, sed etiam ex incertitudine Minoris; adeoque augebitur ipsius fallibilitas contracta ab una præmissarum ex fallibilitate alterius præmissarum, & sic contrahet fallibilitatem utriusque præmissæ. Ponamus enim, quòd conclusio, sequendo debiliorem partem, contrahat fallibilitatem Minoris, adeoque quòd in præsentì casu conclusio sit tantum

probabilis, ut  $\frac{7}{10}$  fallibilis autem, ut tria.

hanc probabilitatem, & fallibilitatem haberet conclusio in præsentì casu, etiamsi Major certa esset. Si enim dicerem: *Quod Deus docuit, verum est: Sed Deus docuit Elementa formaliter manere in mixtis: ergo Elementa formaliter manero in mixtis, verum est* In hoc, inquam, syllogismo, posito per hypothesein, quòd Minor sit probabilis, ut

$\frac{7}{10}$  etiam conclusio non haberet majorem probabilitatem, utpote *qua sequeretur debiliorrem partem*. Itaque si etiam *Major* non sit certa, conclusio erit minus probabilis, & adhuc magis fallibilis, quod fieri non potest, nisi ad fallibilitatem contractam ex *Minore* addam fallibilitatem *Majoris*; sicque probabilitatem *Minoris* influentem in conclusionem minuat, fallibilitate *Majoris* seu duabus partibus; ut ex probabilitate  $\frac{7}{10}$  fiat  $\frac{5}{10}$  Q.

E.D. Ex hoc patet, qualiter inveniri debeat probabilitas conclusionis in omni casu possibili ex adjeclo schemate.

Major	Minor	Conclusio
$\frac{9}{10}$	$\frac{9}{10}$	$\frac{8}{10}$
$\frac{8}{10}$	$\frac{8}{10}$	$\frac{6}{10}$
$\frac{7}{10}$	$\frac{7}{10}$	$\frac{4}{10}$
$\frac{6}{10}$	$\frac{6}{10}$	$\frac{2}{10}$
$\frac{9}{10}$	$\frac{8}{10}$	$\frac{7}{10}$
$\frac{9}{10}$	$\frac{7}{10}$	$\frac{6}{10}$
$\frac{9}{10}$	$\frac{6}{10}$	$\frac{5}{10}$
$\frac{8}{10}$	$\frac{7}{10}$	$\frac{5}{10}$
$\frac{8}{10}$	$\frac{6}{10}$	$\frac{4}{10}$
$\frac{7}{10}$	$\frac{6}{10}$	$\frac{3}{10}$



**REGULA 4.** Probabilitas propositionis, quæ ex alia propositione probabili tantum probabiliter deducitur, habet se, sicut probabilitas conclusionis deducta ex duabus præmissis probabilibus. v. g. ponamus hoc Enthymema: *Aristoteles docuit, Elementa formaliter manere in mixtis. Ergo manent formaliter in mixtis.* Ponamus etiam, antecedens tantum esse pro-

babile, ut  $\frac{7}{10}$  & posito, quod Aristoteles

hoc docuerit, non tamen infallibiliter, sed tantum probabiliter sequitur, ac deducitur, quod hoc verum sit; ponamus ergo proba-

ilitatem consecutionis esse, ut  $\frac{8}{10}$  dico:

propositionem illatam habituram eandem probabilitatem, ac habuit conclusio syllogismi, *Regula 3.* adducti, hujus videlicet: *Quod Aristoteles docuit, hoc verum est; sed Aristoteles docuit, Elementa formaliter manere in mixtis; ergo Elementa formaliter manere in mixtis, verum est.* Cuivis enim manifestum est; Enthymema, quod syllogismus imperfectus dicitur, aut quaecunque aliam illationem Enthymemati æquivalentem ad similem syllogismum reduci posse.

**5 REGULA 5.** Quando ex eadem sententia plura conglomerantur argumenta, tunc omnia junctim sumpta non inducunt probabilitatem, quæ ab absoluta rei certitudine seu unitate deficiat parte unitatis orta ex divisione producti casuum non probantium per productum casuum omnium in universis argumentis. ut vult Bernoullus. Pro explicatione hujus regulæ ponamus pro aliqua sententia stare duo argumenta; primi argumenti probabilitas sit

v.g.  $\frac{8}{10}$  secundi argumenti probabilitas sit

v.g.  $\frac{6}{10}$  erunt itaque in primo argumento

octo, & in secundo argumento sex casus, in quibus argumentum non fallit, sed legitimè probat: Econtrà casus, in quibus argumentum nihil probat, sed fallit, in primo argumento erunt duo, in secundo argumento quatuor. Ipsa veritas seu certitudo, quam hic

unitatem vocamus, erit ut  $\frac{10}{10}$  productum

casuum non probantium, videlicet ex 2. & 4. erit 8. Productum omnium casuum in utroque argumento, videlicet ex 10. & 10. erit 100. Si itaque productum 8. divides per

productum 100, ac quotientem  $\frac{8}{100}$  subtra-

has ab absoluta certitudine, videlicet  $\frac{10}{10}$  fiet probabilitas sententiæ  $\frac{92}{100}$  seu 10.

tundè  $\frac{9}{10}$  simili methodo procedes, si con-

currant tria, quatuor, quinque, aut plura adhuc alia argumenta. Sint verb. gr. tria argumenta pro eadem sententia, quorum

primum sit probabile ut  $\frac{8}{10}$  secundum ut

$\frac{7}{10}$  tertium ut  $\frac{6}{10}$  erit ergo numerus casuum

nihil probantium in primo argumento 2. in secundo 3. in tertio 4. & productum horum

T 4 ca.

casuum non probantium erit 24. Ecor-  
tia numerus omnium casuum probantium  
erit 8.  $\dagger$  7.  $\dagger$  6. & productum om-  
nium casuum in his tribus argumentis erit  
10. 10. 10. seu 1000. si itaque productum  
24. divides per 1000, erit quotiens

$\frac{24}{1000}$  & si hunc subtrahas ab absoluta cer-  
titudine seu à  $\frac{10}{10}$  erit probabilitas totius

sententiæ ut  $\frac{976}{1000}$  seu  $\frac{9}{10}$  aut proximè

$\frac{10}{10}$   
 $\frac{10}{10}$

Hæc est explicatio doctrinæ Bernoullia-  
næ, sequenti forma Algebraica à Jacobo  
Bernoullo in sua Arte Conjectandi part. 4.  
C. 3. num. 4. comprehensæ. Si plura con-  
currant argumenta ad ejusdem rei probatio-  
nem, vocentur.

<i>Numeri casuum, argumenti</i>	1. 2. 3. 4. 5. &c. &c.
<i>omnium</i>	a. d. g. p. s. &c.
<i>probantium</i>	b. e. h. q. t. &c.
<i>non probantium</i>	c. f. i. r. u. &c.

vis probandi ex omnium argumentorum con-  
cursu sic æstimatur. Pondus primi argumen-  
menti seorsum spectati erit  $\frac{b}{a}$   $\frac{a-c}{a}$  Accedat

nunc alterum argumentum, quod e vel  
d. f casibus probat rem seu i, & f casibus  
nil probat, solumque adeo pondus  
primi argumenti, quod ostensum est,  
esse

a—c

esse efficax relinquit. Valebit pondus ex

utroque argumento conflatum.

d--f. i + f. a—c : a      a d -- c f      c f  
 ————      ————      ———— i  
 ———— rei.      d      a d      a d

Jungatur & tertium argumentum erunt h. seu g - i casus, qui probant rem, & i casus, quibus nullum est argumentum, solaque duo

priora vini suam probandi ad— c f retinent; ad

undè vis omnium trium est:

g -- i. i + i. ad--c f : a d      a d g - c f i      c f i  
 ————      ———— i  
                  g      a d g      a d g

Jam dico; Hanc doctrinam Bernoullianam non esse veram, quia aliàs sequeretur positis duobus argumentis probabilibus, semper jam resultare moralem certitudinem sententiae, quod repugnat manifestae experientiae. Error Bernoulli consistit in eo, quòd casus probantes, & non probantes secundi argumenti permisceat cum casibus primi argumenti omnibus; cùm tamen secundùm argumentum considerari debeat per modum novae tentaminis pro indaganda veritate, prout videbimus sequenti Regula.

**REGULA 6.** Pro invenienda Probabilitate duorum argumentorum dic: Ut se habet numerus casuum omnium possibilium ad numerum casuum non probantium primi argumenti, ita se habet numerus casuum probantium secundi argumenti, ad quartum, addendum numero casuum probantium primi argumenti. verb. grat. sit argumentum

$\frac{3}{10} - \frac{2}{10}$  fiet:  $10 : 7 :: 2 : 1\frac{4}{10}$  — summa duo-  
 rum argumentorum erit  $4\frac{4}{10}$  — Eodem mo-

10

do procedes, si plura sint argumenta, sem-  
 per summæ priorum argumentorum adden-  
 do argumentum consequens. Demonstratio  
 est hæc: Secundum argumentum est novum  
 tentamen veritatis, in quo licebit sumere  
 iterum v. g. decem casus. Tanta ergo est  
 probabilitas tollendi numeros defectivos prio-  
 ris argumenti seu vincendi, quanta est proba-  
 bilitas, me in secundo tentamine victurum,  
 igitur quantum accedit spei per secundum ar-  
 gumentum tantum deficit à numeris defe-  
 ctivis, & accedit ad numeros positivos pri-  
 mi argumenti. Q. E. D. Ut verò melius per-  
 spiciatur impossibilitas Regulæ Bernoullianæ,  
 exhibeo in sequenti Tabula Gradus Proba-  
 bilitatis ex additione argumentorum Ber-  
 noulliana resultantes. Numeri sunt Argu-  
 menta, P est probabilitas resultans.

I.	2.	P.	I.	2.	3.	P.	I.	2.	3.	4.	P.
<u>9</u>	<u>9</u>	<u>99</u>	8.	8.	6.	984	8.	8.	6.	6.	9936
10	10	100	8.	7.	7.	982	8.	7.	7.	7.	9946
							8.	7.	7.	6.	9928
<u>9</u>	<u>8</u>	<u>98</u>	8.	7.	6.	976	8.	7.	6.	6.	9904
10	10	100	8.	6.	6.	968	8.	6.	6.	6.	9872
							7.	7.	7.	7.	9919
<u>9</u>	<u>7</u>	<u>97</u>	7.	7.	7.	973	7.	7.	7.	6.	9892
10	10	100	7.	7.	6.	964	7.	7.	6.	6.	9856
							7.	6.	6.	6.	9808
<u>9</u>	<u>6</u>	<u>96</u>	7.	6.	6.	952	6	6	6	6	9744
10	10	100	6.	6.	6.	936	10	16	10	10	10000
8	8	96	I.	2.	3.	4.	P.				
10	10	100	9.	9.	9.	9.	9999				
			10	10	10	10	10000				
<u>8</u>	<u>7</u>	<u>94</u>	9.	9.	9.	8.	9998				
10	10	100	9.	9.	9.	7.	9997				
			9.	9.	9.	6.	9996				
<u>8</u>	<u>6</u>	<u>92</u>	9.	9.	8.	8.	9996				
10	10	100	9.	9.	8.	7.	9994				
			9.	9.	8.	6.	9992				
<u>7</u>	<u>7</u>	<u>91</u>	9.	9.	7.	7.	9991				
10	10	100	9.	9.	7.	6.	9988				
			9.	9.	6.	6.	9984				
<u>7</u>	<u>6</u>	<u>88</u>	9.	8.	8.	8.	9992				
10	10	100	9.	8.	8.	7.	9988				
			9.	8.	8.	6.	9984				
I.	2.	3.	P.								
9	9	9	999								
10	10	10	1000								
9.	9.	8.	998								
9.	9.	7.	997								
9.	9.	6.	996								
9.	8.	8.	996								
9.	8.	7.	994								
9.	8.	6.	992								
9.	7.	7.	991								
9.	7.	6.	988								
9.	6.	6.	984								
8.	8.	8.	992								
8.	8.	7.	988								

## C A P. VI.

*Qualiter & quousque argumenta per  
presumptiones contrarias  
enervantur.*

**R**EGULA 1. *Presumptiones genericæ à  
specificis, specificæ ab individualibus,  
universales à magis particularibus, com-  
munes à propriis, remotiores à propinqui-  
oribus penitus enervantur. Pro explicatione &  
probatione hujus Regulæ, sumamus exem-  
plum, quod ponit Jac. Bernoullus l. cit.  
num. 7. De Contractu quodam scripto du-  
bium movetur, an dies testamento apposi-  
tus fraudulenter sit anticipatus? Argumen-  
tum pro negativa hoc esse potest, quòd  
Instrumentum signatum sit manu Notarii,  
id est, personæ publicæ & juratæ, quem  
non verisimile est, quidquam commisisse  
fraudis, cum id sine summo honoris ac for-  
tunæ suæ periculo facere non potuisset; ac  
propterea inter 50. vix unus reperiatur, qui  
isthuc nequitiae procedere audeat.*

*Argumenta verò pro affirmativa pos-  
sunt esse, quòd Notarii hujus fama pes-  
simè audiat; quòd ex fraude maximum  
potuisset expectare lucrum, & præser-  
tim, quòd talia attestetur, quæ nihil  
probabilitatis habent, veluti si scrip-  
sisset, quendam alteri mutuo locasse 10000. Au-  
reos eo tempore, quo ex omnium iustima-  
tione vix centum in universis bonis habe-  
re poterat. Hic si argumentum caracte-  
re ejus, qui scripsit, seorsim consideres,  
censere poteris probabilitatem authenticam*

In-

Instrumenti velut <sup>49</sup> — certitudinis valere.

<sup>50</sup>  
Sin argumenta in contrarium expendas, agnoscere teneris, fieri vix posse, quin Instrumento falsum insit, adeoque fraudem in illo commissam moralem planè

<sup>999</sup>  
certitudinem hoc est, velut — — certitu-

<sup>1000</sup>  
dinis habere. Inde verò concludi non debet, probabilitatem authenticæ ad proba-

<sup>49</sup>  
bilitatem fraudis esse, in ratione —

<sup>50</sup> ad

<sup>999</sup>  
—, hoc est, in ratione penè æqualita-

<sup>1000</sup>  
tis. Dum enim Notarium pono diffan-

tæ fidei, hoc ipso pono, cum non com-

prehendi in casu horum <sup>49</sup> proborum No-

tariarum, qui fraudes detestantur; sed es-

se illum ipsum quinquagesimum, qui sibi reli-

gioni non ducit, perfidè in officio suo ver-

sari; id, quod vim omnem illius argumen-

ti, quod aliàs authenticam argumenti proba-

re posset, prorsus tollit ac totaliter destruit.

In hoc exemplo videmus argumenti affir-

mativi præsumptionem desumi ab Officio

Notariatus: hoc officium est aliquid adhuc

generale, universale, ac commune multis

hominibus; est insuper motivum adhuc re-

motum ad servandam fidelitatem, quia ad

hanc servandam vel non servandam solent

homines determinari à motivis immediatioribus ac magis particularibus. Itaque

præsumptionem à circumstantia officii de-

sumptam ob suam generalitatem *genericam*

*universalem*, *communem* voco. E contra

circumstantia *famæ* *pejoris* in Notariis

est



est circumstantia individualis; motivum lucri est motivum immediatius, ad quod solent homines attendere, dum immediate ponunt aliquam actionem; & Falsitas circumstantia instrumento inserta est character specificus falsariorum. Itaque ob hanc presumptionem ductam à circumstantiis individualibus, propinquioribus, & magis specificis, quam propterea presumptionem *individua-lem, specificam*, ac *propinquam* voco, dico presumptionem generalem prorsus enervari, quia presumptio individualis monstrat, casum particularem hunc inter eos casus, qui plerumque contingunt, non comprehendendi, quo ostenso utique cessat presumptio, utpote quæ unice desumitur à communiter contingentibus. Aliud exemplum habemus, si verb. gratia agatur de commisso homicidio à Petro. adsunt verb. gratia viginti testes, qui testantur de fama publica, Petrum esse homicidam, testentur alii decem, Petrum esse aliàs impotentis iræ, eum cum defuncto gessisse inimicitias, eum minatum esse mortem, eum præparasse arma, eum exisse bene armatum: testentur insuper alii decem testes, se observasse in occisore nigras vestes, quales communiter solet deferre Petrus: Denique Petrus productus in judicium totus expallescat; & ferant contra ipsum centum iudices sententiam. Si potest omnes has presumptiones & numerum testium ac circumstantiarum prodeant duo aut tres testes fide digni, qui testentur, se ipsa hora ac momento occisionis vidisse Petrum in loco prorsus à loco homicidii remoto; enervantur omnes priores presumptiones; quia circumstantia loci, temporis, & visus est circumstantia individualis, & testes de visu propius accedunt ad veritatem quàm

centum iudices, qui tantum fundantur in presumptione ex circumstantiis remotioribus aut magis communibus ducta: testes etiam de fama publica, aut de vestimento non attingunt circumstantiam individua-lem: testes de inimiciis, de minis, & de preparatione armorum attingunt quidem aliquam actionem *individui*, quæ tamen non est *individualis* quia inimicitia, minæ, & præparatio armorum potest esse pluribus communis, quàm soli occisori. Hanc Regulam in aliquo sensu agnoscere videntur etiam Juristæ, dum dicunt *Species derogat generi*.

2. REGULA 2. Argumenta homogenea sibi invicem opposita prius ad gradum probabilitatis comparative reduci debent, antequam ad constituendam probabilitatem omnium argumentorum simul sumptorum adhibentur. Argumenta homogenea voco, quæ sumuntur ab eodem loco topico v. g. ab authoritate iudicis, vel ab authoritate testis, vel à pari, vel ab exemplo, vel à genere, specie, individuo, proprio, vel ab adjunctis & connexis; eas etiam circumstantias homogeneas voco, quæ sua universalitate, ac communitate æqualiter à circumstantiis individualibus recedunt v. g. sit quæstio de commisso homicidio à Petro.. dicant tres testes, se die & hora Monachii commissi homicidii vidisse Petrum Augustæ: adsit alius testis, qui dicat se eod die vidisse Petrum Monachii. Adsint decem testes, qui dicant, occisorem habuisse nigras vestes, adsint alii quatuor, qui dicant, occisorem habuisse vestes puniceæ coloris; adsint testes quinque qui testentur de inimiciis, minis, præparatione armorum; succedant alii tres, qui dicant Petrum esse reconciliatum, aut frequentius cum pluribus tales inimici-  
tias.

tias habuisse absque secuto homicidio; judicent denique sexaginta judices pro innocentia Petri, quadraginta cum condemnent. Dico in tali casu argumenta homogenea esse quæ sumuntur 1. à *judicio judicium*. 2. à *contractis inimicitis*, aut aliàs frequenter exercitis; quia hæ circumstantiæ eandem universalitatem, & paritatem habent. 3. à *circumstantia vestium*, quæ æquè eadem amplitudine videtur redundare in plures homines. 4. à *circumstantia individuali loci*. Itaque dico: hæc argumenta singula prius seorsim ad se invicem comparanda esse, antequam ex iis simul sumptis conflatur sententiæ affirmativæ vel negativæ probabilitas.

**REGULA 3.** *Argumenta heterogenea non destruunt mutuam suam probabilitatem, etiamsi in eodem aut inaequali probabilitatis gradu contra se invicem militent.* v. g. queritur de homicidio Pauli à Petro commissio. Contra Petrum stat, quodd visus sit stricto gladio sanguine respersus è loco commissæ cedis fugere: pro Petro stat, quodd fuerit hominum mansuetissimus, & intimus semper amicus Pauli: in hoc casu ergo stant pro Petro circumstantiæ mansuetudinis, & amicitiae, quæ plerumque solent excludere homicidium: contra ipsum stant circumstantiæ, quæ plerumque solent esse conjunctæ cum actu homicidii; Et quia absolutè possunt ambæ circumstantiæ simul stare cum homicidio, non destruent se invicem hæ præsumptiones; sed servient simul cum aliis argumentis ad formandum judicium pro affirmativa, aut negativa sententiâ. Et bene notandum est, verum quidem esse, quodd duæ sententiæ oppositæ in eodem probabilitatis gradu se invicem destruant, quia eorum probabilitas immediate,

ordi-

ordinatur ad formandum iudicium de veritate objecti; iudicium autem in tali casu suspenditur. Econtrà probabilitas argumentorum non ordinatur immediatè ad formandum iudicium de veritate objecti, sed ordinatur ad constituendam probabilitatem adæquatam resultantem ex omnibus argumentis simul sumptis.

**REGULA 4.** *Argumentum, quod simul contingenter existit, & simul contingenter indicat, antequam cum aliis argumentis assumatur ad constandam totalem probabilitatem sententiæ, prius in infimum suæ probabilitatis gradum resolvi debet.* Ad hoc intelligendum, observandum ex Bernoullo licet. num. 1. esse triplicis generis argumenta. Aliqua contingenter seu probabiliter existunt, & contingenter indicant seu probant. Alia necessariò existunt, & contingenter indicant; & sunt, quæ necessariò seu certò existunt, & necessariò probant verb. grat. quæritur, an Petrus occiderit Paulum? Pro innocentia Petri sit argumentum primum, quia homines habent Petrum pro viro mansuetissimo & amico intimo Pauli. Hoc argumentum tantùm probabiliter existit, & simul tantùm probabiliter probat: nam, etiam si homines habeant Petrum pro viro mansueti, & amico Pauli; certamen mansuetudo & amicitia non existit certò, sed probabiliter tantùm. Dein, posito etiam, quòd revera existat ea mansuetudo & amicitia, non tamen propterea certò probatur, sed probabiliter tantùm, quòd Petrus non occiderit Paulum. Probabilitas ergo hujus argumenti eodem modo æstimanda & reducenda est, sicut æstimandam docui probabilitatem sententiæ, quæ ex duabus præmissis tantùm probabilibus, aut ex una præmissa probabili tantùm probabiliter deducitur, vide C. 5. Reg. 3. & 4.

Argu-

Argumentum *necessariò existens*, & *contingenter indicans* esset, si dicerem: constat Petrum fuisse mansuetum, & amicum Pauli; & *necessariò existens*, ac *simul necessariò indicans* foret, si dicerem: constat, Petrum ipsa hora cædis commissæ Monachii fuisse Augustæ. Et si dicerem: fama est, Petrum non fuisse Monachii ipsa hora cædis, esset argumentum *probabiliter existens*, sed *necessariò indicans* deberetque ejus probabilitas æstimari esse eadem, ac si esset *necessariò existens* & *contingenter indicans*.

**REGULA 5.** *Unicum argumentum probabile per opposita argumenta aut per reductionem non enervatum enervat totaliter moralem certitudinem aut probabilitatem opposita sententia ex collectione omnium argumentorum conflata.* Hoc Paradoxum sic explicatur & demonstratur. Sumamus aliquam sententiam, quæ habeat

8

pro se duo, aut tria argumenta verb. gr. —.

10

5 6

—.—. Erit ergo probabilitas, seu moralis cer-

10 10

titudo ex his tribus argumentis conflata, ut

24

—.—. prout Cap. 5. Reg. 5. ostensum est; ad-

1000

eoque probabilitas ea erit tanta, ut vix unquam possit aut soleat fallere; & de hoc dubitare non

8

licet, si probabilitatem argumentorum —.

10

7 6

—.—. ritè æstimavimus. Quòd si autem ali-

10 10

quis probaret, nos eam argumentorum probabilitatem non ritè æstimasse, tota utique ex his argumentis conflata certitudo concideret

&amp; ene —

& enervaretur. Jam verò unicum argumentum probabile, quod ex opposita sententia relinquitur, sufficienter probat, nos probabilitatem argumentorum non rectè æstimasse; ostendo; præcisè est probabile, nos rectè æstimasse de probabilitate argumentorum; eaque probabilitas est præcisè negativa, in quantum judicamus, nos omnia considerasse, quæ ad æstimandam argumentorum probabilitatem considerata erant, nec quidquam nobis occurrit, quod attentione dignum fuerit à nostra consideratione omissum; & hoc verum esse, non solum patet ex ipsa natura rei, sed etiam demonstratur per reductionem ad impossibile. nam; si ferè semper rectè æstimaretur argumentorum probabilitas, sequeretur ferè omnes sententias etiam contradictorias esse moraliter certas; quia in plurimis sententiis etiam contradictoriis duo aut tria argumenta, ex quibus moralis certitudo enascitur, produci possunt; atqui hoc est impossibile; quia tali modo illæ sententiæ essent moraliter certæ, & non essent moraliter certæ. Essent moraliter certæ; quia haberent pro se tria argumenta. Et simul non essent moraliter certæ; quia est necesse, plurimas sententias habentes tria argumenta frequenter fallere, quod repugnat morali certitudini; profectò reclamat experientia, quòd positis duobus aut tribus argumentis statim nascatur moralis certitudo; dantur multæ sententiæ, quæ pro se adducunt decem, viginti, aut triginta argumenta, & tamen moraliter certæ non sunt. Itaque non est certum, sed tantum probabile, quòd moralis certitudo alicujus sententiæ, quam ex tribus argumentis conflavimus, sit legitima, nulloque careat falso supposito; adeoque semper periculum est, ne erraverimus in æstimanda probabilitate argumentorum, quæ probabilia verb. gratia ut

8 7 6

—, —, —. æstimavimus. Jam verò error, qui  
10 10 10

in æstimanda probabilitate, argumentorum  
potest irreperire, potissimum oriri potest ex  
eo, quòd non cognoscamus omnes casus &  
circumstantias possibiles, relatè ad quas  
speramus effectum toties secuturum, toties  
non secuturum, verb. grat. si quærat, quanta  
sit probabilitas felici eventus belli,  
quod Turcarum Imperator meditatur cum  
Venetis inire; potest quidem fieri, ut con-  
siliarii prævideant centum aut mille casus &  
circumstantias possibiles, quorum pleræque  
spondent felicem eventum; interim tamen  
possibiles sunt infiniti alii casus non prævi-  
si, qui aliam belli longè aliter vertant  
quàm sperabatur: itaque probabilitas, quam  
consiliarii habent de eventu felici belli, est  
tantum probabilitas probabiliter talis & ne-  
gativa, inquantum possunt dicere: *Nos con-*  
*sideratis omnibus casibus & circumstantiis possibi-*  
*libus, quæ à nobis prævidentur, judicamus in*  
*eorum casuum longè pluribus eventum belli futu-*  
*rum felicem*: licet reipsa dentur infiniti alii  
casus possibiles à consiliariis non prævisi:  
fiet itaque, ut, dum consiliarii dicunt; pro-  
900

babilitas felici eventus belli est ut —

1000

quia positis mille casibus possibilibus in ho-  
rum nongentis sequetur victoria, & tantum  
in centum casibus clades, fiet, inquam, ut  
ea probabilitas aut moralis certitudo fortè  
omnino nulla sit, quia nesciunt, quid in a-  
liis infinitis casibus à se non prævisis futurum  
sit. Quod in hoc exemplo contingit, ferè  
in omni alia probabilitate versante circa hu-  
manas actiones, aut naturales effectus con-  
tingit, quia semper ferè infinitæ nos latent  
cau-

causæ, circumstantiæ, relationes, conditiones, & casus possibiles, quæ in effectum contingentem influunt, quarumque confidertio distincta notabiliter mutaret iudiciuna de futuro rei eventu, aut rei veritate, Neque enim putandum est, eodem modo se habere probabilitatem circa res humanas, & circa res naturales, prout ea se habet in lusu aleæ, aut chartarum, ac rebus Mathematicis; in lusu aleæ, & chartarum certi sumus nos cognoscere omnes casus possibiles, & certi insuper sumus, nos cognoscere, quoties in numero casuum possibilium ille vel ille eventus recurrat. v. g. si sumo duas tesseras, certus sum, non esse possibiles casus plures, quàm 36., aut 216. si sumo tres tesseras. Certus insuper sum in duabus tesseris tantum possibilem esse anum jactum, qui 2. aut 12. efficiat; duos jactus, qui 3. aut 11. efficiant, tres jactus, qui 4. aut 10. efficiant, quatuor jactus, qui 5. aut 9. efficiant, quinque jactus, qui 6. aut 8. efficiant, & sex jactus, qui 7. efficiant, Ita- que in tali casu mirum non est, me certum esse posse de gradu probabilitatis, quam hæ- bec ad quemcumque jactum; quia possum certo dicere, probabilitatem ad jactum nu-

meri 2. vel 12. esse sicut  $\frac{1}{36}$ .

ad numeri 7. ut  $\frac{6}{36} = \frac{1}{6}$  in allis autem

objectis & eventibus nec certò scimus nu- merum casuum possibilium, nec certò sci- mus, quoties eventus in illo numero ca- suum possibilium sperari possit. Si quis ante duos annos de futuro statu Europæ pro- babilem conjecturam ferre debuisset, quis prævidisset rebellionem Persicam, subitam  
Ty.



Tyranni mortem, turbas Polonicas, mortem Imperatoris Russiæ, successionem Imperatoris Russiæ, fœdus inter Imperatorem Romanum, & Philippum V. tunc temporis agentem vitam privatam, conjugium Regis Galliæ cum filia Stanislai, rupta inter Galliam, & Hispaniam connubii fœdera, mortem Aurelianensis Ducis, & Cardinalis du Bois, & mille alia, de quibus nec suspicari licuit? Idem fit in factis particularibus, etiam hominum singularium, quorum cor inscrutabile, & in operibus naturæ, in quibus homo nec initium nec finem reperit. Clarum ergo est, timidissimos nos esse oportere in dijudicanda argumentorum probabilitate, quæ merito æquatur cuidam *Infinite* incognito, cujus omnes partes pertransire numerando non licet. Quando autem Occurrit aliqua circumstantia probabilis pro opposita sententia, eo ipso certi esse possumus, nos, dum nostram sententiam putamus esse certam, non comprehendisse omnes circumstantias; alioquin illa ipsa oppositæ sententiæ circumstantia fuisset cognita, nosque à ferendo judicio revocasset; aut si illa circumstantia cognita fuit, non tamen fuit cognita ejus relatio ad omnes alias circumstantias objecti, & vis influendi conjunctim cum aliis circumstantiis in effectum; alioquin cognita ea relatione ac vi statim appareret, quidnam simpliciter consideratis omnibus potius sperandum sit de veritate objecti. Ponamus, Consiliarios Regis judicare, probabilitatem

999

de felici eventu belli esse, ut ——. extet au.

1000

rem in Scriptura vaticinium, quod de hoc ipso bello probabilius sinistrum exitum vaticinetur; aut surgat Propheta, qui mala nuntiet; aut emissarii, ac speculatores in regiones hostiles missi dissuadeant bellum &c. dico, ho-

rum

rum quodcunque testimonium ac probabile argumentum sufficere, ut Consiliarii suspicentur, ac existiment, se nondum omnia ad æstimandam probabilitatem de eventu belli requisita ritè perpendisse, ex quo tota illorum probabilitas concidet. licèt argumenta opposita tantùm essent probabilia, puta, quia tantùm probabile esset, Scripturam Sacram loqui de hoc bello, aut Prophetam illum esse verum Prophetam missum à Deo, aut speculatores in suo iudicio non falli.

**REGULA 6.** *Quando moralis certitudo, conflata ex pluribus argumentis simul sumptis, enervatur per aliquod argumentum probabile opposita sententia nondum enervatum, tunc ex omnibus argumentis faciendum est unicum argumentum, cuius probabilitas directè estimari debet.* Pro intelligenda hac Regula observandum est, omnia argumenta principaliter revocari posse ad tria argumentorum genera, videlicet ad *argumenta per se existentia* ad *Argumenta per accidens existentia*, & ad *argumenta ab auctoritate iudicium*. Argumenta *per se existentia* voco, quæ sumuntur à circumstantiis semper, aut plerumque objectum comitantibus; quæ proin exiguntur ab objecto, verb. gratia secutum est homicidium; ergo dabatur etiam inimicitia aut lis. Argumenta *per accidens existentia* voco, quæ non semper aut plerumque comitantur objectum, si tamen dantur, semper aut plerumque ponunt objectum, verb. grat. constat, Petrum præparasse arma, & dixisse, se hac hora occisurum Paulum; tales minæ non semper aut plerumque solent comitari homicidium, si tamen dantur plerumque trahunt post se homicidium, Argumenta *ab auctoritate* voco illa, quæ præcisè interponunt iudicium hominum de veritate objecti, non verò illa, quæ continent testimonium de aliqua circumstantia, verb. grat. si argumentum dicat,

dicat, duo testes testantur, Petrum præparasse arma, & minatum esse mortem; hoc argumentum non est ab authoritate; sed à circumstantia: si verò dicas, centum iudices jam condemnarunt Petrum, hoc argumentum voco ab authoritate. Quando ergo omnia argumenta reduxisti ad hæc tria argumentorum genera, tunc considerabis, an in illa materia, quam tractas, de facili soleant aut possint reperiri plures circumstantiæ attentione dignæ, quàm actu considerasti: Quod si iudices, vix posse reperiri plures circumstantias consideratione dignas, quàm actu jam considerasti, moraliter certam spem habebis, te probabilitatem argumentorum rectè constituisse. Hoc posito, tria hæc argumenta, in quæ omnia alia argumenta resolvisti, in unum argumentum conflare poteris hac methodo: dic; *quàm certum est, me probabilitatem directam trium argumentorum rectè constituisse, tam certum est, gradum ex tribus argumentis conflatum esse talem.* Quod si autem non rectè constitui omnium trium argumentorum probabilitatem, certum tamen est, quodlibet argumentum spem habere, sibi ex concursu reliquorum argumentorum duorum, unum saltem ad minimum gradum probabilitatis addendum fore: quia plerumque contingit, argumentum minus fallere, quod ab aliis argumentis confirmatur; ea spes nondum æquivalet integro gradui probabilitatis, quia est tantum spes; neque etiam ea spes est pro omnibus argumentis simul sumptis, sed pro aliquo eorum; quia tantum speramus, quod saltem in uno ex tribus argumentis non fallamur; non autem speramus, quod in nullo fallamur, aut quod in omnibus rectè probabilitatem æstimaverimus, sed saltem in uno, quod ex circumstantiis reliquorum argumentorum quâ-

vis non ritè perpenſis aliquod probabilitatis augmentum capiat. Dico, ex regulis Algebraicis æſtimari poſſe, quantum probabilitatis valeat ea ſpes, quam quodlibet argumentorum habet ad novum probabilitatis gradum. Ponamus tria eſſe argumenta, quorum quodlibet ex pluribus aliis conſtatum eſt: probabili-

tas primi argumenti ſit ut  $\frac{8}{10}$  ſecundi ut  $\frac{7}{10}$  ter-

tii ut  $\frac{6}{10}$  detur etiam moralis certitudo me in

conſtituenda hac probabilitate rectè proceſſiſſe, ſicque detur moralis certitudo gradus ex omnibus his tribus argumentis reſultantis. Hæc ponendo pono eo ipſo veluti quatuor coluſores, quorum quilibet ſperat, ſi decem oſſibus vincat, ſe obtenturum depositum. Primo argumento adhuc deſunt duo caſus, ſecundo tres, tertio quatuor, morali certitudini tantùm unus ad moralem certitudinem obtinendam. Dico: ſpem aſſurgendi ex omnibus argumentis ad moralem certitudinem habere

partes probabilitatis  $\frac{769}{1024}$   $\frac{7}{10}$  adeoque pro-

babilitas in hoc caſu ex omnibus argumentis reſultans eſſet,  $\frac{87}{100}$  ſeu  $\frac{87}{100}$ .

Demonſtratio

paulò fuſior videri poteſt in Bernoullio de Arte Conjeſt. part. 1. propoſ. 1. 2. 3. 4. 5. 6. 7. 8. 9. qualis verò probabilitas in ſingulis caſibus poſſibilibus ad moralem certitudinem reſultet, ex ſequenti tabula cognoſces, in qua Littera A. denotat ſpem moraliter certam, quam habemus, nos in conſtituenda probabilitate directa argumentorum rectè proceſſiſſe, ſeu ſpem, quam habemus, quod gradus ex tribus

argumentis resultans sit certò talis, & non tantum probabiliter talis. Littera *B* denotat primum argumentum, *C* secundum, *D* tertium. Numerus cuilibet litteræ adscriptus denotat gradus, quot spei, aut argumento ad absolutam certitudinem adhuc desunt. Numeri in columna *P*. denotant gradum probabilitatis, quam habet nostra spes de gradu ex tribus argumentis resultante. Et hæc æstimatio spei tunc solum locum habet, quando nobis videtur moraliter certum, nos in æstimanda probabilitate argumentorum rectè processisse; quando enim hoc ipsum aut directè, aut ob opposita argumenta probabilia dubium est, omnino concedendum est, *plura argumenta sibiipsis invicem addita non augere, sed confirmare gradum suæ probabilitatis.*

P	P	P	P	
A <sub>1</sub> $\frac{4}{3}$	A <sub>1</sub> $\frac{4}{5}$	A <sub>1</sub> $\frac{19}{32}$	A <sub>1</sub> $\frac{57}{128}$	A <sub>1</sub> $\frac{43}{64}$
B <sub>1</sub>	B <sub>1</sub>	B <sub>1</sub>	B <sub>2</sub>	B <sub>1</sub>
C <sub>1</sub>	C <sub>1</sub>	C <sub>2</sub>	C <sub>2</sub>	C <sub>1</sub>
D <sub>1</sub>	D <sub>2</sub>	D <sub>2</sub>	D <sub>2</sub>	D <sub>3</sub>
A <sub>1</sub> $\frac{145}{256}$	A <sub>1</sub> $\frac{101}{256}$	A <sub>1</sub> $\frac{273}{512}$	A <sub>1</sub> $\frac{2239}{512}$	A <sub>1</sub> $\frac{679}{2048}$
B <sub>1</sub>	B <sub>2</sub>	B <sub>2</sub>	B	B <sub>2</sub>
C <sub>2</sub>	C <sub>2</sub>	C <sub>2</sub>		C <sub>3</sub>
D <sub>3</sub>	D <sub>3</sub>	D <sub>3</sub>		D <sub>3</sub>
A <sub>1</sub> $\frac{2031}{8192}$	A <sub>1</sub> $\frac{171}{256}$	A <sub>1</sub> $\frac{143}{256}$	A <sub>1</sub> $\frac{214}{409}$	A <sub>1</sub> $\frac{38}{102}$
B <sub>3</sub>	B <sub>1</sub>	B <sub>1</sub>	B <sub>1</sub>	B <sub>2</sub>
C <sub>3</sub>	C <sub>1</sub>	C <sub>2</sub>	C <sub>3</sub>	C <sub>2</sub>
D <sub>3</sub>	D <sub>4</sub>	D <sub>4</sub>	D <sub>4</sub>	D <sub>4</sub>
A <sub>1</sub> $\frac{316}{819}$	A <sub>1</sub> $\frac{83}{327}$	A <sub>1</sub> $\frac{206}{409}$	A <sub>1</sub> $\frac{106}{327}$	A <sub>1</sub> $\frac{50}{131}$
B <sub>2</sub>	B <sub>3</sub>	B <sub>1</sub>	B <sub>2</sub>	B <sub>3</sub>
C <sub>3</sub>	C <sub>3</sub>	C <sub>4</sub>	C <sub>4</sub>	C <sub>4</sub>
D <sub>4</sub>	D <sub>4</sub>	D <sub>4</sub>	D <sub>4</sub>	D <sub>4</sub>
A <sub>1</sub> $\frac{149}{524}$				
B <sub>4</sub>				
C <sub>4</sub>				
D <sub>4</sub>				

## C A P. VII.

## De Utilitate Artis Criticae.

**H**Aecenus in scientiis & artibus potissimum sciendi ac proficiendi instrumentum syllogismus fuit; in hoc verò reperio tres notabiles defectus. Primò enim non docetur in Logica communi, qualem certitudinis vel probabilitatis gradum *Major & Minor* habeant; atque ex eo nascitur infinita confusio. Secundò, non docetur, qualem probabilitatis gradum conclusio habeat, quando ex duabus præmissis probabilibus deducitur. Tertiò, non docetur, qualem probabilitatis gradum retineant plura argumenta opposita ad invicem comparata, aut qualem acquirant gradum plura argumenta ad invicem addita.

Ex his tribus defectibus innumera sequuntur mala; sequuntur enim infinitæ lites in rebus dubiis, in quibus veritas haberi non potest, &, cum de constituendo probabilitatis gradu non cogitur, defenditur utraque sententia cum pertinacia, conjecturæ pro veris argumentis venduntur, & oppositis argumentis tanquam non convincentibus rejectis utrinque cum plausu triumphatur.

O. A. M. D. G.

P A R S

# PARS SEPTIMA

*Exercitatio Critica de Stilo Authorum dijudicando, & de Authoribus ex Stilo dignoscendis.*

## C A P. I.

*Viri doctissimi judicarunt, sepe  
Auctores ex stilo gnosci  
posse.*

**A**ffero testimonia *tredecim* virorum doctissimorum, qui sæpe ex stilo de auctore libri tulerunt judicium; judicium hoc suum quandoque *probabile* tantum, aliquando verò *certum* esse non dubitabant: quando agebatur de abjudicando auctori libro *ex difformitate stili*, eos plerumque timidius pronuntiasse observo, quando verò agebatur de adjudicando auctori libro *ex similitudine stili*, communius obfirmatam tulerunt sententiam. Porro Auctores, à me recensendi, sunt sequentes. 1. *Varro*. 2. *Julius Caesar*. 3. *Cicero*. 4. *Quintilianus*. 5. *Martialis*. 6. *Favorinus*. 6. *Gellius*. 8. *S. Gregor. Naz.* 9. *S. Hieronymus*. 10. *S. Augustinus*. 11. *Sidonius Apollinaris*. 12. *Cassiodorus*. 13. *Photius*.

1. **M. TERENIUS VARRO**. *Gellius* L. 3. C. 3. testatur, controversum fuisse aliquando, an quædam Comædiæ Plautum haberent auctorem; easque Varronem Plauto ob conformitatem stili incunctanter adjudicasse. Sic ait: *Verum esse comperio, quod quosdam*  
V 3      bene



benè litteratos homines dicere audiui, qui ple-  
rasque **PLAUTI** comedias curiosè, atque at-  
tentè lectitaverunt, non indicibus **Ælii Sedigi-  
ii**, nec **Claudii**, nec **Aurelii**, nec **Accii** nec  
**Manilii** super his fabulis, quæ dicuntur ambi-  
guæ, credituros, sed ipsi Plauto, moribusque  
ingenii, atque linguæ ejus. Hac enim judicii  
norma **VARRONEM** quoque usum videmus,  
Nam præter illas unam & viginti, quæ Varro-  
nianæ vocantur, quas idcirco à cæteris segrega-  
vit, quoniam dubiosæ non erant, sed consensu  
omnium Plauti esse censebantur, quasdam item  
alias probavit, adductus stilo atque facetia  
sermonis Plauto congruentis, easque jam nomi-  
nibus aliorum occupatas Plauto vindicavit. Sicuti  
istam, quam nuperrimè legebamur, cui nomen  
est **Bæotia**; nam cum in illis una & viginti non  
sit, & esse **Aquilii** dicatur, nihil tamen Var-  
ro dubitavit, quin Plauti foret. Neque  
alius quisquam non infrequens lector dubita-  
verit.

2. **C. JULIUS CÆSAR**. Cicero L. 9.  
ad Famil. Ep. 9. de Julio Cæsare testatur,  
eum ex stilo Ciceroniana à non Ciceronianis  
discerevissè. sic ait; Ipse Cæsar habet pera-  
cre judicium, & ut Servius frater, quem lit-  
teratissimum fuisse iudico, facile diceret; Hic  
verus Plauti non est, hic est; quòd tritas ha-  
beret aures notandis generibus Propetarum ex con-  
suetudine legendi; sic audio Cæsarem, cum vo-  
lumina jam fecerit ἀποδεγμάτων, si quid af-  
feratur ad eum pro meo, quod meum non  
sit, rejicere solere.

3. **M. TULLIUS CICERO**. L. 6. Ep. 31.  
ad Voluminium ait: Quod sine prænominè fami-  
liariter ut debes, ad me Epistolam misisti; pri-  
mum addubitavi, num à Voluminio Senatore esset,  
quocum mihi magnus est usus: deinde ἀποπρωτείας  
litterarum fecit, ut intelligerem tuas esse.

Hac

Huc pertinent, quæ C. 2. ex eodem Tullio referemus.

4. **M. FABIVS QVINTILIANVS** L. 2. C. 9. ait: *Est in ingeniis incredibilis quædam varietas, nec pauciores animorum penes, quam corporum formæ; quod intelligi etiam ex ipse Oratoribus potest, qui tantum inter se distant genere dicendi, ut nemo sit alteri similis, quamvis plurimi se aut eorum, quos probant, imitationem composuerint.* L. 12. C. 10. *Mibi Orationis differentiam fecisse & dicentium & audientium naturæ videntur.* Huc referantur, quæ dicuntur C. 2.

5. **M. VALERIUS MARTIALIS.** L. 12. Ep. 2. *Quid titulum poscis? versus duo trespice legantur, clamabunt omnes te, liber, esse meum.*

6. **FAVORINVS PHILOSOPHVS.** Gellius loco cit: *Eavorinus quoque noster, cum Nervolariam Plauti legerem, quæ inter incertas est habita, & audisset ex ea versum quendam, delectatus faceta verborum antiquitate; vel unus hic, inquit, versus Plauti esse hanc fabulam, satis potest esse fidei.*

7. **AVLVS GELLIVS.** L. cit. *Nos quoque ipsi imperrime, cum legeremus fretum (nomen est id Comædiæ, quam Plauti esse quidam non putant) haud quidquam dubitavimus, quin Plauti foret, & omnium maxime genuina.*

8. **S. GREGORIUS NAZIANZENS.** 208. ad Nicobulum. *Quemadmodum cum ingenuo partu ita cum oratione Pater una semper apparet; non minus, quam ii, qui procrearunt, corporeis notis ut plurimum innotescunt.*

9. **S. Hieronymus.** De Scriptoribus Eccles. C. 68. *Minutius Felix, Romæ insignis Causidicus scripsit Dialogum Christiani & Eibnici disputantium, qui Octavius inscribitur. Sed &*

*aliud sub nomine ejus fertur de Fato, vel contra Mathematicos, qui cum sit & ipse deserti hominis, non mihi videtur cum superioris libri stylo convenire. Epist. 66. ad Rufinum. Praefatiuncula librorum ὡς πρὸς ἄλλων ad me missa est, quam ex stilo intellexi tuam esse. L. 3. advers. Pelag. Hac duo Capitula Orationis & laudis soles cum tuis discipulis jurare, non esse tua, cum perspicue in eis stili tui splendor eluceat, Ep. 13. apud S. Aug. Ego simpliciter fateor dignationi tuae, licet stilus & ἐπιχειρήματα tua mihi viderentur, tamen non temere exemplaribus litterarum credendum putavi. Ep. 21. ad Paulam Concord. Misimus interrim te tibi, id est Paulo seni seniore, in quo propter simplices quosque multum in dejectione ermone laboravimus. Sed nescio, etsi aqua plena sit, tamen eundem odorem lagena servat, quo, dum rudis esset, imbuta esse L. 2. contra Rufinum. Stilum meum, qualiscunque est, & formam elogii, vir disertissimus exprimere non potuit, sed inter ipsas praestigias & alterius personam, qua se fraudulenter induerat, quis esset, ostendit.*

10. S. AUGUSTINUS Ep. 48. Stilus S. Cypriani habet quandam propriam faciem, qua possit agnosci.

11. C. SOLLIUS APOLLINARIS SLDONIVS L. 1. Ep. 1. De M. Tullio silere me in stilo epistolari melius puto, quem nec Julius Titianus sub nominibus illustrium seminarum digna similitudine expressit. Propter quod illum ceteri quique Frontonianorum Oratorum simiam nuncupaverunt. L. 7. Ep. 18. Ita mens patet in libro, sicut vultus in speculo.

12. MAGNUS AURELIUS CASSIODORUS SENATOR. Divin. institut. C. 6. Quidam etiam est Anonymus, ex cujus stilo beatum esse suspicamur Hilarium, qui commenta libri sub scripsit in ordinem.

13. PHOTIUS CONSTANTINOPOLITANUS. In Bibliotheca pag. 832. Hac Oratio nomine Chrysostomi inscribitur, non tamen mihi ejus esse videtur. Argumentis enim, modoque scribendi multum à reliquis ejus Orationibus distinguitur.

## C A P. II.

*Viri doctissimi eas authorum multorum  
notas characteristicas, in quibus  
stili diversitas consistit,  
explicarunt.*

**N**Otas Authorum characteristicas voco eas stili proprietates, quibus unus Authorum discernitur ab altero: Cicero, Quintilianus, Sidonius, & ex Recentioribus Masenius varias tales notas in multis Authoribus observarunt.

Cicero L. 3. de Oratore sic habet: *Natura nulla est, quæ non habeat in suo genere res complures dissimiles inter se, quæ tamen consimili laude dignentur: nam & auribus multa percipimus, quæ etsi nos vocibus delectant, tamen ita sunt varia sæpè, ut id, quod proximum audias, iucundissimum videatur. Es oculis colliguntur penè innumerabiles voluptates, quæ nos ita capiunt, ut unum sensum dissimili genere delectent; & reliquos sensus voluptates oblectent dispares, ut sit difficile judicium excellentis maximè suavitatis: At hoc idem, quod in naturis rerum, transferri potest etiam ad artes. Una fingendi de arte, in qua præstantes fuerunt Myro, Policetus, Lysippus, qui omnes inter se dissimiles fuerunt, sed ita tamen, ut neminem sui velis esse dissimilem. Una est ars, ratioque picturæ, dissimillimi tamen inter se Zeuxis, Aglaophon, Apelles: neque eorum quisquam est,*

cui

cui in Arte sua quidquam deesse videatur. Et si hoc in quasi mutis artibus est admirandum, & tamen verum; quanto admirabilius in Oratione atque lingua? quæ cum in iisdem sententiis verbisque versetur, summas habet dissimilitudines inter se, non sic, ut alii vituperandi sint, sed ut ii, quos constat esse laudandos, in dispari tamen genere laudentur. Atque id primum in Poetis cerni licet, quibus est proxima cognatio cum Oratoribus, quàm sint inter sese Ennius, Pacuvius, Acciusque dissimiles, quàm apud Græcos Æschylus, Sophocles, Euripides, quanquam omnibus par panem laus in diverso scribendi genere tribuatur. Aspicite nunc eos homines, quorum de facultate querimus, quid intersit inter Oratorum studia, atque naturas. Suavitatem Isocrates, subtilitatem Lyfias, acumen Hyperides, sonitum Æschines, vim Demosthenes habuit; quis eorum non egregius? tamen quis cuiusquam, nisi sui similis? Gravitatem Africanus, lenitatem Lælius, asperitatem Galba, profluens quidam habuit Carbo, & canorum: quis horum non princeps temporibus illis fuit? & suorum quisque genere princeps. Sed quid ego vetera conquiram, cum mihi liceat uti presentibus exemplis, atque vivis? quid jucundius auribus nostris unquam accidit, huius Oratione Catuli, quæ est pura sic, ut latine loqui penè solus videatur; sic autem gravis, ut in singulari dignitate omnis tamen adsit humanitas ac lepos. Quid multa? istum sic audiens, equidem judicare soleo, quidquid aut addideris, mutaveris, aut detraxeris, vitiosus & deterius futurum. Quid noster hic Cesar? nonne novam quandam rationem attulit Orationis, & dicendi genus induxit propè singulare? quis unquam rei, præter hunc, tragicas penè comicè, tristes remissè, severas latè, forenses scenica prope venustate tra-

sta-

Etavit? atque ita, ut neque jocus magnitudine rerum excluderetur, nec gravitas faciliis minueretur? Ecce presentes duo propè equales Sulpicius & Cotta; quid tam inter se dissimile? quid tam in suo genere præstant? limatus alter & subtilis, rem explicans propriis, aptisque verbis; hæret in causa semper, & quid judici probandum sit, cum acutissimè vidit, omisis cæteris argumentis; in eo mentem, Orationemque defigit. Sulpicius autem fortissimo quodam animi impetu, plenissima & maxima voce, summa contentione corporis, & dignitate motus, verborum quoque ea gravitate & copia est, ut unus ad dicendum instructissimus à natura esse videatur. Ad nos ipsos jam revertor. Quid tam dissimile in dicendo, quàm ego, & Antonius? cum ille is sit Orator, quod nil possit esse præstantius? videtisne genus hoc, quod sit Antonius, fortè, vehemens, commotum in agendo, præmunitum, & ex omni parte septrum, acre, acutum, enucleatum, in unaquaque re commorans, honestè celens, acriter insequens, terrens, supplicans, summa Orationis varietate, nullastrarum aurium sacietate. Nos autem ab hujus multùm genere distamus, dissimilitudo intelligi potest & ex motus meimediocritate, & ex eo, quod, quibus vestigiis primùm institi, in iis ferè soléo perorare, & quod aliquanto me major in verbis, & in sententiis eligendi, quàm eum, labor & cura torquet, verentem, ne si paulo obsoletior fuerit oratio, non digna expectatione & silentio fuisse videatur. Quod si in nobis, qui adsumus tantè dissimilitudines, tam certè res cuiusque propriè, quid censeatis, si omnes, qui ubique sunt aut fuerunt Oratores, amplecti voluerimus,

*mus, numne fore, ut, quot Oratores, totidem-  
pene reperiantur genera dicendi.*

In Bruto agens de claris Oratoribus multorum notas características apponit. sic habet:

Galbam vis non ingenii solum, sed etiam animi, & naturalis quidam dolor dicentem accendebant, efficiebantque, ut & incitata, & gravis, & vehemens esset Oratio; dein cum otiosum stilum apprehenderat, motusque omnis animi, tanquam ventus, hominem defecerat, flaccebat Oratio, quod iis, qui limatius dicendi consecretantur genus, accidere non solet, propterea, quod prudentia nunquam deficit Oratorem, qua ille utens eodem modo & possit dicere, & scribere; ardor animi non semper adest, isque cum confedit, omnis illa vis & quasi flamma Oratoris extinguitur.

LUCIUS SIMPLEX ET ANTIQUUS. SPURIUS nihil quidem ornatiorem sed tamen *adstrictior*.

In ÆMILIO LEPIDO primum mihi videtur apparuisse & lenitas, illa Græcorum, & verborum comprehensio, etiam artifex, ut ita dicam, stilus.

POMPEI scripta sunt nec nimis extenuata; quanquam *vetustum est similis, & plena prudentia*.

C. FANNII Oratio non ejusmodi est, ut à pluviis composita esse videatur; unus enim sonus est totius Orationis, & idem stilus. Alter C. FANNIUS moribus, & ipso genere dicendi *durior*. Ejus historia, *neque est nimis infans, neque perfecte diserta*.

Habemus & CARBONIS & GRACCHI orationes nondum satis splendoras-

verbis, sed acutas, prudentiaque plenissimas.

**DIOPHANEM**. Gellius canorum Oratorem, & volubilem, & satis acrem, atque eundem & vehementem, & valde dulcem, & perfectum fuisse dicebat.

**D. BRUTUS** non inculte dicere solebat; cum Accius in omnibus rebus vehementem & acrem in dicendo fuisse agebat.

**L. FURIUS** per bene latine loqui parabatur, litteratiusque quam ceteri. **P. SCÆVOLA** valde prudenter & acute, paulò etiam copiosius. **CLAUDII** volubilis, sed paulò fervidior. erat Oratio.

**P. DECIUS**, non infans quidem, sed ut vita, sic oratione etiam turbulentus.

In **SCAURIO** oratione sapientis hominis, & recti, gravitas summa, & naturalis quædam inerat *Authoritas*: non ut causam, sed ut testimonium dicere putares, cum pro rei diceret. Hujus *Orationes*, & libri sunt sanè utiles, quos nemo legit.

**RUTILIUS** in quodam tristi ac severo dicendi genere versatus est, natura vehementis & acer. Sunt ejus *Orationes* jejunæ; prope perfectus in *Stoicis*, quorum peracutum, & artis plenum *Orationis* genus, sed tamen exile, nec satis populari affectioni accommodatum.

**TUBERO** ut vita, sic *Oratione* durus, incultus, horridus.

In *Academicorum præceptis* differendæ ratio conjungitur cum suavitate dicendi & copia. quis enim uberior in dicendo *Platone* & *Jovem* sic ajunt *Philosophi*



phi, si græcè loquatur, loqui. Quis Aristotele nervosior? Theophrasto dulcior? sed & hujus Oratio in Philosophiam translata, pugnacior videtur, & illorum in judicio pacatior.

**CURIONIS** Oratio puerilis est locis multis, loci sanè inanes; verùm nondum tritis nostrorum hominum auribus tolerabiles.

**C. GRACCHUS** grandis est verbis, sapiens sententiis, genere toto gravis, non solum acuere, sed etiam valere ingenium potest.

**L. CÆSULENO**, qui suspiciosus, aut criminosus diceret, audiivi neminem.

In **CATULO** sermo latinus. Filio non deerat in sententia dicenda cum prudentia, tum elegans quoddam & eruditum Orationis genus.

**M. AURELIUS SCAURUS** sapè dicebat, sed politè; latinè verò inprimis est eleganter locutus.

**P. LENTULUS** de industriâ cum verbis tum etiam ipso sono quasi subrustico imitabatur antiquitatem.

**ANTONIO** omnia veniebant in mentem, eaq; suo quæque loco, ubi plurimum proficere possent, ut ab Imperatore, equites, pedites, levis armatura, sic ab illo in maximè opportunis orationis partibus collocabantur; erat memoria summa, nulla meditationis suspicio, verba ipsa non illa quidem elegantissimo sermone; itaque diligenter loquendi laude caruit, neque tamen est admodum inquinatè locutus. In verbis tamen & eligendis, & collocandis, & comprehensione devinciendis nihil non ad rationem, & tanquam ad artem dirigebat. Verùm multò magis hoc idem in sententiarum ornamentis & con-

formationibus, quo in genere quia omnibus  
præstat DEMOSTHÈNES, idcirco à do-  
ctis Oratorum princeps est judicatus *οὐκ ἴσχυαται*,  
enim, quæ vocant Græci, ea maximè or-  
nant Orationem, eaque non tam in verbis  
pingendis habent pondus, quàm in illu-  
minandis sententiis.

CRASSO nihil statuo fieri potuisse per-  
fectius; erat summa gravitas, erat cum gra-  
vitate junctus facetiarum & urbanitatis  
Oratorius, non scurrilis lepos; latine lo-  
quendi accurata, & sine molestia diligens  
elegantia; in differendo mira explicatio;  
cùm de jure, cùm de æquo & bono dispu-  
taretur, argumentorum, & similitudinum  
copia. Nam ut Antonius conjectura mo-  
venda, aut sedanda suspitione, aut excitanda  
incredibilem vim habebat; sic in inter-  
pretando, in definiendo, in explicanda æ-  
quitate nihil erat Crasso copiosius. —  
Crassus eloquentium jurisperitissimus,  
Scævola jurisperitorum eloquentissimus  
putabatur; qui quidem, cùm peracutus es-  
set ad excogitandum, quid in jure verum  
esset, aut non esset, tum verbis erat ad  
rem cum summa brevitate mirabiliter ap-  
tus. — In reliquis rebus ita dissimiles  
erant inter sese, statuere tamen ut non pos-  
ses, utrius te malles similiorem. Crassus erat  
elegantium parcissimus. Scævola parcorum  
elegantissimus; Crassus in summa comi-  
tate habebat severitatis satis, Scævola in-  
multa severitate non deerat tamen comi-  
tas. Uterque horum medium quiddam vo-  
lebat sequi, sed ita cadebat, ut alter ex al-  
terius laude partem, uterque autem totam  
suam haberet. In oratione Crassi pro Cæ-  
pione inest quidam sine ullo fūco veritatis  
color, quia etiam comprehensio, & ambi-  
tus ille verborum, si sic periodum appella-

re placet, erat apud illum contractus;  
 & brevis, & in membra quædam, quæ  
 Græci vocant dispartiebat oratio-  
 nem libentius. In Oratione Scævolæ in  
 legem Cæpionis multa graviter, multa le-  
 niter, multa asperè, multa faceret dicta  
 sunt.

**TITII** Orationes tantum argutiarum,  
 tantum exemplorum, tantum urbanitatis  
 habent, ut penè Attico stilo scriptæ esse  
 videantur.

**BETUCIO, FREGELLANO**, ex-  
 ternis Oratoribus idem tribuo, quod Ur-  
 banis, præter unum, quod non est co-  
 rum urbanitate quadam quasi colora-  
 ta Oratio. Quid est iste urbanitatis co-  
 lor? nescio: tantum esse quendam  
 scio.

**PHILLIPPUS** proximus Antonio.  
 Summa ei libertas in Oratione, multæ  
 facietæ, satis creber in repertiendis, so-  
 lutus in explicandis sententiis; in al-  
 tercando cum aliquo aculeo, & male-  
 dicto facetus. Festivitate & face-  
 tiis.

**JULIUS** omnibus præstitit, Orator-  
 que fuit, minimè quidem vehemens, sed  
 nemo unquam urbanitate, nemo lepo-  
 re, nemo suavitate conditior. Sunt ali-  
 quot ejus Orationes, ex quibus ejus le-  
 nitas sine nervis perspicui potest.

**T. JUVENTIUS**, nimis quidem len-  
 tus in dicendo, & penè frigidus, sed &  
 callidus, & in capiendo adversario ver-  
 sutus, & præterea nec indoctus, &  
 magna cum juris civilis intelligen-  
 tia.

**P. MAGIUS** in dicendo copiosior; sed  
 omnium Oratorum sive Rabularum,  
 qui.

qui & planè indocti, aut inurbani, aut  
rustici etiam fuerunt, quos quidem ego  
cognoverim solutissimum in dicendo, &  
acutissimum judico nostri ordinis sermo-  
rium.

Quoniam Oratorum bonorum duo ge-  
nera sunt, unum attenuatè pressèque al-  
terum sublatè, amplèque dicentium; et-  
si id melius est, quod splendidius, &  
magnificentius, tamen in bonis omnia,  
quæ summa sunt, jure laudantur. Sed  
cavenda est presso illi Oratori inopia  
& jejunitas; amplo autem inflatum &  
corruptum orationis genus. Inveniebat  
igitur acute COTTA dicebat purè ac  
solutè. Nihil erat in ejus Oratione ni-  
si sincerum, nihil nisi siccum, atque sa-  
num, illudque maximum, quod, cum  
contentione Orationis flectere animos  
judicum vix posset, nec omnino eo ge-  
nere diceret; tractando tamen impelle-  
bat, ut idem facerent à se commoti, quod  
à Sulpicio concitati.

Fuit enim SULPICIUS vel maximè  
omnium, quos ego quidem audiverim,  
grandis, & ut ita dicam, tragicus Ora-  
tor: incitata, & volubilis, nec ea re-  
dundans tamen, nec circumfluens Ora-  
tio. Crassum hic volebat imitari; Cot-  
ta malebat Antonium; seu ab hoc vis  
aberat Antonii, Crassi ab illo lepos. At-  
que in his Oratoribus illud animadverten-  
dum est, posse esse summos, qui inter se  
sint dissimiles.

C. CARBO fuit non satis acutus O-  
rator: erat in verbis gravitas, & faci-  
lè dicebat, & auctoritatem naturalem  
quandam habebat Oratio. Acutior  
Q. VARRIUS rebus inveniendis,

nec

„ nec minus verbis expeditus. Fortis verò  
 „ actor ac vehemens, & verbis nec inops,  
 „ nec abjectus.

„ **POMPONIUS** lateribus pugnans;  
 „ incitans animos, acer, acerbus, crimi-  
 „ nosus.

„ **L. APULEJUS** eloquentissimus  
 „ visus est; magis specie tamen & moru,  
 „ atque ipso amictu capiebat homines,  
 „ quam aut dicendi copia, aut mediocrita-  
 „ te prudentiæ.

„ **C. SERVILIUS** peracutus, &  
 „ callidus, cum primisque ridiculus.

„ **SEX. TITIUS** homo loquax sanè,  
 „ & satis acutus, sed tam solutus & mol-  
 „ lis in gestu, ut saltatio quædam nasce-  
 „ retur, cui saltationi Titius nomen es-  
 „ set.

„ **P. ANTISTIUS** rem videbat acu-  
 „ tè, componebat diligenter, memoria  
 „ valebat, verbis non illè quidem orna-  
 „ tis utebatur, sed tamen non abjectis.  
 „ Expedita autem erat, & facillè currens  
 „ Oratio.

„ **M. CRASSUS** mediocriter in do-  
 „ctrina instructus; in hujus Oratione ser-  
 „mo latinus erat; verba non abjecta,  
 „ res compositæ diligenter; nullus flos ta-  
 „ men, neque lumen ullum; animi magna,  
 „ vocis parva contentio, omnia ferè ut  
 „ uno modo dicerentur.

„ **C. FIMBRIA** omnia magna vo-  
 „ce dicens, verborum sanè bonorum cur-  
 „su quodam incitato, ita furebat, ut  
 „ mirarere tam alias res agere populum, ut  
 „ esset infano inter disertos locus.

„ **CN. LENTULUS** nec peracu-  
 „tus, nec abundans verbis, sic interval-  
 „lis exclamationibus, voce suavi & ca-  
 „nora, admirando irridebat, calebat in  
 „ agen-

agendo , ut ea , quæ decrant , non de-  
derarentur.

M. P I S O habuit à natura genus  
quoddam acuminis ; quod etiam arte li-  
maverat , quod erat in reprehendendis ver-  
bis versutum , & sollers , sed sæpe sto-  
machosum , nonnunquam frigidum , in-  
terdum etiam facetum .

C. M A C E R autoritate semper  
equit : non erat abundans , nec inops ta-  
men ; non valde nitens , non planè hor-  
rida Oratio : vox , gestus , & omnis  
actio sine lepore ; at in inveniendis ,  
componendisque rebus mira accuratio , sed  
eam ut citius veteratoriam , quàm orato-  
riam diceret .

C. P I S O sermonis plenus Orator ;  
minime quidem tardus in excogitando ,  
veramtamen vultu , & simulatione multò  
etiam acutior , quàm erat , videba-  
tur .

L. T O R Q U A T U S elegans in  
dicendo , in existimando admodum  
prudens , toto genere perurbanus .

CN. P O M P E J U S erat Oratio-  
ne satis amplus , rem prudenter vide-  
bat , actio verò habebat summam digni-  
tatem .

D. S I L A N U S studii quidem ha-  
buit non multum , sed acuminis & Ora-  
tionis satis .

M. M E S S A L A nullo modo  
inops , sed non nimis ornatus genere ,  
vorbis prudens , acutus , minimè in-  
cantus .

CL. L E N T U L U S nec unquam  
indisertus , & non tardus sententiis , non  
inops verbis , facetus satis .

M E M M I U S perfectus litteris , sed  
Græcis , fastidiosus sanè Latinarum , ar-  
gutus ,

„ gutus Orator, verbisque dulcis, sed  
 „ fugiens cogitandi laborem tantum sibi  
 „ de facultate detraxit, quantum immi-  
 „ nuit industriæ.

„ **C. VISELLIUS** populo non erat  
 „ satis vendibilis; præcepta quædam, &  
 „ cum idcirco obscura, quia peracuta, tum  
 „ rapida, & celeritate cæcata Oratio:  
 „ sed neque verbis aptiorem citò alium  
 „ dixerim, neque sententiis crebri-  
 „ rem.

„ **TRIARI** admodum me delecta-  
 „ bat in illa ætate plena litteratæ senectu-  
 „ tis Oratio: quanta severitas in vultu?  
 „ quantum pondus in verbis? quàm nihil  
 „ non consideratum exhibat ex ore.

„ **C. PISONI** genere meo erat verbo-  
 „ rum & delectuselegans, & apta, & qua-  
 „ si rotunda constructio; cumque argumen-  
 „ ta ab eo excogitabantur multa, & fir-  
 „ ma ad probandum, tum concinnæ, acu-  
 „ tæque sententiæ.

„ **M. COELII** & splendida mul-  
 „ tum, & grandis, & eadem in primis  
 „ faceta, & perurbana Oratio.

„ **M. CALLIDIUS** non fuit Ora-  
 „ tor unus è multis, potius inter multos  
 „ propè singularis fuit; ita reconditas, ex-  
 „ quisitasque sententias mollis & pellucens  
 „ vestiebat Oratio; nihil tam tenerum,  
 „ quàm illius comprehensio verborum, ni-  
 „ hil tam flexibile, nihil, quod magis ip-  
 „ sius arbitrio fingeretur, ut nullius Ora-  
 „ toris æque in potestate fuerit: quæ pri-  
 „ mum ita pura erat, ut nihil liquidius;  
 „ ita liberè fluebat, ut nusquam adhære-  
 „ sceret, nullum, nisi loco positum, &  
 „ tanquam in vermiculato emblemate, ut  
 „ ait Lucilius, structum verbum vide-  
 „ res; nec verò ullum aut durum, aut  
 „ info-

„ insolens, aut humile, aut in longius du-  
„ ctum; ac non propria verba rerum, sed  
„ pleraque translata; sic tamen, ut ea non  
„ irruisse in alterum locum, sed immigras-  
„ se in suum diceret; nec verò hæc solu-  
„ ta, nec disfluentia, sed adstricta nume-  
„ ris non apertè, nec eodem modo semper,  
„ sed variè, dissimulanterq; conclusis. E-  
„ rant autem & verborum & sententiarum  
„ illa lumina, quæ vocant Græci χήματα,  
„ quibus tanquam insignibus in ornatu di-  
„ stinguebatur omnis Oratio. Accedebat  
„ ordo rerum plenus artis, actio liberalis,  
„ totumque dicendi placidum & sanum ge-  
„ nus: Aberat tamen illa laus, qua per-  
„ moveret & incitaret animos, nec erat  
„ ulla vis atque contentio.

*Hucusque Cicero, de claris Oratoribus.  
Sed jam Quintillianum audiamus, quibus  
Autbores notis discernat. L. 10. C. 1. sic  
ait:*

„ Neque Sallustiana brevitās, quā nihil  
„ apud aures vacuās potest est perfectius;  
„ captanda nobis est, neque Livii lætæ  
„ ubertas. Tullius Thucydidis bellicum  
„ canorem, Xenophontis ore Musas es-  
„ se locutas existimat. Homerum ne-  
„ mo in magnis rebus sublimitate,  
„ in parvis proprietate superavit: idem læ-  
„ tus ac pressus, jucundus, & gravis, tum  
„ copia, tum brevitate mirabilis; nec Poe-  
„ tica modò, sed Oratoria virtute emi-  
„ nentissimus; affectus mites, vel concita-  
„ tos, nemo erit tam indoctus, qui non  
„ in sua potestate hunc Authorem habuiss-  
„ se fateatur. Rarò assurgit Hesiodus,  
„ magnæque pars ejus in nominibus est  
„ occupata; tamen utiles circa præcepta  
„ sententiæ, lenitasque verborum, &  
„ con-



„ compositionis probabilis , daturq; ei päl.  
 „ ma in illo mediocri dicendi genere .  
 „ In Antimochō vis , & gravitas , &  
 „ minimè vulgare eloquendi genus habet  
 „ laudem ; sed affectibus , & jucunditate ,  
 „ & dispositione , omnino arte deficitur .  
 „ Panayssim ex utroque mixtum putant ,  
 „ in eloquendo neutrius æquare virtutes ;  
 „ alterum tamen ab eo materia , alterum  
 „ disponendi ratione superari . A P O L -  
 „ L O N I U S eddit opus , æquali quadam  
 „ mediocritate . Arati materia motu caret ,  
 „ ut in qua nulla varietas , nullus affectus ,  
 „ nulla persona , cui usquam sit Oratio .  
 „ Admirabilis in suo genere THEOCRIT -  
 „ T U S , sed Musa illa rustica & pastora -  
 „ lis non forum modò , verum ipsam et -  
 „ iam urbem reformidat . Inter Scriptores  
 „ Jamborum in A R C H I L O C H O  
 „ summa vis elocutionis , cum validæ ,  
 „ tum breves , vibrantesque sententiæ ,  
 „ plurimùm sanguinis atque nervorum .  
 „ Lyricorum P I N D A R U S princeps ,  
 „ spiritus magnificentia , sententiis , figu -  
 „ ris , beatissima rerum , verborumque co -  
 „ pia , & velut quodam eloquentiæ flumi -  
 „ ne . S T E S I C H O R U M quàm sit in -  
 „ genio validus , materiæ ostendunt : red -  
 „ dit personis in agendo , loquendoque de -  
 „ bitam dignitatem : sed redundat , atque  
 „ effunditur , A L C Æ U S in eloquendo  
 „ brevis , magnificus , & diligens , Home -  
 „ ro similis , sed in lusus & amores descen -  
 „ dit . S I M O N I D E S tenuis , alioqui  
 „ sermone proprio & judicante quadam  
 „ commendari potest : præcipua tamen  
 „ ejus in commovenda miseratione vir -  
 „ tus . Tragedias primus in lucem  
 „ Æschylus protulit , sublimis , & gra -  
 „ vis , & grandiloquus sæpè usque ad vi -  
 „ tium ,

,, tium, sed rudis in plerisque & incompo-  
,, situs. **EURIPIDES** sermone accedit  
,, Oratorio generi, & sententiis densus, in  
,, affectibus mirus, in iis, quæ miseratione  
,, constant, præcipuus, & admirandus ma-  
,, ximè est. **MENANDER** ad cuncta  
,, sufficiat, ita omnem vitæ imaginem ex-  
,, pressit, tanta in eo inveniendi copia, &  
,, eloquendi facultas, ita est omnibus re-  
,, bus, personis, affectibus, accommoda-  
,, tus. Historiam multi scripsere. Densus  
,, & brevis & semper instans sibi **THU-**  
,, **CYDIDES**. Dulcis & candidus &  
,, effusus Herodotus; ille concitatis, hic re-  
,, missis affectibus melior, ille vi, hic vo-  
,, luptate. **PHILISTUS** Thucydidis imita-  
,, tor ut multo infirmior, ita aliquatenus  
,, lucidior. Clitarchi probatur ingenium,  
,, fides infamatur: Sequitur Oratorum in-  
,, genes manus. Athenis princeps **DEMO-**  
,, **STENES** penè lex orandi fuit, tan-  
,, ta vis in eo tam densa omnia, ita quibus-  
,, dam nervis intenta sunt, tam nihil otio-  
,, sum, is dicendi modus, ut nec quid de-  
,, sit in eo, nec quid redundet invenies.  
,, Plenior **Æschynes**, & magis fusus, &  
,, grandiori similis, quo minus strictus,  
,, carnis tamen plus habet, minus lacerto-  
,, rum. Dulcis inprimis & acutus **Hyper-  
,, rides** est &c.

,, **Lysias** subtilis atque elegans, & ni-  
,, hil, si Oratori satis sit docere, quæ ras  
,, perfectius, nihil enim est inane, nihil  
,, arcessitum, puro tamen fonti, quam  
,, magno flumini propior. **Isocrates** in di-  
,, verso dicendi genere nitidus & comptus,  
,, & palæstræ, quàm pugnæ magis accommo-  
,, datus; omnes dicendi venter sectatus  
,, est: inventione facilis, honesti studio-  
,, sus in compositione adèd diligens, ut  
,, cura

„ cura ejus reprehendantur; neque has so-  
 „ las ejus virtutes, sed præcipuas puto.

„ Quis dubitet Platonem esse præcipuum,  
 „ sive acumine differendi, sive eloquendi  
 „ facultate Divina quadam & Homerica?  
 „ multum enim supra prosam Orationem,  
 „ & quam Græci pedestrem vocant, assu-  
 „ rit.

„ Quid ego commemorem XENOPHONTIS  
 „ illam jucunditatem inaffecta-  
 „ tam, sed quam nulla affectatio consequi  
 „ possit? ut ipsæ sermonem gratiæ inxisse  
 „ videantur, & quod de Pericle testimo-  
 „ nium est, in hunc transferri possit; in  
 „ labris ejus sedisse quandam persuadendi  
 „ Deum.

„ DEMOSTENIS, & CICERONIS  
 „ plerasque arbitror similes, consilium,  
 „ ordinem, dividendi, præparandi, pro-  
 „ bandi rationem; omnia denique, quæ  
 „ sunt inventionis, in eloquendo est aliqua  
 „ diversitas, densior ille; hic copiosior;  
 „ ille concludit adstrictius, hic latius pu-  
 „ gnat, ille acumine semper; hic frequen-  
 „ ter & pondere; illi nihil detrahi potest,  
 „ huic nihil adjici; curæ plus in illo; in  
 „ hoc naturæ. Salibus, certè, & commi-  
 „ seratione, qui duo plurimum affectus  
 „ valent, vincimus. Cicero mihi videtur  
 „ effinxisse vim Demosthenis, copiam Pla-  
 „ tonis, jucunditatem Isocratis; nec ve-  
 „ rò, quod in unoquoque optimum est,  
 „ studio consecutus est. sed plurimas vel  
 „ potius omnes ex seipso virtutes extulit,  
 „ immortalis ingenii Beatissima ubertate,  
 „ quis docere diligentius? movere vehem-  
 „ entius potest? cui tanta unquam ju-  
 „ cunditas afficit? ut illa ipsa, quæ ex-  
 „ torquet, impetrare eum credas: in om-  
 „ nibus, quæ dicit, tanta Authoritas inest,

„ ut

ut dissentire pudeat ; nec advocati studium, sed testis aut iudicis afferat fidem. Interim hæc omnia, quæ vix singula quisquam intentissima cura consequi posset, fluunt illaborata, & Oratio præsefert felicissimam facilitatem.

**IN ASINIO POLLIONE** multa inventio, summa diligentia, aded ut quibusdam etiam nimia videatur; & consilii & animi satis; à nitore & jucunditate Ciceronis ita longè abest, ut possit videri sæculo prior.

**AT MESSALA** nitidus & candidus, & quodam modo præseferens in dicendo nobilitatem suam; viribus minor.

**IN C. CÆSARE** tanta vis est, id acumen, ea concitatio, ut illum eodem animo dixisse, quo bellavit, appareat. Exornat tamen hæc omnia mira sermonis, cujus propriè studiosus fuit, elegantia.

Multum ingenii in **COELIO**, & præcipuè in accusando multa urbanitas.

**CALVO** est sancta, & gravis Oratio, & castigata, & frequenter vehemens: imitator autem est Atticorum.

**CASSIUS**, si cæteris virtutibus colorem & gravitatem adjécisset, ponendus inter præcipuos foret, nam & ingenii plurimum in eo est, & acerbitas mira, & urbanitas, & vis summa, sed plus stomacho, quàm consilio dedit; præterea ut amari sales, ita frequenter amaritudo ipsa ridicula est.

**DOMITIUS AFER**, & **JULIUS AFRICANUS** præstantissimi, verborum arte ille, & toto genere dicendi præferendus; & quem in numero veterum ponere

„ non timeas. Hic concitator; sed in cura  
 „ verborum nimius, & compositione non-  
 „ nunquam longior, & translationibus parùm  
 „ modicus.

„ **SENECÆ** ingenium facile, & copio-  
 „ sum, plurimum studii, & multarum re-  
 „ rum cognitio; multæ in eo claræq; senten-  
 „ tiæ; sed in eloquendo corrupta pleraque,  
 „ atque eo perniciosissima, quòd abundant  
 „ dulcibus vitiis: velleseum suo ingenio di-  
 „ xisse, alieno iudicio. nam si pondera rerum  
 „ minutissimis sententiis non fregisset, consen-  
 „ su potius eruditorum, quàm puerorum  
 „ amore comprobaretur.

### Hucusque Quintilianus.

C. Sollius Apollinaris Sidonius L. 4. Ep.  
 3 de Claudiano Mamerto loquens plurimum  
 Authorum proprietates hoc modo indicat:  
*Sentit ut Pythagoras, dividit ut Socrates, ex-  
 plicit ut Plato, implicat ut Aristoteles, ut Æ-  
 schines blanditur, ut Demosthenes irascitur,  
 vernet ut Hortensius, afluat ut Cerebrius, incitat  
 ut Curio, moratur ut Fabius, simulat ut Craf-  
 sus, dissimulat ut Caesar, suadet ut Cato, dis-  
 suadet ut Appius, persuadet ut Tullius. Jam si  
 ad Sacrosanctos Patres pro comparatione venia-  
 tur, instruit ut Hieronymus, destruit ut La-  
 ctantius, adstruit ut Augustinus, attollitur ut  
 Hilarius, submittitur ut Joannes, ut Basilus cor-  
 ripit, ut Gregorius consolatur, ut Orosius affluit,  
 ut Rufinus stringitur, ut Eusebius narrat, ut  
 Eucherius sollicitat, ut Paulinus provocat, ut  
 Ambrosius perseverat.*

## CAP. III.

*Explicantur Stili elementa, ex quibus de  
Stilo Authorum, eorumque diversitate  
judicium formari possit.*

**V**idimus Capite 2. qualiter Cicero, & Quintilianus de Stilo Authorum varias tulerint censuras. Sic tribuebant suavitatem Isoni, subtilitatem Lyſiæ, acumen Hyperidisoni, æschini, vim Demostheni, gravitatem Africano, lenitatem Lælio, asperitatem Galbæ, profluens ac canorum quiddam Carboni, eruditum dicendi genus Catulo, stilum Atticum Ticio, accuratorem Macro, brevitatem Sallustio, mediocritatem Apollonio, jucunditatem Xenophonti, consilium Pollioni, Scauro naturalem auctoritatem. Oratio Catuli dicebatur pura, gravis; Galbæ incitata; Pompei extenuata & plena prudentiæ; Rutilii jejuna; Curionis puerilis; Sulpicii circumfluens, C. Pisonis plena sermonis; Visellii obscura, rapida, & celeritate cæcata; Triarii plena senectutis Callidii mollis & pellucens, Calvi sancta & castigata. Acutissime dicere credebatur Cotta, copiose Sulpicius; vehementer, enucleatè, & acriter Antonius; politè & eleganter Aur. Scaurus; simplex & antiquus habebatur Lucius, adstrictior Spurius; volubilis, dulcis, facetus Diophanes, Scævola fervidus, Decius turbulentus, Tubero durus, incultus, horridus; Plato uberrimus: Aristoteles nervosus, Gracchus grandis verbis, sapiens sententiis, gravis; Cæsulenus suspiciosus criminofus, Juventius lentus, frigidus, callidus, Sulpicius Orator tragicus, Servilius ridiculus, Memmius argutus, Visellius non satis vendibilis,

Homerus sublimis, iucundus, Æschylus grandiloquus, Isocrates nitidus & comptus; Messala nitidus & candidus. Aliorum dicendi genus dicebatur obsoletum, exile, coloratum, attenuatum, pressum, sublatum, amplum, inflatum, sincerum, siccum, sanum, urbanum, humanum, facetum, expeditum ac facile currens, stomachosum, versutum, solers, incautum, tenerum, flexibile, liquidum, libere fluens, durum, insolens, humile &c.

Quæritur jam, quid significant centum hæc eloquentiæ probæ, aut vitiosæ nomina; aut quænam sint stili elementa, ex quorum diversa applicatione nascitur tanta Scriptorum diversitas; dico, eos, qui de Stilo Authorum rectum ferre volunt iudicium, ad sequentia stili elementa attendere posse, sit:

1. *Materia*, quam author tractat.
2. *Inventio*, qua materiam considerat.
3. *Consilium*, quo considerationem suam providè ad suum scopum ordinat.
4. *Affectus*, quos fovet Author, aut concitat.
5. *Voces*, quibus sua sensa explicat.
6. *Epitheta*, quibus objecta implicat.
7. *Phrases*, quibus suæ mentis opinionem proponit.
8. *Particula*, quibus jungit, disjungit, aut assertioni suæ modum adjicit.
9. *Figure*, quibus modum proponendi elevat.
10. *Tropi*, quibus suos conceptus exornat.
11. *Similitudines*, quas adhibet.
12. *Exempla*, quibus utitur.
13. *Sententiæ*, aut *Proverbia*, quæ inspergit.
14. *Eruditio*, qua admirationem causet.
15. *Acute dicta*, quibus figit memoriam.

15. *Formule connectendi*, proponendi, partiendi, digrediendi, copulandi.

16. *Formule tractandi materiam*, laudandi, suadendi, reprehendendi.

17. *Ordo vocum*, epithetorum, particularum, phrasium, troporum &c. inter se.

18. *Ordo partium materiæ* inter se.

19. *Iunctura partium orationis* inter se, quæ una pars definit in alteram.

20. *Concinnitas partium Orationis* inter se, quæ metrum unius partis integræ consonat ad partem integram alteram.

21. *Numeri*, seu *Metrum* vocum maximè, initialium, & finalium in periodis, & propositionibus.

22. *Numeri*, seu *Metrum* periodorum integrarum.

23. *Harmonia* ac *Symmetria* præcipuarum partium materiæ & orationis inter se.

24. *Harmonia* ac *Symmetria* omnium partium materiæ & orationis inter se.

25. *Facilitas naturalis*, quam Orator aut scriptor habet ad singula.

26. *Gravitas*, quæ scriptor perpetuò serius procedit ad seria, lento affectu, nec præcipitante consilio.

27. *Authoritas*, quæ scriptor suam tatiè interponendo oraculum confidenter quasi certa & indubitata pronuntiat.

28. *Dignitas*, quæ scriptor convenientia statui eminenti profert.

29. *Combinationes* singulorum elementorum inter se.

Dum v. g. in uno scriptore dominantur affectus, & phrasæ &c. in altero inventio, & figuræ, & Ordo &c.

30. *Negationes*, seu *defectus* Elementorum dum videlicet in uno Auth. defunt phrasæ, in altero



affectus, figuræ, numerus &c. ex talium defectu scriptor præcisè non laudabilis fit.

31. *Vitia*, quibus scriptor positivè reprehensibilis fit.

Hæc sunt præcipua elementa, ad quæ attendere possumus, si de stilo Oratoris, aut ejusdemque Scriptoris judicare volumus. Porro circa singula elementa observari possunt multæ proprietates, ex quarum diversitate stili diversitates in immensum multiplicantur.

1. *Circa Materiam*. Cujus scientiæ, artis, aut facultatis objectum sit? 2. Ad quem statum hominum magis conveniat? 3. An sit universalis, particularis, singularis? 4. Cui materiæ puncto potissimum insistant? 5. An sit popularis, cujusque captui accommodata; an verò sublimis, perspicaciori intellectui pervia? 6. Quorum affectuum potissimum objectum sit. 7. An Author multa paucis; an verò pauca multis dicere soleat? 8. An Author materiam in pauca, multave, & quot membra dissecet? 9. An Author membra materiæ ordinatè proponat, an confusè? 10. An Author membra materiæ sic contracto attentionis spatio ob oculos ponat, ut conjunctim uno obtutu comprehendere possint; an verò ea in tam diffusa spacia sparsim proponat, ut totum objectum difficulter videri queat? 11. An Author materiam breviter tractet, an verò enucleatè longius expendat? 12. An Author crebram afferat rerum frequentiam, tot propemodum involvendo nova attentionis objecta, quot constructiones, aut periodos? 13. An Author rerum varietate perpetua delectetur? 14. An Author quibusdam punctis, & quibus longius immoretur? aut sæpius inhæreat? quàm longè; aut quàm frequenter? 15. An Author adjuncta, relationes, par-

tes,

tes, proprietates, causas, effectus, essentiam exponere soleat.

2. *Circa Inventionem*, an fecundus sit in argumentis excogitandis, & circumstantiis expendendis? 2. An Author sit subtilis in reflexionibus, argumentis, ac observationibus parum alioquin obviis? 3. Quibusnam locis Rhetoricis, aut Topicis author uti soleat? an definitione? divisione? proprietatibus, causis, effectibus, adjunctis, similitudine &c. 4. Quibusnam autoritatibus communiter uti soleat? 5. Quarum scientiarum, artium, notitiarumve subsidio pro argumentis uti soleat? 6. Quibus præjudiciis, suppositionibus, ac receptis semel opinionibus inniti soleat? 7. Quas sententias, systema, ac corpus doctrinæ foveat? 8. An materiam exhauriat, considerando omnia, quæ in ea considerari possent, aut deberent? 9. An solidè discurrat, legitimè inferendo unum ex alio? 10. An dubia, & difficultates dissimulet ac reticeat? 11. An dubia rectè solvat: 12. An assensum moderetur juxta merita causæ, adhibendo dubium in dubiis an verò metas probabilitatis transiliat? 13. An non multa immiscere soleat ad scopum, ad vim argumenti impertinentia? An soleat asserere, quæ sibi videntur veriora? 15. An non præbeat indicia dispositionum mentis veritati inimicarum, & qualium? tales dispositiones essent, affectio ad hanc vel illam opinionem. servilis nimis ad auctoritatem hominis fallibilis, affixio mentis ad res, ludicras minimè serias, projectæ nugacitas, defectus eruditionis, exercitationis claritatis, ordinis &c.

3. *Circa consilium*, seu *Prudentiam*, an suggerat media ad quoslibet fines authoris, vel lectoris accomoda, faciliora, breviora, certiora? 1. An providè omnia orationis, aut

scripti membra disponat ad obtinendum assensum, videlicet removendo omnia, quæ intellectum impediunt à comprehendenda veritate; resecando inutilia, evitando prolixitatem, sopiendo tumultum passionum veritati adversantium, vitando exaggerationes, levissimas objectiones prætereundo, aut tractando levissimè, non immorando dubiis, nec insisterendo incertis principiis; non multum probando ea, quæ jam per se clara, concessa, aut minimè controversa sunt, prout faciunt multi concionatores, sæpe probando multis textibus propositiones, etiam rusticis persuasissimas. 3. An vim eloquentiæ adhibeat eo loco, ac tempore, quo opportunum est, videlicet in re levi non insisterendo acriter & tota contentione animi; in re maximè seria tractando graviter, sine argutiarum levitatibus; cursum affectuum non interpellando objectis attentionem ad longè alios affectus avocantibus, descriptiones floridas, aut narrationes ad motum inutiles non collocando in Epilogo, aut eo loco, ubi tota attentio ad objecta affectuum fecunda colligi debet. 4. An eruditionem expectantibus offerat, an verò invitis obtrudat? sicque, dum admirationem concitare cupit, ostentationis notam incurrat? 5. An dicat accommodè ad auditores vel lectores, si sint docti, vel indocti, juvenes, vel senes? 6. An affectus nitatur extrudere, an verò provocare? cum enim affectus via connaturali sequantur ad apprehensionem intellectus, modus violentus ac minimè naturalis erit, elicere velle affectus, nisi prius animo audientium ac legentium ea objecta impressa fuerint, quæ ultrò fecunditate sua affectum intentum pariant. 7. An author sic procedat, ut ad singula membra dicere possit rationem? *cur hoc dicat?* & *cur hoc loco dicat?* & *cur non alio loco, aut alia*

alio modo dicat? 8. An soleat immorari minutis nulla attentione dignis, earumque amplificationi indulgere? 9. An rebus attentione dignis pro earum dignitate satis, ac ornatè insistat? an verò talibus rebus nimia brevitate dignitatem adimat? 10. An per inductionem rerum audienti non satis cognitarum, atque per exempla, proverbias erudita sic festinanter discurrat, ut memoriae, ac phantasiae audientis parum, plus nihilo præcisè inhæreat, sicque aut fastidium creet, aut matricem affectuum, comprehensionem claram objecti animis minime ingerat? 11. An objecta distincta attentione digna etiam distinctim proponat, ut ipsa sui positione specialem attentionem excitent? 12. An narrationi, & instructioni debitam claritatem, contentioni vehementiam, conclusioni vim motumque conciliet? 13. Quos author speciales fines sui laboris sibi constituat?

*Circa affectus.* Quos affectus Author in se exprimat? 2. Quos affectus Author legenti vel audienti ingerat? 3. Quænam sint objecta, circa quæ affectus versantur? 4. Quænam sint objecta, ex quorum consideratione ii affectus nascuntur? 5. Quinam sint affectus pravii, per quos tacitè vel expressè transitur ad affectum intentum v. g. habet quis affectum desiderii? necesse est, ut prius objectum amoris & ante affectum amoris necesse est, ut præcedat affectus admirationis, quo objectum amandum admiratur. 6. Quinam affectus connaturaliter sequantur ad affectum, de quo agitur: v. g. habet quis affectum desiderii? connaturaliter sequitur spes obtinendi bonum desideratum, vel amittendi metus; sequitur etiam Zelotipia, audacia, consternatio &c. 7. Quænam sint objecta raliū affectuum antecedentium,

vel subsequendum. 8. Quàm frequenter tales affectus in Authore occurrant? 9. Quibus loquendi formulis tales affectus exprimantur? 10. An Author eundo per affectus sequatur eorundem ordinem naturalem? an verò saliat ab uno ad alterum non satis propinquum? aut omnino non connexum? 11. an servet ordinem affectuum tacitè solùm, an verò expressè. An prorumpat in affectus ex matura consideratione objecti? an verò ex levi? aut omnino nulla? postremus enim modus est prorsus innaturalis, & frequens in libellis Meditationum, in quibus occurrunt empti affectus, nullatenus tamen animant commoventes, quia non reperiunt mentem, tanquam matricem, previis considerationibus, ac affectibus ordine naturæ præparatam. Ut verò hoc examen affectuum ritè instituamus, necesse est, ut ordinem naturalem affectuum rectè perspectum habeamus: is ex Cartesio est sequens.

*Primus affectus est Admiratio*, qua anima occupatur in attenta consideratione objecti quod ipsi videtur rarum, ac extraordinarium. *Admiratio*, dum magnitudinem vel parvitatem objecti considerat, parit *Existimationem* vel *Contemptum* objecti. Dumque eam æstimationem vel contemptum ad nos ipsos referimus, oritur *superbia* vel *Humilitas*, *Generositas*, vel *Abjectio*. Dum verò eam æstimationem vel contemptum ad alias causas liberas referimus, oritur *Veneratio*, vel *despectus*. Ac denique, quando præter existimationem aut contemptum rei consideramus objectum, ut nobis bonum vel malum, oritur *amor* vel *odium*.

*Secundus Affectus est Amor vel Odium*. Ex amore nascitur *benevolentia*, *desiderium*, *cupiditas*, *amicitia*, *devotio*, *veneratio*.

*Explicata & Demonstr. Pars VII.* 491  
*complacentia.* Ex odio nascuntur affectus op-  
positi.

*Tertius affectus est Cupiditas*, qua appeti-  
mus præsentiam boni absentis, conservatio-  
nem boni præsentis, & absentiam mali tam  
præsentis, quàm futuri. Ex cupiditate, dum  
acquisitio boni apparet facilis aut difficilis,  
oritur *spes*, aut *metus*. *Spes* summa vocatur  
*securitas*; *metus* extremus vocatur *desperatio*.  
Quando *spes* aut *metus* fundatur in considera-  
tione aliorum hominum facilitatem aut diffi-  
cultatem augmentum, nascitur *Zelotypia*, seu  
*emulatio*. Atque sic speramus, aut metui-  
mus, dum eventus rei expectatæ nullo mo-  
do à nobis pendet: dum verò à nobis pendet,  
oritur obdubium de electione mediorum *ani-  
mi fluctuatio*, *animositas*, *audacia*, *pussillanimi-  
tas*, *consternatio*, *morbus conscientia*.

*Quartus affectus est Latitia, vel Tristitia.* Ex  
his nascitur *irrisio*, erga homines dignos ma-  
lo, quod illis illatum esse gaudemus; aut *in-  
vidia*, si alios bono, quod illis evenire tri-  
stamur, indignos æstimamus; aut *commise-  
ratio*, quando tristamur de malo bonis illato.  
Quando causam boni vel mali in nobis ipsis  
spectamus, nascitur *acquiescentia*, vel *pœni-  
tentia*. Quando bonum consideramus ab aliis,  
sed aliis præstitum, nascitur *favor*; si nobis  
præstitum, *gratitudo*. Quando malum con-  
sideramus, ut ab aliis, sed aliis illatum, nasci-  
tur *indignatio*, si nobis illatum, *ira* bo-  
num vel malum in nobis existens, ut refertur  
ad opinionem hominum, parit *gloriam* vel  
*pudorem*.

Hucusque Recensita pertinent ad objectum  
vel mentem Authoris, quæ vocibus & stilo  
scribentis significantur; quæque in diversis  
Authoribus eadem materia scribentibus di-  
versa esse solent; nunc de reliquis elementis  
pergamus.

5. *Circa Voces* considerandum 1. An Author habeat verbotum *copiam*, ut eandem rem pluribus vocibus designare sciat? An habeat voces *significantes*, quæ rem & modum rei accuratè indicent? 3. An habeat *voces proprias*, quæ in sensu proprio rem significant? 4. An & quibus utatur vocibus *rerioribus*? 5. An & quibus utatur vocibus *barbaris*? 6. An & quibus utatur vocibus noviter à se primùm inventis? 7. An frequenter pro nomine specifico utatur nomine generico, aut individuali? v. g. si nominare volens *eloquentiam* utatur nomine *Artis*? 8. An frequenter loco definiti ponat definitionem v. g. loco *eloquentia* ponendo *Artem bene differendi*? 9. Quando eadem res pluribus vocibus exprimi potest, an utatur vocibus selectioribus? 10. An crebris utatur substantivis loco epithetorum. v. g. si nominare voluerit *virum prudentem* de *eximia viri prudentia* sermonem faciat; si vulgè loqui de *devotione fervida*, *devotionis fervorem* nominet? 11. An libenter plura substantiva, aut verba conglomeret. verb. grat. si dicat: *Nemini pietate, iustitia fortitudine cessit*. Et quod talia conglomerare soleat, an tria, quatuor, vel quinque? 12. An libenter conglomeret plura synonyma: v. g. si dicat. *Summa est discendi facultas, copia, ac ubertas*. 13. An usus sit vocibus antiquis, quorum usus inveteravit? 14. An usus sit vocibus novis artium rituumque novorum usu susceptis? 15. An usus sit vocibus gravibus, ac à familiari usu remotis?

6. *In EPITHETIS* notandum 1. An crebris utatur epithetis? 2. An conglomeret plura epitheta? 3. An conglomeret plura epitheta tantum synonyma? 4. An in epithetis frequenter utatur superlativo? 5. An, dum in epithetis utitur superlativo, utatur forma

forma superlativi ordinaria, an verò illum exprimat per adverbia augmentum indicantia, verb. gr. dum vult dicere; maximus; dicat: *valde magnus*; *satis magnus*. *bene magnus*. 6. An epitheta sint utilia vel non ad declarandam rem, an verò tantum addantur ob numerum Orationis explendum verbi gratia si dicerem *alba nix*, neque enim hoc epithetum novum quid diceret, quod non intelligerem per solam vocem *nivis*? 7. An epithetis non tantum utilitas insit, sed etiam specialis vis? quod tunc fit, quando per epitheta indicantur ex proprietates objecti, quarum consideratio specialiter intellectum convincit, aut affectum movet. 8. A quali proprietate, aut circumstantia objecti sua epitheta desumere soleat? verb. gr. si quis frequentissimè, dum de Oratione loquitur, eam nominet *devotam*, vel *solatiosam*, facillè intelligo, hujus Authoris objectum attentionis præcipuè esse *devotionem*, aut *solatium*. Undè autem epitheta desumantur, patet ex his versiculis.

Quis? quid? agens? patiens? quantumque?  
ubi? qualia tempus?

Vel

Quis? quid? ubi? quibus auxiliis? cur? quomodo? quando?

Omne enim epithetum sumitur vel à personâ, vel re, actione, passione, quantitate, loco, qualitate, tempore, causa efficiente, materia, forma, causa finali; & sicut Authores ad diversa attributa objecti suam attentionem applicare solent, ita etiâ iisdem rebus solent attribuire diversa epitheta: aliqui Authores considerant objectum sub hac relatione, alii sub alia: aut certè discoveniunt sæpe Authores in cōplexo epithetorum, quod eidem rei hinc inde in suis libris attri-



attribuunt. 9. An Author habeat modum variandi epitheta per opposita & negationes v. g. loco epitheti *doctus* ponendo; *non indoctus*, *non ignarus*, *minimè rudis* &c. 10. An habeat epitheta tam significantia, ut adaequant meritum objecti?

7. Circa Phrases. Notandum 1. An nullos contineant sollœcismos contra leges Grammaticæ v. g. pro Coniunctivo sumendo Indicativum, quod familiare est Scriptoribus sæculi 13. 14. 15. dicunt enim v. g. *scribitur*, *quod fuit bellum loco fuit*. Notetur autem, quales sint sollœcismi Authori frequentes, & quàm frequenter? 2. An phrases Author breves & adstrictas, an verò longas amet? 3. An apparatus phrasium locupletem habeat? 4. An habeat phrases Poetis magis, quàm aliis Scriptoribus usitiores? & quas? 4. An adhibeat phrases rariores, aut selectiores? & quas? 5. An delectetur phrasibus grandioribus ac elatioribus, quod fit, si phrasis constet verbis grandioribus, aut rarioribus? An delectetur usu frequentis phrasium rariorum, & quàm frequenti? 7. Quo loco, occasione, & opportunitate adhibere soleat phrases? neque enim elegantia phrasium convenienter cuivis materiæ convenit. 8. An & qualem variationem phrasium amet? videlicet an per Syntaxin? v. g. *vir multa eruditionis*; *magna est viri eruditio*; Vel per synonymorum substitutionem v. g. *præclare eruditionis*; *eximia cognitionis*. Vel per appositionem adverbiorum, v. g. *vir per quam doctus*. Vel per comparisonem, v. g. *haud quisquam alius tam doctus*. Vel per appositionem substantivorum v. g. *in omnium artium disciplina versatus*. Vel per opposita & negationes v. g. *omnis ignorantia hostis*; *nullius non amator scientiæ*. 9. An Author simplici, an bimbembri, aut

erimembri phrasi delectetur? v. g. *vir omni eruditione conspicuus*, & *scientia admirandus*. 10. Qualeni Author varietatem habeat in æquipollentibus v. g. *pro omni*, ponendo, *nemo non*, *haud ullus*, *qui non* &c. 11. Qualiter se Author habeat in varietate comparativorum, vel superlativorum? v. g. si dicere velit: *Cicero Platone eloquentior*, dicat: *magis eloquens*, *quàm Plato*; *superat Platonem eloquentia* &c. Vel loco hujus: *Cicero eloquentissimus*, dicat: *Nihil illo eloquentius*; *nemo tam eloquens*, *nemo eloquentior*, *vir maximè omnium eloquens* &c. 12. Qualiter se habeat in variatione gerundiorum; participiorum, & futuri? verb. grat. si vult dicere: *venit*, ut *doceret litteras*; dicat: *venit doctum litteras*, *ad docendum litteras*, *ad docendas litteras*, *gratia docendi litteras*, *gratia docendarum litterarum*, *venit docere litteras*, *venit docturus litteras*. 13. Quas phrasium quasi figuras amet? tales sunt quadam formulæ interrogandi, concedendi, imperandi, optandi, corrigendi, opponendi, hasitandi, &c. v. g. *Ecquid hoc dicto elegantius?* *vide*, *quæ in verbis eleganti*. *Cave*, *hic quidquam inelegans existimes*. *Esto*, *neglecta quandoque illi fluat Oratio*, *at nunquam barbara*. *Quàm cuperem*, *hanc omnes æstimarent elegantiam*. *Faciant superi*, *ut hanc omnes assequantur elegantiam*. *Pura illi*, *imò exquisitè elegans fuit Oratio*. Si profusior quandoque sermo, certè non, *inelegans*. 14. Quando idem verbum diversos casus admittit, in quo casu Author illud frequentius usurpare soleat? sic dicitur *abhorreo* ab hac re, & istam rem. *Abstineo* illo, ab illo; me ab illo. *Aquiesco* huic rei, & hac in re. *Accuso* te furti, de furto, tuum furtum. *Adco* te, & ad te. *Adhortor* te ad virtutem, & de virtute. *Aspergo* tibi labem,

beni, & labe te. *Antecedo, anteeo, anteflo* te, & tibi. *Attendo, te & tibi. Capax* multorum, ad multa. *Conducit* huic rei, & ad hanc rem. *Consentio* tibi tecum &c. talia sunt plurima, quæ in diversis casibus exprimi possunt. 15. Quando eadem veritas diversis phrasibus significari potest, aut synonymis, aut æquivalentibus, quamquam Author familiarius uti soleat? 16. An non utatur phrasibus petitis ex vernacula lingua, aut quacunque alia non latina? & quænam sint ex Authoris phrasēs? tales phrasēs sunt; *bene* sedere, pro *commode*. *Bona* vel *mala* auras pro *sereno* aut *nubilo* cælo. *Cor non habet*, ut faciat; pro *animus illi deest*; *ex corde amare*, pro, *amicè complecti*. *Facere conscientiam*, pro, *ducere religioni*; *vivere in pace*, pro, *tranquillè* &c. tales idiotismos plures Germanicos exhibet Buchlerus, & Manfennius. 17. An Author insistat idiotismis Latinæ linguæ, dum fiet occasio? & quibus? tales sunt verb. *gratia non sum ferendo, fac valeas, nunc temporis, principi à consiliis, male audit* &c. 18. An Author utatur idiotismis linguæ Græcæ? 1. Per Enallagen in nominibus adjectiva neutra pro substantivis adhibendo verb. gr. *varium* & *mutabile semper femina*; *triste lupus stabulis*. 2. Usurpando adjectiva neutra loco adverbiorum. verb. gr. *ditum minatur, immane infrenuit*. 3. Adjectiva per modum substantivi sumpta conjungendo cum genitivo verb. gr. *lubricum juventa, incerta viarum, opaca silvarum* &c. 4. Infinitivum adhibendo pro substantivo v. gr. *Gaudet aspici, amat videri, cereus in vitium flecti, audax perpeti*. 5. in quibusdam verbis abstinendi, appetendi &c. genitivo more Græcorum uti. verb. gr. *desine mollium querelarum, abstine irarum*. Vel dativo uti verb. gr. *Solus tibi certet Amyntas*. 6. Per

Ellipsin aliquid reticendo v.g. *opinio falsa occupavit*, videlicet, animos. *Jam venti posuere* subintellige; vim suam. 19. Qualem Author in phrasibus suis constructionis ordinem servet? 1. A superlativis ac comparativis incipiat & claudat periodum; verb. g. *Illustrius nihil est virtute*: an in decursu sermonis superlativa & comparativa substantivis postponat? 2. An nomina propria in principio sermonis ab initio ponat, nisi agatur de laude vel vituperio, ubi postponi solent. v. g. *summum eloquentiæ decus Cicero*. 3. An verba ad finem constructionis ponere soleat, nisi fortè ad finem nomina polysyllaba occurrant, quibus verba ultimum locum cedere solent verb. gr. *Ornat Ciceronem decus eloquentiæ*. 4. An *to' omnis*, nullus, nemo &c. suis substantivis postponantur, aut claudant omnino sententiam. 5. An inter substantivum & adjectivum interponatur verbum, aut præpositio? verb. gratia *magno delectat opere*. *Maximas ad res*. *Ornatissimo in loco*. 6. An particulas comparativas, ac relativas inter consonantia aut opposita inmediate jungat verb. gratia *doctus magis, quam pius*; an verò sic? *magis doctus; quam pius*. Vel *erat illi exosus, ita, ut etiam mortem frueret*: Vel sic? *erat illi ita exosus*? 7. An adjectivum præcedat substantivum, nisi hoc foret polysyllabum v. gr. *dissimilitudo inter Oratores bonor maior est*. 8. Qualem locum Author tribuat in constructione nominativo, genitivo, dativo, accusativo, ablativo? verb. gr. *re intellecta venit*. ubi ablativus absolutè positus rectè in principio ponitur. Vel *Ciceroni qui se tradunt, optimum elegerunt*. Vel. *Amicorum officia implorat*. 9. An particulas relativas, *qui, quæ, quod*, præponat, verb. gr. *quas mihi dedisti litteras, fuerunt suavissima*. 20. An

20. An Coniunctivo tempore utatur loco indicati-  
civi, vel sine particula coniunctiva, ut?  
v.g. *hoc velim existimes; rem non ingratam fe-*  
*ceris. Cum tuis, precor, amicis expendas.* Idem  
est de Imperativo v.g. *malo, ipse venias. mul-*  
*tos evolauit libros, necesse est.* 21. An utatur  
particulis duplicatis verb. gr. *utut, quoquo,*  
*ubi ubi, quantur quantus* &c. 22. An for-  
tè Author in his phrasum proprietatibus  
nullam uniformem ac constantem seruet le-  
gem?

3. *Circa particulas* notandum 1. an sem-  
per iisdem Author utatur particulis copulati-  
vis, disiunctivis, collectivis &c. an verò va-  
riet. v.g. *sumendo nunc* & *alias, atque, ac,*  
*que.* 9. An conglomeret substantiva, verba,  
vel epitheta absque particula copulativa. *Ex*  
v.g. *vincit pietate, fortitudine, iustitia.* Vel.  
*Christus vivit, Christus regnat, Christus Im-*  
*perat, ubi integræ propositiones sine particu-*  
*la copulativa coniunguntur.* 3. An soleat  
repetere particulam copulativam v.g. *Petrum*  
& *miror* & *diligo.* 4. An hanc ingemina-  
tionem particulæ copulativæ soleat adhibere  
otiosè, an verò utiliter, dum videlicet ad  
singula verba specialem attentionem excita-  
re intendit. v.g. *Miramur, Ciceronem* & *elo-*  
*quentia, & scientia, & omni virtute excel-*  
*lere.* 5. An particulis suam strictam signifi-  
candi vim tribuat? sic in rigore *to* apud si-  
gnificat locum, *penes* verò potestatem. v.g.  
*apud me* est liber etiam alienus: *penes me* est  
liber etiam proprius. Ergo & igitur brevior-  
ibus serviunt conclusionibus. *Quare, qua-*  
*propter, quomobrem* maioribus. *Hic* & *iste* pro-  
ximos adstantes, *ille* remotos, *is* plane ab-  
sentes plerumque refert. 6. Quando idem  
sensus diversus diversis particulis reddi po-  
test; quibus Author uti soleat? verb. gr. *ex*  
*meo* solvam. *De meo* non feci, quò te afflige-  
rem,

rem, ideo ut. Extra sacerdotes nemo adfuit, prater. Boni juxta malique affliguntur. Boni simul ac mali. Quid omnia est, quod moritur. Tandem, prorsus. Per invidiam perit, propter. Propd erat, ut assentirer. Penè assentiebar. Quin ipse adero; imò hac super rescribam. de re. Plura similia reperies in Turfelino, speciali libello de particulis scripto.

8. Circa figuras observandum 1. quibus frequentius uti soleat? hæc autem sunt 1. Prolepsis, seu anticipatio, quando totum prius dicitur, ac dein per partes describitur. v.g. radix omnium malorum cupiditas, hic injustitia, illic homicidii &c. 2. Zsyzyga, seu conjunctio, dum uno verbo plures sententia connectuntur v.g. vicit pudorem libido, timorem audacia, rationem amentia. 3. Hypozeusis, seu subjunctio, dum diversis rebus singula verba attribuuntur. v.gr. violentaque pectora Turni edocet, humanis, quæ sit fiducia rebus, admonet. 4. Syllepsis, seu conceptio. Quando singularis dictio plurali verbo redditur, vel econtrà; v.g. sunt nobis mitia poma, castaneæ molles, & pressi copia lactis. Et. Hic illius arma, hic currus fuit. 5. Asyndeton, seu dissolutum, ubi omittitur inter propositiones conjunctio v.gr. ferte citi ferrum, date tela, impellite remos. Idem est de substantivis dissolutè positis. 6. Polysyndeton verb.gr. Athamasque, Thoasque, Pelidesque Neoptolemus, primusque Machaon. 7. Reduplicatio, v.g. sit Tityrus Orpheus, Orpheus in sylvis. 8. Repetitio vel verbi, vel substantivi, vel pronominis. v.g. crescit amor nummi, quantum ipsa pecunia crescit. Nate mea vires, mea magna potentia solus, Nate patris summi, qui tela typhoea temnis. Meme, adsum qui feci, in me convertite ferrum. 9. Schesis. onomaton. quando singulis substantivis sua attri-

attribuuntur epitheta, verb. gr. *Marsa manus*, *peligna choros*, *festina virum vis*. 10. Similiter cadentia ver. gr. eos reduci, quàm relinqui, temni quàm deseri malui. 11. Similiter terminantia. verb. gratia mœrentes, flentes, lacrymantes, ac miserantes. 12. Gradatio. verb. gr. *industria virtutem parit*, *virtus gloriam*, *gloria invidiam*. 13. Interrogatio. 14. Correctio. 15. Exclamatio. 16. Antithesis, seu oppositio. 17. Apostrophe. 18. Præteritio. 19. Prosopopœja, seu fictæ personæ inductio. 20. Præoccupatio. Hæ figuræ communiores sunt. Plures reperies in iis, qui de Arte scribunt Rhetorica. 2. Observandum, quam crebrò Author hac vel illa figura utatur? 3. Quam adhibeat variationem figurarum? 4. An otiosas figuras adhibeat? an verò cum vi? 5. An figuras accommodet exigentiæ materiæ? & in quibus occasionibus eas adhibeat? 6. An calidas, vibrantesque præ cæteris figuras amet? 7. An figuras verbis exornet? an verò nudè eas proponat? 8. An figuras plures, aut easdem quandoque conglomeret v. g. opposita, seu antitheses? 9. An per Antitheses supra expectationem hominum vehementer attentionem excitet, memoriam figat, aut voluntatem moveat, & intellectum convincat?

9. *Circa Tropos* advertendum 1. Quos Author communius adhibeat? sunt autem communiores 1. Metaphora, seu vocis ab una significatione ad aliam translatio ob Analogiam rerum. verb. gratia classique immittit. *babenas*. *Petra erat Christus*. 2. Metathesis, sumendo loco subsequentium antecedentia, vel econtrà. verb. gratia post aliquot mea regna videns mirabor *aristas*. 3. Metonymia, sumendo contentum pro continente; vel econverso. Vel inventorem pro re inventa.

venti. 4. Antonomasia, per nomen generale per excellentiam intelligendo rem singularem v. gr. per *Philosophum* Aristotelem. 5. Synecdoche sumendo partem pro toto. 6. Periphrasis, seu circumscriptio. 7. Hyperbole, seu ementiens superjectio. 9. Transpositio v. gr. Transtra per & remos. 10. Parentheses. 11. Allegoria. 12. Epexegetis, seu, prioris dicti expositio v. g. *Tolle fuga Turnum, atque instantibus eripe fatis.* 13. Emphasis, quando plus significatur, quam verba petunt. Plures Troporum modos recensent, qui de his agunt: 2. An crebrius utatur tropis? 3. An iisdem, an diversis? An obscuris, vel clavis? 5. An elatis, non statim obviis? 6. An remotè quæsitis? 7. An audacibus? 8. An habeant ii tropi vim specialem significandi?

10. *Circa similitudines.* 1. A quibus rebus communiter sumat similitudinem? 2. An illæ res sint illustres, aut abjectæ insigniter? 3. An sint similitudines propinquæ, & accuratæ? 4. An habeant vim probandi? an verò tantum sensum animi explicandi? 5. An sint frequentes? 6. An sint uno tantum verbo, aut brevibus comprehensæ? aut longius deductæ.

11. *Circa exempla.* 1. Ex quibus fontibus, vel Authoribus, vel documentis desumpta? 2. An fide digna, aut certè examine? 3. Circa quas actiones, aut personas illa plerumque versentur? 4. An sint crebra? 5. An brevibus terminis concepta? 6. An stilo elatiore edita.

12. *Circa sententias aut Proverbia.* 1. An sint frequentes? 2. An sint conglobatæ? 3. An fortè Author formet integrum corpus sententiarum, ut Seneca? quo casu advertendum, quot sententiis communiter Author sermonem evolvat? 4. An sint graves sententiæ? 5. An per modum epiphonematis communiter clau.



claudant sermonem; aut econtrà illum inchoent? 6. Circa quæ objecta communiter versentur? 7. An illæ sententiæ sint ex aliis authoribus desumptæ? & ex quibus? An verò plurimum ab Authore formatæ. 8. An non frequenter plures sententiæ in eundem sensum recidunt?

13. *Circa Eruditionem.* 1. Qualem Author monstret in linguis? & quibus? 2. Qualem in antiquitatibus? & quibus? 3. In Scientiis & artibus? & quibus? 4. In historiis? & quibus? 5. In negotiis humanis, & vita civili? 6. An illa eruditio sit magna? 7. An frequenter occurrat? 8. An Author eruditionem fusè expandat, ac explicet? 9. An Author tantum quandoque ad similia eruditionis objecta alludat? 10. An eruditionem opportuno loco, ita poscente materia, afferat? an verò sit affectata?

14. *Circa acutè dicta.* 1. An sint frequentia? 2. An sint densa ac conglobata? 3. An consistant in lusu verborum? aut rerum? 4. An sint obscura? 5. An retegant attributum rei attentione ac memoria dignum? 7. An sint frigida? eo quidd vel non dicant aliquid novi & inexpectati, vel, quidd id non sit attentione dignum; vel non habeat verisimilitudinem. 7. Circa quæ objecta? aut quas objecti proprietates frequentius versentur? aut circa quæ verba? 8. An sint nervosa? 9. An adhibeantur pro facto illustri animo defigendo, an verò serpent circa humilia objecta?

15. *Circa formulas connectendi &c.* 1. Quales habeat: tales sunt plurimæ. verb. gr. itaque, igitur, sed verò, quia verò, &, atque &c. 2. An soleat transire ab una veritate ad aliam absque particulis connexivis, servata sola connexione veritatum inter se, 3. An rem in multas, aut paucas, & quot soleat divi.

dividere? 4. An dividat usque in partes minutissimas? 5. An sequatur divisionem Methodicam, & scientificam? an naturalem? an nullam? 6. An frequentes faciat digestiones? 7. An longas? 8. Circa quæ objecta? 9. An faciat propositionem? 10. An claram.

16. *Circa formulas laudandi &c.* 1. An convenienti utatur ad subjectam materiam stilo, in laudibus amplo, in suadendo conciso, in reprehendendo concitato? &c. 2. Ad quas proprietates & attributa objecti Author potissimum respiciat, laudando, reprehendendo?

17. *Circa Ordinem vocum* 1. An minus præcedat majus in ascendendo. 2. An ea, quæ distinctam vim continent, ipsa sui positione distinguant? 3. An ea, quæ ad invicem referuntur, proximè, quàm fieri potest, juxta se invicem collocentur? 4. An Author dispersione partium referat modulos Poeticos, & fragmenta versuum? 5. An id frequens sit? an nunquam? an rarò?

18. *Circa Ordinem partium materiae.* 1. An præcipua attentionis objecta distinctè collocentur, ut partes primariæ ordinati ædificii? 2. An una pars sua sponte attentionem ac considerationem nostram ad reliquas partes, ut quasi eas exigat, sicut fit in ordinato ædificio. 3. An attentio perpetua ad partes præcipuas, & ad relationem earum ad invicem non turbetur aliis objectis incidentibus, attentionem avocantibus? 4. Qualem Author amet ordinem argumentorum? an incipiat à narratione? à definitione? ab auctoritate &c. 5. Quo loco inspergere soleat affectus? an in fine? an data hinc inde opportunitate. 6. An Author nullum habeat ordinem materiæ?

19. *Circa Juncturam partium Orationis.*

1. An

1. An Author inexpectatè abruptat sensum, quem materia provehi ulterius cuperet? 2. An etiam numerus periodi sit ineleganter fractus, ac incompletus? 3. An utatur verbis terminantibus, & incipientibus, quæ difficulter concurrunt, verb. gr. ob collisas plures vocales? 4. An sic plures consonantes conjungat, ut difficilis sint pronuntiationis. 5. An multas incidenter propositiones immisceat?

20. *Circa continuitatem* partium inter se 1. An Author inæquali prorsus numero procedat, nunc impetu profiliendo, nunc subsistendo, nunc rursus gradiendo? an verò æquali stilo cursum emctiatur? 2. An sic propositiones numeris suis consonent, ut similitudine quadam metrum aliquod æmulentur? 3. An periodi brevitate aut longitudine notabiliter differant? & modò breves, modò longæ sibi inæqualiter permisceantur?

21. 22. *De Numeris & Metro* agam Cap. sequente.

23. 24. *Circa Harmoniam* partium inter se observandum 1. An stilius unius partis conveniat cum stilo alterius? 2. An materia omnium partium collimet ad unum scopum? 3. An partes omnes se invicem exigant, aut juvent ad finem principalem? 4. An affectus hinc inde suscitati non se invicem destruant, aut turbent, sed se invicem juvent ad finem principalem? 5. An una pars non sit immaniter longior altera? 6. An totum corpus doctrinæ brevi aliquo systemate exhiberi possit? & quo? 7. An omnium partium possit reddi ratio, cur hoc loco positæ, hoc phrasi exornatæ his figuris, ac formulis comprehensæ, ac metro conclusæ sint?

25. 26. 27. 28. non egent alia observatione, de 29. 30. 31. agam C. 5.

CAP.

C A P. IV.

*Quomodo Authores etiam soluta Oratione  
scribentes in Numeris ac Metro  
differant, nova Regula ex-  
plicatur.*

**O**Ratio ligata & resoluta in hoc differunt, quòd hæc nulla determinata ac constanti mensura verborum evolvatur; illa verò ad eam mensuram alligetur. Itaque propriè loquendo Oratio soluta Metrum nullum habet, nec Metrica vocari potest; habere tamen eam aliquam similitudinem Metri, ac aliquando ad Hexametra, aliàs ad Pentametra, ad Jambos, aut Saphica &c. quàm proximè accedere, sicque infinitam Scriptorum varietatem inducere, præsentì Capitulo ostendam.

Dico itaque, quòd singulæ propositiones solutæ Orationis totidem versus, periodi verò carmen aut Heroicum, aut Elegiacum, aut Saphichum, aut Jambicum, aut aliud quodvis Carminis genus æmulentur: similitudinem desumo à pedibus initialibus, finalibus, & in medio prædominantibus, seu frequentius occurrentibus. pedum verò similitudinem desumo non ex regulis Prologiæ, sed ex auditu. In propositionibus numero verba, in periodis numero propositiones tanquam totidem versus; in integro Authoris opere numero periodos; sicque ex collatione versuum, & carminum in toto opere dominantium determino Harmoniæ modulum in animo Authoris dominantem. Merè procedere ex sequentibus propositionibus manifestum fiet.

**PROPOSITIO 1.** *Aristoteles, Cicero, Amoris Philosoph. T. V. Y — Quint-*

Quintilianus in initio, sine, ac etiam decur-  
 su Periodorum dominari pedes quosdam observa-  
 runt. Aristoteles L. 3. Rhet. C. 8. sic ait: fi-  
 gura Orationis illa maximè probatur, quæ  
 non sinè numero est. Numerus autem rhyt-  
 mus est, cujus mensuræ decisiones sunt. Qua-  
 re numerum habebit Oratio, non tamen om-  
 nino exquisitum, qualis esset, si ad aliquam  
 determinatam mensuram inesset. Numerus  
 Heroicus est amplus, elegans, & egens harmo-  
 niz. Jambicus verò numerus Oratio multo-  
 rum est. Trochaicus numerus tripudiis aptior  
 est. Tertius numerus est Pæan, qui ex præ-  
 dictis constat. Sunt enim tria ad duo, cum  
 alter illorum unum ad unum sit, alter duo  
 ad unum. Quibus proportionibus sesquiter-  
 tia constat, & hæc est Pæan, Impræsentia-  
 rum uno pæanc incipientes etiam utun-  
 tur: sed oportet exitum à principio differ-  
 re: nam cum sint duo inter se opposita Pæ-  
 anis genera, unum, in quo prima produ-  
 cta est, quam tres breves sequuntur, hoc  
 principiis congruit, sicut & utuntur; al-  
 terum genus Pæanis, in quo tres breves  
 præcedunt, ultima producit, finem incom-  
 modum facit. Oportet igitur producta dis-  
 separare, at finis sermonis adesse cognosca-  
 tur.

„ Cicero L. 3. de Orat. num. 29. sic ait: Ve-  
 „ teres in soluta Oratione versus prope-  
 „ modum, hoc est numeros quosdam no-  
 „ bis adhibendos esse putaverunt. —  
 „ Versus quidem in Oratione si efficitur:  
 „ vitium est; attamen verborum conjun-  
 „ ctionem sicuti versum numerosè cadere  
 „ volumus. — Longissima verborum  
 „ complexio est, quæ volvi uno spiritu  
 „ potest; sed hic natura modus est, artis  
 „ alius. Nam cum sint numeri plures,  
 „ Jambum & Trochæum frequentem se-  
 „ gre-

gregat Aristoteles, qui natura tamen ipsi incurrunt in sermonem nostrum. Quare primum vos ad Heroum Dactyli, & Anapæsti, & Spondæi pedem invitat, in quo impunè progredi licet duos dumtaxat pedes, aut paulò plus, ne planè in versum incidamus. Probatur autem ab illo maximè Pæan, qui est duplex; nam aut à longa oritur, quam tres breves consequuntur; ut hæc verba: desinite, comprimate, incipite; aut à brevibus tribus, extrema longa, sicut illa domuerant sonipedes; atque illi Philosopho ordiri placet à priori Pæane, posteriore finiri. Est autem Pæan hic posterior non syllabarum numero, sed aurium mensura, quod est acrius iudicium & certius, par ferè Cretico, qui est ex longa, & brevi & longa: ut. *Quid petam præsidii, aut exequar? quovis nunc?* à quo numero exorsus est Fannius. *Si Quirites minas illius.* Neque verò hæc tam acrem curam requirunt, sicut illa Poetarum, quos necessitas cogit, sic versu verba includere, ut nihil sit ne spiritu quidem minimo brevius, aut longius, quàm necesse est. Liberior est Oratio, non ut erret tamen. Namque ego illud assentior Theophrasto, qui putat Orationem, quæ quidem sit politica, non adstrictè, sed remissiùs numerosam esse oportere. Etenim sicut ille suspicatur ex illis modis, quibus hic usitatus versus efficitur, post Anapæstus, procerior quidam numerus effloruit; inde ille licentior & divitior fluxit Dythirambus, cujus membra & pedes, ut ait idem, sunt in omni locuplete Oratione diffusa. Et, si numerosum est id in

„ omnibus sonis, atque vocibus, quod ha-  
 „ bet quasdam impressiones, & quod me-  
 „ tiri possumus intervallis æqualibus, re-  
 „ Etè genus hoc numerorum, dummodo ne  
 „ continuum sit, in Orationis laude po-  
 „ netur. nam si rudis putanda est illa sinè  
 „ intervallis loquacitas perennis, quid est  
 „ causæ, cur repudietur, nisi quia homi-  
 „ num aures vocem natura modulantur ip-  
 „ sâ? quod fieri, nisi inest numerus, non  
 „ potest. Numerus autem in continuatio-  
 „ ne nullus est: distinctio est æqualium &  
 „ sæpè variorum intervallorum percussio  
 „ numerum conficit = num. 30. hanc  
 „ igitur ad legem formanda erit Oratio.  
 „ Neque vos Pœan, aut Herois ille con-  
 „ turbet, ipsi occurrent Orationi seque of-  
 „ ferent non vocati. Consuetudo modò il-  
 „ la sit scribendi & dicendi, ut senten-  
 „ tiæ verbis finiantur, eorumque verbo-  
 „ rum junctio nascatur à proceris nume-  
 „ ris, maximè Heroo: & Pœane priore,  
 „ aut Cretico, sed variè ac distinctè con-  
 „ cidat, notatur enim similitudo maximè  
 „ in quiescendo; & si primi, & postremi  
 „ illi pedes sunt hac ratione servati, me-  
 „ dii possunt latere, modò ne periodus  
 „ ipse verborum sit aut brevior, quàm au-  
 „ res expectent, aut longior, quàm vi-  
 „ res & anima patiatur. Clausulas autem  
 „ diligentius servandas arbitror, quàm su-  
 „ periora, quod in his maximè perfectio  
 „ judicatur; nam versus æquè prima, &  
 „ media, & extrema pars attenditur, in  
 „ Oratione autem prima pauci cernunt,  
 „ postrema plerique. Duo autem, aut tres  
 „ sunt ferè extremi servandi & notandi  
 „ pedes, quos aut Chorios, aut Heroos,  
 „ aut alternos esse oportebit, aut in pœa-  
 „ ne illo posteriore. Illud autem ne quis  
 „ ad-

„ admiretur , quonam modo hæc vulgus  
 „ imperitorum in audiendo notet ? cum  
 „ in omni genere , tum in hoc ipso ma-  
 „ gna quædam est vis , incredibilisque na-  
 „ turæ ; omnes enim tacito quodam sinè  
 „ arte , quæ sunt recta in artibus dijudi-  
 „ cant . Nihil est autem tam cognatum  
 „ mentibus nostris , ac numeri , & voces ,  
 „ quibus & incitatur , & incendimur , &  
 „ lenimur , & languescimus , & hilarita-  
 „ tem & tristitiam deducimur . Hucusque  
 Cicero . Ex quo clarum est , eum atten-  
 disse 1. ad pedes initiorum & clausularum.  
 2. Ad longitudinem periodorum , earun-  
 demque numeros . 3. Ad intervalla . 4. Ad  
 impressiones . 5. Ad similitudinem con-  
 structionum cum versibus , quam habent  
 ex clausulis . 6. Ad pedes in Oratione do-  
 minantes , seu frequentius occurrentes .  
 7. Ad mensuram pedum , quatenus æsti-  
 matur ex auditu , ac communi aurum ju-  
 dicio .

Quintiliannus L. 9. Instit. C. 4. sic ait : *Om-  
 nis structura , ac dimensio & copulatio vocum  
 constat aut numero , seu Rhythmis , aut Me-  
 tro . Quod etiam si utrumque constet pedibus ,  
 habet tamen non exiguam differentiam ; nam  
 Rhythmi , id est , numeri spatia temporum con-  
 stant ; Metra etiam Ordine ; ideoque alterum  
 esse quantitatis videtur , alterum qualitatis .  
 Rhythmus autem par est , ut dactylus ; unam  
 enim syllabam parem brevibus habet . Longam  
 enim syllabam esse duorum temporum , brevem  
 unius , etiam pueri sciunt . Aut est Rhythmus  
 sesquipleus , ut Paon , cujus vis est ex longa  
 & tribus brevibus , tria autem ad duo rela-  
 ta sesquiplum faciunt . Sunt & illa descri-  
 mina , quod Rhythmis libera spatia , metris fini-  
 ta . Inania etiam tempora Rhythmi facilius  
 accipient , quanquam hæc & in metris acci-  
 dunt .*



dunt. Major tamen illic licentia est; ubi tempora etiam animo metiuntur, & pedum & digitorum ictu intervalla signant quibusdam notis, atque aestimant, quot brevis spatium illud habeat, inde τετραστιμον, πενταστιμον, deinceps longiores fiunt percussiones. Nam superior tempus est unum. Et metrici quidem

pedes adeò reperiuntur in Oratione, ut in ea frequenter non sentientibus nobis omnium generum excidat versus. Et contra nihil est profusa scriptum, quod non redigi possit in quadam versiculorum genera. Hucusque Quintilianus, ex quo patet, syllabarum longarum aut brevium quantitatem per instantia temporis definiri, per quæ lingua in earum pronuntiatione hæret.

**PROPOSITIO 2.** *Quantitas syllabarum in Oratione soluta ex mora pronuntiationis desumi debet, non ex regulis prosodie.* Ratio est, quia quantitas syllabarum in Oratione soluta æstimatur ex iudicio aurium, quæ nihil aliud discernere possunt, quàm moram temporis in pronuntiatione cuius syllabæ competentem.

**PROPOSITIO 3.** Syllabarum possunt aliquæ dici *Breves*, aliquæ *Mediae*, aliæ *Longæ*. In Brevibus potest intelligi quoad moram pronuntiationis *unum instant* temporis, in *Mediis* possunt intelligi *duo*, in *Longis* *tria instantia* temporis. Breves syllabas denoto signo v. Medias signo nullo o longas signo. — probatio dependet ab experientia aurium. nam dum sumo quamvis ob-

viam propositionem v. g. hanc:

1. 2. 3. 4. 5. 6. 7. 8. 9.

In principio erat verbum.

Senæ.

Sentio tertiam syllabam longiorem, quartam  
verò & quintam breviorē in ore moram  
trahere, quā secundam. Inter 2. 7. 9.  
quoad moram temporis non sentio discrimen,  
saltem magnum, & speciali attentione dignum.  
Cum itaque detur syllaba longior & brevior alia  
quodam tertia: necesse est, triplicis generis ac  
moræ syllabas reperiri.

**PROPOSITIO 3.** Syllabæ longæ sunt 1. omnes antepenultimæ, quando penultima non est pronuntiatione longa. v. g. Dōminus, inspicite, imprimitur &c. habent antepenultimam iudicio aurium longam, quamvis secundum prosodiam breves essent. Ita monstrat experientia. 2. Omnes initiales in bisyllabis. v. gr. ērat hōmo mīssus à Dēo, 1.2. 3.4. 5.6. 7.8.9.

cui nōmen ērat Joannes. Constat enim ab 10. 11.12. 13.14. 15.16.17.

experientia, in hoc exemplo 1.3.5.8.11.13. trahere in ore ferè eandem moram temporis; constat etiam, 1.3.8.11.13. longiorem trahere moram, quā 2.4.9.12. ac denique constat, 2.4.9.12. longiorem moram trahere, quā 6.7.14.15. necesse est igitur, initiales syllabas 1.3.5.8.11.13. pertinere ad longas, utpote quæ adhuc duæ breviora syllabarum sub se contineant. 3. omnes initiales in monosyllabis, trisyllabis, quadrisyllabis, quinesyllabis, nisi immediate sequatur pronuntiatione longa. v. g. Sēd vā

vōbīs Phārisæi, qui dēcimātis ōmne ōlus, &  
3'4 5 6 7 8' 9 10 11 12 13 14 15 16 17 18  
Y 4 præ-

præteritis iudicium Dēi . In hoc exemplo  
 19 20 21 22 23 24 25 26 27 28

constat ab experientia Syllabam brevissimam  
 esse 25. hac syllaba longiorem esse 23. & hac  
 iterum longiorem esse 24. huic verò quoad  
 moram pronuntiationis admodum similes  
 esse syllabas initiales 1. 3. 5. 10. 14. 16. 19.  
 27.

**PROPOSITIO 4.** Syllabæ breves sunt 1. ul-  
 time & penultime in omnibus trisyllabis, qua-  
 drisyllabis, & quinesyllabis, in quibus ante-  
 penultima longa est. v.g. vos estis Filii Abrā-  
 1 2 3 4 5 6 7 8

hæ . Vel hoc . Moecēnas ā:āvīs ēdītē re-  
 9. 1 2 3 4 5 6 7 8 9 10

gibūs , ō & præsidiū . In primo exem-  
 11 12 13 14 15 16 17 18.

plo clarum est syllabam 2. 4. 7. longiorem  
 moram trahere quàm 1. 3. & has longio-  
 rem , quàm 5. & 8. his verò admodum  
 quoad moram similes esse 6. & 9. Itaque  
 & duæ ultimæ syllabæ breves erunt . Ea-  
 dem ratio est in altero exemplo . 2. Duæ  
 syllabæ qualescunque inter duas longas in-  
 terjacentes breves sunt. verb. gr. Væ vōbis  
 1 2 3

lēgispēritis , qūi tulistis clāvēm sciētiæ .  
 4 5 6 7 8 9 10 11 12 13 14 15 16 17 18

a hoc exemplo , clarum est , syllabam  
 5. 6.

5. 6. 14. 15. breviorē morā trahere quā  
1. 3. 10. 12. & has breviorē, quā 2. 4. 7.  
11. 13. itaque clarum est, syllabas 5. 14. bre-  
ves esse. Eadem est ratio in omni alio consi-  
mili exemplo. v.g. stultē hāc nō te mōrēris.

1 2 3 4 5 6 7 8 9.

---

Ubi iterum syllaba 3. brevis est. vel sic. Jū-  
stū ēst Dēō. cōmittē ē omniā.

**PROPOSITIO 5.** Syllabæ mediæ sunt 1. o  
omnes finales. v.g. Dīlīges Dōmīnū n Dēum

1 2 3 4 5 6 7 8


---

9  
tūm. Syllaba 10. habet breviorē se, vide-  
9 10.

---

licet 2. 5. & longiorē se, videlicet 1. 4. 7. 9  
itaque est mediæ. 2. Omnes alia nec breves,  
nec longæ.

**PROPOSITIO 6.** Ad Hexametrum referri  
debent propositiones, quæ habent sequentes exi-  
tus.



Tales propositiones sunt sequentes. o

1. Negligere pecuniam māximū intēr-

dū ēst lūcrum.

Y 5

2. Phi.

2. Pharisei autem constanter contradice-  
bant.

3. Ut fert proverbium, ex fructu cognō-  
scitur arbor.

4. Judæi Christum cōdemnābunt ad  
mōrtem.

5. Multi sunt vocati, pauci vērō elēcti.  
*PROPOSITIO* 7. ad pentametrum referri  
debeat propositiones, quæ habent sequen-  
tes exitus.

1. ——— uu ——— uu. ○

2. ——— uu ——— ○ ——— ○

3. ——— ○ ——— ○ ——— uu

4. ——— uu. ○ ——— uu.

5. ○ ——— ○ ——— ○ ——— ○.

1. Felix improbitas optimōrum cālāmītās  
est.

2. Est res solliciti plēnā timōris amor.

3. Jam tempus lustrī transit in alterius.

4. Quidquid & in tota nascitur anticyra.

5. An crimen, cœpi quod miser esse vo-  
cas.

*PRO-*

**PROPOSITIO 8.** Ad Sapphicum carmen referri debent *propositiones* circiter hendecasyllabæ, seu pentametra, sic dictæ ab undecim syllabis, & quinque pedibus, quæ tamen sequentes habeant conditiones; 1. Ut plures *propositiones* consimiles se invicem consequantur. 2. Ut aliquæ incipiant à dactylo. 3. Ut claudantur terminatione hexametri omnes. 4. Ut omnes *propositiones* habeant exitum talem — u — u. In exemplo id manifestum fiet.

- I u u - - o - - o - - o - - o

Crescit indulgens sibi dirus hydrops.

o - - o - - o - - o - - o - - o

Nec sitim pellit nisi causa morbi.

- u u - - o - - o - - o - - o

Fugerit venis et aquosus albo

- u u - - o

corpore languor

**PROPOSITIO 9.** Ad Phalecium carmen accedunt *propositiones* pariter hendecasyllabæ, propè ac pentametra, quæ circa medium habent dactylum, ac terminationem o — o — o ut

- o - - o - - u u - - o - - o - - o

Vitam quæ faciunt beatiorem.

**PROPOSITIO 10.** Ad Asclepiadæum carmen accedunt *propositiones* circiter duodecasyllabæ, ac tessarametra communiter aut pentametra, quæ in medio ac fine dactylum habent. v. g.

Y G o -

o -- o uu -- uu -- uu

Mecoenas aravis edite regibus. Vel:

o -- o -- uu o -- o -- uu

Inventor rutuli dux bone luminis.

**PROPOSITIO 11.** *Ad Gliconicum carmen accedunt propositiones circiter tetrametræ vel tessarametræ, octosyllabæ, quæ habent terminationes sequentes* — u — u vel — o — o — o v

— o -- o -- -- o

Sic te diva potens Cypri.

**PROPOSITIO 12.** *Ad Archilochium carmen accedunt propositiones circiter heptametrix syllabarum propè 17. quæ ab initio amant dactylos, & in medio, terminationem autem hanc* — o — o — o. v. g.

-- u o -- o -- o -- o -- o -- o --

Solvitur acris hyems grata vice veris et

o -- o

Favoni.

**PROPOSITIO 13.** *Ad Iambicum carmen accedunt propositiones tetrametræ, tessarametræ, pentametrix, quæ præcisè in fine, aut etiam ab initio dactylum habent. v. g.*

-- u u -- o -- u u

Veni excator spiritus.

o -- o -- o -- u u

Vel. Amice propugnacula.

-- u u -- o -- o -- o -- u u

Vel. Ibis liburnis inter alta navium.

**PRO-**

**PROPOSITIO 14.** Ad Scazonicum carmen accedunt propositiones circiter pentametrae quæ in fine terminationem habent — o. de reliquo Jambicæ. v. g.

-- o o -- o -- u u -- o

Ubi Troja nunc est ? conflagravit excisa

. n u -- o -- o - u u - u

Ubi Chorcæbus, nobilisque Casandra,

o -- u u -- u u -- o --

Panthusque, & Hector, & Paris ca-

-- o

pillatus,

-- o -- o -- o -- o -- u u -- o

Humerisque gnari sublevatus Anchises

**PROPOSITIO 15.** Ad Horatianum carmen accedunt propositiones circiter tetrametrae, tessarametrae, aut pentametrae, quarum aliquæ terminentur in — u u alia in — u -- o. alia in o -- o v. g.

-- u u -- u u -- o -- u u

Vides ut alta stet nive candidum

o - o -- u o - u u - o

Soracte, nec jam sustineant onus

-- o -- o -- u u - o

Sylvæ laborantes geluque

-- u u o -- u u o -- o

Flumina constiterint acuto.

**PROPOSITIO 16.** Generalissima Regula dimetiendi numeros propositionum, periodorum, sermonum, eosque commodè comparandi ad invicem est hæc: 1. Dividatur sermo in periodos, periodi verò in propositiones, & quando hæ nimis longæ forent, dividantur in tot membra, quot libuerit, si nimis breves sint, cum aliis proximis con-



conjugantur. 2. Numerentur in quavis propositione syllabæ, & dactyli. 3. Notetur, quota syllaba, incipiendo à postrema, incipiat dactylus? 4. In hac numeratione non comprehendantur primæ quatuor syllabæ cujuslibet propositionis, sed ex specialiter notentur, & observetur, quota illarum, incipiendo à prima, incipiat dactylus? 5. Numerus syllabarum scribatur per modum denominatoris, numerus syllabæ, in quam incidit dactylus, scribatur per modum numeratoris. Et primo loco scribatur numerus syllabarum quatuor initialium, secundo verò loco, qui à primo loco signo † erit distinctus, scribatur numerus syllabarum subsequencium. Si ex alterutra parte nullus incidat dactylus, scribatur signum o. si verò ex alterutra parte incidant plures dactyli, numerus syllabarum scribantur continuo ordine, & solo punctulo distinguantur. Hinc numeros sequentium propositionum.

-- u. u -- u. u -- o -- uv. o --

Vides, ut alta stet nive candidum sora-  
 o -- u. u -- uv. -- o -- 6 -- o  
 ste, nec jam sustineant onus sylvæ labo-  
 -- o o - o -- uv. o - uv. o -- o  
 rantes, geluque flumina constiterint acuto.

Sic scribes:

1. 4. † 6.      1. 4. † o.      4. † 6.

14.

14.

13.

Vel si numeros v. g. Exordii, quod Cicero habet pro Marcello, exhibere velis, eos sic exhibebis.

- o - u u -- -- -- u u -- o

Diuturni silentii, Patres Conscripti.

o =

• - 0 -- 0 -- v v - 0

Quo eram his temporibus usus ,

-- 0 -- 0 -- v v 0 -- v v -- 0

Non timore aliquo , sed partim dolore ,

-- 0 -- 0 . v v

partim verecundia .

-- 0 - 0 - 0 -- 0 -- v v

Finem hodiernus dies attulit ?

3. † 8. 5. † 0 † 5. 0 † 3. 2. † 3. 0 † 3.

13.

10.

7.

13.

11.

Hæc regula ex eo probatur , quia exhibet omnes diversitates numerorum in aliqua periodo possibiles . Inspicienti enim periodos patet , quoad quantitatem syllabarum aliam diversitatem esse non posse , nisi inter longas , medias , & breves . Longæ , & mediæ nullam omnino inter se diversitatem patiuntur , nisi quod una perpetua vicissitudine præcedat alteram , videlicet longa mediam , nisi tantum initio dictionis , ubi media potest præcedere longam . Hæc itaque diversitas sufficienter indicatur per numerum æqualem vel inæqualem numeratoris , aut denominatoris , ut consideranti patet . verb. gratia. in hac propositione :

q†s

facile cognosco , propositionem , in-

10a.

cipere à syllaba media ; dum enim numerus syllabarum est 10. & dactylus incidat in quintam ab ultima & ante dactylum necessario præcedat syllaba media .

dia, ob perpetuam vicissitudinem mediæ & longæ, necesse erit, ut in primam syllabam, utpote quintam, etiam incidat media. Itaque tota diversitas numerorum esse poterit inter breves comparatas ad longas vel medias. At ex inductione iterum constat, nullibi reperiri syllabam brevem, nisi in dactylo, ubi duæ breves concurrunt. Itaque tota diversitas numerorum dependebit ex diversa combinatione dactylosum cum syllabis longis & mediis, & ea combinatio in nostra regula per numeros optimè explicatur, dum ostenditur, quo loco dactylus reperiatur. Brevius Regula sic demonstratur. Ex hac regula possunt cujuslibet propositionis numeri explicitè exhiberi, ergo ea regula numeros quoscumque sufficienter indicat, & omnem eorum diversitatem possibilem. Antecedens ostenditur ab Inductione. Sic,

si mihi detur propositio hæc  $\frac{378.5.}{13.}$  statim

scio eam exhibere propositionem habentem 14. syllabas, in quarum sexta & nona sit dactylus, incipiendo ab ultima; adeoque numeros omnes propositionis esse sequentes.

— 0 — v v — v v — v v — 0

1. 2. 3. 4. 9. 8. 7. 6. 5. 4. 3. 2. 1.

**PROPOSITIO 17.** Similitudo propositionum inter se dependet potissimum à situ ultimi dactyli, aut ejus negatione: similitudo verò periodorum inter se dependet à numero syllabarum, similitudine, & ordine propositionum, quas utraque periodus continet; quamvis ad ordinem propositionum non tantopere attendi debeat. Et tota periodus potest exhiberi

exhiberi, si numerus syllabarum ponatur loco denominatoris, locus autem singulorum Daetylorum per modum totidem numeratorum. Itaque illa periodus. *Vides ut alta &c.* & altera: *Diuturni silentii &c.* sic exhiberi poterunt.

6†0†6

5†5†3†3†3

42

54

Bonitas hujus Regulae ostenditur, quia exhibentur per eam omnia, quae in periodo sunt objecta specialis attentionis, videlicet, longitudo periodi, & terminationes propositionum, & ordo earum ad invicem. Non exhibet quidem longitudinem propositionum accuratè, quia non attendimus ad numerum syllabarum; exhibet tamen eam propinquè, quia ostendit totum divisum in suas partes, adeoque dum v.g. 42. syllabas video divisas esse in tres propositiones, e contra 54. syllabas in quinque propositiones, ultrò consequitur priorres propositiones longiores, ac graviores esse.

Qui accuratius vellet similitudinem aut proportionem numericam propositionum & periodorum inter se inspicere, posset fractiones reducere ad communem denominatorem, sed hic labor non est necessarius. Mihi sufficit, quòd ostenderim modum facilem. Harmoniam numericam unius Authoris ad Harmoniam numericam alterius comparandi, ejusque similitudinem vel dissimilitudinem ad oculum demonstrandi.

## C A P. V.

*De variis combinationibus, negationibus, vitiis in stilo Authorum occurrentibus.*

**C**Apite 3. ostensum est, quænam sint Elementa stili, & quæ virtutes Scriptorum. Sicut tamen non omnis fert omnia tellus, ita nec omnes Scriptores omnibus virtutibus pollent; itaque reperiuntur in Scriptoribus etiam defectus seu negationes virtutum; & non solum defectus, sed etiam vitia. Diversa talium vitiorum, negationum, & virtutum combinatio diversissimos in Authoribus stilos progignit. De negationibus non est speciatim dicendum, cum ex suis oppositis, quarum sunt negationes, satis cognoscantur. De vitiis igitur, postea de combinationibus dicendum est.

Vitia sunt sequentia,

1. *Cacozelia*, seu perversa imitatio, dum Author ex aliis probatis Authoribus vitiosa pro virtute vel elegantia inscitè imitatur; aut quæ in aliis Authoribus rarè adhibentur, ipse crebrè adhibeat.

2. *Puerilitas*, dum Author dictionis elaboratæ flores, scitè eleganterque dicta, & figuras verborum, sententiarumque, allusiones gratas, rerumque non ineptas descriptiones, & siquid ejusmodi ornamentorum est, loco, temporeque opportuno non adhibet.

3. *Affectatio* eruditionis, vel acutæ dictionis dum acutè dicta, & erudita vel nimium

nium cum fastidio addensantur, vel loco importuno non exigente materia obtruduntur.

4. *Adulatio*.

5. *Obscuritas*. Dum non satis ex verbis liquet, quid Author velit. Fit autem sermo obscurus ex crebro quæsitis, ac remotè accersitis tropis, allegoriis, aut tumentibus sine sensu sententiis; ex acutè dictorum multitudine: & festinanti abruptione sensus; ex nimio ornatu per phrasas, epitheta &c. & ex constructione confusa. &c.

6. *Prævaricatio*. dum Author nimis breviter & cursim attingit ea, quæ fortius sunt inculcanda, infigenda, ac repetenda. nam plerisque veritatibus longiore tractatu vis quædam ac pondus accedit. *Gutta cavat lapidem*, sed repetita.

7. *Tautologia*. dum Author verbis synonymis, aut parum mutata phrasi eandem rem sæpius repetit, atque prorsus idem dicit de eodem.

8. *Amputata* nimis, ac abscissa dictio, aut periodus. Dum videlicet aures productionem expectant, aut animus explicationem.

9. *Remissio*. dum Author non tuetur constantia stili gravitatem, aut objecti maiestatem, aut affectus activitatem. Hoc fit, dum in conclusione immiscet quæstiunculas, responsiones, descriptiones &c. quæ ad motum nil faciunt, aut animum à principali objecto sua attentione averunt.

10. *Divisio nimia* in partes minutissimas, quarum distincta cognitio nullo modo servit ad probationem, aut persuasionem, aut cognitionem & affectionem principaliter intentam.

11. *Impropria* aut non *adæquato* locutio, dum aut aliud verba significant, aut conceptum objecti, quem imprimere animis deceret, vi sua significandi non adæquant.

12. *Interpolatio constructionis* per parentheses, & propositiones incidentes, aut participiorum usus nimis frequentes, aut longas.

13. *Periodorum nimia brevis aut prolixitas*, dum enim periodus ea membra comprehendat, quæ juxta vires hominum ordinarias uno spiritu absque singulari molestia proferri possunt, molestum erit, si aliquid proferatur, quod sit notabiliter infra aut supra expectationem hominum. Sicut autem in versibus sensus vix ultra septem versus producit, ita vix periodus ultra septem membra.

14. *Inopia verborum*, dum Author sine ulla variatione semper iisdem verbis, particulis, epithetis &c. utitur.

15. *Circumductio nimis lenta*, dum animus nimis diu suspenditur, dum veniatur ad propositum, aut ad solutionem questionis, aut dum ipsam circumductionis objectam non attrahit, & occupat attentionem audientis vel legentis.

16. *Superfluitas rerum aut verborum*, dum Author ea immiscet, quæ aut nullam excitant attentionem, aut mentem non disponunt, nec affectum ducunt ad propositum principale. Talis stilus redundans vocatur *Asiaticus*.

17. *Si stilus sit fœcus* sine ornatu phrasum, epithetorum, adverbiorum, figurarum, troporum, & circumstantiarum; sed nuda nimis nudè proponatur veritas.

18. *Si stilus sit jejunus* sine motu animi  
&c.

& vigore intellectus; videlicet, sine affectu, sine sententiis, sine inventione.

19. *Si stilus sit lascivus ac luxurians*, dum abundat verbis, phrasibus, & tropis, ac figuris, magis ad delicias aurium, quam significandi vim comparatis; dum epithetis ac substantivis inopportunè ac minùs significanter ingestis induit stilum Poeticum; dumque audacioribus tropis utitur.

20. *Si stilus sit horridus*, vel ob verba difficilis & inflexibilis pronuntiationis, vel ob conjunctionem verborum auribus absurdam, vel ob numerorum dissonantiam, de qua aures judicant; dum periodi nervosè non concluduntur, nec numeris adstringuntur: Dum plures vocales colliduntur, aut plures consonantes colliguntur, Idem stilus *asper*, *durus*, atque *hiulcus* dicitur.

21. Si repetitiones nimix. 22. Eadem figura nimis crebra. 23. Sales frigidi. 24. Metaphoræ frigidae. 25. Sententiarum exiguum pondus ac iudicium. 26. Elegans sensus ac dictio in minus opportuno loco posita. 27. Major verborum jaſtantia. quàm soliditas. 28. Materix confusio. 29. Dictio & materia aut sententiæ non proportionata capui eorum, ad quos dirigitur. 30. Si stilus non accommodatus materix in sublimi humilis, aut vicissim. Hæc & plurima alia vitia occurrent in Authoribus: quæ attuli, tantùm exempli causa attuli, ut intelligeremus, quanta possit esse ex combinatione diversarum virtutum & vitiorum inter Authores diversitas. Sic dum Cicero à nonnullis dicitur esse *tumidus*, *redundans*, *Asiaticus*, in repetitionibus nimius, in salibus frigidus



*dur, in compositione fractus, exultans, ac pæne viro mollior. Hoc ad vitiorum quorundam cum plurimis ejus virtutibus combinationem, qualeni vix in alio deprehendes, pertinet. Dumque Quintilianus l. 2. c. 10. ait: Eminere Demosthenem sublimitate, cultu, impetu, ac compositione, sed non insurgere locis, non gaudere figuris, non vitare translationibus, non dare vocem carentibus, carere etiam Epilogo. Hoc sine dubio, ad virtutum & negationum combinationem prorsus singularem pertinet.*

Verùm de stilo ex combinationibus variis resultante faciliùs feramus judicium, observandum; quatuor summa communiter poni stili genera 1. Concisum. 2. Circumductum. 3. Argutum. 4. Grandem. In quolibet horum quatuor generum dantur iterùm tres species; 1. Stilus Epistolaris. 2. Historicus. 3. Oratorius. Quales in quolibet horum combinationes virtutum, negationum, ac vitiorum intervenire possint, Masenius in *Palestra Stili Romani*, pluribus deducit, atque exemplis illustrat. Pauca eo ipso delibo, ut de quovis stilo possimus ferre judicium.

**STILUS CONCISUS** est, inquit, qui vel paucis verbis cum virtute absolvit sententiam, vel sæpe insistens periodum nervosè implet. In hoc stilo requiritur 1. ut lectissimæ voces sint, & magnam significandi virtute præditæ, ne Epithetorum supplementis frequenter egeant. 2. Ne quidquam adhibeatur, quod salvo eodem sensu possit removeri. 3. Rerum sententia adstrictis, brevibusque phrasibus exponenda est. 4. Amat oppositiones, aut correctiones, vel exceptiones ab iis, quæ dicta sunt. Subitas item admirationes, exclamationes, & interrogationes. 5. Cum perio-

periodi aliquantulum producantur, solent incisa minima vel dissolutè & sine conjunctionibus, vel etiam iteratis conjunctionibus iisdem acervari; repetitiones quoque earundem particularum frequentari. 6. Gnomæ, paræmiæ, antiquitates inspergi, Græca nonnunquam, præsertim sententiosa admisceri. Cum autem hac concisione sententiarum Epistolari Sermonis dignitas gravitasque nonnihil attenuetur, nunc insistente, nunc rursus præcipiti sine certis numeris dictione, in Historico, conciso generi dicendi immoranti, plenior aliquantulum, & ad numerum magis composita incedet oratio. In Epistolis juvenili profilit discursusque impetu, nunc subsistit, nunc cursim fertur, nunc graditur rursus oratio, sed Historicus viri maturioris incessum refert, majorique insistit cæptæ semel viæ constantia, neque ordiri, neque finire ubique cursum paratus. Quanquam, ut viri idem confecturi iter non iisdem omnes incedunt passibus, sed brevioribus pygmæi, at frequentius iteratis; longioribus at tardius repetitis homines gigantæi, ita quibus stilus in historia vel concisior vel productior est, pygmæis magis, hi gigantibus similiores, Orationis periodum conficiunt. Suo quisque ingenio aut arte hanc mensuram definit; verba pro pedibus, incisa pro passibus sunt; illi tamen videntur currere, hi incedere, cum eodem dictionis ambitu pari via circumferuntur. Oratio, quæ conciso stylo utitur, ab Epistolico, Historicoque, in hoc potissimum differt, quod præter figuras huic dictioni familiares longioribus per ejusmodi incisa periodis circumferatur, tum præsertim, cum animis ad movendos diversos affectus admovetur, à Tullio in Catilinaria, aliisque causis vehementioribus  
non

non raro usurpata epidięicũ tamen genus brevibus magis ludit periodis.

**STILUS CIRCUMDUCTUS** stilo conciso opponitur, dum tam amplo verborum, sententiarumque numero evolvitur, ut & animũ audientis impleat, & ultra satietatem non excurrat. In hoc stilo 1. non est opus tanto verborum delectu, cum epithetis ad vim ornamentumque Orationis adhibitis energia illa suppleatur. 2. Locuples magis phrasium, sententiarumque apparatus usurpatur, & ut in concisa dictione tenuit mundities, ita hic luxur quidam regius amatur. 3. Calidę illę, vibrantesque figurę, interrogationes, exclamationesque admoventur parcius, nisi ad motum comparata sit Oratio. Idem de paręmiis, gnomisque sentiendum. 4. Opposita non tanta in luce, tamque nudę ac frequenter contra se, velut in acie collocantur, sed cultu aliquo dictionis vestiuntur, neque suaviori, tanquam conciliata hęrent, ac commiscuntur, quę in concisa apertę pugnant. 5. Particularum magna cura, ut his vinculis tanquam ligata Oratio suaviter ad finem usque periodi cohęrens evolvatur. 6. Numeri, membrorumque sua sibi in toto ambitu proportionē cohęrentium ratio singularis habenda est. *Stilus Epistolaris* circumductus tunc placet, si nec lenta circumductione suspendat; nec subita pręcisione Orationem abruptat: Absit hinc epithetorum, phrasiumque apparatus, solo nexu atque implicatione membrorum amice hęreat, suaviterque in orbem volvatur, qui nunc brevior, nunc laxior in duorum vel trium heroicorum versuum circuitu absolvatur.

*Stilus circumductus Historicus* ab *Epistolari* parũ differt; magis tamen stringit addens atque sententias, phrasin elevat, illustrio-

strioribus utitur metaphoris, opposita majori in luce eminent; sententiosè & acutè dicta sensum legentis fortius feriunt.

Oratio circumducta eidem rei amplificandæ, exaggerandæque per diversa adjuncta inhzet illustratur dissolutione, & apta commixtione phrasium, collocatione, ac connexion sententiarum. Latior aperitur campustro-  
porum, figurarumque est; his etiam cum aliqua concinnitate implentur periodi, repetitiones particularum gratiam conciliant, enumeratio partium, adjunctorumque expositio ambitum orationis explent & attollunt, oppositio sententiarum per particulas, *tantum, quantum, non modò, verùm etiam, neque verò, sed &c.* Diducendæ & ornandæ periodo servit; quò periodus brevior est, eo longioribus utitur membris; tanto contra brevioribus, quò illa longior, ut multitudine corrigat tarditatem. In rebus ad ornatum compositis, numerosa magis membris productioribus, incedit; in iis, quæ ad motum spectant, suis incisiss intra periodos fertur concitatus. Cum res ardua ac magna est, vel ad ornatum, vel ad motum, periodos productiores pronit, cum præcepta ac leges dantur, breviores.

**STILUS ARGUTUS** in hoc consistit, ut cogitationem transferat ad opposita & adversantia illi rei, de qua disseritur, utque rationem aliquam eruat, cur eadem de re talia asseras, eique tribuas, quæ comuni sensu minimè tribuenda viderentur, aut certè neges de re, quæ illi ex vulgi opinione maximè propria judicantur. His enim potissimum expectatio auditorum aut fallitur aut superatur rei enuntiatur raritate: nec quidquam mentem altius figit penetratque, quàm

inopinatae sententiae, velut ex occulto producta veritas. Magna hoc genus scribendi inuenta est corruptio, quae affectato quodam aculeatae dictionis studio penè omnes infertit periodos, & quod ad oblectationem magis, quàm ad robur ac vim persuadendi natum est. Verùm, ut melle vel aceto immoderatiùs affuso ciborum vigor opprimitur, ita his condimentis intemperanter usurpatis desipit Oratio. Cavendum itaque, ne vel crebris nimium argutiis, vel obscuris mens lectoris defigatur; ne res tenues his ornamentis excolantur, frigidis, parumque nervosis crepundiis occupentur, aut puerili interpretatione dictorum & factorum prorsus à seria aut vera intentione agentium & lequentium recedente desipiat.

**STILUS GRANDIS** est, qui mole duplici, virtutis energia, & sententiarum amplitudine sopra communem dicendi usum affurgit, humilia, protritae fastidit, & eruditorum auribus ad plausum inservit. *Virtus* in significatione eminet; *amplitudo* in gravium sententiarum maiestate. Laudi inprimis ac reprehensioni hic stilus adhibetur, tum rerum descriptionibus graphicè exponendis idoneus est. In hoc stilo elevatur 1. Phrasis verbis tum grandioribus, tum etiam rarioribus, modo, opportuno loco, ac tempore adhibeantur. 2. Aptae translatione, qua res laudanda per inductam illustris rei similitudinem tanquam in splendido aliquo ornatu spectanda; vituperanda rursus in aliunde despectae rei imagine contemnenda proponitur. 3. Extollit orationem rariorum phrasum opportuna inductio. 4. Epithetorum illustrium minimeque otiosorum discreta usurpatio, crebrior quoque sub-

substantivorum, moderata tamen inductio, quæ vel epithetis opportunum locum facit, vel eorum scitè officio fungitur. 5. Antiquitatem, historiarumque allusio eruditam dictionem à vulgari humilitate ad quandam dignitatem, & æstimationem doctorum transfert, quàm vulgus admiratur tantum, non percipit multum etiam hic stilus à Poetica dictionis venustate mutuatur. Grandem etiam stilum facit quidam adstrictus, ac velut pergravis viri Oracula libratus, præcisusque sermo, qui plerumque sensu, quàm verbis uberius multa lectori cogitanda relinquit.

## C A P. VI.

*Traduntur ac demonstrantur Regulae  
pro dignoscendis ex stilo Au-  
thoribus.*

**REGULA 1.** *Consensus ferè universalis virorum doctorum, indifferentium, in scriptorum controversorum genere exercitatorum, & Authores controversos attentè legentium, est argumentum moraliter certum pro identitate aut diversitate stili, de quo judicant. Demonstratur. Inter omnes Authores, quotquot hætenus fuerunt, non minor est in cogitando, adeoque etiam sensu verborum, & stilo diversitas, quàm est inter vultus hominum. Ergo sicut vultus hominum humanis sensibus, ita etiam stili Authorum humano intellectu non depravato morali certitudine discerni possunt. Antecedens demonstratur ex scriptura, experientia, & ratione. Scriptura ex versione Septuagintavirali Proverb. 27. sic ait: Sicut vultus vultibus similes non*  
Z 2 *sunt,*

sunt, ita corda hominum non sunt similia. ὡς περ ἐκ ὁμοῦ προσηγορίαι, ἕως ἂν αἱ καρδίαι τῶν ἀνθρώπων ὁμοῖαι. Constat autem per cor in scripturis intelligi principia cogitationum & affectionum, juxta illud Christi Matth. 15. v. 19. De corde exeunt cogitationes ut proin sensus sit: Sicut vultus vultibus similes non sunt, ita & cogitationes atque affectiones hominum similes non sunt. De experientia testantur in his rebus experti, Quintilianus, Sidonius Apollinarius Cicero, Quintilianus l. 2. C. 9. ait: Est in ingeniis incredibilis quaedam varietas, nec pauciores animorum penè, quàm corporum formæ, quod intelligi etiam ex ipsis Oratoribus potest, qui tantum inter se distant genere dicendi, ut nemo sit alteri similis. Sidonius l. 7. C. 18. ait: Ita mens patet in libro, sicut vultus in speculo. S. Augustinus Epist. 18. ait: Stilus habet quandam propriam faciem, quæ possit agnoscì. Cicero l. 3. de Oratore sic ait: Quid est in naturis rerum, transferri potest ad artes. Una fingendi est ars, in qua præstantes fuerunt Myro, Policetus &c. &c. Qui omnes inter se dissimiles fuerunt. Una est ars picturæ, dissimillimi tamen inter se Zeuxis, Appelles. &c. Et si hoc in mutis artibus, quanto id admirabilius in Oratione & lingua, quæ cum in iisdem sententiis & verbis versetur, summas habet dissimilitudines? aspiciat, quid intersit inter Oratorum studia: Quis eorum cuiusquam, nisi sui similis? Quod si in nobis, qui adsumus, tantæ dissimilitudines, tam certa res, cuiusque propriæ, quid censeatis, si omnes, qui ubique sunt, aut fuerunt Oratores, amplecti voluerimus, numne fore, ut, quot

Ora-

Oratores, totidem penè reperiuntur genera dicendi?

*Ratione* denique probatur idem antecedens sic: Ex proximè dicendis patebit evidenter, plures esse possibiles diversitates in stilo Authorum, quàm totum universum, cælum & terra, capere possint minutissimas arenulas maris; ergo est moraliter impossibile, ut ex tot diversitatibus propemodum infinitis possibilibus nulla prorsus in diversos Authores irrepat diversitas. Consequentia patet ex Arte Critica & *Legibus Contingentium* quibus ostenditur; *Contingentia non procedere uniformiter*. Patec etiam ex aleis; si enim haberem aliquot alearum millia, in quibus tot casus diversi essent possibiles, quot universum capere potest arenulas, quilibet agnosceret moraliter impossibile esse, ut omnes aleæ contingeret projectæ signent unitatem, aut ut altera vice eundem numerum obtineam quem primo jactu obtinui. Parè ergo modo, si tam infinitæ inter diversos Authores sunt possibiles diversitates, & quidem tales diversitates, quibus non solent differre Authores iidem à seipsis, impossibile erit, ut contingenter nulla eveniat diversitas, cum in diversis Authoribus nullum detur constans ac uniforme principium, per se ad hoc natum, ut omnem diversitatem excludat. Itaque ostensum est, tantam esse diversitatem in stilo Authorum, quanta est inter vultus hominum, quod in antecedente posui. Demonstranda est nunc consequentia, videlicet eam diversitatem æquè humano intellectu non depravato discerni posse, ac dissimilitudo vultuum humanorum sensibus humanis comprehenditur, licet



nec ista, nec illa verbis sat explicari possit. Sic procedo:

Dantur innumeræ res humanæ ac naturales, quarum diversitas ab homine sentiri, non tamen explicari potest: & ratio, cur illa diversitas sentiri non tamen explicari possit, est prorsus eadem in diverso Authorum stilo; ergo etiam hujus stili diversitas sentiri poterit, quamvis explicari non possit.

Antecedens quoad primum membrum propatur ab inductione. Sic: 1. Datur diversitas inter vultus hominum infinita; sensus statim eam deprendit; in quovis etiam hominum imperitissimo datur ea sagacitas; si tamen eundo per integrum exercitum quæram in quo consistat uniuscujuslibet in vultu ab altero diversitas, vix Philosophorum peritissimus respondebit; in quibusdam quidem monstrari poterit diversitas ex magnitudine, longitudine, latitudine, colore, situ oculorum, capillorum, frontis, narium &c. diversis affectionibus; si tamen de centum hominum millibus, & ulterius perquam quærendo, sensus quidem fatebitur se diversitatem agnoscere, in quo tamen consistat, non posse explicare; 2. In Musicis aures sentiunt infinitam varietatem; aliqua harmonia grata, alia ingrata; aliqua jucunda, alia tristis est; & singuli *Compositæ*, ut vocantur, habent aliquid singulare; nec tamen Musicæ peritissimus facile explicaverit, in quo ea consistat diversitas; credimus tamen auribus, & obfirmatè dicimus, hanc stropham esse à priori diversam, vel eandem, si ad invicem conferantur; hanc compositionem esse priori similem vel non esse similem. 3. In picturis facile dignoscitur manus unius pictoris.

Storis ab altera, modo quis artem pictoriam parum intelligat; & tamen accuratam diversitatis tradere explicationem difficile est.

4. Datur ingens diversitas inter homines in modo agendi & conversandi, aliqui homines habent in modo agendi aliquid, quod blandiatur, placeat, ac rapiat; in quo se distinguunt à cæteris; si tamen quæ-  
ratur, in quo consistent illæ oris gratiæ, & omnium actionum illecebræ, cogeris fateri cum Gratiano in suo *l' homme de Cour*. Maxima 127. eas consistere in aliquo *Nescio quid. Je-ne-sçaiquoi*. 5. Datur in Oratione aliqua *Color quidam* gratus animis & auribus audientium; datur numerus quidam, qui etiam imperitum vulgus offendit, aut allicit; si quæras ex uno talium, in quo consistat ea diversitas orationis coloratæ & non coloratæ; numerosæ & non numerosæ; ipse Tullius se elinguem fatebitur. In Bruto de hac re sic habet: *Externis Oratoribus idem tribuo, quod urbanis, præter unum, quod non est eorum urbanitate quadam quasi colorata oratio. Quid est iste urbanitatis color? nescio: tantum esse quendam scio*. 6. Omnes, quotquot Ciceronem norunt, norunt eum inter Oratores vincere; illud tamen, in quo vincit, nemo satis explicat, ut benè observat Malenius *Vincit Cicero* inquit; *quæ causa obsecro? vis illa dicendi, quam ut cætera assequantur omnia, nemo æquat; quenam ista igitur? an artis solertia, aut nature singularis beneficio hanc ita texit, ut omnes eam videant, & simul ea lateat omnes? mirum profectò; eminere sentiunt propemodum Universi, in quo tamen illa sic eminens Orationis & vis & majestas consistat, nemo satis explicat. Siquid certè*

*designaverint, id ejusmodi semper cuique visum est, ut maneret imitabile.* l. 2. Palæst. C. 10. §. 5. Quod in his exemplis reperimus, idem in innumeris aliis invenitur; latet & non latet aliquid *nescio quid*, quod sentiri, sed explicari non potest; sic si duo viri eundem sermonem ad populum habeant, alter movebit, alter non movebit, in illo loquitur aliquid *nescio quid*, *serium*, *sanctum*, ex intimo cordis ad divina trahentis profluens; in altero inania verba & clamor, & actio tinniunt. Sic miramur majestatem ac elegantiam templi aut ædificii; in quo consistat ignoramus. Sensus, phantasia, intellectus multa simul confuse comprehendunt, & quia totam illam ideam uno verbo explicare non possunt; neque eam ordinatè dissolvere, & sic ordinatè dissolutam iterum ordinatè in alterius intellectu ædificare norunt, explicare nequeunt, quæ intelligunt, aut parciunt.

Ostendo itaque alterum Antecedentis membrum, quòd in diverso Authorum stilo eadem sit ratio, cur quidem diversitas intelligi, ut in adductis exemplis, sed explicari non possit. Ratio, cur diversitas rerum intelligi, sed non explicari possit, alia excogitari non potest, nisi aut quia omnes objecti partes diversitatis constitutivæ sic confuse intellectui impressæ hærent, ut homo rudis eas colligere in ordinem, ordinata dissolvere, & dissoluta denuo in ordinem redigere non possit; aut quia omnes partes diversitatis constitutivæ tam leviter memoriæ impressæ sunt, ut nullam aliam sui relinquunt speciem & memoriam, nisi hanc solam, quòd aliquando habuerimus cognitionem de ea rerum diversitate. Sic rustici solent dicere; pulchram omnino fuisse

concionem ; sed , quid concionator dixerit ,  
præsus ignorant. Hi profectò norunt , se ha-  
buisse aliquando in animo verba concionis ,  
norunt insuper , se in iis verbis sensisse ma-  
gnam elegantiam & diversitatem à trito ge-  
nere concionandi , sed ipsa verba excide-  
runt & ideo in quo consistat verborum ele-  
gantia ac diversitas , explicare non possunt.  
Idem contingit , dum audivimus virum  
gravem seriò omnino concionantem , aut  
dum legimus librum Aſceticum , aut Theo-  
logicum mira soliditate aut fervore infi-  
ſtentem , ſinè dubio tunc ſingulas dicentis  
aut ſcribentis propoſitiones attentè conſide-  
ravimus , & comparavimus omnes ſingilla-  
tim cum affectionibus , impressionibus , no-  
tionibus , habitibus , & tota conſtitutione  
animi noſtri ; vidimus ergo tunc in momen-  
to ſingulas propoſitiones convenire omnimo-  
da ſimilitudine cum ſeriis affectionibus , eas  
etiam convenire cum ſinceris habitibus , eas  
etiam convenire cum noſtris fervidis non  
affectatis motibus , eas etiam convenire  
cum regulis rationis ſolidæ noſtris , eas et-  
iam nunquam convenire cum ſenſis noſtris  
mundanis , nunquam convenire cum noſtris  
conceptibus arte , aut ſtudio , aut diligen-  
tia , aut conſilio paratis , nunquam con-  
venire cum iis mentis actionibus noſtris ,  
quæ ullam relationem ad cauſam aliquam  
efficientem , diſpoſitivam , aut ſinalem mun-  
danam habeant ; hæc omnia , & multa  
alia mens noſtra audiendò aut legendò in  
ſingulis propoſitionibus diſtinctè quam-  
vis tantùm in momento , videt ; om-  
nes eas relationes propoſitionum ſingula-  
rum ad diverſas habitudines mentis no-  
ſtræ , & ad alia multa objecta , adeo-  
que etiam earum ſimilitudinem , aut diſ-  
ſimilitudinem , conformitatem , aut diverſi-  
tatem

tatem simul comprehendit; sed quia singulæ concionis aut libri propositiones velociter prætereunt, ac quasi prætervolant, non infigunt memoriæ sui distinctam speciem, sed hanc solam ultimato relinquunt in memoria reminiscenciam, se concionem seriam, piam, veram audivisse, aut librum esse solidum; quo fit, ut in animo relinquatur immobilis libri æstimatio, aut seria compunctio, et si post aliquot annos quæsit, cur hunc librum vel Authorem tantopere æstimemus, non amplius reddere possimus rationem, quia videlicet species præcedentium cognitionum extinctæ sunt, nec quidquam aliud in memoria relinquitur, quàm reminiscencia, qua agnoscimus, nos aliquando grandem hanc æstimationem concepisse, & hujus æstimationis fundamenta convincencia habuisse. Contingit in tali casu nobis idem, quod Socrati quondam apud Platonem contigit; cum enim ex ipso quæreretur, unde tam insolitas opiniones hausisset? Respondit: *Sentio mihi pectus plenum iis, quæ præclare dici possunt, & hoc solum scio, tam fecunda dogmata ex me ipso, fundo sterili non germinasse.*

Altera ratio, cur diversitas cognosci, non tamen explicari possit, assignata à me est, quia principia diversitatis constitutiva tantum confuse cognoscuntur; omne enim confusum quandam infiniti speciem habet, quod nec numerando exhaustiri, nec intelligendo comprehendi possit; sic dum astra cœli libero oculo indoctus contemplatur, ob eorum confusam notitiam innumera esse existimat, & ea à se numerari posse prorsus desperat; dum interim alius Astronomiæ peritus, qui novit stellas in suas constellationes justo ordine redigere, facillimè numerari posse, & vix duo aut tria millia in nostro hemisphærio agnoscit, dum quis exercitum conspicit dis-

sola

solutis ordinibus balantem; multitudinem innumerabilem, sicut arenam, quæ est in littore maris, esse pronuntiat; licet in suas centurias, & chiliadas, & legiones distributus facillimè numerari possit. Idem in sensibus nostris contingit; dum oculus videt vultus hominum diversissimos; principia diversitatis constitutiva sunt color, magnitudo, figura, &c. hæc principia in oculo ordinatè depinguntur, sed dum intellectus eadem principia seorsim considerare incipit, nascitur ingens eorundem principiorum in intellectu confusio, sicque amisso ordine nescit intellectus, in quo consistat rerum visarum inter se diversitas, licet sciat, se obtutu simplici considerando rerum diversitatem cognoscere evidenter.

Jam harum duarum rationum alteram, vel ambas in dijudicando Authorum stilo locum habere. ostendo. Quando vir indifferens, & exercitatus attentè legit duos libros, sinè dubio singulas utriusque libri propositiones attentè considerat; considerat proin attentè materiam, inventionem, affectum, vocum proprietatem, phrasin, eruditionem, tropos, figuras, numeros, gravitatem dicentis, & singula, quæ Capite 3. & 4. & 5. dixi in stilo Authorum considerari posse, considerat vir exercitatus in momento, sinè ulla reflexione ad regulas, sinè ullo labore, quia dum species propositionum singularum animo imprimuntur, ultrò in sereno intellectu similitudo, aut dissimilitudo illarum specierum cum aliis quibuscunque speciebus antecederet impressis, & in animo existentibus, cum quibus aliquam relationem habere possunt, panditur, sicut similitudo aut dissimilitudo rerum infinitarum orto Sole ultrò sinè labore ab oculo cernitur. Itaque, postquam species singularum

propositionum utriusque libri, quem vir ille legit, ad animum delata sunt, statim agnoscit, hanc vel illam propositionem habere similitudinem cum aliis propositionibus antecedenter in animo existentibus quoad materiam, quoad acumen, quoad affectus, quoad proprietatem aut improprietatem vocum, quoad phrasin, quoad numeros &c. sicque secundo per singulas duorum librorum propositiones agnoscit singularum propositionum inter se, vel cum aliis tertiis similitudinem, aut dissimilitudinem, & ad finem libri dicere poterit, hos duos libros esse similes vel dissimiles inter se, licet non possit dicere, in quo illa similitudo, aut dissimilitudo consistat, quia nempe ipsas propositiones jam oblitus est, aut certè tam multiplices singularum propositionum relationes ad tam diversos relationis terminos tantum confusè id est, sine ordine, quamvis distinctè ac clarè cognoscit.

Dico præfata omnia necessariò contingere in animo viri indifferentis, & exercitati, adeoque etiam in eodem animo necessariò consequitur iudicium legitimis principiis vix unquam fallentibus nixum de similitudine aut dissimilitudine illi. Q.E.D.

**REGULA 2.** *Similitudo aut dissimilitudo filii dependet ex combinatione Elementorum filium diversificantium.* Per Elementa stilum diversificantia intelligo omnia, quæ C. 3. 4. & 5. enumeravi, videlicet materiam, inventionem, affectus, voces, phrasin, particulas, figurat, eruditionem, numeros &c. ubi bene notandum est, ad hæc Elementa non pertinere ea, quæ sunt omnibus Authoribus communia, ut sunt voces ab omnibus Scriptoribus in eadem materia atque occasione usitata; hoc tamen non obstante pertinere ad hæc Elementa habitus quosdam.

Jam ac consuetudines Authorum particular-  
res, non omnibus Authoribus communes,  
dum verbi gratia aliquis Scriptor consuetu-  
dinem habet, ferè semper utendi eadem  
phrasi, eodem verbo, eodem tempore &c.  
dum interim alii Authores variare solent,  
utendo synonymis hinc inde diversis. Insu-  
per notandum, ad Elementa stilum diversi-  
ficantia non tantum referri ea, quæ sunt uni  
tantum Authori singulari, sed omnia ea,  
quæ non sunt omnibus Authoribus com-  
munia, licet multis aliis Authoribus com-  
munia sint; quia tale Elementum jam suffi-  
ciens est ad fundandam diversitatem cum illis  
saltem Authoribus, qui tali Elemento in  
eadem occasione ac materia constanter nun-  
quam uti solent. Jam similitudinem aut  
dissimilitudinem stili ex combinatione ta-  
lium Elementorum inter se dependere, o-  
stendo. Ponam tantum octo Elementa sti-  
lum diversificantia 1. Inventionis acumen.  
2. Vim movendi affectus. 3. Vocum pro-  
prietatem. 4. Phrasim elegantiam. 5. Figu-  
rarum pulchritudinem. 6. Troporum lu-  
cem. 7. Eruditionis copiam. 8. Nume-  
rorum harmoniam. Dico: si hæc octo E-  
lementa diversimodè inter se permisceant-  
tur, prodituros stilos inter se diversos du-  
centos quinquaginta quinque, ut ex regu-  
lis combinationis liquet, ex quibus con-  
stat, numerum combinationum possibilium æ-  
qualem esse producto binarii, toties positi &  
multiplicati in se, quot sunt data res, uni-  
tate tamen imminuto. Potest enim fieri, ut  
unus Author emineat in inventione tantum.

*Alter in affectibus.*

*Tertius in proprietate vocum.*

*Quartus in phrasibus,*

*Quintus*



*Quintus* in figuris.*Sextus* in tropis.*Septimus* in eruditione.*Octavus* in numeris.*Nonus* simul in inventione & affectibus.*Decimus* in inventione, & proprietate vocum.*Undecimus* in inventione, & phrasibus.*Duodecimus* in inventione & figuris.

13as. in 1. &amp; 6.

14 in 1. &amp; 7.

15 in 1. &amp; 8.

16 in 2. &amp; 3.

17 in 2. &amp; 4.

18 in 2. &amp; 5.

19 in 2. &amp; 6.

20 in 2. &amp; 7.

21 in 2. &amp; 8.

Et sic pergendo usque ad 255. semper erit diversus stilus, præcisè ob diversam Elementorum inter se combinationem. Itaque clarum, est diversitatem stili dependere ex diversa combinatione Elementorum stilum diversificantium. Q. E. D.

**REGULA 3.** Longè plures sunt possibiles diversitates in Authorum stilo, quàm caperent. Univerſa omnia arenulas minutissimas, etiamſi Deus crearet tot universa, quot arenulas capit totum istud nostrum universum complectens. cælum & terram. Demonstratur. Capite 3. 4. & 5. ostensum est dari plùs quàm triginta Elementa stilum diversificantia; in singulis Elementis ostensum est, dari adhuc plures modos stilum diversificantes, & si omnes illi modi addantur; facient plùs quàm ducenta Elementa stilum diversificantia: si insuper accipiantur in particulari singulæ voces rariores, phrasæ selectio-



nem. Adeoque inter illa duo opuscula ultra hunc millionem diversitatum possibilium fuissent adhuc possibles diversitates.

8000000 | 0000000 | 0000000 | 0000000 | 0000000 |  
0000000. Quorum tamen nulla contigit. Est autem moraliter impossibile, ut ex tot millionibus diversitatum possibilium inter duos Authores contingenter ne quidem una contingat, aut ut ulla humana providentia, imitatione, studio, communi instructione, aut consuetudine mutua tam infinitæ propemodum occasiones dissimilitudinis præcaveantur, ac declinentur, nisi quis de industria alterum Authorem etiam quoad vitia, & omnes prorsus modos elocutionis, & cognitionis exscribere velit; Ergo etiam est moraliter impossibile, ut duo opuscula præfata non habeant eundem Authorem. Antecedens demonstratur ex *Legibus Contingentium*, quæ non procedunt uniformiter. verbi gratia Si duo homines haberent in manu mille aleas, ex quarum jactu possibles essent casus plûs quàm

8000000 | 0000000 | 0000000 | 0000000 | 0000000 |  
0000000. Quilibet agnosceret, moraliter impossibile esse, ut ambo jacerent statim prima vice eundem numerum: namque ex hac impossibilitate dicimus; si viginti quatuor litteræ alphabeti contingenter projicerentur, nunquam tamen proventuram Iliadem Homeri, aut si Atomî per totam æternitatem perpetuo motu agitentur, nunquam eas tam ordinatam combinationem qualis est in hoc mundo, effecturas: Itaque si duo Authores possunt in tot milliones dissimilitudinum incidere, impossibile est, ut non frequenter in eas incidant.

Dices:

Dices : Virum doctum præcavere posse, ne in ullam dissimilitudinem cum altero Authore incidat. Sed hoc dici non posse, demonstro ; tot milliones dissimilitudinum possibilium à nullius hominis intellectu cognosci possunt : ergo multò minus præcaveri. Antecedens demonstro : si homo centum annis viveret , & singulis diebus decem horas impenderet cognoscendis omnibus dissimilitudinibus possibilibus , & singulis minutis centum novas semper possibiles dissimilitudines retereret , tamen intra centum annos non detegeret & cognosceret plures dissimilitudines possibiles , quàm 2190000000. adeoque ex omnibus possibilibus dissimilitudinibus 200000001 0000001 0000000 1 0000000 1 0000009 1 0000000 respectivè adhuc vix unicam intra centum annos cognosceret. Impossibile ergo est , ut homo sua providentia præcavere possit tot possibiles diversitates inter se , & alios Authores.

Dices 2. Facile esse , ut quis imitetur 128. Elementa stilum diversificantia , quæ quis in altero Authore reperit , maximè si se continua lectione in altero Authore exerceat , vel cum in Magistrum , aut socium habeat , aut si diligenter omnes alterius Authoris argumenta , affectus , voces , phrasas , figuras &c. notet . Atqui imitando illa 128. Elementa copioso evitabit omnes dissimilitudines ex combinatione talium Elementorum provenientes , quia omnis possibilis dissimilitudo tantum consistit in omissione unius vel alterius Elementi . Poterit etiam quis ad singulas propositiones se examinare , an non omiserit unum ex illis 128. Elementis , ut certus sit , per decursum operis nullum illorum Elementorum ulibi data opportunitate omisisse . Respondeo ;  
Con-

Concessa Majore ; negando Minorem , & oppositum clarè demonstrando . Ponamus , quòd aliquis se diligenter exerceat in lectione Ciceronis , & quòd diligenter in illo observet omnia illa stili principia , in quibus Cicero- nem ab aliis Oratoribus differre , deficere , aut eminere existimat , quod utique facillè fieri posse concesserim : ponamus omnia illa diversitatis puncta , quibus Cicero- nem modò ab hoc , modò ab illo Oratore differre existi- mat , sint 128. si talis postea in suis Ora- tionibus omnia illa 128. puncta observare vo- luerit , id sibi impossibile fore , seque Cice- roni parem esse non posse experientia doctus sentiet . Cur autem hoc impossibile sit , hæc est ratio ; quia ne ipse quidem Cicero illa 128. puncta ubique in omni loco , in omni pro- positione , in omni periodo , in omni oratio- ne , aut materia simul ac semel observat , sed eadem pro opportunitate diversissimè combinat ; combinationes illæ sunt innume- ræ possibiles , ut ostensum est , videlicet pos- sibles 8000000 1000000 1000000 1000000 1000000 1000000 hæc ne minima quidem sui parte cognosci possunt , ut ostensum est ; adeoque præcaveri non possunt ; ut patet ; adeoque Orationi nostræ se hinc inde immi- scent combinationes à Ciceronianis diversis- simæ ; ut ex *Legibus contingentium* ostensum est ; adeoque cum illis 128. punctis , in qui- bus nitimur Cicero- nem imitari , commiscen- tur non tantum viginti , sed centum , aut mille alia Elementa stilum diversificantia , in quibus à Cicerone differimus , utendo hinc inde combinatione , qua Cicero usus non esset : adeoque quocunque adhibito imitan- di studio nunquam perveniemus ad casum in Regula 4. positum , quo unus Author ab altero in 128. Elementis stilum diversifi- cantibus convenit , & ab eodem tantum  
in

*Explicata & Demonstr. Pars VII.* 547  
in viginti Elementa differre invenitur . Q.  
E. D.

Dices 3. Multi possunt assignari Authores Oratores ; Patres , Theologi , Philosophi , Ascetæ , ac maximè Historici , qui conveniunt in 128. punctis stilum diversificantibus , & vix in viginti talibus Elementis disconveniunt ; Ergo hæc regula non bene probat , in tali positioe , Authores eodẽ fore . Respondeo ; antecedens omnino falsum esse , per experientiam comprobari : hoc quidem verum est , quodd aliquando parum in stilo disconveniant , & quodd vix viginti Elementa , in quibus hi Authores differant , possint designari ; sed quodd ii Authores simul conveniant in 128. Elementis stilum diversificantibus , omnino falsum est . Tales Authores , qui tantopere conveniunt , utuntur Elementis linguæ Latinæ receptis , & apud omnes ; aut plerosque Authores usu quotidiano tritis ; non autem utuntur Elementis stilum diversificantibus , seu talibus , quæ non sunt in usu quotidiano , aut plerisque Authoribus communi ; aut si quandoque talia Elementa immisceant , ea non ascendunt ad tantum numerum , sed intra digitos , quibus numerari possunt , plerumque consistunt . Itaque apud eos Authores non habet locum illa quasi infinitudo dissimilitudinum , in quas ex diversis combinationibus incidere possunt ; adeoque etiam non pertinent ad easum in Regula 4. allegatum .

5. REGULA 5. Quando in duobus libris reperitur prorsus similis collectio proprietatum individuantium , quarum combinatio vix possit , aut unquam soleat provenire à circumstantiis duos illos libros comprehendentibus , moraliter certum est , duos illos libros habere eundem Authorem . Pro explicatione & probatione hujus Regulæ observa , per collectio-

Etia

*tionem proprietatum individuantium me intelligere collectionem omnium accidentium, quibus unus Author solet differre ab altero. v. g. dum Cicero de Crasso dicit: Enat summa in eo gravitas, erat cum gravitate junctus facetiarum & Urbanitatis Oratorius, non scurilis lepos, latine loquendi accurata, & sine molestia diligens elegantia; in differendo mira explicatio; cum de jure, cum de equo & bono disputaretur, argumentorum & similitudinum copia. Quid in jure verum esset, erat peracutus ad excogitandum, & cum summa brevitate mirabiliter aptus. Collectio omnium horum accidentium, qua Cicero Crassum ab aliis Oratoribus distinguit, voco Collectionem proprietatum individuantium. Jam quando Collectio seu Combinatio talium proprietatum reperitur in duobus Authoribus, aut libris, aut opusculis eadem, hoc provenire potest à variis circumstantiis, videlicet vel ex eo, quod ambo Authores habuerint eundem Magistrum, vel quod in eadem Societate, Academia, aut familiariter vixerint, vel quod unus assidue se in alterius scriptis legendo exercuerit, aut omnino eum imitari studuerit in stilo, aut studiosè similitudinem scriptionum ad alios fallendos effinxerit. Dico ergo, quando ex omnibus his circumstantiis, in quibus fata talium librorum comprehendi possunt, nulla omnino potens est, producere talem ac tantam combinationem in duobus Authoribus eandem ac similem; ex tali collectione proprietatum inferri posse, duos illos libros ad eundem Authorem referri oportere. Res est per se clara, nec jam ulteriori probatione indiget: Hoc solum nota, me posthac praefatas circumstantias vocaturum *Circumstantias Assimilantes*.*

• **REGULA 6.** Quando in duobus libris reperitur similis collectio proprietatum individuantium, tanto certius attribuendi sunt uni Authori, quo tales proprietates individuantes sunt plures, & quæ singulæ sunt paucioribus Authoribus communes, & quo major totius collectionis pars in nullo alio Authore reperitur, & quo totius collectionis aliquotæ partes sunt paucioribus Authoribus communes, & quo circumstantiæ Assimilantes sunt debiliores. Pro explicatione sumamus exemplum Crassi, in quo Cicero ponit 10. proprietates individuantes. 1. Summam gravitatem. 2. Facetiarum. 3. Urbanitatis non scurrilem leporem. 4. Elegantiam accuratè loquendi Latine. 5. Facilitatem sic loquendi sine molestia. 6. In differendo miram explicationem. 7. Copiam argumentorum de jure. 8. Maximè copiam similitudinum. 9. Acumen in excogitando. 10. Summam brevitatem. Ponamus Collectionem harum proprietatum reperiri in aliqua Oratione, de qua dubium est, an sit Crassi, vel Ciceronis, aut alterius Oratoris. Dico nos attendere debere. 1. Quotnam sint hæ proprietates? si enim multæ sunt, sine dubio difficilius est, ut alius Author in tot proprietatibus cum Crasso conveniat; si autem paucæ sunt; facilius est, ut eas etiam alius Orator assequatur. 2. An singulæ proprietates multis aliis, an paucis Oratoribus conveniant? v. g. an multis conveniat summa gravitas, aut summa brevitates? si enim singulæ proprietates multis aliis Authoribus conveniunt, mirum non est, quod repertus aliquando fuerit aliquis Orator, qui in sua Oratione omnes decem Crassi proprietates collegerit. Si verò singulæ proprietates vel ob sui difficultatem, vel ob  
sui



sui raritatem paucis tantum Oratoribus communes sunt, difficile omnino, & mirum profectò esset, si alius quispiam Oratorum simul ac semel in proprietates tam raras, ac difficiles in una oratione incidisset. 3. Attendi debet, an ista proprietatum collectio adeò rara sit, ut ne quidem sex, septem, octo, aut novem simul ac semel in alio Oratore occurrant, ac monstrari possint; si enim ne quidem sex talium proprietatum collectio in alio Authore facilis est, multò difficilior erit collectio septem, octo, novem, aut omnino decem talium proprietatum collectio. Si autem talium proprietatum collectio in alijs Authoribus, aut etiam multis reperitur, nec mirum, nec difficile est, si aliquando aliquis Oratorum repertus fuerit, qui collectioni novem proprietatum sibi consuetae etiam decimam proprietatem addiderit. Adeoque 4. attendi debet, an aliquotae totius Collectionis partes, puta collectio quinque v. g. proprietatum, collectio sex talium proprietatum, collectio septem, octo, aut novem talium proprietatum (quae omnes collectiones sunt partes aliquotae collectionis totius denariae) reperiantur in multis alijs, an in paucis Authoribus, ob hanc rationem, quia facilius est, ut è multis Authoribus, quorum quilibet habet collectionem proprietatum Collectioni Crassianae propinquam, aliquando unus contingenter ad eam collectionem pertingat, quam ut è duobus aut tribus talibus Authoribus eò pertingat: nam in prima positione duobus aut tribus eò non pertinentibus residua adhuc est spes, reliquos eò perventuros. 5. Attendi debet, an alter Author, cui adscribitur Oratio Orationibus Crassianis consimilis, fuerit in iis circumstantiis, in quibus

bus de facili Crassum imitari ; aut assequi potuerit ? Si enim illæ circumstantiæ sunt aded debiles, ut tali Authori non potuerint imprimere ideas Crassianas, aut si fuerint tales, ut Authori simul inspirarint ac impresserint ideas à Crassianis diversas, non est verosimile, hunc Authorem affecutum esse similitudinem cum Crasso, sed Orationem omnino Crasso adscribendam esse. Vera est itaque Regula, quòd ad omnia ista puncta attendi debeat, si judicare volumus, quo probabilitatis aut cettitudinis gradu partus huic vel illi adscribendus sit.

**REGULA 7.** *Quando in duobus libris est una mens, una lingua, & una casuum prope infinitarum possibiliter diversificantium harmonia, strictè moraliter certum est, unum esse horum librorum Authorem.* Pro explicatione nota, me per Mentem hoc loco intelligere statum mentis quoad memoriam, intellectum, & voluntatem ; una memoria est, quæ eandem complectitur scientias, artes, historias, objecta, ad quæ frequenter partim alludendo, partim differendo respicit. Idem intellectus est, qui habet idem acumen in exco- gitando, eandem idearum copiam in com- parando, exornando, comprehendendo ; eandem vastitatem, omnes objecti circum- stantias, adjuncta, relationes, anteceden- tia, & consequentia, connexiones, causas efficientem, materialem, formalem, fina- lem, ac partes rei constitutivas compre- hendendo ; eandem soliditatem in discurren- do, ac modum in cogitando, eundem ordi- nem in connectendo conclusiones, supposi- ta, argumenta, causales propositiones, in- cidentes propositiones, modales proposi- tiones, eandem methodum, idem systema do- ctrinæ &c. eandem voluntatem voco, cujus iidem fines, eadem mèdia, eadem motiva,  
— iidem

iidem affectus, eadem consilia, eadem ob-  
jecta, & eadem tendentiæ, nec deficiendo in  
ullo, nec excedendo.

Eandem linguam eundem modum loquen-  
di, cujus constitutiva C. 3. 4. & 5. enumera-  
vi. Harmoniam denique casuum possibiliter  
diversificantium prope infinitorum voco con-  
venientiam in innumeris casibus, in quibus  
posset dari diversitas, ex combinatione Ele-  
mentorum stilum diversificantium emergens;  
ut enim Regula 4. ostensum est, nulla hu-  
mana providentia, aut imitatio se extendit  
ad casus tam innumeros; imitari tantum  
possumus in iis, quæ cognoscimus, non ve-  
rò in iis, de quibus non cogitamus. Itaque  
quando omnia constitutiva mentis, linguæ,  
& harmoniæ similia sunt, quando se mutuò  
exhauriunt, quando se, ut termino Geome-  
trico utar, *mutuò tegunt*. dubium esse non  
debet, eam convenientiam ab eodem Au-  
thore, tanquam principio univoco, profici-  
sci; quia causæ operantes liberè, quæ nullo  
principio per se ordinato ad effectum unifor-  
mem ad similem operationem adiguntur, in  
innumeris circumstantiis & casibus non ope-  
rantur uniformiter.

**REGULA 8.** *Si quis arte, imitatione.  
aut studio, voluerit alterius stilum assequi,  
omni suo studio non poterit attendere ad multo  
plus, quàm millionem casuum stilum diversifi-  
cantium, in quibus proin, si presentissimam  
habet memoriam, poterit vitare dissimilitudi-  
nem, & assequi similitudinem. Demonstra-  
tur. Nullus hominum poterit ad plures casus  
stilum diversificantes attendere, quàm pos-  
sit intra quinquaginta annos propositiones le-  
gere, si singulis diebus decem horas lectioni  
impenderet, atqui intra tot annos, & tot  
horas nullus hominum poterit legere bimil-  
lionem propositionum, etiamsi singulis tertis  
minu-*

minutis legeret unam propositionem, adeoque intra horam 21600. propositiones, quod utique est nimium concedere. Verum hoc ostendo. 50. anni habent 18250. dies. tot dies, si singuli habeant decem pro lectione horas, coninebunt horas 182500. tot horæ continent minuta prima 10950000. Minuta secunda 657000000. Minuta tertia 39420000000. Qui ultimus numerus nondum habet dimidium, imò ne vigesimam partem unius billionis. Adeoque verum est, hominem, si per 50. annos ad nihil aliud attenderet, quàm ad casus stilum diversificantes, non attendere posse ad multò plus quàm millionem. Heu! quantillum est humanæ scientiæ!

**REGULA 9.** *Omnis humana exercitatio non sufficit ad evitandas dissimilitudines possibiles cum alio Autore, quæ dependent à naturali vel acquisita habitudine memoriæ, intellectus & voluntatis, sed tantum valet ad evitandas dissimilitudines vocum, phrasum, & numerorum, Ad reliquas verò dissimilitudines nihil proficit ea exercitatio, quàm ut simplici intuitu cognoscantur.* verb. gr. Ponamus aliquem Oratorem, qui se continuò exerceat in scriptis Ciceronis, qui eo etiam Magistro utatur, ipsum loquentem audiat, & eodem familiariter quotidiana conversatione utatur. Dico: hoc quidem fieri posse, ut omnes Ciceronis voces, phrasas, particulares, & numeros non tantum periodorum, sed etiam integrarum Orationum perfectè addiscat; quia omnia hæc finita sunt, nec excedunt numerum aliquot millium, quæ utique memoria comprehendendi possunt. Sed ea exercitatio non tribuit ordinem verborum à naturali, vel acquisita capacite mentis dependentem. In ordine & combinatione verborum relucet acumen ingenii, ma-

serenitas iudicii, affectuum promptitudo, reneritudo, conversio, copia, fervor, moderatio; claritas intellectus, copia idearum, vastitas eruditionis, prudentia consilii, comprehensio objecti, ordo cognitionis; suavitas in persuadendo, vis in convincendo, & innumerę virtutes animi, quę per verba loquentis significantur, & quę orationi suam formam, id est, ordinem verborum & conceptuum tribuunt. Poterit ergo fieri, ut talis aliquis studiosus imitator Tullii omnia Ciceronis verba, phrasas, & numeros exprimat; poterit etiam fieri, ut, si serenum intellectum habeat, videat simul ac semel simplici intuitu integras miliones diversitatum inter suam & Tullii Orationem, earum videlicet diversitatum, quę à dispositione animi profluunt; sed, quia has innumeras diversitates tantum confusè intuetur, aut certè non habet tempus omnes seorsim ac distinctè considerandi, ideo etiam non habet possibilitatem eas evitandi. Poterit talis de sua Oratione dicere, quod vulpes dicitur de statua dixisse; *Huic homini aliquid deest*. Deest enim verò Orationi anima, ac cerebrum Ciceronis, deest *aliquid nescio quid*, seu complexum ex infinitis propemodum combinationibus idearum ac verborum à dispositione intricatissima animi dependentibus.

**REGULA 10.** *Quando duo soli libri conveniunt in innumeris vocibus, phrasibus, ac numeris prorsus extraordinariis, quarum collectionis vix vigesima pars in ullo alio libro occurrit, moraliter certum est, hos libros habere eundem Authorem.* verb. gratia Dentur duo libri, in quorum utrolibet reperiantur tales voces, ac phrasas rarę, centum quarum singulę sint minus usitatę, aut omni-

nino

nino à paucissimis vel nullis aliis Authoribus receptæ: ponamus etiam, vix quinque tales phrasés, id est, vigesimam partem, in alio ullo eodem Authore reperiri. Dico: esse moraliter certum, hanc convenientiam vocum & phrasium tam singularium non provenire ex imitatione, qua unus Author studuit imitari alterum; neque etiam eam factam esse fortuitò, adeoque necessariò provenire ab uno principio, ab uno Authore. Quòd ea convenientia non fuit fortuitò, patet ex *Legibus Contingentium*, quia *Contingentia non procedunt uniformiter*. Quòd non proveniat ex imitatione, lectione, aut familiaritate continua; probatur. Quando voces ac phrasés tam extraordinariæ bonæ sunt, nunquam aut vix unquam solet contingere, ut non inveniant plures imitatores, & usurpatores, quàm unum tantum. Si phrasés sint exorbitantes à puritate linguæ latinæ, & nulla prorsus imitatione dignæ, moraliter impossibile est, ut imitatore[m] inveniant, qui omnes illos errores aut non cognoscat, aut si cognoscat, velit imitari: quòd impossibile moraliter, ut quis cujusdam Authoris errores prorsus singulares, & in aliis Authoribus non prius non cognoscat, ex hoc ostenditur, quia nemo est, qui non legat plures libros, adeoque nemo est, qui non advertat alias in his aliis libris phrasés ac voces, sicque de dissimilitudine toties admonitus non subin unam vel alteram phrasin corruptam ex his aliis libris corrigat, ac corrigendo jam sufficientem diversitatem inter se, & suam, cui tantopere se addixit, corruptum Authorem introducat. Potest etiam sic probari. Nemo est, qui non legat plures libros partim bonos, partim malos; ergo omnes illi libri habent

vim imprimendi suas phrasas, voces, ac ideas in animum legentis; Ergo contingenter fieri necesse est, ut in animum legentis modò imprimantur phrasas hujus libri, modò phrasas alterius libri, quia *Contingentia non procedunt uniformiter*; neque etiam datur ulla incapacitas, aut contrarietas in animo legentis, ad non recipiendas phrasas aliorum librorum. Si itaque in animo ac memoria legentis impressæ sunt diversæ phrasas, ac voces circa idem objectum partim bonæ partim malæ, impossibile est; ut recurrente occasione loquendi non subin redeant phrasas bonæ & malæ in memoriam; impossibile etiam est juxta leges contingentium, ut constanter quis aut fortuito; aut de industria apprehendat phrasas ac voces malas. Fortuito hoc fieri nequit, quia in innumeris casibus contingentia non procedunt uniformiter. De industria hoc etiam fieri nequit, quia nemo sciens eligit constanter malum. Certum ergo est moraliter, convenientiam in phrasibus & vocibus extraordinariis perpetuam non esse imitationis, sed primæ inventionis unius Authoris, qui acquisito semel fingendi, ac derivandi novas voces habitu in torrentem talium vocum ac phrasum diffluit. Potest etiam fieri, ut plures homines habeant talem novandi habitum, sed quilibet de novo inveniet novas voces, non imitabitur alienas; quia habitus ille non est habitus imitandi, qualis nulus datur, ut ostensum est, sed habitus novandi & inveniendi. Sic itaque

**REGULA II.** *Quando in duobus libris reperitur habitus inveniendi, derivandi, & introducendi novas, inconsul-*

sultas, aut extraordinarias voces, & phrasas; aut receptas ad novum sensum, & Grammaticam novam detorquendi, aut in sensu parum usitato accipiendi, ille habitus, si versatur circa easdem voces & phrasas, non pertinet ad duos Authores, quorum unus imitatur alterum, sed ad unum Authorem. Demonstratio est eadem, quæ in priori Regula 9. quia impossibile est, ut ullus hominum, qui legit plures libros, à quibus suas impressiones recipit, linguam in elocutione dirigentes, constanter unius Authoris vitia innumera omnia aut fortuito, aut deducta opera imitetur; cum impressiones ab aliis libris factæ etiam contingenter, suos quandoque actus potentia locutivæ imprimere necesse sit.

**REGULA 12.** Quanta est improbabilitas, quod quis multos alios Authores præter unum corruptum legerit, & triverit; tanta est improbabilitas, quod quis alterius Authoris innumera vitia omnia ac singula constanter imitatus fuerit. Demonstratio patet Regula 9. & 10. ubi ostenditur, impossibile esse, ut ex lectione aliorum Authorum quis non subin unum, & alterum vitium ex lectione corrupti Authoris haustum corrigat. Possent etiam ab experientia demonstrari, quia ex tot centum millibus hominum, qui legerunt & constanter triverunt Librum de Imitatione Christi scatentem vitiis quoad puritatem Latinæ linguæ, nullus tamen per tria sæcula hætenus inventus est, qui stilo suo omnia hujus libri vitia expresse- rit, ac imitatus sit; quod autem aut nunquam fit, aut vix unquam fit, est moraliter impossibile; est contra præsum-



358. *Principia Artis Criticæ*  
ptionem in casu dubio; & ejus probabi-

litas necdum est <sup>1</sup> ——— adeoque nulla.  
100000

**REGULA 13.** In praxi poterit adhiberi hæc methodus. 1. Notentur omnia Elementa stilum diversificantia, eaque excerpantur ex ambobus libris, quorum examen instituitur. 2. Quærantur combinationes omnes possibiles Elementorum primi libri, & secundi libri. Modus inveniendi combinationes Regula 2. indicatus est. 3. Ex his his combinationibus detrahantur combinationes Elementorum, quæ jam in aliis Authoribus reperiuntur.

4. Detrahantur etiam ex iisdem combinationibus omnium Elementorum combinationes possibiles eorundem Elementorum, quæ ex circumstantiis assimulantibus provenire possunt.

5. Videatur, quanta sit inter combinationes omnium Elementorum, & combinationes detractas in unam summam congestas proportio; si illæ combinationes hæc ita superent, ut se ad illas habeant, ut

9      1  
— ad — erit moraliter certum libros esse  
10      10  
ejusdem Authoris; si verò se habeat, ut  
8      7      6

———— id præcisè erit probabile. verbi

10 · 10 · 10.  
gratia sint 20. Elementa in utroque libro communia, quæ inter se combinetur. Erunt combinationes inde provenientes 1040400. sint ex his 20. Elementis decem, quæ reperiantur in aliis Authoribus,  
bus,

bus, & iterum alia septem, quæ etiam reperiuntur in aliis Autoribus. Combinationes decennarii sunt 5120. septenarii sunt 640. harum summa est 5760. ea detracta à 1040400. relinquit 1034640. Circumstantiæ affinisantes sint imitatio, lectio, & familiaritas: hæc faciant, ut quis assequatur è viginti Elementis decem; horum decem Elementorum combinationes iterum detrahantur ex residua summa; & residuum erit, 1028880. hoc residuum habet se ad summam omnium combinationum detra-

10880.

Etiam, ut ——— seu ut 102. ad 1. seu ut  
1028880.

10. 1.  
— ad — Adeoque erit certum, unum es-  
10. 10.

se Authorem librorum, de quibus queritur. Dico: Regulam satis propinquè exhibere probabilitatem identitatis inter Authores; Demonstratio patet ex dictis, quia hæc methodus comprehendit ferè omnia in præcedentibus Regulis ad ferendum iustum iudicium requisita.

**REGULA 14.** Quando agitur de abjudicando Authori opere ob diversitatem stili, ea diversitas tanta esse debet, ut aut ferè nunquam, aut saltem communius in eodem Authore non reperiatur. Demonstratur. Omnis præsumptio ac probatio defumitur à communiter contingentibus; Ergo diversitas stili fundat præsumptionem contra identitatem Authorum, ea diversitas talis esse debet, ut communiter non reperiatur in eodem homine, quantumcunque.

que in diversis circumstantiis ætatis, fervoris, audientium, præparationis, applicationis &c. posito.

**REGULA 15.** *Eo gradu probabilitatis constitui potest Authorum diversitas, quo gradu probabilitatis in eodem Authore similis non reperitur stili difformitas.* verbi gratia si vix unquam aliquis Author tanta diversitate stili sibi ipsi dissimilis esse solet, quanta diversitas reperitur inter duos libros: moraliter certum erit, hos duos libros non habere eundem Authorem; &

probabilitas illa erit ut  $\frac{9}{10}$  si verò tantum

ut  $\frac{8}{10}, \frac{7}{10}, \frac{6}{10}$ , contingere solet, Authorem

eundem non esse sibi ipsi tanta diversitate dissimilem, probabilitas quoque, quòd Author utrinque libri idem non sit, tan-

tum erit ut  $\frac{8}{10}, \frac{7}{10}, \frac{6}{10}$ , patet ex Regula 12. & Arte Critica.

**REGULA 16.** *Diversitas stili, quæ etiam in eodem Authore, in diversis circumstantiis stilum diversificantibus, æquè communiter reperiri solet, ac non reperiri, non fundat presumptionem contra identitatem Authoris.* Circumstantias stilum diversificantes voco verbi gratia ætatem, tristitiam, lætitiā, fervorem, diligentem applicationem, auditorium &c. nam aliter loqui solet vir senio gravis, aliter juvenis, aliter post diligentem præparationem & studium, aliter loquens ex tempore,

re, aut scribens calamo cursorio; aliter ad auditorium doctum, aliter ad plebem. Ea ergo stili diversitas, quæ ex his circumstantiis, aut aliis similibus dependet, non probat diversum esse Authorem. Est per se clarum.

**REGULA 17.** *Diversitas stili in casu, quo constat, locum non habere circumstantias stilum diversificantes, probat diversum Authorem. Ratio est, quia diversitas stili non solet habere locum in eodem Authore, nisi detur occasio, seu circumstantia stilum diversificans.*

**REGULA 18.** *Vix unquam in eodem Authore solet reperiri diversitas in habitibus naturalibus vel acquisitis, in systemate doctrinae, in acumine ingenii, propensione affectuum, directione consilii, in vocibus, phrasibus, & ordine doctrinae; adeoque, quando in istis reperitur diversitas, est argumentum probabile, diversum esse Authorem. Patet ab experientia.*

**REGULA 19.** *Diversitas in tropis, figuris, copia argumentorum, similitudinum, numero, eruditione, elegantia, non probat diversitatem Authorum. Ratio est, quia ista diversitas etiam in eodem homine pro diversa applicatione virium, aut pro diversa dispositione loquentis reperiri solet.*

**REGULA 20.** *Diversitas, quæ est contra consuetudines Authoris universaliter ac constanter receptas, & in ipsis circumstantiis alioquin diversificantibus receptas, probat diversitatem Authoris. v. g. constat, Demosthenem habere consuetudinem omittendi Epilogum, & quidem in omni materia, occasione, ac circumstantia. Si ergo detur Oratio cum Epilogo, eaque dubitetur esse*  
De-

Demosthenis, ea diversitas probat, non esse Demosthenis. Quia quod in innumeris circumstantiis & occasionibus non fit, est contra præsumptionem, in casu dubio futurum, aut factum esse.

**R E G U L A 21.** *Diversitas, quæ est contra consuetudinem Authoris nondum traditam & probatam per omnes circumstantias diversificantes, non probat diversitatem Authoris.* Ratio est, quia consuetudo mutabilis non est character Authoris, qui eum distinguat à non habente consuetudinem, nisi ea mutabilitas tam rara aut difficilis sit, ut vix unquam, aut certè communiùs mutatio non soleat fieri.

Itaque ex dictis patet, facilius esse; probare identitatem Authoris, quàm diversitatem; quia contingere quidem solet, ut idem Author in variis Elementis stilum diversificantibus, à seipso diversus sit: ut autem duo Authores in plurimis Elementis stilum diversificantibus, aliquando, similes sint, res est albo simillima corvo, nulla, inquam, aut certè rara.

O. A. M. D. G.

*Finis Quinti, & ultimi Tomi.*



005652 39





